



BIBLIOTHECA
UNIV. JAGELL.
CRACOVENSIS

35195


kat.komp.

Mag. St. Dr.

P


THEOLOGIA.

N. ~~224~~



35195

~~1114~~ 3. ~~11~~



THESES ASCETICAE

ad mentem

P. N. IGNA TI

in sacris Exercitiis

ROPOSITAE

A. P. Canon. Chroch. Soc. Jesu Theolog.



LUBLINI

Typis R. M. Coll. Soc. Jesu

Anno Domini MDCCCLVI

THESES ASCETICÆ

ad mentem

S. P. N. IGNATII

in sacris Exercitiis

PROPOSITÆ

à P. Cantio Choieckj Soc. JESU Theologo.



L U B L I N I

Typis S. R. M. Coll: Soc: JESU
Annô Domini MDCCLVI.



APPROBATIO

[illegible]

ADALBERTUS STRIN.
HIST. U. J. D. Collo. *coll.*
die Collegia studiorum
et Universitatis

200ms



Re
ciet
quo
ali
KO
cov
na
di
ar
rel
Ces
dea
Dec



APPROBATIO

THeses Asceticas ad mentem S. IGNATII Fundatoris Societatis JESU ab Admodum Reverendo Patre Cantio Choiecki ejusdem Societatis Theologo propositas, à Theologis aliquot revisas, & probatas, ex commissione speciali Celsissimi Principis ANDRÆ STANISLAI KOSTKA in *Zaturskie* ZAŁUSKI Episcopi Cracoviensis, accuratè legi. Et quoniam doctrinæ Ecclesiasticæ & sanctionibus Canonicis non dissonant; quinimo ad formandos mores, ad vitæ probitatem, ad perfectionem christianam, ac religiosam, rectâ, tutâ, planâque viâ ducunt: Censeo dignas, ut ad publicam utilitatem prodeant in lucem. Datum Lublini die 19. Mensis Decembris Annò 1754.

ADALBERTUS STRYKOWSKI U. J. D. Custos Ecclesiæ Collegiatae Lublinensis Parochus Urzędowiensis.

mpp.





THOMAS BACZYNSKI

Societatis JESU, Præpositus

PROVINCIALIS

per Poloniam.

Cum Opus, quod inscribitur, *Theses Asceticae ad mentem S. Patris Nostri*, aliquot ejusdem SOCIETATIS Theologi recognoverint, & in lucem edi posse probaverint, potestate mihi facta ab A.R.P. Nostro IGNATIO Vicecomite Societatis Nostræ Præposito GENERALI, facultatem concedo, ut typis mandetur, si iis, ad quos pertinet, ita videbitur. In cujus fidem, has Literas manu meâ firmatas & sigillò munitas dedi Cracoviæ 29. Aug. 1754.



Idem qui supra



INDEX EXERCITIORUM

Meditatio præparatoria ad Exercitia p. 1.

Lectio præparatoria ad Lectiones spirituales p. 5.

Diei 1mæ.

Meditatio 1ma: de Creatione hominis. p. 14.

Lectio 1ma; de Servitio Divino p. 17.

Meditatio 2da: de fine creationis p. 26.

Reflexio supra Religiosum Creaturarum u-
sum p. 30.

Lectio 2da: de Mediis ordinis Superioris ad fi-
nem creationis p. 35.

Meditatio 3tia: de mediis inferioris ordinis ad
finem creationis p. 44.

Diei 2dæ.

Meditatio 1ma: de Malitia peccati mortalis p. 48.

Lectio 1ma: de proxima peccatorum causa, seu
de tepiditate. p. 53.

Meditatio 2da: de peccato veniali p. 64.

Reflexio supra Confessionem Sacramenta-
lem p. 69.

Lectio 2da: de Pœnitentia p. 75.

Meditatio 3tia: de peccato Religiosi p. 87.

Diei 3tiæ.

Meditatio 1ma: de morte p. 91.

Lectio 1ma: de præparatione ad mortem p. 95.

Meditatio 2da: de Iudicio particulari p. 105.

Reflexio supra Communionem Sacramen-
tem p. 110.

Lectio 2da: de Examine Conscientiæ p. 116.

Meditatio 3tia: de panis Purgatorii p. 124.

Diei 4ta.

Meditatio 1ma de Inferno p. 130.

Lectio 1ma: de Meditatione p. 135.

Meditatio 2da de Iudicio generali p. 145.

Reflexio supra Orationem p. 150.

Lectio 2da: de Oratione p. 156.

Meditatio 3tia: de Æternitate. p. 169.

Diei 5ta.

Meditatio 1ma: de Nativitate Christi p. 173.

Lectio 1ma: de silentio p. 177.

Meditatio 2da: de privata Christi vita p. 188.

Reflexio supra habitudinem ad proximos p. 193.

Lectio 2da: de Conversatione cum proximis p. 197.

Meditatio 3tia: de vita activa Christi p. 206.

Diei 6ta.

Meditatio 1ma de Regno Christi p. 210.

Lectio 1ma. de Humilitate p. 214.

Meditatio 2da. de 3bus classibus sequacium

Christi p. 225.

Reflexio supra habitudinē ad superiores p. 229.

Lectio 2da: de zelo Socii JESU, seu Personæ spiritualis p. 234.

Meditatio 3tia: de duobus vexillis p. 243.

Diei 7ma.

Meditatio 1ma: de Conditionibus Militis Christi p. 248.

6.	Lectio 1ma de Otio	p.	-	252.
4.	Meditatio 2da de triplici ordine Militum			
	Christi	p.	-	262.
	Reflexio supra puritatem	p.		266.
0.	Lectio 2da de mansuetudine	p.	-	271.
5.	Meditatio 3tia: de negligentibus Militi-			
5.	am Christi	p.	-	280.

Diei 8væ.

6.	Meditatio 1ma: de Perfectione operum			
9.	nostrorum	p.	-	285.
	Lectio 1ma de Mortificatione externa	p.		289.
3.	Meditatio 2da de Christi Crucifixione	p.		303.
7.	Reflexio supra virtutes Theologicas	p.		307.
8.	Lectio 2da: de mortificatione interna; seu			
3.	passionum	p.	-	312.
	Meditatio 3tia: de doloribus Deiparæ	p.		324.

Diei 9næ.

6.	Meditatio 1ma: de amore DEI	p.		329.
	Lectio 1ma: de Amore Proximi	p.		334.
0.	Meditatio 2da: de Amore Beatissimæ	p.		345.
4.	Reflexio supra refectionem corporis	p.		349.
	Lectio 2da: de patientia	p.	-	359.
5.	Meditatio 3tia de conformitate cum volun-			
9.	tate DEI	p.	-	372.

Diei 10mæ.

4.	Meditatio 1ma: de Gloria Cælesti	p.	-	377.
3.	Lectio 1ma: de modestia	p.	-	381.
	Meditatio 2da: de triplici ad Cælum via	p.		389.
48.	Reflexio supra somnum & supra mane	p.		392.

Lectio 2da: de perseverantia in bene ca-
ptis p. - - 399.

Meditatio 3tia: Concludens Exercitia p. 407.

Pro Renovatione 1ma, voto- rum, & Spiritûs.

Meditatio 1ma: Anima debet implere, quæ
vovit sponso Christo p. - 412.

Meditatio 2da: de Renovando amore er-
ga sponsum Christum p. - 416.

Meditatio 3tia: de renovanda Imitatione
sponsi Christi p. - 420.

Meditatio 4ta: de non deserendo sponso
Christo p. - 424.

Meditatio 5ta: de renovanda observatio-
ne legum, Christi sponsam concer-
nentium p. - 429.

Meditatio 6ta: de Ornamentis sponsæ
Christi p. - 433.

Pro Renovatione 2da.

Meditatio 1ma: de Conversione Filii Pro-
digi p. - 437.

Meditatio 2da: de misero statu Filii pro-
digi p. - 440.

Meditatio 3tia: de renovandis primitiis spi-
ritûs p. - 444.

Meditatio 4ta: de renovanda Paupertate p. 448.

Meditatio 5ta: de renovanda Castitate p. 451.

Meditatio 6ta: de renovanda obedientia p. 456.





99. 07. 12. 16. 20. 24. 29. 33. 37. 40. 44. 48. 51. 56. MEDITATIO PRÆPARATORIA ad Exercitia.

*Punctum I. Audiam Christum Joan. 7. Queretis me, & non inuenietis. Cogitabo imò: Si Deus non exigeret à me hos aliquot dies, deberent per omnia sanctè transigi; quia id exigat salus mea: quid, dum etiam Deus exigit? 2dò. Si id exigeret sinè meo merito, parendum illi esset; quia dignus est, quia Dominus est, quia Deus est. Quid dum tantillo operi, tanta promittit præmia? 3tò. Si grave quid exigeret, auderemne illi negare, cui me totum debeo? quid, dum tam modicum poscit? an ejus voluntati rebellabo? 4tò. Si non egerem, ut loquatur ad cor meum; deceretne respuere tantæ Majestatis alloquia? quid, dum sinè illis saluari nequeo? Fortè autem decrevit *Osee* 2. minùs aliàs efficaciter loqui ad cor meum, quàm *in solitudine*. 5tò. Si mihi fastidienti alloquia sua, non minaretur pænam; expeditne rejicere tantam gratiam, vocantem me ad salutem? quid, dum intentat pænam? O pænam horribilem, ad quam ambæ aures tiniant!*

A

niant! nempe, si nunc non quæram Deum, deinceps illum non inveniam! Consonat Augustinus: *Qui non vult, quando potest; veniet tempus, quando volet, & non poterit invenire Deum.* Hujus supplicii scio exempla innumera, utinam ipse non sim exemplum. Novi enim, quod judicia Dei circa me sint abyssus multæ: si ipsum nunc non audiam; nescio, an & ipse me audiet: nescio, an amplius loquetur mihi familiariter; quia *non effundit sermonem, ubi non est auditus.* Nescio, an isti sacro recessui non est alligata gratia, sinè qua salvari nequeam.

Punctum II. Audiam Ecclesiasticum C. 5. Non tardes converti ad Dominum. Isti sunt, isti, & forte non alii dies, convertendi me ad Deum. Ergo non tardandum. Nam 1^{mo}. Tot annos misere perdidisti sinè merito: hos jam revocare non possum; ecce tamen supplere possum in hac eremo. Si modò non supplebo, quando supplebo? 2^{do}. Imò tot annos perdidisti in demeritis: nonne jam hora est, me de somno isto surgere? Quousque traham vitam subjectam pænis, & periculo impænitentia? Certè crastinum non est meum; quia ex sensu Augustini & Gregorii: Ille qui veniam promissit pænitentiam agenti, crastinum non promissit pænitentiam differenti. 3^{ro}. Datò, quod mihi promissa sit vita longior; nunquid longæ vitæ promissa venia? 4^{to}. Datò, quod sit promissa,

pu-

putemne damnum, quòd per hoc sanctum otium, maturius expungam debita? *1^{to}*. Si non haberem debita, quæ expungam; quantum damnum esset, negligere adeo tritum & planè iter ad perfectionem; ad cuius utique studium graviter obligor! Quantum damnum, per hæc ipsa opera segniter facta, mereri purgatorium; per quæ alii evadunt purgatorium! *6^{to}* Uti-que salvari volo; ergo maturè videndæ sunt noxæ, amovendæ illarum causæ, providenda remedia. Quod porro fieri nequit, nisi per profundas reflexiones descendam in me ipsum. Rursus istæ reflexiones facile haberi nequeunt, nisi in quiete dierum aliquot.

Punctum III. Audiam Samuelem 1. Reg. 7. *Præparate corda vestra Domino.* Verba, quæ in hac solitudine loquetur ad cor meum Deus, exigunt cor præparatum. Nam nec inter spinas, nec in petra, nec secus viam fructificant; sed in terra bona & exulta. Præparatio hæc consistit *1^{mo}*: in petenda cognitione: quid à me Deus exigit? *2^{do}*: in ardenti desiderio implendi, quod à me Deus exigit. *3^{to}* in provisione mediorum ad superanda impedimenta finis intenti. Impedimenta verò præcipua sunt. *1^{um}*: hebetudo intellectûs, quia brutus, seu animalis homo non percipit ea, quæ sunt Spiritûs Dei. Igitur petam illuminari, & hoc lumen sequar. *2^{dum}*: Duritia cordis, nam: *Qui mentis est dura,*

corruet in malum Prov. 28. Quia mentem duram non facile flectet vox, quasi aura lenis, Divini Spiritus Job. 4. Orabo itaq; Deum, ut, sicut promisit per Propheta, auferat à me cor lapideum. *3^{ti}um*: metus difficultatis in me ipso vincendo. At non nisi vincenti se se, dabitur edere de ligno vitæ. Hoc est (ut explicat Corn. à Lap.) *Fruitio Dei ac aterna vita.* Ad hanc mei victoriam conferet, magnò & liberali animò aggredi & prosequi intentum opus; ut jubet S. Pater, cum firmo proposito, *1^{mo}* assequendi debitam statui meo perfectionem. *2^{do}*: observandi exactè dispositionem temporis & actionum, annotationes & additiones S. Patris. *3^{ti}o*: omnia ferventer agendi, ac si mors immineret; ac si agerem redux è purgatorio, eò pacto, ut per hos dies noxas eluam. Si enim cor meum non erit ardens in me, quando Christus loquetur mihi in hac ad salutem via, brevi frigeſcam: Qui enim in medio igne tepet, extra ignem congelascet. Ergo anima mea, descende ad luctam cum dæmone, carne, mundo. In te figentur oculi totius cæli: vide, ne illos offendas. Spectabunt etiam sæculares, etiam quondam improbi ab oriente & occidente; qui per hæc exercitia meruerunt recumbere cum Abraham & Isaac: vide ne tuam damnent recordiam. Vide & interroga de semitis antiquis, qua sit via bona, & ambula in ea, & invenies refrigerium Jerem. 6. Col.

Colloquiū Loquere Domine, quia auditis servus tuus. Doce me facere voluntatem tuam. Ad verba oris tui paratū cor meum Deus, paratum cor meū. Jube quod vis, & da quod jubes. Jubes mutare vitam? o dextra Excelsi muta me! Jubes ē veterino surgere? o Fons gratiarum excita me, præveniente gratiā! Jubes evellere vitia, virtutes inferere, frangere passionēs? o brachium Domini extentum roborā me! sine te nihil intendere boni, nihil aggredi, nihil prosequi, nihil exequi valeo. Ergo perfice gressus meos in semitis tuis, ad exequendam voluntatem tuam, ad consequendam salutem meā.

Pater. Ave. Anima Christi.

Thom. à Kemp. de amore solitud. lib. I. c. 19. 25.

Tessera. Venite seorsum in desertum locum, & requiescite pusillum Marc. 6.

Surge, qui dormis. & exsurge a mortuis; & illuminabit te Christus Ephes. 5.

Oppidum mihi carcer, & solitudo Paradisus. S. Hieronymus.

LECTIO PRÆPARATORIA

Ad Lectiones Spirituales

I. Illorum, qui pietate pariter pollent, atq; prudentiā; nemo non enixē commendat lectionem sacram. Hieronym: ad Demetriadem: Unum illud tibi nata DEO præq; omnibus unum prædicans, & repetens, iterumq; iterumq; monebo:

ut animum tuum sacre lectionis amore occupes, nec in bona terra pectoris tui, sementem lolii avenarumq; suscipias. Et ad Celantiam: Maximum ad justitiam auxilium est, implere Divinis eloquiis animum, & quod opere exequi cupias, semper corde meditari. Item ad Rusticum Monach: Neutiquam de manu tua, & de oculis tuis recedat liber.

Ejus quanta sit utilitas, ab effectibus declarat Chrysostom: hom: 29. in Gen: 1mò: Primum, inquit, lectione lingua reformatur. Tum quod acquirat cultiorem loquendi modum, tum quod, quæ fuit universitas iniquitatis, evadit schola virtutis; ut constet ex tot exemplis: 2dò Anima pennas assumit, & elevatur ad probitatem & Deum. Lectio convertit Eunuchum act. 8. S. Justinum Martyrem, prout fatetur init: Dialog: contra Triphon; Augustinum, ut ipse perhibet L. 7. Conf. c. 21. Sanctos effecit Ignatium Nostrum Parentem, Philippum Nerium, Theresiam, & alios plerosq; S. Marcellam, & plurimos Romanos ad magnam accendit sanctitatem lectio vitæ S. Antonii M. quam illis attulerat Athanasius, teste Hieronymo. 3tid. Jubare solis Justitia illustratur ad cognoscendum Deum, seipsam, suos defectus, infidias: diaboli, modos vitandi mala, faciendi bona, juvandi proximos, prudenter agendi, loquendi pia. Quantum est, hæc ex aliena penu promerere, ex alienis agris fructum colligere, dicescere:

scere gemmīs alieno sudore natīs, alieno labore partīs, decoctīs, probatīs uti securē!

4^{to} *Insūper, quod ad augendas vires corpori, sensibilis cibus facit; id anima lectio præstat.* Nam ejus vitam, seu gratiam sanctificantem, bonosq; habitus, quasi spiritus vitales infusos tuetur, acquisitos autem roborat, & perficit. 5^{to} *Spirituale alimentum est:* quia spiritum nutrit, auget, reficit, pascit sanctīs instinctibūs, & affectibūs; qui de cælis amplè defluunt in legentem. 6^{to} *Et fortem reddit animam,* ad hostem vincendum, ad agenda pro Deo magna, sustinenda quævis ardua. 7^{mo} *Et constantiorem reddit;* quia perseverantiam inducit, inimicos constantiæ sedat, feroces motus animi, teporem eliminat. 8^{yo} *Et magis Philosophicam reddit;* quia scientiam Sanctorum docet, veras virtutes plantat, radicat, fovet, excitat ad actus. 9^{no} *Non permittens, ut ab affectionibus absurdis capiatur.* 10^{mo} *Sed levem faciens, in Cælum transfert.* Hinc lectionem & orationem aliqui vocant alas duas aquilæ magnæ, Apoc: 12. animæ datas. ut volaret in desertum, seu in cælum.

II. Quanta lectionis ejusdem necessitas! 1^{ma} quidem ex parte nostra. Nam libri pii sunt speculum, in quo videmus nostra vitia, causas eorum, occasiones, ac remedia. Videmus fraudes dæmonis, ac vias, quibus illas effugere possimus. Sunt armamentarium, ex quo

quo promamus omnem armaturam fortium,
 contra hostes animæ. Immo, juxta Chrysoft:
 Conc. 3. de Lazaro: *Ubi fuerint libri spiritua-*
les, illinc expellitur omnis vis diabolica. Sunt my-
 ropolium, ex quo contra morbos animæ hauri-
 mus antidota. Audet enim ibidem asserere
 Chrysoft: *Ipse per se librorum aspectus, segniores nos*
reddat ad peccandum. Quanto magis Lectio?

Proinde, si negligentur, 1^{mo}. non cernimus
 animæ pericula, si non cernimus, non amove-
 mus; si non amovemus, implicamur illis; tandem
 impliciti perimus. 2^{do}. licet ultro nobis ob-
 veniant arma contra hostes, illis nō instruimur;
 nudi cum armatis congregimur, deniq; succū-
 bimus. 3^{ro}. Contra morbos animi caremus
 antidotis; dum caremus, illos non curamus; dū
 nō curamus, invalescunt; postquam invaluerint,
 inducūt mortē. Ideo loco cit. Chrysoft: asseve-
 rat: *Non potest fieri, ut quis salutem assequatur; nisi*
perpetuū versetur in lectione spirituali. Quis audeat
 tanti Doctoris improbare hanc sententiam.

Secunda necessitas hujus lectionis est; ex rati-
 one proximi, quem scilicet tenemur, dum pos-
 sumus, juvare. Ex hac enim discimus ignaros
 instruere, dejectos erigere, solari tristes, iratos
 lenire, diffusos cōercere, frangere superbos,
 accendere tepidos, infirmos distrahare, susti-
 nere labentes, levare lapsos; deniq; pruden-
 ter, christianè, sanctè conversari. Econtrario
 lecti-

lectionis incurius, non se Mercurium exhibet in conversando, sed rudem stipitem. Consonat August: ser: 38. ad Fratr. in eremo: *Quid est homo sine libris? nunquid non bos, vel asinus? nunquid non equus, vel mulus, quibus non est intellectus?* Ex his patet, quàm justè Hieronym: moneat Rusticum epist. 4. *Ex libris discas, quod possis docere; ne prius Magister sis, quàm discipulus.*

III. Quanta sit in lectione spirituali suavitas, S. Aug: audi in Psalm 18. *Sunt, inquit, quedam deliciae sancte in libris, sunt gaudia spiritualia ex Divinis eloquiis scrutatis. Et investigatis; ex dulcedine inventionis, quam præcessit labor inquisitionis.*

IV. Ut autem lectio fructum afferat, hæc observanda sunt.

1^{mo}. Liber placeat, non qui floribus vernet, sed qui fructus proferat: non qui curiosè pascat intellectum, sed qui voluntatem inflammet. Philosophus minus ornatum volvens librum, dixit, se de *fimo gemmas colligere.*

2^{do}. Non aliquis vanus finis, te permoveat ad legendum, sed studium profectus in Spiritu. Aliàs arguet Pythagoras: *Discis, non ut sis, sed ut scias esse. Philosophus, idest probus.*

3^{to}. Præfigenda materia legenda: ne frustra jaculum in auras mittas.

4^{to}. Eligendum tempus lectioni commodū. S. Justinus M. Apol: 2. ad Anton: scribit, quòd in primæva Ecclesia manè legebantur Aposto-
lo-

lorum commentaria. Utriusq; immediati puncti ratio est ex S. Bern: de vit: solit: Certis inquit, horis, certa lectioni vacandum est; fortuita enim lectio & varia, non edificat.

5to. Lectioni præmittere iuvat orationem, per quam Divinam implores opem, ut ex lectione fructum percipias. Ità docet spiritualis vitæ Magistri, uti Hieron: citatus à Nigron: Comment: Reg: l. n. 36.

6to. Profani libri te non avocent à sacris; ne cepas & allia mannae præferas. S. Aug. l. 2. doct. Christ. c. 41. dicit, quòd in Sacris literis abundantius invenies omnia, quàm nusquam alibi. Immo Platonem & alios Philosophos, quidquid habent boni, ex Sacris hausisse libris; perhibent Ambros: August: Clemens: Alex. Tertull: Origen: & alii apud Franc. Mendoza Proem: in lib. Reg. annot. 2. sect. 2.

7mo. ante lectionem procuranda mentis tranquillitas: quia nec àér, nec animus turbidus incalescit.

V. 8vo. Probè mastica, quæ legis. Ezechiel c. 3. Comedere volumen iussus, non glutire. Nani quid prodest lectione perpetua tempus occupare, Sanctorum gesta & scripta transcurrere, nisi ea etiam mastigando, & ruminando succum eliciamus, & transglutiendo, usq; ad cordis intima transmittamus? inquit S. Bern. de mod. oran.

9mo. Occasiones evagationum mentis amputa.

ta. Alioquin cribro aquam hauries. Proinde monet Chrysost. hom. 35. in Gen: Lectioni vacemus magna pietate & attentione; ut possimus à S. Spiritu ad scriptorum intelligentiam duci, & multum inde fructum percipere.

10^{mo}. Expediit non transilire libri capita: horum enim ipsa dispositio quandoq; confert ad profectum. Sicut ordinatus bene ciborum esus ad digestionem. Docet hoc S. Bern. de vit. solit.

11^{mo}. Tædium ac fastidium legendi reprime vivaciter, dicit enim S. Ephrem tr. 1. de vit. Spir. n. 93. Quando te à lectione rerum spiritualium abhorre videris: tunc animam tuam in gravem incidisse morbum, noveris. Ad non tædiosè legendum sic incitat S. Aug. ser. 112. de Temp. Qui vult cum Deo esse, frequenter debet orare, aut legere: nam cum oramus, ipsi cum Deo loquimur, cum vero legimus, Deus nobiscum loquitur. Idem dicunt Ambros. Hieron. Climac. Isid. apud Nigron. l. c.

12^{mo}. Sub lectione mentem ad Deum identidem eleva. S. Birgitta nec ulla spiritualia sine suspiriis, nec Christi Passionem sine lacrymis lectitabat.

13^{to}. Justū lectioni tempus impende. S. Hieronymus ab adolescentia nunquam cessavit legere, aut interrogare, quæ nesciebat; prout affirmat ipse. Præfat. in c. l. Epist. Ephes. Et S.

Ambros. l. 1. Offic. c. 20. quærit: *Cur non illa tempora, quibus ab Ecclesia vacas, lectioni impendas? cur non Christum revisas? Christum alloquaris? Christum audias? Illum alloquimur, cum oramus; illum audimus, cum Divina legimus oracula.* Quare

14to. Etiam ut orationi vaces, lectioni sacræ tempus non surripi. Quia iudiciò Lud. Bloffii spec. c. 10. §. 5. *Si sacra lectioni convenienter intendis; sæpe maiorem fructum refers, quàm si orares.*

15to. Nec te pgeat iterum legere; quæ jam legeras: quia lecta repetere, est resuscitare gratiam Dei, quæ est in nobis; ut Paulus admonerat Timotheum. 2. ad Timot. 2. Nos autem Augustinus docet: *Excitatur devotio nostra, quando ea, quæ licet non ignorantur, recensentur tamen. Tale est ingenium naturæ nostræ, ut torpescat, si usus destiterit lectionis. Quia sicut ferrum, nisi usum fuerit, æruginem contrahit; ita & anima, nisi frequentius Divinis exerceatur lectionibus.*

VI. 16to. Post lectionem congrua proposita statue; ad implendum illa, provide media, efflagita Divinum auxilium. Forsitan hoc intelligit S. Basil. dicens: *Lectioni pia succedat oratio.*

17mo. Age Domino Deo gratias pro doctrina, quam ex lectione percepisti. Illam altius imprimere cordi satage; stude naviter exequi, ac ad praxim deducere. Testatur P. Barri, quòd Religiosus noster moribundus dixerit: *Nil unquam legi, vel audiui de Sanctis; quod aliquoties non*

sim

sim conatus exequi: quantum vita hujus conditio
permitteret.

Adjicio pro coronide senſa P. Scribani. Medic. Relig. L. 3. c. 3. Videmus, inquit, eos, qui
piorum librorum lectionem negligunt; ad minus probatos decurrere, & quibus non raro nocituras flammās hauriunt. Ac interjectis aliquibus, ſubdit: Hinc colloquia naſcuntur parum religioſa, modeſta, caſta; ſeculum & aulam redolentia, alieniſſima ab omni pietate: & totus homo procurrit in hiſtorias, aut veteres, aut nuperas; in narrationes nihil niſi vanitatem loquentes: ut in exilium pulſam credas omnem ſermocinationem religioſam. Sequuntur liberiores cachinni, immoderati riſus; geſtus ſolutior, vox clamorior; diffunditurq; univerſus homo in ſaeculi mores. Contra: quos piorum librorum lectio delectat, paria etiam colloquia & cogitationes delectant; ut in mediis etiam externarum rerum occupationibus, piis cogitationibus paſcantur; facileq; ad illas, in quacunq; etiam ſecularium conſuetudine, deſcendant; utanturq; pro re nata talibus, magnò ſolatio ſuò, magnò aliorum fructu: monendiſq; etiam, & ad optima quæq; impellendis, copioſam in promptu ſupelleſtilem habeant.

Hæc breviter attacta de lectione ſpirituali, poſſunt applicari audiendis concionibus, exhortationibus, catecheſibus, piis colloquiis.

DIEI PRIMÆ
MEDITATIO I.

De Creatione hominis.

Punctum unum. Audiam Moysen Deuter. 32. Nunquid non ipse est Pater tuus, qui possedit te, & fecit, & creavit te? Cogitabo imò: Quid eram, antequam eram? nihil eram; en originem meam, Patriam meam, & genus meum. Cujus vel solius consideratio deberet in animum inducere omnem humiliationem, patientiam, obedientiam, neglectum & contemptum mei. 2dò. Quis ex nihilo me extraxit? Deus optimus. Deo optimo totā omnipotentiam, sapientiā, misericordiā applicuit mihi condendo. Quantum obligatur Regi subditus; quod se de infima sorte provexerit ad summa. Quantum obligor Deo, quod me de nihilo fecit hoc esse, quod sum. Quàm fideliter illi servivit leo, qui de profunda liberavit eum fovea. Quàm fideliter me convenit servire Deo, qui extraxit me de abyssu nihili? 3rdò. Cujus bono me extraxit ex nihilo? non suo bono, sed meo bono; nulla sua necessitate, mera sua bonitate. 4rdò. Extraxit me ex nihilo, videns, quibûs, quantis, quot peccatis Ipsum offensurus eram. 5rdò. Vidit in sua virtute productiva innumeros, qui majus obsequium, laudem, amorem, ei fuissent præstituri: illos abjecit, me produxit, quem vidit ingratum fore. Quomodo ipsi resarciam ista damna. 6td. Ab

ater-

æterno decrevit creare me; adeoq; ab æterno
 adamavit me, quando amorem ejus mereri non
 poteram; imò quando videbat, quòd ipsum nò
 redematurus eram! Quis amicus talis? imò
 quis Parens? O verè, nunquid non ipse est Pater
 meus, qui possedit me, fecit, & creavit me? O quā-
 tum debeo amorem Patri, servitium Possessori,
 subjectionem ac reverentiam Creatori. Erum-
 pam in actus admirationis, gratiarum actionis,
 timoris, amoris, doloris, propositi. Petā gratiā.

Punctum 2dum. Audiam S. Job c. 10. v. 12.
Vitam & misericordiam, tribuisti mihi. Perpen-
 dam effectus misericordiæ Dei in creatione
 mei. 1^{mo}. Dotes animi. 2^{do}. Dotes corpo-
 ris, & sensuum exteriorum. Utinam illis non
 abutar! 3^{to}. Circumstantias loci, temporis,
 personarum, famulatas mihi non solum ad æter-
 nam vitam, sed etiam ad temporalem; imò &
 ad ejus commoda. 4^{to}. Antequam me creâsset,
 tam grandi impendiò, scilicet passione, mor-
 teq; Christi redemit me; ut prius fieri potuis-
 sem hæres Cæli, quàm compos mei, 5^{to}. Or-
 dinavit seriem gratiarum, & mille salutis me-
 dia. 6^{to}. Ordinavit custodem Angelum. Hac-
 tenus quid retribuì Domino pro omnibus, quæ
 retribuit mihi? Heu me! Pro tantis bonis,
 nec tantillum rependi bonum. Immo pro
 tantis bonis, tanta rependi mala! O me ingra-
 tum! Canis non mordet manum, quæ cibum

illi

illi porrigit. Abhinc statuo &c. Petam veniam & gratiam.

Punctum 3tium. Audiam S. Paulum Rom.

12. O homo! tu quis es, ut respondeas Deo? Nunquid dicit figmentum ei, qui se finxit, quid me fecisti sic? an non habet potestatem figulus luti, ex eadem massa facere aliud quidem vas in honorem, aliud in contumeliam? Cogitabo 1mo. Potestne mihi videri gravis infirmitas, contumelia, infamia, contemptus, afflictio, incommodum; si credo, me esse figmentum Dei? an titulô creationis non habet jus disponendi pro libitu de me, ac circa me? Num ei resistam? Persvadebo mihi, me esse vas contumeliæ, adeoq; me subijciam quò ad omnia, etiam adversa maximè, altissimo Dominio Dei, si volo beatè vivere. Illene potest mihi malum velle? imò potestne velle, nisi bonum, qui est ipsa bonitas? Ecce ego Domine! mitte me, sive in prospera sive in adversa, sive in honorem, sive in contumeliam. Profiteor me esse figmentum tuum. Cogitabo 2dò. Creatus sum vas honoris, quia creatus sum ad imaginem Dei. Quid obsecro habent in me loci, imagines bestiarum iracium, invidarum, pigrarum, voracium, ferocium? Heu scelera mea mutaverunt gloriam incorruptibilis Dei, in similitudinem imaginis corruptibilis, hominis, volucrum, quadrupedum, & serpentium Rom. 1. Eraserunt effigiem Dei, ex vase honoris effinxerunt

vas

vas co
invenit

Colo

omnia,

En ego

manu

sti me,

iniquita

tas Tua

Thor

Tell

erunt m

Fec

mem su

Qua

I

Serv

re bon

cens in

perfecta

alienatio

de vera

quàm bo

Hæc de

was contumelia! Erubescam, proponam, media inveniam, petam gratiam.

Colloquium: Benedic anima mea Domino, & omnia, quæ intra me sunt, Nomini sancto ejus. En ego opus manuum Tuarum Domine; opus manuum Tuarum ne despicias, sed qui plasmasti me, miserere mei. Ne perdat me, quæso, iniquitas mea, quem fecit Omnipotens Bonitas Tua.

Pater, Ave, Anima Christi.

Thomæ à Kemp. l. 3. c. 8, 9. 10.

Tellera Manus tuæ fecerunt me, & plasmarunt me totum. Job 10.

Fecit Deus hominem ad imaginem & similitudinem suam. Gen. 1.

Quid est homo, quiddam memor es ejus? Psal. 8.

DIEI PRIMÆ LECTIO PRIMA De Servitio Divino.

Servire DEO, est declinare à malo, & facere bonum. Imam partem affirmat Nissenus dicens in 1. ad Cor. 15. *Servitium Divinum est perfecta, & omni ex parte absoluta ab omni malo alienatio.* 2dam partem affirmat Lactantius L. 3. de vera Sap. cap. 9. *Servire DEO non est aliud, quam bonis operibus tueri & conservare justitiam.* Hæc debet esse totius vitæ nostræ occupatio,

B

hic

hic scopus, ad hunc finem creati sumus.

Unde idem Lactantius loc. cit. *Si quis hominem, qui verè sapit, interroget, cujus rei gratià natus sit? respondebit intrepidus ac paratus: Colendi se DEI gratià natum; qui nos ideo generavit, ut ei serviamus. Ibi proinde redarguit Anaxagoram, quòd responderit: Natum se esse, causâ solis ac calis videndi*

Dum ad serviendum sibi cohortatur Hebræos DEUS, eis mentionem ingerit saepe, quòd illos eduxerit ex Ægypto, ac in libertatem asseruerit: ut tanti beneficii memoriâ moveretur efficacius ad cultum ejus. Nonne majus beneficium est, educi de nihilo; quàm educi de Ægypto? Proinde nonne strictius obligare debet ad serviendum DEO titulus hic, quòd nos creaverit?

Quàm constanter deservit ad omnia soli radius, quòd se produxerit; quàm largè terram fecundat pluvia, quòd inde suam accepit originem! *Hedera*, dicit Balthasar Alvarez de Paz L. 3. p. 3. dec. 9 Contempl 80. *Arborem, quâ sustentatur & in altum erigitur; mille ramis, quasi brachiis adstringit; quia suam ab illa perfectionem & erectionem sumit. Et ecce ratione præditæ creaturæ, non ita se gratas exhibent Creatori. Singulis inculcat illud Isaïæ 43. Omnem, qui invocat nomen meum, in gloriam meam creavi eum, formavi eum & feci eum. Sed aures habent & non audiunt.*

Non

Non solum autem è nihilo, sed etiam è servitute dæmonis educti sumus in libertatem filiorum DEI. Nonne gravior illa servitus est quam Ægyptiaca? At quantò pretiò libertatem istam nobis emit? emit atroci morte Filii sui, quo nihil habet pretiosius. Hòc ille stimulò urget ad serviendum sibi Isaia 43. *Quia redemi te, meus es tu.* Hoc excitat & Paulus I.

Cor. 6. *Empti estis pretiò magnò; glorificate & portate DEUM in corpore vestro.* Græci addunt: *Et in Spiritu vestro.* Quod sic explicat S. Thomas: *Sicut equus portat dominum, & ad ejus voluntatem movetur; ita corpus & Spiritus obsequio DEI emancipetur.* Hòc & Plato stimulò pigrum pungebat servum: *Nòsti te emptum esse: noveris te servum esse.*

Si hujus conditio servilis est, pro quo profusum est aurum vel argentum, hoc est flava, vel alba terra; quantò verius servilis est ejus conditio respectu DEI: pro quo Divinus sanguis est profusus. At finge, quòd aliqua pura creatura, quòd vilis, quòd levì pretiò, te redemit; sed hac lege, ut svave Christi jugum tollas: utiq; tollendum esset. Jam, cùm te redemit ipse DEUS, tam carò, propter se: quidni te illi mancipis in servum? Potesne meliorem herum mancipi?

Servitus hæc omni libertati præstat. Audi Ambrosium L. de Parad. c. 4. *Religiosa servi-*

*tus subdita DEI verbo, multo melior est, quam sa-
culi libertas. Plus ei Philo tribuit Lib. de Che-
rub. Servire DEO, maxima est gloriatio, non mo-
do libertate major; sed & divitiis, & principatu, &
omnibus rebus, quas mortales miramur, pretiosior.
Illam imperiis præfert Cassiodorus inquiring:
Tibi Domine melius est servire, quam mundi regna
capefcere: meritò, quando ex servis filii, ex impijs
iusti, ex captivis reddimur absoluti.*

Prædictos duos titulos colendi DEUM ex-
pendens Augustinus exclamat: Domine, qui ti-
bi non servit, quia à te creatus est; infernū mē-
rit: sed qui non servit tibi, quia redemptus est; me-
retur, ut novus pro illo infernus fiat. Cæterum etiā
nec creāset nos, nec redemisset; adhuc per a-
lia, prorsus innumera beneficia, jus in nos ac-
quisivit omnimodum; Nam qui beneficium acce-
pit, libertatem amisit: Enimverò, quid rationi
magis consonum, quàm animus pro bonis per-
ceptis gratus? hoc quisquis caret, hominem e-
xuisse dicitur. Non aliter autem grati possumus
esse DEO, nisi fideliter, constanter & re-
verenter illi serviendo.

Verum, sit ita, quòd nihil nobis præstiterit,
& præstet boni; ubiq; noster Dominus est &
hæres; in ejus manibus sortes nostræ; habet
claves mortis & inferni, habet potestatem mit-
tere in gehennam. Hinc S. Paulus dum præ-
cipit Hebr. 12. ut DEO serviamus cum metu &

reverentia; rationem dat: *DEUS enim noster ignis consumens est*; nimirum, ut exponit Cornelius: Punit, urit, consumit eos, qui non serviunt illi cum metu & reverentia. Ideo Propheta quoq; monet Psal. 2. *Servite Domino in timore, & exultate ei cum tremore; ne quando irascatur Dominus, & pereatis de via iusta.*

At si nec haeres esset, nec Dominus noster, nec metuendus; omnem ei deberemus reverentiam & obsequium. Nam & viris illustribus inservimus, quod id postulet eorum dignitas; quamvis jus nullum in nos habeant. Ita Ruth servivit Noemi suae Ruth 1. Non est indignum exhibere dignis obsequia. Imo S. Ambrosius censet quod dignitas est servum esse potentis. Quanta ergo dignitas est, servum esse omnipotentis? 2. Omnis quidem servitii, sed vel maxime Divini praecipua proprietas est *timor Domini*, quae scripturae tantopere commendant. Hunc si filialis est, ad Charitatem refert S. Thomas 2.2.q. 19. a. 6. Utpote quem *timorem*, inquit Cassianus Coll. 11. c. non panarum terror, non cupido praemiorum; sed amoris generat magnitudo; quo vel filius indulgentissimum Patrem, vel frater fratrem sollicito reveretur affectu; ne erga se quantulumcunq; fervor dilectionis intepe scat. Proinde sicut ex amore, sic ex timore tali, fluunt proprietates aliae.

Et imprimis fluit impletio Divinae Volunta-

ais, ex qua rursus pleraq; promanant officia
servitii. — Nimis, ait S. Cyprianus De Orat.
Domin. *Humilitas in conversatione, stabilitas in
fide, verecundia in verbis, in factis iustitia, in ope-
ribus misericordia, in moribus disciplina: injuriam
facere non posse & factam posse tolerare; cum fratri-
bus pacem tenere; DEUM toto corde diligere, ama-
re in illo, quod Pater est; timere, quod DEUS est;
Christo nihil omnino preponere; quia nec nobis ille
quidquam preposuit; charitate inseparabiliter adha-
rere; cruci fortiter & fideliter & assistere, quando de
ejus nomine & honore certamen est, exhibere in ser-
mone custodiam, quâ consistemur; in questione fiduci-
am, quâ congregimur; in morte patientiam, quâ co-
ronamur.* Hoc est, voluntatem Patris adimplere.
3. Quod nos à ferventi Divino retrahit obse-
quio, imum est, quod aure surda Divinos ex-
cipimus affatus, seu instinctus. At hos, qui
non audit, audiet illud Isaïæ 65. *Vocavi & non
respondistis mihi; locutus sum, & non audistis: ecce
ululabitis &c.*

2dum: quod vitia radices egerint. At cur ra-
dicata? cur hactenus non evulsa? evelli ne-
queunt, si non incipiant evelli: radicabuntur
altius, si non incipiant mox evelli.

3tium est pusillanimitas. At quantô animô
contra proximum insurgis? imô contra DEUM,
quoties peccas? cur non eodem insurgis ani-
mô contra mundum, carnem, dæmonem? ha-
besne

beſne hiſ imitioſiorem hoſtem? Deinde: Miles es, quid mereberis, ſi tantum animi non habes, ut contigas? athleta es; ſi luctari metuiſ, quomodo coronam ſperas? Ille non niſi, qui vice-rit, non ledetur à morte ſecunda; hoc eſt à peccato, ut Rupertus explicat; vel ab inferni panis; ut explicant communiter alii.

4um Eſt, ætatis vel virium ratio: Ecceur hæc non impedit, quin ſervias diabolo, cujuſ gra- vius eſt iugum, quàm Chriſti? O quot infirmi, pueri, ſenes, damnabunt in iudicio DEI tam ineptam & frivolam cauſam tuam? *5um* Sunt focii perverſi, qui pervertunt: At Sociuſ tuuſ debet eſſe JESUS, cum tu ſiſ. JESU Sociuſ: ver- ſare cum hoc ſancto, & ſanctuſ eriſ. *6um*, ſunt exempla prava. At nec ad ſtatuſ hunc, nec in munduſ veniſti, ut ad alioruſ exempla vivas; ſed ad hoc exemplar, quod tibi mon- ſtratuſ eſt in monte Calvaria. Deinde, ſequi placet exempla prava; cur ſequi diſplicet, exē- pla ſancta?

7um ſunt humani reſpectuſ: At hi reſpe- ctuſ ſunt deſpectuſ DEI; quia DEUM poſtponunt homini. Poſſide omnem æſtimationem & corda hominuſ: quantum hoc tibi prode- rit ad ſalutem? an non oberit? Quicuſq; volu- erit amicuſ eſſe ſæculi hujus, inimicuſ DEI conſti- tuitur. Jac. 4.

IV. Ad hoc ut fideliter DEO ſervias, tot
impric

imprimis sunt media, quot sunt opposita tum allatis modo, tum aliis impedimentis. Efficax item est medium *Tumor DEI*, praesertim filialis. Nam ut ait Chrysostomus Hom. 2. de incompreh. DEI nat. *Qui metuit, non scrutatur; sed colit, observat, adorat, honorat, glorificat, laudat, commendat.* Nec minus efficax est jugis & accurata consideratio principiorum quorundam spiritualium. Ex his, omnibus communia sunt.

1um: Omne cogitatum, dictum, factum aeternum est. *2dum*: Tempus fugit, mors insequitur, mundana transvolant, aeternitas appropinquat. *3tum*: Quam dabit homo commutationem pro anima sua? *4um*: Servus inutilis sum, quod debui facere, feci. *5tum*: Ex R. Achabiaz Considera tria: *1um*, unde venisti? *2dum*: quo vadis? *3tum*: cui redditurus es vitae rationem? Unde venisti? ex materia facta. Quo vadis? ad locum cineris & vermium. Cui reddes rationem? Regi regum, Sancto & benedicto. *6tum*: Non decet sub spinoso capite membrum esse delicatum. *7mum*: Dignus est DEUS, ut propter illum hoc agam, vel patiar; non attingam sublimitatem dignitatis ejus. *8um*: Potuerunt hi & haec, & tu non poteris?

Principia propria Religiosis: *1um*: Ad quid venisti? cur saeculum reliquisti? ad hoc utiq; ut

ut tibi mundus sit crucifixus, & tu mundo:
 zdum. Et Senatorem amisisti, & monachum nō
 fecisti. 3^{ium}. Nemo mittens manum suam ad
 aratrum, & respiciens retro, aptus est regno
 DEI. 4^{um}. Dignè ambuletis vocatione vestra.
 5^{um}. DEUS non irridetur: melius erat ei non
 promittere, quàm promissis non stare. 6^{um}.
 Ego & asinus pares sumus, palex mihi debetur
 & verbera. 7^{um}. Non decet Religiosum
 plebeium esse DEI servum. 8^{um}. Non dege-
 nerandum ab excelsis cogitationibus Patrum
 nostrorum.

Concludat S. Bernardus Serm. 20. in Cant.
 Valde omnino mihi amandus est, per quem sum, vi-
 ro, & sapio. Si non amo, ingratus sum, & indignus.
 Dignus planè est morte, qui tibi Domine recusat
 vivere, & mortuus est. Et qui tibi non sapit, desipit; &
 qui curat esse, nisi propter te, pro nihilo est, & ni-
 hil est. Deniq; quid est homo, nisi quia tu innotuisti
 ei? propter temetipsum DEUS fecisti omnia, & qui
 esse vult sibi, & nō tibi, nihil esse incipit inter omnia.
 DEUM time, & mandata ejus observa; hoc est o-
 mnis homo. Ergo si hoc est omnis homo, absq; hoc
 nihil est omnis homo. Inclina tibi Domine modi-
 cum id, quod me dignatus es esse; atq; de mea mise-
 ra vita suscipe obsecro residuum annorum meorum
 pro his, verò, quos vivendo perdidi, quia perditè vi-
 xit cor contritum & humiliatum DEUS non de-
 spicias.

DIEI PRIMÆ
MEDITATIO II.

De fine Creationis.

Punctum 1mum. Audiam Deum. Isaia 44.
Formavi te, servus meus es tu. Cogitabo 1mò:
 Format opus artifex, servit ipsius usui; forma-
 vit me Deus, illius servus esse teneor. Nam
 licet poterat me non formare, non poterat ta-
 men me formare alio fine, quàm ut servus e-
 jus sim. Quia, ut nihil DEUS non ad suam
 creet gloriam, hoc ejus perfectiones exigunt.
 Cogitabo 2dò: Creari hominem est arborem
 plantari: quæ si fructum non fert, maledicetur.
 Quid, si virulentas baccas pariat? 3tò: Servit
 mercenarius pro denario, & ego non serviam
 pro anima & corpore? 4tò: si alio fine creâs-
 set me Deus, quàm ut ipsi serviam; tenerer u-
 tiq; servire illi: sicut teneor servire Parenti-
 bus, & si non propter illos, sed quia ab illis edi-
 tus sum, nunc autem, cum à Deo, & propter
 Deum creatus sum; cur illi non servior? cur ex-
 cussi jugum ejus, & dixi: non serviam? Dixi
 verò toties, quoties illi non obedivi. Cui
 hactenus servivi? quam ab illo mercedē spero?
 Quanta bonitas tua Deus! quis herus foveret
 famulum sibi prorsus inutilem? tantò magis læ-
 sivum sui, & injurium sibi? Ah Domine pu-
 det me prioris vitæ. Dixi: nunc capi.

Punctum 2dum. Audiam Job Cap. 10. *Manus
 tua*

me fecerunt me & plasmaverunt me totum in circuitu. Cogitabo imò. Si me non produxisset Deus quò ad corpus, sed quò ad solam animam; deberem esse totus Dei: sicut artefactum totum est artificis, licet materiam ejus non produxerit. Cum verò, tam quò ad corpus, quàm quò ad animam à Deo sim; rectè inferam cum Bernardo: Ille me totum sibi exigit, quò totum me fecit. Vx mihi! quia partior me carni & mundo, o quanta hæc injuria legitimi Domini mei! 2da Non solum totum, sed etiam omni momentò producit me Deus; quia omni momentò me conservat: jam autem conservatio est continuata productio; ut ajunt Philosophi. Proinde totum me & omni momentò Deus exigit. 3tia: Non solum totum & continuò me producit, sed & omnia mea, itaq; omnia mea DEI sunt, Dei credita sunt, deposita DEI sunt meæ custodiæ commissa, ad meum lucrum concessa. Hinc horum omnium rationem justè à me exigit. 4ta: Licet autem me totum, & omnia mea exigit; tamen adhuc modicum nimis exigit: nam quantula sunt ista mea omnia? quanta verò pro illis merces! Exigit Deus me, & mea; dat mihi seipsum, & sua; o felix commutatio! Exigit à me unam & alteram diei horam, reliquas donat mihi; & pro hac, quam exigit, hora, æternitatem sanctam rependit. Opera mea resignat meo commodo temporali vel æterno;

terno; sibi ex illis solam vendicat gloriam; & pro hac ipsa gloria, sanè levi, vult me beare totâ Cælesti gloriâ.

Punctum 3^{ium}. Audiam Christum Apoc. I. *Ego sum principium & finis.* Cogitabo imò; Sicut est impossibile, ut Deus non sit principium meū, & actionū mearum: ita impossibile est, ut non sit finis ultimus. *Quia omnia propter semetipsum operatus est* Prov. 16. Quare ideo unicè sum, ut sim totus Dei; si non sum totus Dei, frustra sum, & in vanū accepi animam. 2dò. Consequens est, quòd mearum actionum non est hic scopus, ut perficiam desideria carnis, se-
ctando illecebras, honores, res caducas, fluxas, evanidas, etenim hæc possunt animam irritare, decipere, perturbare, inficere; sed non possunt satiare. Sic de divitiis Bern. ait: *Sicut aer inflare potest, satiare non potest; ita divitiæ tumere possunt, implere non possunt.* Quia cū anima nostra inquit S. Augustinus: sit capax infiniti boni, nequit impleri ullo finito bono. 3^{idò}. Prosequi autem omnibūs actibūs Deum, & simul istas refocillare vanitates, & insanias falsas, an non est, non toto corde amare Deum: sed partiri cor inter Deum & vanitates? an non est, Christum sociare Beliali, arcam Dagoni, lucem tenebris? an non est, tanti habere vanitates, quanti Deum, seu consortem Christi facere diabolum; ut inquit S. Aug. Itaq; anima mea, morem gere S.
An;

Anselmo: *Quid Vagaris per multa? quare unum bonum, quod est omne bonum; & sufficit tibi.* Dispice potentias internas & externas, an non devient à sua meta, hoc est à summo bono; deplora errores, age gratias pro tam sublimi fine tuo; ad quem Caelites, Christus, & ipse Deus tendit.

Colloquium. Næ ego saxo durior, quod tanto nisu fertur ad suum centrum; næ frigidior aquis, quæ tanto impetu rapiuntur ad suum principium; nempe ad mare. O Bonitas! o Dignitas! o Deus! totum me tibi debeo, toto me teneor ad te ferri; & ego totus aberro à te. Tam parum à me exigis, & omnia tibi nego; mundus omnia à me exigit, & nihil ipsi nego; O iniquitas mea! Tu ex his, quæ gratis contulisti, modicum exigis; mundus, quæ conferre nullatenus potest, exigit omnia; tu pro modico, quod exigis, promittis æterna bona; mundus pro omnibus, quæ exigit, promittit æterna mala. Ego mundo offero, quæ non sunt mundi, sed tua: tibi propter mundum eripio, quæ sunt tua. Ut hosti faveam insensibilissimo, Patri amantissimo tantam injuriã infero. O quanta mea Cæcitas! Abhinc in æternum dono tibi totum me, qui totum plasmasti me, ut in æternum amem, reverear, & laudem Te.

Pater. Ave. Anima Christi.

Thom. à Kempis lib. 3. cap. 38.

Tes.

Tessera. Dic, quæso, omnibus istis laboribus, quod ambimus pervenire? quid querimus? cujus rei causâ militamus? majorne esse potest spes nostra in palatio, quàm ut amici simus Imperatoris? & ibi quid non fragile, plenumq; periculis? & quot per pericula pervenitur ad grandius periculum? & quamdiu istud erit? amicus autem Dei, si valuerò, ecce nunc fio. S. Aug. lib. 8. Confes. c. 6.

Vide homo, dicit mundus, quomodo amavit te, quâ propter te fecit me. Servio tibi, quia factus sum propter te; ut servias illi, qui fecit & me, & te, me propter te, & te propter se. Si sentis beneficium, redde debitum; si accipis benignitatem, redde charitatem. Hugo Vict.

REFLEXIO

Supra Religiosum Creaturarum usum.

I. Omnis creatura ingemiscit apud S. Paulum Rom. 8. quod ei vim inferas; dum avertis à fine, quem appetit, ad quem est condita, scilicet à Dei gloria: Convertis autem ad vanos fines, & usus illicitos. Ingemiscit, & clamat apud S. Antoninum p. 2. sum. Theol. tit. 2. c. 9. Accipe, redde, fuge: accipe beneficium, redde debitum, fuge supplicium. Accipe beneficium animò gratò, humili, pavidò: redde debitum amoris, laudis, obsequi; fuge pœnas decretas, & paratas abusu beneficii. Ingemiscit & clamat apud S. Chrysost. Pareo tibi, obtempero, servio:

pareo

pareo vel
ptori.
fist? qui
qui domi
Tunc
dicem:
Judican
ter urim
Sap. 3. d
que, quo
mus culp
fleximus
re stat,
vitiis n
mundo
sentire

II. r
explica
admiran
speculu
Dei.
ror eor
operan
perpet
aternus
dine, &
ne bon
zad:
accend

pareo rebelli, obtempero procaci, deservio contem-
ptori. Quis talis es, qui in tali contemptu persi-
stis? qui creaturæ imperas, & Creatori non servis;
qui dominatum exerces, & Dominum non agnoscis?
Time Dominum patientem, ne severum sentias Ju-
dicem; corrigit dilatio differentis, ne censura punit
Judicantis. Cogita quod olim eas, quibus nequi-
ter utimur, creaturas armabit Deus ad ultionem.
Sap. 5. Audi S. Greg. hom. 35. in Evang. Nam-
que, quæ ad usum vitæ accepimus, ad usum converti-
mus culpæ: sed cuncta, quæ ad usum pravitatis in-
fleximus, ad usum nobis vertuntur ultionis. Ergo
restat, ut simul nos omnia feriant, quæ simul omnia
vitiis nostris male subacta serviebant: ut quot prius in
mundo habuimus gaudia, tot de ipso deinde cogamur
sentire tormenta. Itaque Vide

II. imò: An Invisibilia Dei, seu attributa (ut
explicat Corn) per ea, quæ facta sunt, agnoscis,
admiraris, adoras, laudas? Etenim quæ facta sunt,
speculum sunt, in quo relucet perfectiones
Dei. Nam si pulchra sunt, quantò his domina-
tor eorum speciosior est! Sap. 13. Si fortia sunt in
operando, quantò qui hæc fecit, fortior est illis! Ex
perpetuitate Creaturarum intelligitur Creator
æternus; ex magnitudine Omnipotens; ex or-
dine, & dispositione sapiens; ex gubernatio-
ne bonus; inquit S. Aug.

2do: Eccli. 42. Creaturae sunt scintille, quæ nos
accendunt ad amandum Deum. Et te num ac-

cen;

32
cendunt? num accendunt ità, sicut Augusti-
num accendebant. L. 10. Conf. c. 6.?

3tid: An cor umbratice bono non affigis? hoc
esset cum Æsopico cane prosequi carnis um-
bram, & ipsam carnem amittere: pro gutta vel
rivulo privari fonte. Porro juxta S. Ansel-
mum: Rivuli bonorum concupiscibilium diversi,
fons omnium est Deus: sed melior fons, quàm ri-
vulus. Proinde Si aliquid diligo, quia bonum;
quod nullus melius, magis amare debeo.

4tid. An propter bonum transiens, jacturam
æterni boni non subis? Audi S. Augustinum:
Peccans animam suam vendit diabolo, accepta, tan-
quam pretiò, dulcedine voluptatis temporalis.

5tid. An citra salutis quidem periculum, avi-
dè tamen non sectaris temporalia? Quid per
multa vagaris homuncio. querendo bona anima tua,
& corporis tui? Ama unum bonum, in quo sunt o-
mnia bona, & sufficit, S. Aug. de Spir. & an. c. 54.

6tid. An ultimò creaturarù usum ordinas ad
cultù Dei? secus, Creaturæ Dei factæ sunt in
muscipulam pedibus insipientium. Quod S.
Thomas 1. 2. q. 79. art. 1. ad 2. exponit ità:
Qui scilicet per suam insipientiam utuntur creatu-
ris ad aliud, quàm ad quod facta sunt.

III. 7tid. An habes aliquid absque licentia?
S. P. N. in primis regulis manu propria scri-
ptis vetuit: Nè sinè facultate quis accipiat rem a-
liquam ab aliquo, vel aliquid ad domum pertinens,
valo-

valoris etiam unius penna. Testatur P. Lanc. tom.

1. opusc. 2. c. 6.

8^{vo}. An non uteris præsumpta facultate dādi vel accipiendi, dum commodè potest expressa peti? Talis enim facultas tantum valet, quantum nulla; Lugo de Just. d. 3. n. 125. vide La Croix tom. 1. L. 4. n. 110.

9^{no}. An licentiam non expalpāsti, vel rationibus fictis non evicisti, vel importunè non extorsisti?

10^{mo}. An quasi cum facultate non habes superflua. Trident. S. 25. c. 2. *Melius est minus egere, quàm plus habere.* inquit Aug. de regul. Lib 2. contra Jovin. Mirabilis hoc in puncto fuit Diogenes Ethnicus, teste S. Hieron. qui videns puerum manu concavata hauriendo aquam bibere; suum lignum cavatum, quod ad potandum adhibebant, elisit in terram, dicens: *Nesciebam, quod natura haberet poculum.*

IV. 11^{mo}. An ex necessariis non habes pretiosa? quia tam superflua, quàm pretiosa violent essentiam paupertatis; quod permitteendi nullus Superior potestatem habet; quia nullus habet potestatem rescindendi sine causa votum Deo factum legitime. Vides S. Catharinæ Vestem. vestes apparebant per miracula pretiosæ: ut scribitur in ejus vita.

12^{mo}. An ex necessariis non eligis pulchriora? *Pulchritudines ista, & forenses honestates, cito*

virile propositum enervant, & masculinum animum effeminant: ait S. Bern. Vit. Solit.

13^{to}: An tibi persuasisti, quod ea quæ vilissima sunt domi, Exam. c. 4. §. 26. tibi tribuentur?

14^{to}: An non solum acceptas, sed etiam amas viliora? Id S. Marcellam docuit S. Hieronymus.

15^{to}: An etiam vili rei non adhæreas affectu nimio, sicut adhærebat ille famosus Eremita suo cato? S. Dorotheus Dositheo cultelli usu interdixit, quod ad eum affectu videbatur adhærere.

V. 16^{to}: An etiam in vilibus non queras mundanam elegantiam? S. Basil. Const. mo. c. 31. statuit: *Vestimenta calceamentave, non ea exquirenda nobis sunt, quæ sunt elegantiora, sed quæ viliora, ea eligenda: ut in hac re etiam animi nostri humilitatem significemus.* Refert Cæsar. L. 4. c. 12. quod Galliarum Rex monachum questum, à milite quodam omnis monasterii res esse raptas ita pupugit: *Apparet in calceis vestris: si aliquid dimisisset vobis corii, non essent ita stricti.*

17^{mo}. An rerum necessariarum defectum sustines? *Qui nihil vult sibi deesse, & tamen vult Religiosus haberi, decipitur.* dicebat P. Balt. Alvarez Vit. c. 5. pag. 50.

18^{vo}. An ex amore Matris paupertatis, amas & sorores eius, nempe famem, sitim, frigus, contemptum? aliàs de paupertate tibi non

blan-

blandire; dixit P. Druzbo: in m. S.

19mò: An rebus tanquam commodatis uteris? proinde an curas restituereundas, integras, illasas? S. Basilius Epist. ad Canonicam. *Diligentiam in omnibus vel utendis, vel conservandis, eam adhibe; quam in Dominicis rebus adhibere par sit.* S. Petrus Damianus præscribit suis: *Libros ita custodiat, ut nunquam super literas manum teneat.* In Instit. Congr. c. 18.

20mò: An res domesticas hic & nunc tibi non necessarias, forsitan autem necessarias aliis; non retines? S. Zeno apud Theodoret. *Unum librum accipiens, eum totum legebat, & eò prius redditò, aliud accipiebat.*

21mò. Quò sustines animò, si re priveris aliqua. Eòne quo S. Job? eòne quo S. Elisabeth Regis Hungariæ Filia? an in hoc casu lætaris?

22mò. An si quid restet post usum rei, non disponis pro libitu? non enim habes dominiũ rei, sed solum usum Vide Busenb. l. 4. c. 1. d. 4.

DIEI PRIMÆ LECTIO SECUNDA

De mediis ordinis superioris ad finem Creationis.

I. 1mum ejusmodi medium est *Christus Dominus*. Venit ille, quærere & salvum facere, quod perierat. Quæsit annis amplius 30 per

doctrinas, exempla, consilia, præcepta, gratias. Quæsiuit figuratus Gen. 37. Joseph fratres suos; o quanto labore, quanto amore! Quæsiuit in humili præsepio, in Egypto, in fane, in siti, in incommotis, in horto Gethsemani, in vinculis, flagellis, spinis, ludibriis, Golgotha. Tandem invenit in Dothain, hoc est: in *adimpleta lege*; dum omnem legem de se scriptam ad minimum apicem implevit in funesta cruce. Permisit æstimari se vili pretio, vendique non Ismaëlitis, sed suis hostibus. Promeruit nobis, non jam terram Gessen, sed terram viventium, Cælum. Implevit figuram Joseph, ut inquit S. Ambr. c. 3. de Joseph: *Hoc scriptum de Joseph, impletum in Christo.*

Quid multa? Dilexit me & tradidit semetipsum pro me; ad Gal. 2. Totam se dedit in pretium, & medium salutis meæ. Et ego multum arbitrer me præstare, si me totum illi dederò? Amavit me plus, quàm se; nam ut me perditum inveniret, propriam dignatus vitam perdere: & ego non redam bono sic amantem? Ad hæc, fratrem se fecit nostrum, igitur amandus. Si amandus? igitur imitandus; amor enim imitator est amati, imò transformatur in amatum. Ex amore mei, similis ille mihi factus; cur ego similis illi non sum, ex Ejus amore? præsertim cum in hac similitudine consistat perfectio, & salus mea. Domine volunt

omnes

omnes te frui, sed non imitari cupiunt consequi, sed non sequi; ait Bern.

II. Alterum medium est; *Virgo Deipara*. Hac, ab una parte, desiderat ardentem salutem meam, divinam avertit iram, occasiones amovet peccandi, gratias auxiliantes impetrat, ad DEUM, caelumq; manuducit. ita curat me saluum fieri, ac si nihil aliud illi curae foret. Ab altera parte, iudicio S. Bonav: *Potest omnia per Filium suum, potest omnia cum Filio suo, potest omnia apud Filium suum*. Cum ergo & velit, & possit per opem suam me saluum facere; an non est efficax medium salutis meae? Opponam sane iustitiae Filii misericordiam Matris. Poteritne Filius aliquid negare Matri, qui ei seipsum dedit? Vitam ille fudit propter occisores, quomodo non praestabit minus propter Matrem, ex qua vitam hausit? Majoresne vires habebunt delicta mea ad Filii iustitiam irritandam, quam preces Matris ad illam placandam? Plusne evincet servi nequam indignitas, quam Matris dignitas; quae juxta S. Thom. est aliquomodo infinita? Exclamabo cum S. Anselmo: *O felix MARIA! sicut omnis a te aversus & despectus, necesse est, ut pereat: ita omnis ad te conversus & respectus, impossibile est, ut pereat*. Cogitabo imò: Quantum in me succrevit amor erga Deiparam conceptus in annis teneris. 2do: quomodo tam efficaci mediò deinceps utar ad salutem.

III. *3tium* medium est *Custos Angelas*. Im-
 mensa DEI Bonitas Angelum tam sublimem
 spiritum, tam beatum; quam proximè sibi co-
 hærentem, & verè domesticum suum misit in
 ministerium, & medium salutis meæ. Hic me
 tuetur & regit; arcet à malo, trahit ad bonum;
 lapsum erigit, titubantem sustinet, ab hoste
 protegit, bona impetrat; ut ego securus dormi-
 am, ipse pervigilat. O quantam illi debeo re-
 verentiam præsentia, devotione probene-
 volentia, fiduciam pro custodia! Id ipsum DE-
 US præcipit Exod. 22. *Observa eam & audi vo-*
cem ejus. Enim verò præsentia Principis in-
 clinat me ad ejus reverentiam: quidnè inclinet
 Angeli præsentia, qui Principibus terræ super-
 eminet? Imò ipsa imaginatio, quòd adest homo,
 præsertim gravis; còerceat alios ab indigno fa-
 cinore: quidnè còerceat oculus cælestis Prin-
 cipis? Si Principem etiam non præsentem, etià
 discolum, etiam non faventem revereor; quia
 dignus est: quidnè reverear præsentem, Tu-
 torem meum; quia dignior est: quia cæli hæ-
 res est? quia me portat in manibus, nè offendā
 ad lapidem pedem meum?

At quibùs officiis eum colere queam, ac de-
 mereri? Hæc juxta S. Bern. sunt. *sobrietas, pau-*
peritas, crebri in calum gemitus, orationes cum lac-
rymis. Atramens, inquit S. Doctor, *super omnia*
hæc unitatem & pacem à nobis exigunt Angeli pa-
ciss

sis: è contra verò nihil aquè offendit, & ad indignationem provocat eos, quomodo diffensiones & scandala.

IV. *utrum* medium sunt Sacramenta Eucharistia & penitentia. Nam purgant peccata, retrahunt à noxis, abducunt ab occasionibus peccandi, avelunt à terrenis rebus, conjungunt DEO, radicant virtutes, augent vires: advincendas tètationes, passiones frangunt, restringunt concupiscentiã. Ex tam frequenti eorũ usu, collegine fructus istos? sin minùs? videbo, an id non proveniat ex eo, quòd forsitan illis non, ut par est, utar. Usus istius autem ectypum est factum David 2. Reg. 12: Deprecatus est David Dominum, & jejunavit jejunio, & ingressus seorsum jacuit super terram: post dies septem surrexit de terra, & lotus unctusq; est; cumq; mutasset vestem, ingressus est domum Domini, & adoravit: deinde petivit, ut ponerent ei panem, & comedit.

Itaq; videbo, an Davidem imiter? num seorsum motus ab aliis negotiis ingredior me ipsum, ac ferio discutio conscientiam? num ex animo deprecor DEUM? per actus requisitos à Tridentino ad justificationem? num demitto me, non tam in terram, quàm in abyssum mei nihili? num præmitto his Sacramentis, si non jejunia, saltem alias mortificationes, quibus inimicam animæ carnem coërceam? num inconcussa & in particulari concipio proposita vitæ meli-

melioris? num adhibeo deinde media, ad illa exequenda? num conor *surgere* post lapsum, & non adherere terræ, terrenisq; rebus, quæ cor avocant à cælo, illiciunt ad vana?

Num *mutor* tam interiùs, quàm exteriùs? nū totus in Sanguine Agni, ad antiquam cloacam non redeo? num *undus unctione* Spiritûs Sancti tanquam athleta, viriliter luctor cum passionibus? num cum S. Aloysio, *septem dies* impendo præparationi, ad sumendum Panem cælestem? totidem utiq; dies oravit, & jejunavit David, antequam peteret, ut *ponerent ei panem*. Qua humilitate, quò ardore *descendo in domum Domini*? quantò desiderio anhele ad Panem Angelicum? quos actus elicio? quo fervore? Quantâ reverentiâ antecedente, comitante, & subsequente sumo cælestem escam? num enixè studeo post singulas Communiones extirpare aliqua certa vitia?

V. *Sum* medium sunt gratiæ DEI. Sanè ità sunt medium salutis meæ, ut pro ea simul mecum laborent. Ità laborant mecum, ut eis potiore titulo tribuatur salus mea. Etenim illæ sommolentum excitant, frigidum inflammant, cæcutientem illuminant, desidem urgent, labentem sustinent, lapsum erigunt, errantem dirigunt. Sunt locutio DEI ad cor meum: quomodo illam audio? sunt amica DEI visitatio, quomodo illam recipio? sunt meritorum prin-

principium, pietatis fontes, semen beatitudinis. Ergo rejicere illas, an non est meritorum, probitatis, beatitudinis exsortem esse velle? an non est mereri, ut subtrahantur? quò quid horribilius? O quoties illis restiti? quoties non obedi? proinde o quàm rigidam illarum rationem olim reddam?

VI. *6um* medium est status meus. Est enim terra sancta, & Sanctos germinans, est sacrarium virtutum, est templum sanctitatis, est juxta S. Ambrosium *arx contra hostes animæ*. Munivit hanc arcem DEUS tam validò, ut in eam nullus hosti pateat aditus; nisi meâ sponte illum aperiâ. Arcis hujus arma sunt: meditationes, examina, lectio sacra, exempla proborum, exercitia spiritualia, colloquia salutaria, orationes, regulæ, avulsio ab occasionibus delinquendi, temporis divisio talis; ut horâ non habeam ad peccandum, si agenda, riè velim agere. Hæc omnia S. Antoninus *scandulas* vocat *scala celestis*.

VII. *7um* medium sunt res adversæ. Quia ex sensu S. Greg. l. 29. moral. c. 15. *Mala, quæ nos premunt, ad DEUM ire compellunt*. Nam ingerunt fastidium mundi, tanquam flaccidis; uniant DEO, conformant Christo, debita extinguunt, accumulânt præmia, docent virtutes, & roborant. *Quid ergo, infert August, non misericorditer præstatur à DEO, à quo etiam tribula-*

bulatio beneficium est. Nam res prospera, donum est consolantis; res autem adversa, donum admonentis DEI. Quod adversitates excitent ad virtutem, pulchrâ similitudine probat S. Greg. l. 6. ep. 191. Studium, inquit, bonæ operationis ipsa adversitas anget. Sic semina messium gelu cooperta, fertilius germinant: sic ignis, flatu premittur, ut crescat.

Enimverò, gravat incommoda valetudo? Virtus infirmitate perficitur. Premit infamia? finis glebam reddit fertilem: carcer seu cavea cicurat aves, & impinguat. Affligit inopia? sed beatum facit. Math. 5. S. Aug: sent: 186, ait: Non queratur homo, quando in his, quæ iuste habet, patitur aliquas adversitates: per amaritudinem enim inferiorum, docetur amare meliora; nè viator tendens ad patriam, stabulum pro domo diligat.

Hinc Canobitæ veteres, ut expeditius ad cælum & perfectione contenderent; eligebant ad hunc terminum viam crucis, viam arctam, viam angustam. Illorum vita fuit, inadversis vivere; illorum gloria, contempni; illorum divitiæ, nihil habere. De his S. Nazianz. Orat. 1. de pace. Vita eorum sunt opes in egestate; possessio in peregrinatione; gloria in contemptu; patientia in infirmitate: quæ delicias aspernari, pro deliciis habent; qui regni celestis causâ humilitatem amplectuntur, qui

qui in mundo nihil habent, & mundo superiores sunt; qui cum in carne sint, extra carnem tamen vivunt; qui pro portione Deum habent, qui propter regni spem inopiâ laborant, & propter inopiam regnant.

Ejusmodi vivendi rationem didicisse videntur à S. Paulo, cujus tota felicitas erat, pati; tota gloria, ferre crucem. Sic enim ad Gal. 6. scribit: *Mihi absit gloriari, nisi in cruce Domini nostri JESU Christi.* Quod pertractans Augustinus Serm. 20. de verb. Apost.; inquit: Poterat Apostolus gloriari in Sapientia Christi, & verum diceret: poterat in Majestate, poterat in Potestate; & verum diceret: sed dixit: *in Cruce.* Ubi mundi Philosophus erubuit, ibi Apostolus thesaurum reperit, ut qui gloriatur, in Domino gloriatur. Quo Domino? Christo Crucifixo. Ubi humilitas, ibi majestas; ubi infirmitas, ibi potestas; ubi mors, ibi vita. Si vis ad illa venire, noli ista contemnere; ideo in fronte, tanquam in sede pudoris, signum crucis accepisti. Et S. Bern. Serm. 25. in Cant. de eodem Apostolo dicit: *Nihil sibi gloriosius putat, quam Christi portare opprobrium. Grata ignominia crucis ei, qui Crucifixo ingratus non est.*

VIII. Præstas largiter DEUS optime, quæ conferunt ad salutem meam: facis misericors abunde, quod est de te; at ego non præsto, quod est mearum partium. Tu in meum negotium totus incumbis; ego mei negotii, & tanti

tanti negotii, prorsus incurius. Tu muro tuo
 inexpugnabili circumcingis me, & armis tuae po-
 tentiae instruis me; ego hæc arma negligo. Ab-
 jicere illa & arugini dare, gravis est insania;
 quanta est, illa frangere, vel seipsum illis con-
 ficere? vel sic armatum sponte hosti subijci, te
 desertò! quanta tandem dementia, te tuis ar-
 mis aggredi, ac impetere! O quanta bonitas
 tua! o quanta malitia mea! quanta mihi de-
 bentur pænæ, quòd non utar, vel abutar tan-
 tis mediis! Quanquam sufficeret ad pænam,
 per neglectum eorum displicere tibi; per quo-
 rum ulum possèm placere tibi. Dum contin-
 get, me plecti à te; in quem refundam causam
 mali mei, nisi in meipsum? Ah contingat, me
 salvari à te; non in alium refundam causam
 boni mei; nisi in te ipsum.

DIEI PRIMÆ
 MEDITATIO III.
 De Mediis inferioris ordinis ad
 finem Creationis.

Punctum unum: Audiam S. Paulum 1. Cor. 3.
 Omnia vestra sunt, nos autem Christi. Confide-
 rabo bona naturæ omnibus communia, ut cæ-
 los & singula elementa, eorum perfectiones &
 fructus. His DEUS non indiget, ad meum
 illa

10 Illa fecit usum; ut mihi serviant ad agnitione,
admirationem, æstimationem, amorem, obse-
quium, laudem divinæ excellentiæ, Omnipoten-
tiæ, Sapientiæ, pulchritudinis, bonitatis,
dominii. Quomodo ex illis proficio? heu quo-
modo illis abutor ad offensam DEI! O malitiā
meam! ipsa beneficia DEI converto in jacula,
quibus illum feriam. *Verè vanitati subjecta est*
creatura non volens Rom. 8. nam ad vanitates
meas creaturas cogo servire mihi: quibus non
aliter mihi licet uti, quàm ad obsequium &
laudem DEI. Utinam abhinc ita ego *sim Chri-*
sti, sicut omnia mea sum! Utinam ita constanter
& fideliter serviam Creatori, ut creaturæ mihi
serviunt, luendo, fovendo, alendo, vesti-
endo, medendo. Imò, utinam ita serviam Cre-
atori, sicut in illis facio servire mihi Creato-
rem, etiam ad ejus injurias!

Punctum 2dum: Audiam eundem S. Paulum
Rom. 1. *Servierunt creature potius, quàm Crea-*
tore. Creaturæ sunt scalæ ad cælum, sunt gra-
dus ad DEUM, sunt radii, qui trahunt ad so-
lem; sunt rivuli, qui me rapiunt ad oceanum;
hoc est, sunt pura media ad laudem DEI.
Quid ego? ego miser inverti ordinē à DEO cō-
stitutum; converti media in finem: hæc, quæ
DEUS subjecit sub pedibus meis, supra caput
extuli, de illis nimis sollicitus! imò præposui
DEO! servivi creaturæ potius quàm Creatori;
idolis

idolis istis labores, vires, vitam, conscientiam
immolavi. Immolavi me vilioribus me, fa-
ctis propter me. An non hoc est laudare Deos
aureos, & argenteos, areas. ferreos, ligneos, & la-
pideos? Dan. 5. An non hoc est umbram soli
præligere? o fatuitas! non est, qui malit are-
am impleri fimô, quàm aurô; & est, qui malit
cor impleri creaturâ, quàm Creatore! Non est,
qui magis limosam, & putridam aquam appe-
tat, quàm purum fontem; & est, qui sitiât ma-
gis aquam turbidam de via Ægypti; hoc est,
res viles: quàm DEUM, purissimum omnium
bonorum fontem. Non est, qui malit esse mi-
ser, quàm beatus; & est, qui malit ea, quæ af-
figunt & perdunt; quàm æternam beatitudi-
nem DEUM.

Punctum 3tium: Audiam Christum Luc. 19.
Negotiamini, dum venio. Considerabo bona na-
turæ mihi propria; imo. bona animæ, ut inge-
nium, vim apprehensivâ, memoriam, prudenti-
am, voluntatis proclivitatem ad honesta. 2dò
bona corporis, ut integritatem sensuum, mem-
brorum proportionem, valetudinem, vires.
3tò bona famæ, ut æstimationem mei, respe-
ctus humanos, amicitias, genus, honores. 4tò:
bona fortunæ, præterito, præsentis, futuro meo
usui provisâ. Hæc omnia credita DEI sunt,
quibus me negotiari oportet. Anima mea:
credisne, hæc non aliunde, quàm è manu DEI

pro-

profluxisse? credisne, non aliâ lege profluxisse, nisi ut colas & ames DEUM? Si aliâ lege hæc ante profusa essent; deberes pro illis omnem ludem, & obsequium DEO tantopere in te liberali. Cum verò hõc unice titulò in te sint profusa; ut eum ames, illiq; servias: puta ne te esse excusabilem à servitio & laude DEI, ab ingrati animi labe, à panis debitis villico iniquitatis, dissipanti bona Domini sui? Erubescam, proponam, petam gratiam.

Colloquium: DEUS meus, celum & terra, & omnia, quæ in eis sunt; undiq; mihi dicunt, ut amem te: at furdo canunt. Omnia clamant, ut tibi serviam: at incassum. O Pater misericordiarum! instruxisti me tot mediis ad meum finem, ad tuam gloriam: sed effectum nullo. Hæc non exigua sunt portio substantiæ meæ; sed prodigo collata filio. Ille cumulaisti me, quò expeditior tendam ad te, pertingam ad te, affigar tibi: ego deserui te Patrem, ut adhererem porcis; ut pascerer filiquis, amplam hæreditatem speravi. Tandem ad te redeo: sed iratum invenio, infelicior filiò prodigò. Quid agam? non est, quò fugiam à te irato, nisi ad te placatum. Quæ vindicem timeo, deprecor offensum, in Patre spero.

Thom. Kemp. lib. 3. C. 10.

Tessera: Omnia propter semetipsum operatus est. Prov. 16,

Minus te Domine amat, qui & amat te, & aliquiā prater te amat, quod propter te non amat. S. Aug.

Creature DEI facta sunt in laqueum, & in tentationem animabus hominum, & in misticulam pedibus insipientium. Sap. 14. v. 11.

DIEI SECUNDÆ MEDITATIO I.

De malitia peccati mortalis.

Punctum unum expendit malitiam peccati, ex ratione DEI offensi.

I. Audiam David Psal. 112. *Quis sicut Dominus DEUS noster. Cogitabo 1mo: DEUS est magnus Dominus, & magnitudinis ejus non est finis; qui sicut unō verbō creavit omnia, sic unō verbō potest omnia retrudere in abyssum nihili. Magnus Dominus, qui respicit terram, & facit eam tremere. Magnus Dominus. quis restitit ei & pacem habuit? Semel restiterunt tam sublimes creaturæ, Angeli; sed rudentibus inferni detractos, tradidit ad tartarum cruciandos 2o. Petr. 2. Quid est peccatum? est auersio à tanto DEO, læsio tanti DEI, rebellio contra DEUM, crudelitas in DEUM & tyrannis. Est itaq; malum ipsius DEI. Est, juxta ascetas, tantū malum DEI, quantum bonum est DEUS. Est tantum malum, ut illo minus scientia DEI concipere nequeat. Cogitabo 2do: Ex una parte,*
nonne

nonne Deus est meus Creator, Redemptor, Conservator, Præservator, Justificator, Pater; qui me cumulat bonis animæ, corporis, famæ, fortunæ? Propter quod horum bonorum ipsū lapidare, & quantum est in me, destruere velim? O me jumentū bene pastū, quod recalcitrat Domino suo! At durum est mihi, contra stimulum calcitrare. Itane procederem cum homine amico? Itane cum benefactore? Ergone solus est DEUS, cujus beneficiis ingratum me esse non pudeat? Ex altera parte est meus Dominus, Iudex meus, in manibus ejus sortes meæ. Ergo Si non amo Benefactorem & Patrem, cur non timeo justissimum damnatorem?

II. *Punctum 2dum* expendit malitiam peccati ex ratione hominis peccantis.

Cogitabo 1mò: Quid est homo compositus DEO? Homo natus de muliere, id est fætor de fatore, nihilum de nihilo; brevi vivens tempore, nec unius diei, horæ, momenti certus; repletur multis miseriis, uti delictis, passionibus, fragilitate, angustis; impendet abyſſo peccatorum & pænarum, ac non nisi à solo DEO, quem offendit, ſuſtinetur. Vexatur fame, ſtringitur frigore, diſſolvitur calore, enervatur morbis, deficit ipsis annis, nec ad momentum ſibi ſufficit. Tandem cadit miſer ſive ad austrum ſive ad aquilonem. Dignumne ducis magne DEUS ſuper huiusmodi aperire oculos tuos? Et ecce

hæc miseria levavit calcaneum suum contra DEUM! Quid hic mirandum magis, an malitia, an stultitia? *Cogitabo 2dò: Si totum Regnum, si tota Europa, si totus mundus, insurgeret contra DEUM, quanta foret hæc demerita! Omnes gentes quasi non sint, sic sunt coram eo, & quasi nihilum & inane reputata sunt ei.* Isaïæ 40. Quanta tandem erit insania, dum unus homuncio tetendit manus suas contra DEUM, & contra Omnipotentem roboratus est! O novum gigantem, vix quia non fabulosum, sed verum! Quid igitur anima mea? si non mereatur DEUS reverentiam omnem & amorem, insurge in eum! si in hoc duello potes sperare victoriam, aude ipsum aggredi.

III. *Punctum 3tium* expendit malitiam peccati ex ratione ipsius peccati.

Audiam David Psal. 9. *Propter quid irritavit impius DEUM?* Illud certè non est bonum honestum; aliàs nec DEUM irritaret, nec hominem afficeret pudore. Si est bonum utile: valde tantum, quantum DEUS? quantum æternitas? Ah valet tantum, quantum infelix æternitas & æterna infelicitas! Quid autem prodest homini, si mundum unum tantum lucretur, animæ verò suæ detrimentum patiatur? quid si patiatur animæ interitum? Si est bonum delectabile; decepit Evam & nos pomum visu delectabile. Ad hæc: maledictum bonum,

num, quod momentò delectat, æternum cruciat: imò & tunc cruciat conscientiam, cum delectat sensum. Quin imò cruciat per totam vitam; nam qui peccavit, angitur continuo dubius, an illi remissum peccatum, an elicit actus salutes ad justificationem requisitos, qui actus non sunt in ejus potestate; an non complevit mensuram peccatorum, quæ quādoq; completur per unicum peccatum. Sic Heli sanctè vixit, & pro uno peccato damnatum esse dicunt S. Hieronymus, Basil. Greg. Chrysost. Maledictum bonum, quod me facit hostem DEI, qui metuo hominem pati hostem. Maledictum bonum, quod infinitè misericors DEUS cogitur vindicare in hac vita malis corporis, famæ, fortunæ, quin & animæ: quia in pænā unig peccati permittit labi in alterū; in pænā alterius, in tertium; & sic ulterius. In altera verò vita, cogitur illud vindicare pænīs; sempiternīs & nondū condignè vindicat. Maledictū bonum, quod nec sempiternæ pænæ omnium purarum creaturarum possent expiare; sed eo fine DEUS incarnatus, tam indigna passus, tam indignè mortuus. Maledictum bonum, quod est unicum malum. Nam cætera mala DEUS amare potest, quia serviunt ejus Justitiæ, & in hac vita salutē nostrā, peccatum verò sic odit, ut cessaret esse DEUS, si cessaret illud odisse.

Colloquium; Itane viluisti mihi dignitas infinita, ut tibi præferam unam nugam? Itane odibilis es mihi DEUS purissimum summumq; bonum, ut tibi præeligam summum & purum malum? Heu! quis odibilis? cui odibilis? cur odibilis? Egone non peior Judâ? hic argenteis Christum postposuit, qui fructum ipsi aliquem afferre poterant: ego postposui malitiæ, ex qua necessario debent provenire incommoda, quibus majora cogitari nequeunt, & nullus fructus. Egone non malitiosior Judæis, qui Christo prætulerunt Barabbam? qui utiq; saltem id habuit boni, quod ad tuam imaginem factus sit, & capax amandi te? semel illi sic errârunt, at ego quoties! quoties me lavisti sanguine Filii tui! quoties ego redii ad cloacam! quasi indeo me lavisses toties, ut audaciùs redirem ad volutabrum. O bonitas! o Misericordia! amplius lava me ab iniquitate mea, & à peccato meo munda me! propono &c.

Thomæ à Kempis Lib. 3. c. 5.

Tessera: Peccator omnino veller, DEUM peccata sua aut vindicare non posse, aut nolle, aut nescire; vult ergo DEUM non esse DEUM. S. Bernard,

Quia optimus DEUS ad penitentiam tempus indulget, quod tamen humana malitia ad usum suæ iniquitatis intorquet, justô DEI juditiô augeri culpa permittitur, ut ad ferendum altius quandoq; cumuletur. S. Greg.

O quan-

O quantum monstrum, Religiosus & peccatum mortale! dicebant P. Sebastianus Barradias, P. Antonius Padillius, P. Balthasar Alvarez.

Ego ex hoc mundo decedo, antequam possim, vel potuerim comprehendere, quomodo una creatura velit offendere Creatorem, & patrare peccatum mortale. S. M. Magd. Paz.

DEI SECUNDÆ LECTIO PRIMA

De proxima causa peccatorum
feu

De Tepiditate.

I. Inter pessimæ matris acediae filias non ab-
similes, teporem ponit S. Thom. 2. 2. q. 35.
a. 4. Hunc S. Bern. Serm. 5. in Quadr: sic
describit: Desidia facimus, quando per tor-
porem languidi, ea, quæ DEI sunt, operamur.
Et de Pass. Dom. c. 19. ait: Illum esse vitium,
ut cujus exercitia Spirituality quasi insipida viden-
tur, & in grave tedium convertuntur. De quo te-
dio dicitur: dormitavit anima mea præ tudio: Item:
omnem escam abominata est anima eorum, & appro-
pinquaverunt usq; ad portas mortis. Alcazar ex
Cassiano coll: 4. c. 12 inquit: Tepidus est, qui
DEUM quidem non audet mortaliter sciens
& volens offendere; ideoq; se putat justum,

sed purioris & perfectioris vitæ studium negligit: unde se facile concupiscentiis permittit, & quævis peccata devorat, quæ sibi tantû venialia videntur.

II. E numero talium erat Episcopus Laodicensis, cui dictum est Apoc. 3. v. 16. *Utinam calidus aut frigidus esses! sed quia tepidus es, incipiam te evomere ex ore meo.* Arabicus legit: *Utinam esses aqua frigida, aut calida.* Sicut nec aquam calidam, nec frigidam, per os expellit Stomachus; sed tepidam: ita nec calidus, nec frigidus homo evomitur ex ore DEI; sed tepidus. Majorem enim emendationis spem præferret frigidus, quàm tepidus. Unde Glossa dicit: *Non optat eum frigidum simpliciter, sed talē, de quo major spēs habeatur.* Confirmat Gregor. 3. parte Pastor. adm. 35: *Quoniā frigidus ante teporē in spe est: tepor autē post calorē, in desperatione: id est: qui adhuc in peccatis est, conversionis fiduciam non amittit; qui verò post conversionem tepuit; simul spem, quæ esse potuit de peccatore, subtrahit.*

III. Prædictus Laodicensis Episcopus sequenti versu 17. sic arguitur: *Dicis, quia dives sum; nullius egeo; & nescis quia tu es miser, & miserabilis, & pauper & cecus, & nudus.* Inde colliguntur proprietates teporis. *Ima Est, superba præfidentia in seipso; quia ut inquit Rupertus, tepidi persvadent sibi, se esse bonos & securi vivunt, quasi nullius egentes, nihil timen.*

mentes. 2da Proprietas est; quòd tepidus nesciat se esse miserum & miserabilem; quia non considerat ruinam suæ domûs interioris: ut in persona pigri S. Bern. ait de inter. dom. c. 11. *Pergens totus in ea, quæ foris sunt, & ignarus interiorum meorum, sicut aqua effusus sum præteritorum obliviscens, præsentium negligens, futura non providens.* 3ta Proprietas est: quòd sit pauper: hoc est, ut exponit S. Greg. l. 34. moral. c. 3. *Virtutum divitias non habet.* Verè egestatem operata est manus remissa Eccli 4. 4ta Proprietas: quòd sit cæcus; quia, ut ibidem ait Greg. nec paupertatem, quam patitur, videt. Adeoq; vel excæcatus est, vel excæcationi proximus. 5ta: Quòd sit nudus: quia primam stolam perdidit; sed pejus, quia nec perdidisse se cognoscit: ut idem S. Doctor explicat.

IV. Super eundem versum 16. Alcazar inquit: *Afferò imò: Vomitus metaphoram non esse referendam ad æternam damnationem; hæc enim non solis tepidis sed omnibus peccatoribus à DEO intentatur: verum ad id, quod eam præcedit; scilicet ad derelictionem DEI.* 2dò *Afferò vomitus metaphorâ representari irreconciliabilem detestationem.* 3tò *Afferò tepidum tunc aptissimè dici à Christo exomizcùm induratur in peccato. & quodam modo projicitur extra curam Divine Providentiæ. Huius autem comminationis particula (quæ propter venialem etiam teporem meritò timeri debet) est; privari iis auxi-*

auxiliis, quæ non conceduntur omnibus iustis, sed iis
solum, quos DEUS maiore favore prosequitur. Quã-
tum verò periculum immineat labendi in peccata
lethalia, ac tandem in veram obdurationem! id spi-
ritualium Virorum considerationi relinque. 4to
Affero: comminationem hanc explicatam esse, re-
spectu teporis; & per ipsam doceri fideles: teporem
esse ipsissimam viam ad obdurationem in peccato.
Quâ sententiâ nihil aptius potuit proponi tepidis;
utpote qui putant se valde alienos esse ab hac obdu-
ratione.

V. Ex his liquet, quòd multò peior & peri-
culosior sit status tepidi quàm frigidi. Nam
2mo: Tepidus homo, quasi Absalon, pendet in-
ter cælum & terram: si terræ insisteret, forsam
effugere posset interitum, nunc autem dæmo-
num patet lanceis, audacter impetitur, vinci-
tur facilè, sternitur graviter, perditur infeli-
citer, tanquam viribus & calore destitutus,
langvidus, agrè hians. Proinde Pimænius Ab-
bas, in vitis PP. lib. 7. c. 39. agebat: Sicut ad
succensam ollam muscæ non appropinquant; si verò
tepida fuerit, insident eam, & faciunt vermes: sic
& Monachum succensum igne Divini Spiritûs, dæ-
mones fugiunt; tepidum verò illudunt.

VI. 2do: Derelinquitur à DEO, privatur
gratîs efficacibus, relinquitur in manu con-
fili sui, seu (ut Syrus vertit) appetitus sui; per-
mittitur ire in adinventionibus suis, in pecca-
ta

ta gravia ruere; de quibus agrè surgere potest, tanquam paralyticus. Quod quid aliud est, quàm obdurari? quid aliud, quàm uno tantum passu distare à porta inferi? Rectè S. Bernardus: *Pigri, si diu in suo torpore permanserint, aut opprimuntur sub pondere, & succumbunt, aut quodam modo in inferno sunt, ut nunquam ad plenum respirent in lucem miserationum Domini.*

VII. 3^{to}: Tam tepido quidem, quàm ei, quem culpa lethalis onerat, est commune, quòd ex suis actibus fructum non percipiant, ac in Danaidum dolia amphoras effundant, seu, ut ait Aristoteles lib. I. Æcon. c. 6: *Cribrò aquam hauriant, & retì venentur ventos, solùmq; ludant, & perdant operam.* Oeno planè similes, de cujus opere quidquid contextum est, devorat assistens asina, id est pigritia, vel peccatum. Caterùm tepidi deterior est conditio; nam is insuper peccat, & penas meretur, etiam agendo bona. Meditatur? peccat; orat? peccat; communicat? peccat: imò accusat sese Confessario de tepore? peccat; quia hæc omnia tepidè peragit. Quod igitur ex negotiatione sua lucrum, quem ex vita sua fructum offeret DEO, Domino & Judici? Quantus hinc in morte metus! quàm exigua spes! quàm incerta salus! imò fortè, quàm certa damnatio! Nam, nisi discredis S. Bernardo Serm. 51. de modo bene viv: *Qui in bonis operibus sunt tepidi-*

tepidi, non habebunt locum in Regno DEI.

VIII. 4to: Tepidus difficilius multò sanari potest. Imprimis enim, juxta gnomen asceticam; *tepidorum medicina non est, nisi gravis ruina.* Hoc est: tunc primùm, quasi ex lethargo expergiscuntur; cum in gravia peccata se lapsos advertunt. O medicinam peiorem omni morbo! Deinde, alios ex abyssò peccatorum extrahit ipsa eorum confide atio: tepidus nec considerat, nec sentit, nec agnoscit malum suum; quasi lethargicus. *Verberaverunt me & non dolui; traxerunt me, & ego non sensi.* Prov. 23. Advertit huc S. Bern. Serm. 4. Quadr. *Tepidus otiosa verba, & vanas cogitationes, noxias esse non conspicit: sed cùm animus à torpore mentis evigilaverit; ea, quæ levia aestimabat, confestim quasi contraria & horrenda pertimescit.* Tandem alia peccata vitantur, occasiones eorum amovendo: tepiditatis autem occasiones amoveri nequeunt; aliàs ipsa pera bona, ut oratio, meditatio, zelus, emitti deberent, nè tepidè fiant. Concludit Cassianus coll. 4. c. 19. *Frequenter vidimus de frigidis atq; carnalibus ad spiritualem pervenisse fervorem; de tepidis verò atq; animalibus omninò non vidimus.* Potest nec cogitari quid horribilius de tepore, quàm, quòd & exemplò sanationis, & spe sanitatis careat; ut censet S. Greg. cit. n. 2.

IX. Effectus & signa tepiditatis enumerat S. Bern.

S. Bernardus Serm. 6. de Ascens. Invenire est, inquit, homines, 1^{mo} pusillanimes & remissos. 2^{do}: deficientes sub onere. 3^{to} virgâ & calcariâ indigentes. 4^{to} quorum remissa lætitia, pusillanimis tristitia est. 5^{to}: quorum brevis & rara compunctio. 6^{to}: animalis cogitatio. 7^{mo}: tepida conversatio. 8^{vo}: obedientia sine devotione. 9^{no}: sermo sine circumspeditione. 10^{mo}: lectio sine sui ædificatione. 11^{mo}: quorum oratio sine cordis intentione. 12^{mo}: quos vix gehennæ metus inhibet. 13^{to}: Vix pudor cohibet. 14^{to}: vix ratio frænat. 15^{to}: vix disciplina cõdrecet.

X. P. Tytkowski in soliloq: prax. 3. fol. 793. hæc addit signa: *In communi*. 1^{mo}: Rarò & cum tædio orare. 2^{do}: Perfunctorium examen. 3^{to} Agere, quia talis consuetudo. 4^{to}: Contemptus venialium, & casisticus modus agendi: *Hoc non est mortale, ergo faciam*. 5^{to}: Aversio à Superioribus, & per consequens à disciplina; nam hæc conjuncta in fervente. 6^{to}: In oculis Superiorum modestiam simulare, & coram similibus sui esse dissolutum. 7^{mo}: Ea ad quæ ex regula vel mandato tenetur, negligere: quæ ipse constituit, ferventer agere; & in hoc scrupulis angî, & non in illo: quod est idolum propriæ voluntatis, emendareq; regulam.

Signa in incipientibus. 1^{mo}: Non desiderare puri-

puritatem animæ. 2da: Venialia non aestimare. 3ta: Non mortificare passiones, & externas mortificationes negligere. 4ta: Præsidere in têtatione, nec occasiones fugere. 5ta: Instans & monta differre, vilipendere. 6ta: Eslandi in actiones externas, otium amare, vix colligere. 7ma: Jocari, & alienos mores libere taxare, colloquia spiritualia contemnere. 8va: Recreationes, cibum, potum appetere. 9na: Examina leviter facere. 10ma: Confiteri ex usu.

XI. *In illuminativa via, signa.* 1ma: Mediocri virtute esse contentum. 2da: Non elicere frequenter actus internos virtutum. 3ta: Et externos sine intentione elicere. 4ta: Non contendere ad perfectam observationem regularum, & votorum. 5ta: Non curare purissimam intentionem. 6ta: Non appetere officia vilia. 7ma: Otium amare, labores fugere. 8va: Otiose tempus perdere. 9na: Non esse indifferenter. 10ma: Examen particulare non serio instituere.

In unitiva via. 1ma: Communionem Sacramentalem, aut spirituales languide obire. 2da: Librum spirituales aut omittere, aut leviter legere, spiritualia colloquia non quærere. 3ta: Raro se supra actiones suas reflectere, rara jactantia, & memoria presentia DEI. 4ta: Actus internos, potissimum amoris DEI, & pro-

proximi, frigidè instituere. 5to: Actus exte-
nos virtutum finè fervore 6to: Purissimam in-
tentionem non habere. 7mo: Zelum animarum
relinquere saltem in exemplo, oratione, mo-
nitis. 8vo: Langvere in affectu erga B. Virgi-
nem, Crucifixum, Sacramentum SS. 9no: Vel-
le mediocriter esse perfectum.

XII. Media ad excutiendum teporem hæc
proponit Ludovicus de Ponte de Christ. Perf.
Tract. 4. c. 15. Jubet singulis operibus addi
sex alas Seraphim, ut evolent in cælum. 1ma:
est memoria præsentis & spectantis DEI. S.
Cyprianus tract. de zelo ait: Cogita, sub ocu-
lis DEI nos stare; spectante ac judicante ipso,
conversationis ac vitæ nostræ curricula decur-
rere; pervenire nos tunc demum posse, ut eum
videre contingat; si ipsum nunc videntem de-
lectemus actibûs nostris. 2da: Pura intentio
gloriæ Divinæ; quia, ut asserit Bern. Serm. 4.
in Cant. *Ex bona intentione rectitudo operis, sicut
ex facie pulchritudo corporis æstimatur.* Porro, qui
malam intentionem præfigit operi, similis est
illi, qui ad orientem cum tendere debeat; ten-
dit ad occidentem. Qui præfigit mistam, seu
ex bona & mala conflatam; similis est illi, qui
simul eadem via tendere vult ad orientem &
occidentem. Qui nullam præfigit, similis est
illi, qui viam ingreditur, nesciens, quo sit per-
recturus. Nam intentio est oculus dirigens
ope;

operantē, quia cognitionem presupponit, per quam proponitur voluntati finis, ad quem movet; sicut oculō praevidemus, quō tendere corporaliter debeamus; inquit. S. Thom. 1. 2. q. 12. a. 1. ad. 1. Ascetiae reprehendunt illos, qui contenti virtuali intentione, actualem sapius non renovant. 3^{ta} ala est: Invocatio DEI: ideo, ex mente S. Thomae, Ecclesia praecipit ante horam quamvis canonicam, repeti: *DEUS in adiutorium meum* &c. S. Dyonisius monet. l. de Div, Nom. c. 3. *Omnis actio ab oratione nobis inchoanda est:* 4^{ta}: Fiducia in DEO. Quare Jac. 1. dicitur: Postulet in fide, nihil hæsitans. 5^{ta}: Fortitudo in aggredienda & vincenda difficultate. Vide S. Thom. 2. 2. q. 137. a. 1. ad 3. 6^{ta}. Perseverantia usq; in finem, in toleranda molestia. Vide S. Thom. 2. 2. q. 23. a. 10.

XIII. Causam teporis *imam* assignat gulam S. Greg. inquiens. *Filia gula est acedia.* 2^{da} est, ignavia naturalis. 3^{ta} consuetudo negligenter operandi. De his lect. de otio n. 10. 4^{ta}. causa est: effusio sui ad exteriora. De hac lect. de medit. n. 9. in fine. 5^{ta}. negligentia in discutienda conscientia. De hac lect. de Exam. 6^{ta}: metus imaginariae difficultatis, & periculorū in vincenda acedia, & seipso. De hac S. Greg. lib. 30. moral. c. 13. *Multos saepe videmus, vitam quidem sanctae conversationis appetere: sed nē hanc assequi valeant, modo irruentes casus modo,*

modo futura adversa formidare; qui incerta mala,
 dum quasi cauti prospiciunt, in peccatorum suorum
 vinculis detinentur; multa enim ante oculos ponunt,
 quæ si eis eveniant, subsistere se non posse formidant.
 De quibus bene Salomon ait: Iter pigrorum quasi
 sepes spinarum; Prov: 15. nam cum viam DEI ap-
 petunt, eos velut spina obstantiū sepiū, sic formidinum
 suarum suspensiones pungunt. Hæc S. Greg.

CONCLUSIO.

XIV. Anima mea! in omnibus operibus tuis
 præcellens esto Eccli. 33. Instanter operare. Ecclæ
 9. seu prout legit Tigurina: Quantum potes, a-
 gito pro virili tua portione. Perpende imò: Quam
 sollicitè DEUS agat, quæ tua sunt. S. Aug.
 medit. c. 10. ait de illo: Totum ad mei custodi-
 am occupatum video, quasi omnium oblitus sit, &
 mihi soli vacare velit. Quidni tu sollicitè agas,
 quæ DEI sunt? Quidni tuis in actionibus soli
 DEO vaces; præsertim, cum omnes & singulas
 ille tecum exerceat?

Perpende 2do: quanta sit ejus dignatio, quod
 tanta Majestas opera tua desideret, expectet,
 exigat. Si fervida forent & perfecta; quid
 forent respectu bonitatis, dignitatis, dominii,
 beneficiorum DEI? quid respectu peccatorū
 tuorum? Quid tandem erunt, si torpida sunt, si
 non plena, si mortua?

Perpende 3tio quod Alvarez Paz lib. 5. part.
 3. de docum: perfect. c. 31. asseverat: Opera

remisſe facta, imò: DEUM non placant: 2dò. Angelis & Sanctis ſtomachum movent: 3tò: demones ad riſum & contemptum provocant: 4tò: operantẽ non perficiunt: 5tò. majorem in dies operandi difficultatem inducunt: 6tò: tempus ſinẽ fruſtu conſumunt. Ah tempus! Quodũ Beatis vel damnatis concederetur ad operandum meritoriẽ, quomodo illud redimerent? quomodo operarentur?

Perpẽde 4tò: quod Zeuxes, apud Plutarchum, æternitati pinxit. Opera tua, juxta Bernardum, verè ſunt ſemina æternitatis. Juxta Auguſtinum: Omne cogitatum, dictum, factũ, æternum eſt. Omne, quod humanò modò cogitas, dicis, facis; vel æternam ſui laudem, vel æternum feret opprobrium. Nonne honeſtiũs, utiliũs, delectabiliũs erit; illud æternũ æſtimari, quàm æternũ damnari? felici potiũs æternitati pingi, quàm infelici?

DIEI SECUNDÆ MEDITATIO II. De peccato Veniali.

Punctum unum. Audiam Joſeph. Gen: 39. Quomodo poſſum hoc malum facere? Cogitabo: Peccatum veniale dicitur leve, ſolũ reſpectu mortaliſ; in re autem eſt grande malum. Sicut ſi ſputum ejicerem in faciem Regis, eſſet leve

leve respectu occisionis Regis, in se foret ingens crimen. Hinc S. Basilius: *Quis est, qui peccatum ullum, cujuscunq; modi sit, leve audet appellare?* Grande malum peccatum veniale! imò: Comparatè ad beneficia DEI mihi collata. Quis enim leve crederet, tam benefico DEO ingratum esse? illum uni nugæ postponere? 2dò: comparatè ad dignitatem & Bonitatem DEI: Quo titulo superat omnia cogitabilia mala, etiam interitum universi. Quia omnia cogitabilia mala totius universi, sunt inferioris Ordinis, quàm minimū malum, quod DEUM attingit. 3tò: comparatè ad pœnas, quibûs vindicatur. Nam si viderem vivum cremari rem, censere in leviter deliquisse? Dicamne leves veniales culpas, pro quibus amici & filii DEI, purgatoriis ignibûs justissimè cruciantur à DEO tam misericorde? Jam teste S. Thomâ, minimū in purgatorio tormentū gravius est, quàm omnia mundi mala. 4tò: comparatè ad circumstantias: nempe, quod in oculis DEI Judicis & vindicis peccem: quòd tunc peccè, cum me DEUS amat immensè, beneficiis cumulat, in manibus gestat & conservat: quòd peccando cogo DEUM, ut mecum concurrat ad offensam sui. *Servire me fecisti in peccatis tuis.* 5tò: quòd tūc, dū pecco, pœnasq; mereor acerrimas; possem mereri Calum, & interim malo gratiam DEI in me vacuam esse. Ergo audiam

diam S. Bernardum: Sermone 1mo de Convers: S. Pauli: *Non est magnum, dicis; Si in his maneam venialibus minimisq; peccatis: Hac est dilectissimi impenitentia, hac est blasphemia in Spiritum Sanctum irremissibilis.*

Punctum 2dum: Considerabo Absalon pendulum è crinibus interfici à Joab. 2. Reg. 18. & cogitabo: Peccata venialia censentur modica velut capilli; se ipsis non perimunt animam; faciunt tamen illam perire. Quatenus eam, quasi mediam inter Cælum & terram detinent, ne totaliter adhæreat DEO suo fini, effundendo se ad fines varios. Per quod minuitur fervor charitatis, ut docet S. Thomas. Unde fit, ut familiaritas inter DEUM & hominem, quæ in mutuo ac frequenti consistit alloquio, intercipiatur; dum videlicet DEUS, ob culpas veniales, rariùs mentē hominis illuminat, nec ita plenè cordi ejus illabitur. Et vicissim homo, rariùs ad DEUM per affectus & aspirationes convertitur. Proinde in virtutū exercitio langvet, tepor subrepat, desipiunt spiritualia & æterna; creata mentē avocant & occupant, ac ipsa charitas constituitur in proximo periculo, ne pereat. Sicut qui frequenter deliquit patitur, constituitur in proximo periculo, ne ex improvviso moriatur. Peccata enim venialia, præsertim frequentata, disponunt animā ad mortalia; sicut vulnera disponunt corpus ad mortem. Circa quod, fit,

Pun-

Punctum 3tium. Audiam Christum Dominū:
Luc: 16. *Qui in modico iniquus est, & in majori iniquus est.* Hoc est: Qui non obedit DEO prohibenti parva, eâdem audaciâ, non obedit DEO prohibenti magna. Et sic sensim culpæ parvæ ad maximas disponunt, idq; duobus modis: 1mo. directè & per se, 2do. indirectè & per accidens. Disponunt *directè & per se*, partim ex eo; quia rerum Divinarum neglectum inducunt, quem ordinariè sequitur gravis lapsus. Partim ex eo, quia sæpius iterata venialia, præsertim in una materia, producunt habitū, seu facilitatem; quâ animus ad omnia ejusdē speciei peccata, etiam gravia facile inclinatur; & interdum etiā ad peccata diversæ speciei, acquisitō & habitō contemptu in universum peccatorum venialium. Per accidens disponunt peccata venialia ad mortalia; partim ex eo, quia remonent id, quod est impedimentum speciale peccati mortalis, scilicet fervorem charitatis. Remonent item specialia auxilia, quibûs aliàs homo fuisset coërcitus à mortali. Hinc cum S. Cypriano & Bernardo plerique docent: quòd aliquando propter peccata venialia deferat DEUS: hoc est: in pœnam peccatorum venialium subtrahit gratias efficaces, quibus destitutus homo, pondere suo ruit in peccatum mortale.

IV. Partim ex eo disponunt peccata venia-
lia ad mortalia, quia minuunt & impediunt
timorem DEI, promptumq; usum virtutum,
corrumpendo vel minuendo earum habitus
acquisitos: dum scilicet talia peccata inducunt
oppositum habitum malum, amoto illius con-
trario. Placetne consulere saluti, & incho-
atam cum DEO amicitiam conservare? Si pla-
cet, *Fugiamus modica mala, magna siquidem ab
illis nascuntur.* ait S. Chrysoft: Caveamus, ne
istæ modicæ scintillæ magnum excitent incen-
dium; ne ex his atomis grandes tumescant
montes; ne ex his tenuibus filis rudentes in-
ferni nectantur.

Colloquium. Expergiscere anima mea! torpo-
rem excute! tempus breve est; dum tamen ad-
huc est, medelā adhibe tantis malis, tãq; certis
malis. *Præcavisti magna,* inquit Augustinus, *de
minimis quid agis? Projecisti molem; vide, ne arenâ
obruaris.* Considera, quàm carò constitit Christo
gratia excitans te ad fervorem. Vide, ne in te
sit vacua. Putemne leve, magne DEUS, quod
Tibi displicet? Putemne leve, quod pro salute
universi neutiquam committendum foret? Sa-
nè sit leve! vel ideo illud non committam, quia
leve est. Cur enim in re levi me non vincam
propter Te, qui tam gravia pertulisti propter
me. Propono. &c.

Thom: à Kemp: L. 1. c. 22.

Si in

Si in domo parum stupæ accensum viderimus, conturbamur, & tumultum movemus; non enim attendimus initium, sed ex initio finem considerantes, movemur & concurrimus, ut totum caminum extinguamus. Hoc igne vehementius exedit animam peccatum. S. Chrysost:

REFLEXIO

Supra Confessionem Sacramentalem.

Quos effectus præstat conversio Filii prodigi, (Luc: 15.) eosdem præstat Confessio. 1^{mo}: Elongatos à Deo facit amanter suscipi. Imò lautius prodigum filium reducem tractat Pater, & tam copiosam ei exhibet misericordiam, cui posset & ille, qui nunquam à Patre discesserat, Filius senior, invidere; inquit Bern. L. de ingratis. 2^{do}: Avellit à porcis, hoc est à brutis actibus & peccatis. In hoc enim aliqui Sacramentalem reponunt gratiam, quam confert Confessio. Avellit, inquam, quia hominem roborat, dæmonem flagellat, ut ait Bonav. Serm. 2. in Rogat, & caput ei præsecat, ut dicit Chrysost: præfat: ad Isa. Hoc ille fassus Astion: O Astion, confessio tua magnas vires meas contrivit! In vit. S. Epretet, & Astion. 3^{io} Mentem prodigi lætā efficit. Hinc August. In Psalm 66. Confitere, exeat in confessione, & defluat omnis sanies; jam exulta,

exulta, jam letare. 4to: Per illam prodigus in se
 revertitur; hoc est: cognoscit imperfectum su-
 um. Ex cognitione verò sui nascitur humili-
 tas: *Non sum dignus vocari filius.* Hæc autem
 est radix, basis, & custos virtutum, juxta Bern.
 5to: Stulam primam restituit, id est: gratiam; &
 chirographum mortis æternæ delet. *Quod ibi*
scribit transgressio, hic delet confessio; inquit idem
 S. Doctor. de inter. dom. c. 37. 6to Meretur
 osculum Patris, quod pacem redintegrat tam
 cum Deo, quàm cum conscientia. 7mo: *Dat*
annulum in manu, quia porculatorem ignobilẽ,
 mutat in nobilem. Imò in regem: nam inter
 tot reges Matth. 1. unus David Rex vocatur,
 propter illam confessionem: *Peccavi Dominos*
 ut ait Mendoza. 8vo: Calceat prodigum, nam
 ex nudipede, id est: servo diaboli, reddit hære-
 dem Dei & cohæredem Christi. 9no: Pro fili-
 quis offert vitulum saginatum, quĩ juxta Hie-
 ron: est Christus Eucharisticus. 10mo. Deo
 gaudium affert, quia filius ejus mortuus erat, &
 revixit; *perierat, & inventus est:* Affert eidem
 laudem, velut Sacrificium: illud enim Psal. 49.
Immola Deo Sacrificium laudis: Hebræus legit:
Sacrificium confessionis. Et Josue 7. *Fili da glo-*
riam Domino, & confitere. 11mo, Apparat festi-
 vum epulum Angelis, quos per servos Evan-
 gelici Patris intelligit Theophyl. Et sic la-
 chrymæ pænitentium sunt vinum Angelorum.
 Vide

1^{mo}: An expendis effectus istos confessionis, ut eam appeties? Simplicem confessionem culpæ, magni faciebant ethnici. Seneca de moribus: *Ubi est confessio, ibi est remissio.* Arist.: *Non multum ab impeccabili distat, qui peccatum, ut decet, confitetur.* Quantomagis æstimanda sacramentalis confessio, in qua Christus inclusit sua merita?

2^{do}: An intentionem confitendi non vitias aliquô motivô vanô? *ne in ipsa penitentia fiat, quod postea indigeat penitentiâ;* inquit Ambros. de pæn: L. 2. c. 11.

3^{to}: Quantomagis desiderio flagras, per confessionem ablui Christi sanguine? tantone saltem, quantomagis ad balneum anhelant pædidi, vel ad thermas morbidi?

4^{to}: Quam exactè discutis conscientiam? itane scrutaris & colligis omnia; sicut æconomus, rationes domino redditurus?

5^{to}: An ad justificationem te disponis per actus fidei & spei, quales exigit Tridentinum. s. 6. c. 6, Catechism. Rom. de Sacram Pæn. c. 1. n. 3. S. Ambros. de pæn: l. 1. c. 1. S. Thom. in 4. dist: 14. q. 1. a. 2. & communis TT. apud Lacroix: p. 1. l. 2. tr: 1. c. 1? De actu charitatis dicit Concilium, quod peccatores, ubi credunt, & in spem eriguntur, *Deum omnis iustitiæ fontem diligere incipiunt.* Ex quo textu Clerus Gallix in Conventu generali annô 1700.

in declarat: de dilect: Dei in Sacram. pœnit., sic ait: *Nē quisquam putet, in utroq; Sacramento (Baptismi & Pœnitentiæ) securum se esse; si præter fidei. & sp̃ei actus, non incipiat diligere Deum, tanquam omnis justitiæ fontem.* Quamvis enim Tridentinum nec necessitate mediū, nec necessitate præcepti, requirat ad confessionem actum amoris; cum sufficiat attritio; ex s. 4. c. 4: tamen optat, istam præstantissimam dispositionem ad confessionem fieri; quod securior sit pœnitens de justificatione (ut dicit conventus Gallix) quam adfert & ipse actus supernaturalis amoris

6to: An curas quàm intensissimum dolorem elicere, ut facienti quod est de te, Deus non denegat gratiam; ad dolendum supernaturaliter? Vide Magdalenam, Petrum, Hieronymū, & illos pœnitentes; quos describit S. Climacus gr. 6, apud P. Tytkowski soli q. 19. Vide te ipsum, quomodo deplores unam rem caducam; unam nugam; unam vanitatem:

7mo: An satagis contritionis perfectæ? An illam extendis ad omnia peccata?

8vo: An non differs dolorem ad ipsum absolutionis actum? id esset in periculum conjici, faciendi Sacramentum irritum; adeoq; peccare graviter.

9no: Quàm firmum emittis propositum non peccandi? Eligeresne potius mortem, imò cum

S. An.

S. Anselmo & Catharina Senensi, potius infernum, quam offensam Dei?

10mò: An vitioso pudore non retraheris à confitendo? Audi S. Chrysostomū Præfat: ad Isa. Cum nōset satanas, quia peccatum verecundiam habet, penitentia fiduciam; ordinem reprobis permūtavit & invertit: penitentia dedit verecundiam, fiduciam peccato.

11mò: An cum salutarī verecundia reverenter accedis ad tribunal penitentia? hoc enim fradet Tridentinum. Et S. Ambros. L. 2. de Cain. c. 7. Erubescere debemus peccata, non defendere; quoniam pudore culpa minuitur, defensione cumulatur.

12mò: An cogitas, te non tam cum vicario Christi, quam cum ipso Christo Iudice, rem acturū, rem tantī momenti, & in conspectu totius cæli?

13mò: An non ægrè fers confessiones aliorum longiores? an illos non iudicas temerè?

14mò: Quantā compunctione noxas exponis? Defectus levissimos exponendo, viribus deficiebat S. Aloysius. S. Pater tanto dolore vitæ secularis actus Parisiis confessus; ut confessorium alioquin improbum, ad penitentiam & meliorem frugem reduceret.

15mò: An explicas expressè, clarè, totū, nihil celando; quidquid pungit conscientiam? Quia simulata confessio non est confessio, sed duplex confessio.

finis inquit S. Bernardus inter: dom. c. 37. Nihil item extenuando præ rubores; de quo S. Aug. l. de visit: infr: c. 5. Heu, quid erubescis confiteri, quod facere non erubuisti? melius est coram uno aliquantulum ruboris tolerare, quam in die iudicii coram tot millibus hominum gravi repulsa denotatum erubescere.

16to. An declaras numerum etiam venialium, præsertim graviorum? id enim multum confert ad ea cavenda.

17mo: An declaras circumstantias etiam illas, quæ peccatum aggravant; nedum illas, quæ speciem ejus mutant?

18to: Quo corde suscipis injunctam penitentiam, & monita confessarii?

19to: An sub absolutione renovas actum doloris?

20to: An mox à confessione properas ad Christum, agendo gratias pro emundatione tui à lepra peccatorum, exemplò illius, (Luc. 17.) qui videns, quia mundatus est; ad ipsum regressus cecidit in faciem suam, gratias agens? An agis gratias pro institutione Sacramenti penitentiae, & pro tot idoneis confessoribus?

21to: An quàm primùm potes, impositam implēs penitentiam; ne per ejus oblivionem Sacramentum mancum facias?

22to: Curaſne frequenter confessione mundare conscientiam? S. Borgias mundabat ter in diem.

diem. Quò sapius purgatur domus, eò mundior. Quò longius confessio differtur, eò magis invalescunt vitia. Norimbergam inundârunt scelera, dum exularet inde confessio. Quare Carolo V. Supplicavit, ut illam per decretum restitueret. Refert Dom. Soto. in 4. Dist. 18. q. 1. art. 1.

23^{to}: Si peccatò contingat inficî, studeſne virus iſtud quàm primùm ejicere? *Qui poſt peccatum, in eo impudens perſeverat; non tam in cadendo miſer eſt, quàm in faciendo poſt caſum.* Ait S. Chryſoſt. hom: 8. in 1. Cor.

24^{to}: An poſt quamlibet confessionem eradicas aliquod vitium? *Qui peccatus ſuum rudit, & ſe non corrigit; peccata ſolidat, non tollit.* S. Aug. Deprecari Deum, & iterum offendere; non eſt aliud quàm illudere Deo.

25^{to}: An tibi pro delictis imponis pœnas? *quia non ſufficit, in melius mores mutare; niſi etiam de his, quæ facta ſunt, ſatiſſiat Deo.* Idem S. Doctor. Int. hom. 50. hom. ult. cap. 15.

D I E I SECUNDÆ LECTIO SECUNDA De Pœnitentia.

I. Pœnitere, inquit S. Thomas, eſt de aliquo priùs à ſe facto dolere. Dolor hic importat Imò ceſſationem à peccando. Unde S. Gregorius hom.

hom. 34. in Evang: *Pœnitentia est, præterita mala plangere, & plangenda iterum non committere.* 2da importat detestationem peccatorum, ut definit Tridentinum. 3ta: Propositum firmum, non peccandi uti rursus declarat idem Conciliū. 4ta. importat Confessionem ex institutione Christi. 5ta importat Castigationem commissorum. Hinc juxta Clim. gr. 5. *Pœnitentia est corporeæ consolationis perpetua & jugis repudiatio: est voluntaria earum rerum omnium, quæ affligunt, toleratio: est cruciatuum sibi semper opifex: est valida ventris afflictio, animaque in sensu firmissimo jugis reprehensio; abyssus humilitatis.* Et juxta Aug: *Est quædam dolentis vindicta; semper puniens in se, quod dolet commisisse.* Hic actus spectat ad justitiam vindicativam, cujus est pars quasi potentialis; inquit S. Thomas 3. p. q. 85. ar. 3.

Hæc omnia breviter expressit Spiritus S. Eccli. 38. *Averte à delicto, & dirige manus, & ab omni delicto munda cor.* Nam *averti à delicto*, est averfari & detestari delictum. Unde fuit propositum non delinquendi. *Dirigere manus* ad opera satisfactoria, est punire delictū. *Mundare cor ab omni delicto*, est confiteri delictū, ab illoque cessare.

II. Proprietates Pœnitentiæ sunt: *ima*, quod non patiatur differri. Quis hostem intra mœnia, viperam in sinu, pestem in corpore, & peccatum prudenter alat in anima? quare clamat

mat Spiritus S. Eccle: 5. *Non tardes converti ad Dominum, nec differas de die in diem; subito enim veniet ira illius, & in tempore vindictæ disperdet te.* Audi S. Greg hom. 12. in Evang: *Qui penitenti veniam spopondit, peccanti diem crastinum non promisit.* Et S. Aug: in Psal. 114. *DEUS pænitentia tua indulgentiam promisit; sed huic dilationi tue crastinum non promisit.* Item lib. 6. Confes. c. 11. & lib. 8. c. 5. & 7. *Ipsa res est, quæ multos occidit; dum dicunt: Cras, cras; & subito ostium clauditur: remansit foris cum voce corvina, qui non habuit gemitum columbinum.*

At quantò turpiùs & periculosiùs errat, qui eluendas animæ labes ad senium differt, vel pænæ reatum diebus committit ultimis detergendum? quis Nathan revelavit tibi, quòd ante mortē Dominus transferet peccatū tuū? quis promisit campum dolendi, prout oportet ad salutem? quis Confessarium? quis confessionē? quis integram? quis actus salutes ad illam requisitos; præsertim inter acerrimos dolores animam pellentes è corpore, inter dæmonum extremos impetus? Rectè S. Aug. h. 50. hom. 41. de pænitentis ejusmodi salute dubitat: *Agens, inquit, pænitentiam ad ultimum, & reconciliatus; si securus hinc exit, ego non sum securus.* Nam non otiosè minatur DEUS Proverb. 1. *Tunc invocabunt me, & non exaudiam.* Super quod S. Fulgent. *Qui de iniquitatibus suis recede-*

cedere nolunt, & sibi indulgentiam repromittunt; nonnunquam ita praeveniuntur repentino DEI furoribus; ut nec conversionis tempus, nec beneficium remissionis inveniant.

Itaque si te argueret Basilius orat. 4. de pœnit: Quid facis o homo! cum multum valeas in agendo, juventutem tuam in peccatis traducis; ubi verò in labore fracta fuerint instrumenta; tunc ipsa ad DEUM adducis, cum illorum nullus sit usus; sed necessario labant, ac torpent ob longi temporis rabiem? Quid si Ambros. de brev. vit. Quid potest habere laudis, si effatum corpus voluptatibus, & jam senectutis gelu frigidum, ad sera devotionis officia, deposito jam senior vigore, convertat? Quid si ethnicus Philosophus: Non pudet te reliquias vitæ tibi reservare, & id solum tempus bonæ mentis destinare, quod in nullam rem conferri possit? Quam serum est, tunc primum vivere incipere, cum desinendum est! Quo reprehensiones istas ferres animo? quo tandem feres, cum te districtus Iudex DEUS arguet, & multo acrius?

III. 2da Pœnitentiæ proprietas est Constantia, quod debeat relapsu non temerari; utpote, qui gravior est, & periculosior, quam lapsus. Hoc fusè deducit S. Greg. 3. p. Past. adm 31. At clarè patet ex verbis Christi Joan. 5. ad cæcum sanatum: Ecce sanus factus es, jam noli peccare; nè deterius aliquid contingat tibi. Quibus verbis, ait S. Cyrillus, significavit, per pec-

cati iterationem hominem in deteriora prolabi mala.
Quid prodest, obsecro, studiosè vestes abluerè, &
lotos rursus lutò inquinare? quid, lavare manus, &
ablutas iterum contaminare sordibus? sicut sus lota,
dicit sapiens, in volutabro luti; ità stultus, qui ite-
rat stultitiam suam. Nam incassum sumitur me-
dicina, si post instauratam sanitatem, per vitæ in-
continentiam, qui convaluit, in pristinum incidit
morbum. Quin imò relapsus in aegritudinem pericu-
losior esse solet, & exitio propior; quàm ille prior
langvor: & quos prima valetudo adversa non extin-
xit, sapius iterata post incolumitatem agrotatio su-
stulit è vita. Haud secus, frustra penitentiae medi-
camentum sumitur, si post eam peractam ad præteri-
tæ vitæ sordes reditur. Hactenus S. Doctor.
Non minùs sapienter Chrysost. postquam di-
xerit: Noli peccare post veniam, noli vulnerari
post curam, noli sordidari post gratiam: reddit ra-
tionem singulorum dicens: Cogita, graviores
culpam esse post veniam; renovatum vulnus plùs do-
lere: molestius hominem sordidari post gratiam. In-
dulgentiæ ingratus est, qui post veniã peccat; sanitate
indignus est, qui se ipsum, postquam curatus est,
vulnerat; nec mundari meretur, qui se ipsum post
gratiam sordidat. Grave est, hominem instructum
delinquere; gravius, absolutum peccare: servò pejor
est, qui Patronum post datam libertatem offendit.

Confirmat hæc S. Bern. Serm. 54. in Cant:
Timeas quidem pro accepta gratia, amplius pro az-
missa,

missa, longè plus pro recuperata. Hoc tertiū probat: Si gratia recuperata redieris, multò magis tunc timendum; nè fortè contingat recidivam pati, juxta illud: jam ampliùs noli peccare, nè deterius tibi aliquid contingat. Audis, Reincidere, quàm incidere, esse deterius? Proinde invalescente periculò, invalescat & metus.

Invalescit autem in relapso periculum; quia, cùm ingravescat ingrata pro delicti remissione protervia; DEUS illum vehementiùs averfatur, meritòque deserere potest: homo ipse redditur debilior ad surgendum; voluntas proclivior ad malum; dæmon audacior & potentior ad opprimendum; passio robustior, infirmior gratia; Hinc sapienter monet Liciniū S. Hieron. epist. 28: Sodomam reliquisti, ad montana festinans; post tergum nè respicias: nè aratri strivam, nè fimbriam Salvatoris, nè cincinnos ejus, noctis rore madefactos, quos semel tenere capisti, aliquando dimittas; nè de tecto virtutis, pristina quefiturus vestimenta, descendas; nè de agro revertaris domum; nè campestria cum Loth, & amana hortorum diligas, que non irrigantur de Cælo, ut terra sancta; sed de turbido flumine Jordanis, postquam dulces aquas, maris mortui commixtione mutavit.

Tandem, constans vir à proposito sit immobilis, oportet. Socrates apud Stobæum ait: Ut statua basi, ita vir bonus instituto innixus honesto, nullatenus dimoveri debet. De fabricio apud Plu-

Plutarchum dictum: *Facilius est, solem à suo cursu, quàm Fabricium à suo proposito deducere.* Quantò magis à proposito melioris vitæ, immobilis quisque deberet esse!

IV. 3^{ta} Pænitentia proprietatis est, quod dignos fructus exigat; ad quos compellit Præcursor Domini Luc. 3. *Facite fructus dignos pænitentia.* Fructus isti consistunt in eo, ut quantò studiò serviebatur vanitati; tantò serviatur Deo; quantò peccatis, tantò virtuti. Hoc enim est, ad quod stimulat Isaias c. 31. *Convertimini, sicut in profundum recesseratis: Sive prout inquit Cyprian: Quàm magna deliquimus, tam granditer deflemus: Pænitentia crimine non sit minor.* Et ad Rom. 6. *Sicut exhibuistis membra vestra servire immunditiæ, & iniquitati ad iniquitatem: ita nunc exhibete membra vestra servire Iustitiæ: Seu ut explicat Origenes: Hoc saltem obsequii impendatis Iustitiæ, quod prius impendistis iniquitati.*

At plus videtur requirere S. Bern: *Multò magis anhelet mens ad celestia, quàm prius terrenis incubuerat.* Idque in fundamento Baruch c. 4. *Sicut fuit sensus vester, ut erraretis à DEO, de ceteris tantum iterum convertentes, requiretis Eum.* Caterum si vel millies tantum pænitens requiratur DEUM, quantum erravit ab eo; modicum adhuc præstat respectu malitiæ unius etiam peccati, quatenus hoc est offensa personalis

DEI, ut docet S. Thomas. Attamen cum non possimus offerre pro peccato pecus, offeramus turturem vel columbam: nempe, præstamus, quantum possumus, cum nequeamus præstare, quantum debemus.

Quantum præstabant alii! Fabiola genere conspicua, quod primò repudiatio virò nupsit alteri, publicam egit penitentiam, omnibus collachrymantibus, quod sparsum crinem, ora lurida, squallidas manus, sordida colla submitteret. Sic dolebat, quasi adulterium commisisset, & multis impendis medicaminum, unum vulnus sanare cupiebat; dicit Hieronymus. Sic enim præscripsit Tertullianus lib. de pœnit. c. 9. Exomologesis de ipso quoque habitu, & victu mandat, sacco & cineri incubare, corpus sordibus obscurare, animum meroribus desiccare; illa, quæ peccavit, tristi retractatione mutare; pastum & potum purâ nôsse, non ventris, sed animæ causâ; jejuniis preces alere, ingemiscere, lachrymari, & mugire, dies, noctesque ad Dominum.

Quod tam dirè vindicanda sint delicta lethalia, non est mirum; hæc enim æternas merentur pœnas. Sed quod etiam levia puniantur à sanctis acriter, id parem admirationem, ac imitationem poscit. Sanctam Paulam in ejus epitaphio sic laudat Hieronymus: Mollia, etiam in gravissima febre lectuli strata non habuit; sed super durissimam humum stratis ciliciol's quiescebat,

scebat. Si tamen illa quies dicenda est, quæ jugi-
bûs orationibus dies noctesque iungebat: in qua fon-
res crederes lachrymarum: ita levia peccata plange-
bat, ut illam gravissimorum criminum crederes ream.
Cumque à nobis crebrius moneretur, ut parceret o-
culis; agebat: Turpanda est facies, quam contra
DEI præceptum purpurissâ, cerussa, & stibio sæpe
depinxi. Affigendum est corpus, quod multis va-
cavit deliciis. Longus visus perpeti compensandus
est fletu. Mollia & serica pretiosissima, aspe-
ritate cilicij commutanda. Quæ viro & sæculo pla-
cui, nunc Christo placere desidero.

V. 4ta Pœnitentiæ proprietas est, quod de-
beat esse continua. S. Greg. l. 6. epist. 22. re-
spondit Gregoriæ, quæ fuit à cubiculis Impe-
ratricis: *Secura de peccatis fieri non debes, nisi cum*
jam in die vitæ tuæ ultimo, plangere eadem peccata
minimè valebis: quæ dies quousque veniat, semper
suspecta, semper trepida, metuere culpas debes, at-
que quotidianis fletibus lavare. S. Aug. epist. 108.
ad Selencian: *Penitentia bonorum, & humilium,*
pœna quotidiana. Chrysost. monet, ut sicut fa-
ciem quotidie lavas, sic & animam quotidie
lachrymis abluas.

Prævit hanc viam Petrus, qui quoties audiit
galli cantum, pectus tundeat, procidebat in
genua, tundeat lachrymas, quæ canales in
genis excavarent; ut testatur S. Clemens ejus
Discipulus, & ex eo Niceph. l. 2. c. 7. Præ-
vit

vit Paulus, de quo S. Greg: Jam ad tertium Cælum ascenderat, in Paradisum quoque ductus fuerat, arcana verba audierat: & tamen adhuc trepidans dicebat: Castigo corpus &c. Adhuc rimet, qui jam ad Cælum ducitur; & timere non vult, qui in terra conversatur! Prævit David, qui licet certus à Propheta redditus, quod Dominus transfulerat peccatum ejus, tamen Psal. 6. per singulas noctes lacrymīs, lectum suum rigavit. Prævit S. Maria Magdalena, S. Maria Ægyptiaca, S. Pelagia &c.

Prævivere tot, de quibus Clim. gr. 6. Cùm pervenissem, inquit, ad Pœnitentium monasterium, vidi revera res, & verba, quæ DEO vim inferre possent. Quosdam ex reis illis vidi noctibus totis usque sub diem stare per-vigiles, pedesque immobiles tenere; contra somnum vim naturæ inferre; nullam sibi requiem indulgere; sed seipsos increpare. Alios in Oratione, reorum more, vinctis post terga manibûs, humi luridas facies suas inclinantes, indignos se, qui Cælum aspicerent, vociferantes; tacitam, mutamque DEO mentem offerentes, confusione plenam. Nonnullos in pavimento stratò ciliciò & cinere sedentes, & faciem genibus operientes, & frontem in terram collidentes. Alios pectora jugiter tundentes, animamque suam ac vitam suspiriò ingenti revocantes. Alios lacrymantes, alios, quod

quòd id non possent, lamentantes. Vidi nonnullos veluti æneos ex maxore effectos, & insensibiles ad omnia. Alios fixis obtutibus in terram, caput assidue movere, & leonum rugitum edere. Vidi in illis æstuentes lingvas, instar canum, ex ore procedentes. Ex his alii sub ardentissimo solis æstu seipsos cruciabant: alii acerrimo frigore se affligebant: quidam modicum aquæ gustantes, nè omnino siti arefcerent, ita quiescebant: alii, cum panis exiguum quid accepissent; reliquum, tanquam illo indigni, projiciebant. Quem locum apud illos usus habuit? quem sermo otiosus? quem iracundia? quem furor? ubi tenuis vini cogitatio? ubi pomorum degustatio? Jugiter ad Dominum clamabant, solaque vox orationis audiebatur. De his plura P. Tytkowski soliloq. 19.

VI. Effectus Pœnitentiæ hos assignat S. Paulus 2. ad Cor. 2. v. 11. 1mo. Sollicitudinem expiandi offensam. 2do defensionem, seu ut legit Erasmus, satisfactionem. 3to indignationem sibi ipsi, quòd peccaverit; 4to. Timorem, seu horrorem peccati. 5to Desiderium emendationis & satisfactionis. 6to Emulationem seu juxta Chrysostomum & Anselmum; Zelum gloriæ DEI. 7mo: Vindictam, seu castigationem sui. Sic hunc textum explicant Ambr. Thom. Theophylac. Theodoret.

Cassianus l. 9, c. 11. hos tribuit effectus Pœnitentiæ: Obediens est, affabilis, humilis, mansueta, ac patiens: utpote ex DEI charitate descendens, & ad omnem dolorem corporis, ac spiritûs contritionem infatigabiliter semetipsam desiderio perfectionis extendens; & quodammodo lata, ac spe perfectûs sui vegetata, longanimitatis retinet suavitatem, habens in semetipsa omnes fructus spiritûs S. quos enumerat Apostolus: Fructus autem spiritûs est charitas, gaudium, pax, longanimitas, bonitas, benignitas, fides, mansuetudo, continentia. Alii effectus in lect. diei 8. de mortific. extern. n. 11.

VII. Media ad hanc virtutem eadem sunt, quæ ad mortificationem tum externam à n. 13. tum internam à n. 15.

Impedimenta ejusdem virtutis ibidem.

Maximum impedimentum est, timor difficultatis: hoc sic elidit Spiritus S. Proverb. 20: Malum est, malum est, dicit omnis emptor; & cum recesserit, tunc gloriabitur. Quod Hugo Cardin. exponit de illo, qui nummò Pœnitentiæ, merces emit cælestes. Malum est, inquit, id est, nimis carum, nimis molestum, pœnitere; & cum emptor, id est pœnitens, recesserit à foro pœnitentiæ, in domum cælestis Patriæ; tunc sanè gloriabitur, quia bonum forum habuit.

O pretiosum nummum, quò regnum emit-
tur!

tur! O dulcem luctum, quem gaudia comitantur! O lachrymarum mare vitreum simile crystallo, per quod transitur ad conspectum & sedem DEI! O pœnitentiam, quæ in terris celestis conversationis gustas dulcedinem! Sic ait S. Ephrem: Scitote, Fratres, non fore in terra quid dulcius gratiâ lachrymarum. Si quis vestrum expertus lachrymarum dulcedinem, mediante oratione desideraverit elevari è terris: totus hic extra corpus in calum fertur. Et quid dico: Extra corpus? imò extra sæculum universum totus est, nec amplius conversatio ejus invenitur in terris. Hæc ille.

Concludat hæc omnia S. Bern. Malum impunitum esse non potest. Non punitur hic propria voluntate? punitur alibi sine fine. Misera sanè, & extrema planè dementia commutatio; humanum declinare laborem, & paratum diabolo stridorem eligere sempiternum.

MEDITATIO III.

De peccato Religiosi.

I. *Punctum imum.* Audiam DEUM: Job. 19. Quem maxime diligebam, aversatus est me. Cæteris paribus gravius læditur DEUS à Religioso, quàm à sæculari. imò: quia ille peculiariter est dilectus DEI, cui dicit Jerem. 31. Dilectione perpetua dilexi te, ideo miserans attraxi te; nempe

nempe ad Religionem, ad statum dilectorum suorum. Est Filius DEI, est amicus juratus per vota religiosa; est servus specialiter, & domesticus DEI, civisq; Sanctorum. O miseram sortem ejus, dum peccat! quia ex summè amato, fit summè odibilis; ex spiritu ministratorio, dæmon; ex amico, hostis DEI; ex filio DEI, filius Belial, filius iræ & perditionis; ex servo bono & fideli, servus nequam; ex domestico DEI, Iscariotes! 2da: Quia Religiosus & plura, & specialia percipit à DEO beneficia, quæ enumerat S. Bernardus, & cuius ob oculos ponit conscientia. 3ta: Quia ex sensu S. Thomæ, quò clariùs quis cognoscit perfectiones DEI, eò graviùs illum offendit peccando; quia fortiùs retrahitur à peccando. Jam juxta Bernardum: Religiosus luculentiùs illustratur ad agnitionem DEI summi Boni, tanquam suus dilectus; dum ferè continuò de DEO cogitat, legit, discurret, audit. Nonne turpius est, læbi in meridie tot illustrationum; quàm in nocte, in qua versantur sæculares? 4ta propter scandalum; quia ad vitam religiosi plures respiciunt; ait S. Thomas l. c.

II. Punctum 2dum: Audiā Jeremiam Thren. 1: Dissipati sunt lapides sanctuarii. Peccatum Religiosi contrahit specialem malitiam ex ratione statûs religiosi, quem penitus dissipat. Hic enim est sanctuarium DEI, à quo prohibet omne in-
qui;

quinamentum: peccatum facit illum spelæum diaboli. Hic est terra sancta, terra Sanctorū, sanctos germinans: peccatū facit illum terram maledictā in opere suo, spinas & tribulos germinantē, in caput Christi. Hic, juxta S. Thomam, est status graviter obligatorū ad studium perfectionis: peccatum perfectionem perdit. Hic juxta Sanctos Patres, est campus pænitiæ & meritorum: peccatū facit illum campum Galaad, id est abjectionis, maledictionis. Hic, juxta Ascetas, est Schola virtutū, cætus discipulorū Christi, terrestræ cælū, & Religiosi sunt cælites terrestres: peccatū facit illum universitatē iniquitatis, cætū proditorum Christi, terrestrem infernū, & Religiosos peccantes facit dæmones; ut ait S. Dorotheus. Religiosi peccatū rem sacram, hoc est, personā DEO consecratā, immolat sathanæ: & hōc titulō, quod in sæculari est peccatum; in Religioso est sacrilegium. Hinc S. Bernardus L. 2. Confid. inquit: In ore sæcularis nugæ sunt nugæ; in ore Sacerdotis vel Religiosi sunt blasphemix.

III. Punctum 3tium: Audiam S. Paulum Gal. 5. *Modicum fermenti totam massam corrumpit. Peccatum Religiosi specialem malitiam contrahit ex ratione Religionis. Unius enim Religiosi peccatum corrumpit imò statum spirituale: tum quia unius exemplō pravō, tanquam scabiosæ ovis, corrumpuntur alii. Tum quia,*
juxta

juxta Suarez. ob unius peccatum subtrahit DEUS communitati toti speciales favores; adeoq; & gratias omnino necessarias ad conservandū Spiritū. 2da: Unius Religiosi peccatum corrumpit statū temporale: tum quia propter unius peccatum; punit DEUS totam communitatem privatione bonorum temporalium: sic pro peccato David 2. Reg. 24. & pro peccato Achan Jos. 7. totum punivit Israël: propter unum Judam, ex sensu S. Ambrosii, omnes Apostoli Luc. 5.; propter unum Jonam, omnes nautæ periclitati; Jonæ. 1. Unde S. Doctor ait: *Unius delicto cunctorum merita quantantur.* Tum quia cū uniuscujusq; Religiosi mores, præsertim dyscoli, sint mensura & imago totius Religionis apud externos; hinc ob unius facinus, non solum ipsi à toto ordine animos avertunt & beneficia; sed etiam apud alios infamant, & odiis exponunt. O infelix Mater Religio! justè quereris Jerem. 1. *Filios enutrivisti & exaltavi, at ipsi spreverunt me, & sperni fecerunt!*

Colloquium: Domine, Pater misericordiarum, plantasti me in terra Sanctorum: ad quid, nisi ut gignam fructus dulces gutturi tuo? Humectas me gratiarum rore, irrigas Sanguine Filii tui. At ego arbor sterilis frustra terram occupo. Ah non sterilis! pro uvis labruscas afferos; imò baccas venenum animæ m. ex, amaritiam.

ritiem cordi tuo. Fixi radices vitiorum, ex quibus pullulant scandala proximis, infamia Religioni, tibi offensæ. Quid tandem de me facies? Tulisti jam decretum; ah horrendum decretum! In terra Sanctorum iniqua gessit, non videbit gloriam Domini Isaïæ 26: Expecta paululum misericors DEUS, abhinc propono &c.

Lectio Thomæ Kempensis l. 3. c. 14.

Tessera: *Visitabo super omnem, qui arroganter ingreditur super limen in die illa: qui complent Domum Domini DEI sui iniquitate. Soph. 1.*

DIEI TERTIÆ MEDITATIO I.

De Morte.

I. *Punctum 1mum.* Audiam morientem Saul.

2. Reg. 1. *Tenent me angustia.* Spectabo ægrū, qui suæ salutis incurius vixit, positum in extremis, de spe valetudinis dejectū, dimissum à medico, moneri de vicina morte. O quantis tenetur angustiis! 1mò: Durus hic & insperatus mortis nuntius, quàm acriter percellit illū, qui minimè de morte cogitabat! 2dò: Cogitat, se avelli à terra, rebusq; terrenis, quibus viscosè adhæserat; à mundo, cui serviebat; à solatiis, quibus inhiabat; à sensibus, quos dissolvebat; à corpore deniq; cui nequiter indulgebat. 3tò: Perpendit, defecisse vires, evanuisse,

quæ

quæ delectant; instare, quæ torqueant; post
gaudia non restare nisi luctum. 4to: Fortiter
apprehendit, animam à se repeti, districtum
instare iudicium, tempus effluxisse pœnitentiæ,
januam salutis claudi, æternitatem imminere.
Has angustias, nemo satis exprimeret, nisi ex-
pertus.

II. Punctum 2dum. Audiam Antiochum I.
Machab. 6. *Reminiscor, quanta mala feci, & ecce
morier tristitiâ magnâ. Spectabo eundem agrû,
proximum agoniz, tristitiâ. & metu prostra-
tum; imò: tum ob multitudinem, tum ob gra-
vitatem delictorum. 2do: quòd plurima pec-
cata tunc primum se elare sistunt memoriæ,
quorum antè non meminerat. 3to: quòd illa,
quæ olim ex habitu committebat, adeoq; par-
vi pendebat; apparent grandia & horrenda.
4to: quòd dubiter, utrum amore an odio di-
gnus sit? an aliquando perfectam contritiônem,
imò an alios actus supernaturales requisitos
ad remissionem peccati elicuerit? an Sacramen-
tum pœnitentiæ validè suscepit? Et sic per-
turbatus angitur, sideratur, arescit, nescius
quò se vertat. Etenim, juxta S. Anselmum:
attollens sursum oculos? videt Iudicem iratum
& minacem: demittit deorsum? cernit feretrû,
sarcophagum, sepulchrum, parata corpori im-
probè amato; animæ verò abyssum infernalẽ
apertam. Convertit dextrorsum? non appa-
ret*

ret ullus Patronus, qui opem ferat. Vertit finistrorsum? occurrit præsto turba dæmonum innumera, diductis faucibus hiantium, & ardentium devorare animam infelicem. Introspectit conscientiam propriam? advertit innumerabilem criminum vim. Vellet miser fugere seipsum, at hoc fieri non potest: vellet revocare annos transactos, at hoc impossibile: vellet annihilari, sed neq; id obtinere valet.

III. *Punctum 3tium.* Audiam Ezechielem cap. 7. *Afflictio ecce venit, finis venit.* Spectabo afflictionem ejusdem agri in termino vitæ constitutis, videbo faciem mutatam, defluxisse, pallere; os livore fædatum; sensus omnes impotes sui, linguam obriguisse, oculos profundè lapsos, & albugine obductos; aures destitutas officio, nec Sacerdotis clamorem valentes percipere; pedes frigere, manui algidæ Sacrum cereum intrudi, tempora cava, maxillas fimosas; gelido madere sudore corpus; phlegmate densato pectus obrui, agrè spirare, arteriæ pulsum deficere, cor opprimi. Interim dæmones intellectum perturbant, ac obfuscant; voluntatem tentant graviter, memoriæ obijciunt peccata, de spe dejiciunt, omnes exerunt vires, ut perdant. O mortis horam terribilem! ô momentum horribile, à quo pendet æternitas! In eo Hilariones, Hieronymi, & pleriq; sancti tremunt; & ego non tremam?

in eo,

in eo, si justus vix salvabitur, impius & peccator ubi parebunt? in eo, qualē me esse vellē? in quali statu animæ? Talē ergo me, & in tali statu animæ oportet sēper vivere. Quia *dies Domini sicut fur*, dū minimē speratur, venire solet.

IV. *Punctum 4tum*: Audiā Spiritum S. Esth. 7. *Festinauit ire in domū suā lugens*. Anima migrans ē corpore trepidat, palpitat, horret. Justum Judicē ultionis cernit iratum, & damnantē ad habitandū cum igne devorante, & ardoribus sempiternis: stygii tortores illā rapiunt, æterno includunt carceri, ad infinitas penas. Considerabo, quid tunc misera cogitet, quantū doleat, se illa vitia non extirpasse, illi habitui inhæsisse, illis occasionib9 se ingessisse, illa non vitasse venialia, quæ erant gradus ad mortalia; illa opera bona neglexisse, gratiis divinis non paruisse! Postquam abiit lugens anima in domum suam, domum luctūs, domum infelicis æternitatis suæ, abit in domum suam, & corpus, ah corpus! cui anima stultē parebat, quod animæ gravabat officia, & tandem illam perdidit; hoc corpus, jam purridum, exosum, fætidum, horretur, effertur, tolerari nequit, sepulchro conditur, fit esca vermium & sanies. *Putredini dicit: Pater meus es, mater mea, & soror mea, vermibus*. Noti, amici, sanguine juncti, deposito cadavere, brevi & frigida oratione factā, domum redeunt, ridentes, jocantes, vix men-

mentionem facturi de mortuo, simul à corde,
ac ab oculis amoto.

Colloquium. Anima mea! alius hæc expende,
& saltem tunc recogita, dum à mundo, carne,
dæmone, ad aliquid illicitum traheris. Ex-
pende; si nunc morerer, quo animò mortem
subirem? an non vellem me aliter vixisse? an
non cuperem redire ad vitam, & illam melius
instituire? Si redirem ad vitam, quomodo vi-
verem? Ergo nunc ita vivendum. Cur occa-
siones merendi negligo? cur elabi sino tempus
penitentiae? cur abutor patientiâ DEI? JESU
in infami cruce agonizans, momento agoniae
tuae, commendo & unio momentum agoniae
meae. Vide acerbissimam mortem tuam, vide,
quod illā pro me oppetieris! mors tua sit vi-
ta animae meae, tibi utiq; illam tam carò emi-
sti, tibi illam serva, & salva.

Thomæ Kemp. L. i. c. 23.

*Non tardes converti ad Dominum, & nè diffe-
ras de die in diem; subito enim veniet hora illius,
& in tempore vindictæ disperdet te. Eccli. 5.*

*Quoniam te mors ubiq; expectat, tu quoq; si sapiens
fueris, ubiq; eam expectabis. S. Bern. Medit. c. 3.*

LECTIO PRIMA

De Præparatione ad Mortem.

Triplex est mors, inquit Hugo Cardinalis.

Na-

Natura, Culpa, & Gratia. In 1ma moritur caro, in 2da anima, in 3tia totus homo. 1ma separat animam à carne, 2da dividit gratiam à mente, 3tia sejungit totum hominē à curis sæculi. 1ma est omnium, 2da est malorū, 3tia est bonorū. Mortui 1mā morte sepe- liuntur in mundo, 2di in inferno cum divite epulo- ne, 3tii in Cælo cum Lazaro. 1ma est præveniē- da, 2da vitanda, 3tia curanda.

1ma est præveniēda, nè minimè sperata præve- niat imparatū & perimat; tanquā dū improvisus hostis irruit in incautos. Augustinus Serm. 120. monet: *Præveniendus est dies, qui prævenire solet.* Et ethnicus Philosophus ita vivendum svadet, ut occurrere venienti possimus morti.

I. Porro ultimum prævenire diem, est, ad illum sollicitè præparari. Istam verò præpa- rationem in tribus Christus collocat. 1mò ut sint lumbi præcincti. 2dò ut sint lucernæ ardentes in manibus. 3tiò ut vigilemus Luca 12. Lumbos præ- cingere, juxta S. Augustinum, est expeditum esse ad iter in Cælum. O quàm longum iter! P. Clavius demonstrat, Cælum Empyreum à ter- ra distare plūs, quàm ducentis millionibus milliarium. Quantò proinde virtutum com- meatu, quantā passuum acceleratione, quantā contentione cursūs opus est? Unde Barlaam apud Damasc. Hist. c. 45. docet suum Josa- phat: *Longum iter vobis ineundum est, quodq; mul- tō hujus vitæ viaticō opus habeat; ut ad sempiter- num*

num locum, in quo mansiones multe sunt, perveniaris.

Idem iter non levibus periculis est obnoxium: illud maligni Spiritus quasi quidam latrunculi obsident, inquit S. Gregorius homil. 11. in Evan: crebris non vacat obicibus, tenuatur angustiis ultra modum, totum interjacet ac imminet præcipitiis. Unde Chrysostomus monet homil. 22. ad popul: Quemadmodum super funem extensum ambulantes, non licet vel parū negligentes esse, quā parū illud, magnū illis malū generaret; mox enim submersi deciderent & perirent; ita neq; nobis pigrescere licet. Viam enim incedimus angustam, & utrinq; præcipitiis obnoxiam, pedumq; simul duorum non capacem. Vides, quā nobis opus sit diligentia. Et infra: Magna sunt præcipitia, dense subjectæ sunt tenebræ, angustiam observemus, cum timore & tremore ambulemus.

II. Lucernæ ardentes in manibus continuum bonorum operum significant exercitium; ut Cælestinus ait: In lucernis ardentibus boni fulgor operis indicatur. Ad Episc. Gall. Epist. 2. Ad cælestem patriam quasi in nocte tendimus; ergo nisi nos hæ lucernæ ducant, errabimus: nisi lampades istæ fulgeant, claudetur Cæli janua; nisi tanquam Gedeonis tædæ comploræ fulgurent, non vincemus stygios Madianitas Math. 25. Judic. 7.

III. Vigilare, juxta S. Basilium, Est quotidie ad migrandum ex hac vita paratos esse, & nutum

G

Domini

Domini fidis oculis expectare. Sicut supplicio addictus continuò prospicit, an apparitor non appropinquet, qui rapiat eum ad pœnas. Pulchrè Ammon Abbas: in vitis PP. l. 5. Libello 3. de Compunct. n. 2. Cogita, sicut faciunt iniqui; qui sunt in carcere: illi enim interrogant homines, ubi est iudex, & quando veniet; & in ipsa expectatione pœnarum suarum, plorant. Ità & monachus debet semper suspectus esse, & animam suam objurgare: Væ mihi! quomodo habeo adstare ante Tribunal Christi, & quomodo habeo actum meorum ei reddere rationem?

Militia est vita hominis: ut milites in 4. vigiliis noctem secant: sic ætas humana dividitur in puerilem, adolescentem, virilem, & senem. In his omnibus vigilare nos Dominus admonuit, & orationum assiduitate detentos, omnibus præceptorum suorum operibus inhærere. S. Hilarius in Math. Cap. 26. Vide, quomodo se vigilâsse narrat Seneca epist. 49. *Non me ad eum diem aptavi, quem ultimum mihi spes avida promiserat: sed nullum non tanquam ultimum aspexi.*

O diem ultimum, diluculum æternitatis, mane vel immensî boni, vel immensî mali; meridiem clarum conscientiæ, in quo perspicuè patent omnia horrenda; vesperam meritum & pœnitentiæ! O diem, propter quem Augustinus observari jubet omnem diem! O diem,

diem, quem, ut latus aspicias, desudandum esset omni die. Enim verò:

IV. Quàm grandibûs persæpe curis constant modica! Quantò studiò præparat omnia belli Dux, ut victoriam lucretur; judicandus, nè causâ concidat; Athleta, ut frangat alterum. Et hi labori nulli parcunt, ut palmò terræ, ut umbrâ vanæ gloriæ, ut honoris punctò, vel excoctæ per solem terræ particulâ potiantur. O curas hominum! o quantum est in rebus inane!

Quod verò majus negotium putes, quàm sanctum imponere vitæ finem? Tanti profectò ponderis est, ut tota vita studium illius esse debeat. Unde Pythagoras, vitam, palæstram vocat moriendi. Et Seneca monet: *Vivere, totâ vitâ discendum est, & quod magis fortasse miraberis, totâ vitâ discendum est mori.*

Etenim imò: Qualis mors, talis fors. Quales nos reperiet hora ultima, tales excipiet æternitas: quia qualis tunc in nos cadet sententia, talis & in extremo judicio; qualis in extremo judicio; talis perennabit, donec durabit immortalitas animæ. Augustinum audi Epist. 80. *In quo quemquæ statu invenerit suus novissimus dies, in hoc eum comprehendet mundi novissimus dies: quoniam qualis in die isto quisque moritur, talis in illo die judicabitur.* Hinc infert: *Vigilare debet omnis Christianus, nè imparatum eum inveniat*

adventus Domini. Imparatum autem inveniet ille dies, quem imparatum inveniet vita sua ultimus dies. Et Hieron: in c. 2. Joël. Quod in die judicii futurum est omnibus, hoc in singulis die mortis impletur.

2dò: Quia mors omnium terribilium terribilissimum; inquit Aristoteles; idq; tum ob acres insultus dæmonum, tum ob cruciatus conscientie, tum ob imminentis æternitatis horrorem. Tū quòd sit inevitabilis ex decreto DEI. Hebr: 9. Tum quòd sit unica cujusvis hominis. Si pluries daretur mori, forsitan unâ perfuncti morte, studiosius nos disponderemus ad alteram: at nequit hic error corrigi; semel errasse, est pro semper perissee. Tum quòd sit quò ad circumstantias incertissima. Quare Thomas Kemp. Lib. I. c. 23. ait: *Ab stultie, quid cogitas te diu victurum, qui nullum diem habeas hic securum.* Tum quòd sit amarissima, ob memoriam præteritorum, ob amissionem præsentium, ob metum futurorum.

Metus hic etiam sanctos percellit. Fatetur S. Bernardus Serm. 56. in cant. *Dissolvi non cupio; sed formido.* Moriens Agathon rogatur: *Nunquid & tu times Pater?* Respondit: *Quantum potui, mandata DEI servare studui; sed unde scio, opera mea placuisse DEO? Alia sunt hominum, alia Dei judicia.* Flevit S. Arsenius 120 annorum senex; & similiter quærenti dixit. *In veritate*

ritate timeo: & isle timor, qui nunc mecum est, semper in me fuit, ex quo factus sum monachus. Tremuit P. Antonius Padilius, licet innocens; nam interrogatus: num sibi culpæ gravioris esset conscius? Respondit: O JESU bone, quantum monstrum hoc esset, Religio us & peccatum mortale! Ergo stude nunc ita vivere, ut in hora mortis valeas potius gaudere, quam timere: monet Thomas Kemp. Porro.

3^{ta}id: Quam est jucundum, latum expectare beatam spem, & adventum magni DEI; intrepidum præstolari mortem pretiosam, quæ juxta S. Bernardum, est finis laborum, victoriæ consummatio, vitæ janua, & perfectæ securitatis ingressus! Horâ fatali securum occinere cum Paulo 2. ad Tim. 4. Bonum certamen certavi, cursum consummavi; in reliquo reposita est mihi corona! Item: *Mihi vivere, Christus est; & mori lucrum.* Ridere in die novissimo cum muliere forti, seu muliere virtutis, ut quidam explicant apud Salazar. P. Joanni Morawski idem fuit exire de corpore, quod aliis ad hortum egredi. Quia vitam sanctam mors non perimit, sed coronat. Quin & Cicero de se scripsit Lib. de Senect: Ex ista vita discedo, tanquam ex hospitio, non tanquam ex domo: commorandi enim natura diversorium nobis, non habitandi locum dedit. O præclarum diem, cum in illud anima;

rum concilium catumq; proficiscar, & eum ex hac turba & colluvione discedam! Utinam tam hilaris occumbat Christianus! At *venientem nemo hilaris mortem excipit; nisi qui ad illam diu se se composuerit: Seneca.*

V. Media præparandi nos ad mortem.

Qui curat in iudicio lucrari causam, 1mò: removet omnia, quæ possent eam dejicere; vel infirmare. 2dò: illam assiduâ mente volvit. 3tio: ludi, cibi, potûs, nugarum, obliviscitur. 4to: immo seponit & seria negotia, ut isti vacet. 5to: patronos comparat. 6to: labori non parcit, & sumptui. 7mò: similes aliorum causas sollicitè promovet. 8vò: omnia sic agit, ac disponit; ac si mox iudicandus foret.

Ità, qui discessum præparat è vivis, 1mò: sermo discussis omnibus conscientia latebris, quidquid illam gravat; mox amoveat per confessionem. S. Franciscus Borgia quotidiè, saltèm manè & vespere, hoc Sacramento animam expiabat. Quia, ut ait S. Leo: *Non manet iudicio condemnandum, quod fuerit humiliter confessione purgatum.* 2dò: continuo cogitet, se moriturum. S. Marcella, teste S. Hieronimo, Epist. 6. ad Principiam laudabat inde Platonem, quod *Philosophiam meditationem mortis continuam esse dixit; & præceptum Satyrici: Vive me-*
mor

mor lethi, fugit hora. Sic ergo vixit, ut semper se crederet esse morituram: Et sic implevit illud Senecæ: Effice tibi mortem cogitatione familiare; ut si ita fors tulerit, possis illi obviam exire. Severus Imperator in conclavi servabat sarcophagum, quem sæpe contrectans dicebat: Tu virum capies, quem orbis capere non potuit. Carolus V. quoquò se contulit, urnam secum, & funebrem apparatus portabat.

3^{to}: Quantum natura patitur, neget corpori placentia. Hoc enim incrassatum & impingvatum, non capit angusta via, quæ ducit ad cælum. 4^{to}: Aliis negotiis tantum se comodat, mortis negotio totum se donet. Plus requirit Thomas Kemp: Serva te tanquam peregrinum & hospitem super terram; ad quem nihil spectat, de mundi negotiis. Ut peregrinus vixit S. Gregorius Thaumaturgus: qui nullum possidere locum, & in alieno sepulchro condi voluit. Nisi in ejus vita. 5^{to}: Causæ tantæ maturè comparet Patronos; ut monet Thomæ Kemp: Fac nunc tibi Patronos, venerando Christi Sanctos; ut cum defeceris in hac vita, recipiant te in æterna tabernacula.

6^{to}: Non solum labori, verum nec sumptui parcat; sed elemosynis redimat peccata. 7^{mo}: Juvet moribundos brando, solando, monendo. Hoc enim est excellens charitatis opus: porro S. Hieronymus inquit: Non memini me legisse,

legisse, malā morte mortuum; qui libenter opera
charitatis exercuit. 8vō: Sic vivat, quasi quoti-
die moriturus. Verba sunt prædicti S. Docto-
ris. Et S. Antonii: Tu hoc anno, die forte mori-
eris: sic ergo vive, quasi hodie moriturus. Sic Bar-
laam instruebat suum Josaphat: Hodie te vi-
tam Religiosam inchoasse cogita, hodie fini-
turum. Damasc. Putet Christianus, unum
se esse de illis animalibus ad flumen Hypanimi
nasci solitis; quæ tantum unico die vivunt: ut
ex Aristotele scribit Cicero. Tusc. 1.

Impedimenta.

VI. Quod frigide nos ad ultimū diē disponi-
mus, ima causa est, secundum Idiotam Lib. 1.
de contemplat. mort: quod illum ut longē di-
stantem apprehendimus: contra quā mone-
at Philosophus Lib. 17. Ep. 102. *Nemo scit*
nostrum, quā procul versetur terminus: Sic itaq;
formemus animum, tanquam ad extrema ventum sit.
2da causa est: quod curæ tantum impendimus
vanitati; ut vix aliquid restet utilitati. O
quantum veri lucraremur boni hac operā,
quam exhauriunt fucata bona! Quā utilior
esset cogitatio mortis, quā cura caducæ vitæ!
Sed anni nostri meditantur, sicut aranea. Quid
meditatur aranea? ut ex imis visceribus edu-
cat fila. Quo fine? ut ex illis contexit telam.
Ad quid? Ut muscam capiat.

S. Gre

S. Gregorius Lib. 4. Dial. cap. 10. refert, quod Spes Abbas, post 40. cæcitatibus annos. in morte visum recepit. Et tibi mors aperiet mentis oculos, dum oculos claudet corporis. Aliter tunc videbis omnia. Ergo fac modò, quæ quondam facta fuisse velis: hortatur Thomas Kemp. Imit Lib. 1. c. 23. Compone rationes cum Deo, dum tempus favet. Nam incertum est, quo loco te mors expectat: tu quoque omnî locê illam expecta. Seneca ep. 26.

MEDITATIO II.

De judicio particulari.

Punct. 1. Audiam S. Paulum Rom. 8. Omnes stabimus ante tribunal Christi. Imaginabor, quod anima mea migrat è corpore, pallet, tremit, arescit præ timore; trahitur ad tribunal Christi; tanquam sponsa ad sponsum, quem tories perdere voluit; tanquam miles proditor ad ducem; tanquam villicus iniquitatis ad dominum, cuius bona dissipavit; tanquam servus nequam ad herum, cui manus injecit, cui machinatus est necem. Quantus pavor, quantæ angustiae me corripient! Certò id eveniet: & tunc clarè cognoscam, 1mò: magnitudinem & dignitatem Dei, quem contempsi. 2dò: justitiam infinitam, cuius iram merui. 3tò: respectum, plausum, honorum, commodorū,

crea-

creaturarum omnium, & meam vilitatem ac
vanitatem. 4to cognoscam titulos omnes, qui-
bûs obligatus fui Deo. 5to: cognoscam omnes
actus totius vitæ meæ. 6to: Cognoscam ac
stupebo & ingemiscam, quòd ille, qui erat
Redemptor, qui erat servator, qui erat Pater;
ille, qui pro me, ex amore mei mortuus: ille
factus sit iudex districtus, & vindex severissi-
mus, exacturus à me rationem sanguinis, quæ
pro me fudit; beneficiorum, quæ mihi contu-
lit; rationemq; totius vitæ. Heu ubi me abs-
condam à facie iræ tuæ? quò ibo à spiritu tuo
& quò à facie tua fugiam?

Punct. 2. Audiam Ecclesiasticum Cap. II.
In fine hominis denudabuntur opera ejus. Imagi-
nabor stare me jam ante judicem Christum.
Assistit mihi à dextris custos Angelus, sed à
longè, sed mæstus. Assistit à sinistris dæmon,
monstrans grandem elenchum meorum crimi-
num. Christus, juxta Innocentium papam,
ostendit cicatrices vulnerum & plagarum, e-
xigit rationem 1mo: omnium factorum, dicto-
rum, cogitatorum, cujusvis verbi otiosi. 2do:
malorum exemplorum, quò ad domesticos &
externos. 3to: omissionum bonorum operû,
& occasionû merendi neglectarû. 4to: judicat
justitias, nempe usum Sacramentorum, oratio-
num, mortificationû, zeli, &c. Horum omni-
um excutit intentiones, attentiones, fervores,

&

& omnes circumstantias. *scd:* exequit usum talentorum naturæ, usum gratiarum, & favorum gratis datorum, dicitq; vide, quot mihi intulisti mala! vide, quot tibi contuli dona naturæ & gratiæ! redde rationem villicationis tuæ. Putabas, hæc tua, non mea fuisse? putabas, in te casu quodam & nullo fine à me projecta, meq; horum prodigum cogitabas? Serve nequam, sciebas, ideo te unice conditum & conservatum, ac tot donatum bonis; ut in omnibus & per omnia mihi servires, meaq; stunderes gloriæ; sciebas, te de omnibus judicandum! redde rationem! Post tot benefacta, inter tot gratias, & auxilia, itane te vixisse decuit? Urgebit diabolus, & dicet: juste iudex, judica iustè; en iste tantas bonitatis tuæ divitias contempsit in gratiam mei, quem sciebat juratum tuum, immò & suum hostem; te contempto adhæsit mihi; judica, cui adhæsit? quem contempsit? Egonè Creator ejus, Redemptor, Conservator? Ah mi Deus! quid mihi tunc animi? non respondebo tibi unum pro mille. Quid sum miser tunc dicturus, quem patronum rogaturus? quæro patronos? nullus adest: etiam Mater Judicis prohibita intercedere.

Punct. 3. Audiam S. Paulum 2. Cor. 5. Manifestari me oportet ante tribunal Christi; ut refert unusquisq; prout gessit, sive bonum, sive malum.

lum. Cogitabo: post examinata rigidissimè ac discussa omnia etism minutissima, succedet decretum. Ah decretum, sinè appellatione, irrevocabile, immutabile in æternum! Ah decretum, quod me faciet, aut in æternum miserum, aut in æternum beatum! Hoc cum me lateat, cur securus, ac sinè metu vivo liberè? cur seriam penitentiam differo? immò cur accumulo peccata peccatis? cur non placo judicem, cum placari potest? Heu scio venturū diem, quò futurus est implacabilis! Quis mihi spondit, habiturum me postea opportunitatem ipsum placandi? nunquid placabilior erit, dum illum diutiùs offendam? quis mihi spondit, me miseratione dignum fore, si hanc præsentem conciliandi mihi ejusdem judicis occasionem neglexero? si nunc mihi, ut par est, non prospiciam; fortè nunquam prospiciam. Anima mea, si nunc in jus vocareris; quam sententiam expectares? quid Christo reponeres exprobranti? Non allegares defectum gratiarum: nam has in copia percipis, at spernis. Non fragilem naturam: quia tot alii similis naturæ te damnarent. Non passionēs. quia sub te est appetitus tuus, & tu dominaris illius. Non difficultates: quia volenti nihil difficile; præsertim, dum agitur de Cælo, quod violenti rapiunt. Ergo perditio tua foret ex te Israhel. Juste judex ultionis, donū fac. &c.

Pun et.

Punct. 4. Audiam Ezechielem cap. 33. Quo-
modo ergo vivere poterimus? Sententiam
vite æternæ obtinendi, hi sunt modi: *1mus:*
Contemnere humana de nobis iudicia, ut a-
gebant Apostolus. *Mihi pro minimo est, ut à vobis*
judicer, aut ab humano die; quia unicum ju-
diciū Christi est, cuius semper debet habe-
ri ratio. *2dus:* Continuo cum D. Hieron. ex-
tremescere illud iudiciū; & cum Job, quasi
tumentes super se fluctus, iram Dei: Quid di-
cam, cum insurrexerit adversum me Domi-
nus? *3tus:* Non esse præcipitem in censuran-
dis, minusq; condemnandis aliis; nec eos fu-
tilibus onerare suspicionibus. *Non iudicate, &*
non iudicabimini. *4tus:* Ipsi nobis austeri simus
iudices; juxta illud Pauli: *Si nos iudicavimus,*
non utiq; iudicavimur à Domino. *5tus* est ex ver-
bis Christi: Esto consentiens adversario tuo
in via; id est: conscientie recta ingerenti, tu-
isq; passionibus adversanti. *6tus:* Placare
Matrem Iudicis.

In colloquio, *1mò:* Serius dolor, quod hac-
tenus Iudicem Christum non placaverim. *2dò:*
Agendæ ipsi gratiæ, quod mihi concesserit
tempus penitentiae. *3tò:* Elicienda contri-
tio perfecta. *4tò:* Firmum propositum expi-
andi, quidquid in iudicio metum mihi posset
incutere. *5tò:* Statuenda media expiandi. *6tò:*
Imploranda auxilia. *7mò:* Deprecandus Ju-
dex.

dex, & per illud decretum mortis, quod propter me accepit, orandus; ut, dum venerit judicare, nolit me condemnare.

Thom: Kemp: L. I. c. 24

Tessera. *Magnus dies Domini, & terribilis valde, & quis sustinebit eum? Joëlis 2.*

Præsentis temporis sic age lætitiā, ut nunquam amaritudo sequentis iudicii recedat à memoria. S. Gregorius.

O angustia! hinc erunt accusantia peccata, inde terrens iustitia, subtus patens chaos inferni, desuper iratus Iudex, intus urens conscientia. Et, si iustus vix salvabitur; peccator sic depressus, in quam partem se premet constrictus? Ubi latebo? ubi apparebo? latere erit impossibile; apparere intolerabile. Quid dormitas o anima tepida, & digna evomi? qui non expergiscitur, qui non tremit ad tantū tonitruū; non dormit, sed mortuus est. S. Anselmus.

REFLEXIO

Supra Communionem Sacramentalem.

I. Effectus Eucharistiæ eosdem esse dicit S. Thomas p. 3. q. 79. quos Passionis Christi. Hos ibi numerat. 1mo: Confert & auget gratiam sanctificantem art. 2. ad 2. 2do: Confert actuales gratias, illas excitat, fervoremq; devotionis accendit. Ibid. 3tio: Excitat virtutes ad suos

suos actus. art. 4. C. 4^{to}: Præservat à peccatis. art. 6. C. quod & Trident. docet. Sess. 13. c. 2. 1^{to}: Nam interiùs animam roborat, sicut panis, vel medicina roborat corpus: exteriùs autem vincit tentationes, & tentatorē. Ibid. 6^{to}: Delet peccata venialia. art. 4. C. idem definit Trident. Sess. 13. c. 2. 7^{mo}: Delet mortalia, quorum quis non habet conscientiam, nec affectum, art. 3. C. 8^{vo}: Delet pœnam debitam peccatis, secundum mensuram devotionis, art. 5. C. S. Bonaventura dicit: secundum mensuram Charitatis. Lib. de perf. ad foror. 9^{no}: Confert dulcedinem, & svavitatem spiritualem. art. 8. C. In Chronicis Cisterc. Monachus triduò totò post Communionem, mellis dulcedinem in ore sentiebat. Id ipsum de P. nostro Salvatore Pisqueda scribit in ejus vita Nierembergii. 10^{mo}: Minuit fomitem peccati, art. 6. ad 3. 11^{mo}: Communicantem in Christum convertit, ut docet S. Thom. 4. sent. disp. 2. q. 2. art. 1. Augustino Christus dixit: *Nec tu me convertes in te, sicut cibum carnis; sed tu mutaberis in me.* Ita conversio consistit in conformatione morū ad mores Christi.

II. Cur hos effectus non percipias: causam rimam assignat Rhodéz Disp. 1. q. 3. Sect. 1. §. 3. de Euch. scilicet *occultas mortales culpas necdum sublatas.* Nam non tolluntur per Eucharisti-

rismam, si communicans non sit attritus supernaturaliter. Item in sententia docente, quod Eucharistia deleat mortalia per causatam à se contritionem in communicantes; non tolluntur; si communicans non disposuit se ad contritionem per actus fidei & spei, saltem virtuales. 2da causa sunt peccata venialia, quæ licet augmentum gratiæ non impediant, ut inquit S. Thom ar. 8. effectus tamen alios impediunt Sacramenti: quia reddunt nos indignos specialibus DEI favoribus. 3tia causa est negligentia, tum antecedens, tum concomitans, tum subsequens in usu Sacramenti hujus. Proinde vide.

III. 1mo: Quânto ad illud te disponis studiô? quia cum S. Bonaventura communiter censeatur, quod effectus Sacramentorû solet esse secundum dispositionem suscipientis.

2do: An præmittis dispositionem remotam, quæ stat in hoc: ut totâ vitâ, & maximè totâ septimanâ rectum vivendi modum serves: inquit M. Avila, tom. 2. Epist.

3to: An probas, hoc est: an examinas te ipsû, antequam edas de pane cæli? à Christo probationem hanc institutam esse docet Trident, Sess. 13. Can. 7. S. Leo Epist 91. Cyprian. Serm. de laps.

4to: Si quid gravius advertis, an non contentus contritione, confessione diluis? id enim statuit

statuit Trident. l. c. dicens: Probationem necessariam esse, ut nullus sibi conscius peccati mortalis, quantumvis contritus videatur; absq; præmissa Sacramentali Confessione ad Eucharistiam accedere debeat. Aliàs reus erit Corporis & Sanguinis Domini, ac si Dominum occidisset, & Christi Sanguinem fudisset; addit Chrysost.

7^{to}: An etiam venialia tergis, nè irreverentiam irroges Sacramento?

8^{to}: An ità te probas; ut etiam radices venialium evellas? Sic enim hunc Apostoli textum explicant Ambros. & Chrysost.

9^{mo}: An inordinatos animi motus comprimis, ut plenè pacatus suscipias Regem pacificum?

10^o: Quantum te mortificas? Exod. 12. Agnum & azymos panes oportuit edi cum lactu-
cis agrestibus: hoc est: cum amaritudine, prout exponit Ambros. Suarez maximè linguam suadet mortificandam, quòd hæc prima Christum suscipiat.

11^o: Quantum excitas in te desiderium epuli sacri? Tantumne saltèm, quantum famelicus cibi corporalis? Definit Florent. Concil. Quòd sicut panis corpus sustentat, roborat, nutrit, auget: sic animam Eucharistia. Idem docet S. Thom. p. 3. q. 79. a. 1. C.

12^o: Quantam excitas fidem, spem & vel maximè charitatem? quia juxta mensuram cha-

ritatis percipitur effectus hujus Sacramenti. ait S. Laurent. Justin.

11mò: Quantam humilitatē? Ipse Christus ante sacram cœnam ad pedes Judæ se demisit.

12mò: Quantum huic proximæ præparationi tempus impendis? S. Cajetanus 8. horas, S. Aloysius triduum impendebat. P. Didacus Martinius 200. actus amoris & adorationis præmittebat Missæ. At S. Bonaventura dicit: *Licet mille millibus annorum te ad hoc Sacramentum præparaveris; nihil esset ad condignam susceptionē.*

IV. 13tò. Quam purâ conscientiâ DEUM suscipis? Pura est, quæ non habet de præterito justam accusationem; de præsentī injustam delectationem; de futuro injustam voluntatem: inquit Hugo Victorinus.

14tò: Quantâ reverentiâ, timore, contritione? Exclamat Ambros. Orat. ante Miss: Quântâ cordis contritione, & lacrimarum fonte, quantâ reverentiâ & tremore, quantâ corporis castitate, atq; animi puritate, illud divinum & cæleste mysterium est celebrandum!

15tò: An observas, quæ Paschalis Agni figurat esus? Exod. 12. Audi B. Alger. Alger. l. 1. de Sacram. alt. c. 22. *Lex dedit in calceamentis cautelam, nè à vitiiis fallamur; in baculo disciplinam, qua perpetrata corrigamus; in lactucis compunctionem; in festinatione, desiderii ardorem; quò ad cælestia suspiremus; in accinctis renibus continen-*

inentiam & castitatem. An hæc statuis in agni mystici sumptione?

16to: An non crudum agnum comedis? Crudum agnum comedit, qui non considerat ejus dignitatem, & bonitatem DEI, qui nos suo corpore pascit: inquit S. Gregor.

17mo: An os illius non confringis? Ossa sunt sanctæ intentiones & proposita; dicit S. Bern. Vide an sanctas intētionēs, proposita generosa, vota; renovas, promittis; te illa nō fracturū?

V. 18vo: Quibus actibus, quo fervore, quādiu gratias agis pro cælesti mensa? Pleriq; cum P. Petro Fabro totam diem: S. Aloysius totum triduum illi tribuebat. Saltē tamdiu conversandum esset cum tanto Domino, donec digerantur species Eucharisticæ.

19no: Quid præcipuum offers tanto hospiti? exigit ille cor tuum; ergo præbe illi cor tuū, præbe potentias omnes, & quidquid judicas ei gratū fore. At præcipuē sic communica, quasi foret ultima communio; ut multi faciunt exemplō P. Druzbicki.

20mo: Quā frequenter communicas? Pannis hic est animæ vita, est & vita corporis. Sinē alio cibo servabat S. Catharinam Sen. Ludwigem, Mariam Ogniac: & per triennium Joannem Abbatem, cui dixit Angelus: Christus tibi verus erit cibus. Refert Pallad.

21mo: Quoties in diem visitas hunc amoris

vinctum? S. Borgia ubiq; secretam curabat habere cellam, ad latus aræ maximæ, in qua crebrò cor effundebat ante DEUM. P. Jacobus Saleius singulis horis, S. Aloysius ferè singulis, P. Valerius Reginaldus ante quodvis opus notabilius, P. Lessius, quoties è cubiculo prodiit; Eucharisticum Numen invisebat. S. Xaverius in Sacratio noctabat crebrò, quò faciliùs & sæpius Eucharistiam adiret noctu: Vit. L, 6. c. 1.

22do: Quà reverentiâ genuflectis ante Venerabile? hoc dum ad infirmum portaretur, P. Sylvester Landinus in luto fixit genua; nec ullam reperit in veste maculam. In simili casu, grex aliorum ex utroq; viâ latere, pulchro stetit ordine, tamdiu, donec rediret Sacerdos, ac eos data benedictione dimitteret. Hist. Soc. p. 1. l. 2. n. 27.

LECTIO SECUNDA

De Examine Conscientiæ.

I. Modicum sanè B. Pater N. 4. p. constit. c. 4. à nobis exigit, dum exigit binum quadrantem horæ, quo post distractiva negotia redeamus ad nos, & vocemus ad calculum diurnos actus. At hoc modicum maximi est momenti. *Imprimis*, quia spondet Apostolus 1. Cor. 11, quod, si nosmetipsos *dijudicavimus*,
seu

seu examinaremus, (ut cum Cajetano legunt alii) non utiq; judicemur. Amat enim Deus confitentibus parcere, & eos, qui semetipsos judicant, non judicare; inquit S. Aug. Sent. 210. Quid etenim tribunal Christi ventilabit, & vindicabit; nisi delicta nostra? frequens autem & accurata conscientiae discussio nos à delictis arceat, ac velut infractus agger aqua iniquitatis cohibet, detinet à lapsib9. Hoc affirmat Seneca de ira lib. 3. c. 36. *Desinet ira, & erit moderatio; quæ sciet, quotidie sibi ad iudicem esse veniendum.* Quod Philosophus de ira, hoc de quovis vitio sentit Chrysostomus.

Et ratio est: nam qui non oscitanter excusat animum, culpas agnovit, ritè perpendit, sincere planxit, severe castigavit, firmiter vitare statuit; ad illas non facile redibit. Deus quoq; istam animæ curam gratis præmiat efficacibus, nec eas denegat facienti, quod est in se. Sicut è diverso, quandoq; subtrahit easdem gratias, propriæ salutis incurio.

2do: Idem examen, ubi reperit peccata, delet illa per contritionem, si perfecta sit: de quo vide Trid. s. 14. de pœnit. c. 4. S. Thom. p. 3. q. 85. a. 6. & q. 86, a. 3. in Corp.

3to: Juxta S. Dorotheum, passiones frænat; quæ nisi domentur, in non leves impellunt noxas.

4to: Præparat ad integrâ & exactâ cōfessionē

sacramentalem. Quia, qui non segniter in-
luorum defectuum rationem; illorum, præser-
tim proximè confessurus, non meminisse ne-
quit. Quippe, ut ait quidam Philosophus, eo-
rum, quæ seriâ mente volvimus, tenaces su-
mus. Econtrario, dicit S. Bern: *Computatio
dilata multa facit oblivisci.*

5to: Somnium conciliat securum, pacatum,
suavem. Ità Seneca l. c. *Quid ergo pulchrius,
inquit, hac consuetudine excutiendi totum diem?
Qualis ille somnus post recognitionem sui sequitur!
quàm tranquillius, altus, ac liber!*

6to: Gaudium est Angelis Dei, gaudium ipsi
Deo super peccatore peccata sua recognoscente,
descente, puniente, efficax adhibente me-
dium ad eradicandum illa. Hæc autem præ-
stat omnia, qui suas actiones examini subicit
exacto. Illud Ascetæ vocant *sarculum animæ*,
quò nisi purgetur, erit velut ager, per què
transiit Salomon Prov: 24: *Et ecce totum re-
pleverunt urtica, & operuerunt superficiem ejus spi-
na, & maceria lapidum destructa erat.*

Rectè prædictus Philosophus istam assignat
defectuum nostrorum causam, quod non de-
scendimus in nos per seriâ nostri discussio-
nem; ac dicit lib. 12. Epist. 34. *Hoc nos pesti-
mos facit, quòd nemo vitam suam respicit. Quid
facturi sumus, cogitamus; & id raro: quid feceri-
mus, non cogitamus. Atqui consilium futuri ex
præterito venit.*

Id ipsum S. Climacus probat similitudine providi Mercatoris, qui quotidie diei lapsa supputat lucra & damna; atq; hæc omnî studio refarcire satagit. Quod si negligat, actû est de bonis ejus. Idem probatur & ex eo: quòd vita nostra sit velut corpus morbidum: si non perquiratur morbus, non agnoscitur: si non agnoscitur, quomodo pelletur?

Eandem vitiorum nostrorum causam adfert S. Bern., quòd nimirum nos non introspicimus, non perscrutamur, non discutimus; & quantum intus virus alimus, ignoramus. Audi S. Doctorem Serm. 2. Quadrag: Miser homo, qui totus pergens in ea, quæ foris sunt, & ignarus interiorum suorum, putans aliquid se esse, cum nihil sit; ipse se seducit. Extiorem quippe superficiem intuens, salva sibi omnia suspiciatur, non sentiens vermem occultum, qui interiora corrodit. Manet tonsura, vestis nondum mutata est, jejuniorum regula custoditur, statutis psallitur horis: sed cor longè est à me, dicit Dominus. Attende solerter, quid diligas? quid metuas? unde gaudeas, aut contristeris? & sub habitu Religionis animum sæcularem, sub pannis conversionis invenies cor perversum.

II. Si non omnibus, certè plerisq; sanctis usui crebro fuit, & cordi hoc sanctum exercitium. S. Dorotheus Serm. 11. ait: Quò pa-

cto quotidie nos purgare, & propemodum ex-
piare debeamus; exactissimè docuerunt Ma-
jores & Patres nostri: nimirum, ut vesperi
quisq; perquirat, quomodo pertransierit di-
em: rursus manè, quomodo peregerit noctem?
S. Ephrem tom. 3. serm. de Ascens: Vespere
& manè, considera, quo pacto se habeat nego-
tatio tua, ac mercimonii ratio. Et vespere
quidem ingressus cubiculum cordis tui, exa-
mina te ipsum, & dicito: Putasne, hodie in a-
liquo Deum exacerbavi? nunquid verba otio-
sa protuli? num per contemptum negligentia-
m; peccavi? num in re aliqua fratrem irri-
tavi? num alicujus famam laceravi? &c. Et
factò jam diluculò tecum meditare: Quomo-
do, putas, ista nox mihi pertransiit? nunquid
improbæ ac sordidæ cogitationes invaserunt
me? &c. S. Bern. lib. de vit. Solit: Manè præ-
teritæ noctis fac è te ipso exactionem, & ven-
turæ diei tu tibi indicito cautionem. Vespere,
diei præteritæ rationem exige, & super-
venientis noctis fac indictionem. Sic distra-
ctò nequaquam tibi aliquando lascivire vaca-
bit.

Similia statuunt S. Basil. hom. 1. de instit.
Monach. S. Aug. in reg. S. Antonius Abbas,
S. Bonavent. Tract. 2. Epist. 25. Et S. Pater
Ignatius tam ante prandium, quàm ante qui-
etem istud examen jubet institui. Ipse verò

fin-

singulis horis discutiebat sese; ut scribit Mas-
seus lib. 3. vit. c. 1. Ribad L. 5. c. 1. De S. Xa-
verio Tuffelin. lib. 6. vit. c. 6. Sapius in die
conscientiam excutiebat suam, & ceteros ad idem
faciendum magnopere hortabatur; in eo perfecta vi-
ta cardinem verti ratus. Idem de S. Franc. Bor-
gia scribitur lib. 4. vit. c. 4.

Immò tam salutare opus etiam ethnicis u-
sitatum fuit, uti Senecæ, Epicteto, Plutarcho.
De Pythagora testatur S. Hieron, quòd ille
suis intimabat discipulis: Duorum temporum
quàm maximè habendam curam, manè & vespè-
ri: id est eorum, quæ acturi sumus; & eorum, quæ
gesserimus. Tria verò potissimum discutienda
docuit: Quid feci? quomodo id feci? quid agendo-
rum omisi? Id Phocylides ter in die præsta-
bat; teste Stobæo. Galenus sapius præstari
jubeat. De Sextio scribit Seneca lib. 3. de Ira
c. 36. Animus quotidie ad rationem reddendam vo-
candus est. Faciebat hoc Sextius, ut consummato
die, cum se ad nocturnam quietem recepisset; inter-
rogaret animum suum: Quod hodie malum tuum
sanâsti? cui vitio obstitisti? quâ parte melior es?

III. Hoc examen complectitur 5. partes,
quarum singulæ in singulis Christi vulneribus
transigendæ; vel sub pedibus crucifixi; vel si-
stendo nos, tanquam reos, coram Deo Judice;
vel tanquam ægros coram medico; vel tan-
quam servos nequam coram Domino. ima

pars est *Gratiarum actio* pro beneficiis generalibus & particularibus, præsertim hac die à Deo collatis; maxime verò, quæ postulavimus hodie. Id enim, sicut est pergratum Deo, sic ad majora ejus beneficia viam sternit; ut patet in humanis. Proinde S. Basil. in constit. Monach; c. 2. monet: *Orationem ordiendam esse à gratiarum actione.*

2da pars est *Peritio luminis*, ut seriò inquiramus, & clarè cognoscamus delicta. Nam, ut ait Plato lib. 5. de Leg: *Amor proprius excecat nos, ac aliter depingit, præsentatq; nobis defectus nostros, quàm sint in se.* Sicut vitrum viride vel rubèum repræsentat res virides vel rubeas; quales in se non sunt. Indiget ergo intellectus illustrari desuper; ut clarè videat defectus, & eorum circumstantias. Istud proinde lumen debet expeti.

3tia pars est: Ut nos statuamus tanquam reos coram Deo, vel coram nobis, tanquam iudicibus à Deo constitutis; prout monet S. August: *In tribunal mentis ascende contra te, & reum te constitue coram te. Noli te ponere post te, nè Deus te ponat ante se. Tum seriò coram oculis Dei viventis & videntis discutienda conscientia, quoad omnia, quæ attingunt Deum, proximum, nos ipsos; quoad præcepta Dei & Ecclesiæ; quoad regulas; quoad officium proprium; quoad sensus corporis, quoad potentias*

ani-

animæ, quoad intentiones, intentiones & alias circumstantias: quoad omissiones item &c.

4ta pars consistit in humili culparum agnitione, earum quàm maxima detestatione, deprecatione Divinæ Majestatis, dolore quàm intensissimo, petitione veniæ. S. Catharina Senen: & S. Maria Ogniacensis, aliq; sancti sic leves deplorabant imperfectiones; ac alii gravissima peccata.

5ta pars est: firmiter ac in particulari seriam emendationem proponere; ad eam providere media, imponere sibi metipsum penam vindictivam; delictorum emendationis impedimenta submovere.

Hæc omnia discere possumus à Seneca lib. 3. Epist. 28. dicente: *Qui peccare se nescit, corrigi non vult. Deprehendas te oportet, antequam emendes. Quidam de vitiis gloriantur. Tu existimas, aliquid de remedio cogitare; qui mala sua virtutum loco numerant? Ideo quantum potes, te ipsum argue, inquirere in te. Accusatoris primum partibus fungere, deinde iudicis, novissimè deprecatoris; aliquando te offende. Consideranti patet, quòd hic omnes ferè partes examinis expreslerit Philosophus.*

IV. *Impedimenta examinis sunt: imum: Violatio silentii, quæ facit, ut extrahatur in confabulationibus tempus examini consecratum. Contra hoc impedimentum exstant remedia in lectione de silentio. 2dum impedimentum est,*

est, negligentia in observando ordine temporis & actionum. Propter hanc differuntur opera, *vg.* officium Divinum; & peraguntur sub tempus perscrutandæ conscientiæ. 3tium est: privatis orationibus obrui; quas ut persolvas, tempus examinis illis impendis; contra quam clamant omnes Ascetæ; satius privatas devotiones omittendas esse, quàm præscriptas.

Concludit S. Chrysost. hom. 33. in Joan. Vos hortor, dilectissimi, ut, etsi nemo opera nostra videat; singuli suam conscientiam ingrediantur, & judicem sibi rationem constituent, errata sua in medium adducant: nisi velint, in die illa horrenda universo orbi ea manifestè patere.

MEDITATIO III.

De pænis Purgatorii.

Punct. 1. expendit acerbitatē pænarū Purgatorii. Audā Deum dicentē Apoc. 21. *Tempus illorum erit in stagno ardente igne & sulphure.* Anima mea, descende cogitatione in stagnum Purgatorii: perpende, quanto ardeat igne & sulphure: perpende abyssalem ejus profunditatem, perpende incendiorum diluvium, fluctus flammarum, animas tanquam pyras flagrantes. Quid putas: quàm acerbata sit illa pæna?

pena? *Ibi erit una hora gravior in pena, quam hic centum anni in gravissima penitentia* inquit Thom. Kemp. De Imitat. l. 1. c. 24. Immo S. Thomæ & communis sensus est, quod unica Purgatorii poena excedat omnes poenas, quas unquam homines passi sunt, aut pati possunt. Plus asserunt alii cum S. Cyrillo, cui hoc retulit quidam redux ex Purgatorio: si omnes, quæ in mundo cogitari possunt poenæ, tormenta, afflictiones, minori, quæ in Purgatorio habetur, poenæ comparentur, velut solatia erunt: mallet enim quilibet viventium, si eas experientiâ nosceret poenas, usque ad finem mundi omnibûs his simul, sinè remedio cruciari poenis, quas omnes homines sigillatim ab Adamo usque huc pertulerunt: quàm uno die in Purgatorio, minori, quæ illic habetur, poenâ torqueri. Hinc S. August. & S. Cæsar. Arelat: iisdem verbis dicunt: *Ille purgatorius ignis durior erit, quàm quot potest panarum, in hoc seculo aut videri, aut sentiri, aut cogitari.* Nam imò: id utique sentis de pænis inferni: Porro, excepta temporalitate, eadem sunt poenæ in Purgatorio, quæ in inferno; ut docet S. Gregor: L. 4. Dialog: c. 26. & S. Thom. in 4tum. Distin. 21. a. 1. Immo quandoque majores in Purgatorio; qui enim pro uno peccato damnatus est ad infernum, leviùs patitur, quàm ille in purgatorio, qui immediate ante mortē

dele-

delevit plura mortalia, quoad solam culpam. add: quia, si nunc, dum est *tempus* misericordiae, tam dirè Deus punit peccatum veniale; ut constet ex scripturis: quomodo punit tunc, dum est *tempus solius iustitiae*?

Pun. 11. Expendit diuturnitatem poenarum purgatorii. Audiam Christum Dominum Math. 5. *Non exibis inde, donec reddas novissimum quadrantem.* Anima mea: vidisti, quàm acerbæ sint poenæ ergastuli purgatorii: vide, quàm insuper longæ sint. In hac vitâ, *Nemo potest multum dolere & diu*, inquit Seneca; quia multus dolor inducit mortem, & cum ea desinit. Jam purgatorii tormenta, licet gravissima, mortem non afferunt; ideoq; durant, donec misera anima ad novissimum quadrantem exsolvat debita. Ah debita! aliqui censent, pro uno veniali peccato terreri animam anno uno; cæterum ex vitis Patrum constat, monachum quinquennio arsisse, quod quinque pisorum grana neglectim amiserit: alium, quod ultra necessitatem unum foco lignum apposuerit: alium quindecim annos vapulasse, quod non desideraverit ardentem, videre Sanctissimam Trinitatem. At si pro quovis veniali unicâ tantum horâ patiendum foret; in quot annos cruciatus excreverent! Tandem in purgatorio brevis alioquin poena, apparet animæ longissima; ut S. Gregor. testatur
de

de quopiam milite; & in annal. Frater
Constantinus à salvatore de se ipso retulit
hæc: *In purgatorio triduanas poenas absolvi, qua-
trium millium annorum supplicia mihi visa sunt.*
Cogita jam: si unum diem, calculi, vel denti-
um, vel colicum dolorem ferre grave; immo
insomnia per unam noctem, etiam in molli le-
cto, gravia sunt: quomodo per plures annos
ferre poteris tormentum, quod nec oculus vi-
dit, nec auris audivit, nec in cor hominis ascē-
dit; idq; sine ulla intermissione, sine ullo levami-
ne, sine ullo solatio, ac in tadio prope immeso?

*Pun. III. expendit inutilitatem poenarum
purgatorii. Audiam Deum supra Sap. 3. Labo-
res sine fructu, & inutilis opera eorum. Cogitabo:*
Quanta infelicitas animæ piacularibus suppli-
ciis addictæ! Deslet peccata, gemit, ejulat; ni-
hil meretur. Amat Deum, amat ardentem;
lucratur nihil. Ardet desiderio videndi Deū,
& amandi beatificæ; sed sine fructu. Inter
hæc omnia, tolerat acerrimas poenas, & im-
mensa tadia: per hoc nec unicum gradum
gratiæ promeretur, aut levamen poenæ. Pla-
nè similis mancipio, quod laborat & patitur;
interim præ fame moreretur, nisi gratis ipsi
aliunde succurratur. Similis egeno, in ex-
trema necessitate posito; qui sibi ipsi prodesse
nequit, quantumlibet laboret & patiatur. Vi-
de jam anima mea, quò tendas per peccata ve-
nialia?

nialia? Compara stultum illud commodum, quod ex illis percipis, cum tantis damnis, quæ tibi inferunt. O damna! Subjici tantis arumnis! o damna! privari, idq; per plures annos, visione & amore beatifico! auderemne peccare, si scirem, me propterea vivum cremandū, & amissurum valetudinem ad tempus? Etecece, quoties me resolvo ad peccandum, etiam venialiter; toties ad millies majora me supplicia resolvo, & ad amissionem ad tempus, quandoque longum, illius boni, cui par in hac vita nullum est; scilicet ad privationem beatitudinis, cujus unicum momentum prævalet totius mundi bonis. O fatuitas mea! Heu quot annorum in purgatorio poenas jam promerui! Adhucne ignibus illis addam pabulum? An non ideo conservor à Deo, ut eos extingvam? & ecce quotidie augeo. An non credo dari purgatorium? Væ mihi! quia credo, & ita vivo, quasi non crederem!

Modi breviandi purgatorii possunt esse isti:
 1^{mus}: Libenter dimittere offensas: *Dimittite, & dimittimini.* Luc: 16. 2^{dus}: Sacramentorum exactus usus, ut cum Bellarmino communiter docetur. 3^{tius}: Usus accuratus indulgentiarum. quia S. Mariæ Magdalænæ de Pazis revelatum, monialem, quod eum accuraverit, solum 15. horas detentam in purgatorio. 4^{tus}: Amor Dei intensus: *Dimittuntur ei peccata multa,*

ra quia dilexit multū Luc: 7^{mo}: 5^{tus}: Orare pro defunctis, immo omnem fructum satisfactorium illis donare. Quam mensurā mēsi fueritis, eādem remetietur vobis Luc: 6^{to}: 6^{tus} Adversa christianē perferre: quia nemo bis pūnitur in id ipsum. 7^{mus}. Conciliare sibi Jesum Crucifixum, Matrem ejus, Custodem Angelum, Sanctos.

Colloquium: O quā terrent me Domine, peccata mea! sed erigit in spem misericordia tua. At & ipsa misericordia terret me. Tandiu me pateris, tādū expectas, tādū vocas ad curā salutis! Curas Babylonē, & non sanatur; misereris impio, & non discit iustitiā. Ergo illuc mihi differs pānas, ubi non est locus misericordiæ. Patiar igitur, ut inde tibi proveniat gloria: patiar ex amore tui: patiar, ut me subiciam tuo dominio: patiar, ut dem gustum tuæ iustitiæ: patiar, ut morem geram tuæ sanctissimæ voluntati: patiar, ut tibi aliquatenus restituam honorem, quem ademi. Verū tamen major utique tibi proveniet honor, si te citius incipiam beatificē videre, amare, adorare, laudare. Sed quō me redimam ex illo pānali carcere? Merita Filii tui solvo tibi pro meis debitis. Nonne acceptabis tantum pretium? Præter hæc plus non habeo. Habeo æra duo minuta, corpus & animam; & hæc mitto in gazophylacium cordis tui divini; il-

lic ea reconde in æternum. Thom: Kemp.
L. 1. c. 24. L. 3. c. 11. & 12.

*Cadit asinus, & omnes eum sublevare festinantes
clamat porcus, & cum eo reliqui clamare non ces-
sant: clamat inter tormenta fidelis, & non est, qui
adjuvet S. August.*

*Merito hæc patimur, quia peccavimus in fra-
trem nostrum, videntes angustiam animæ illius.
Gen. 42.*

DIEI QUARTÆ MEDITATIO I. De Inferno.

*Punctum 1mum Audiam Job. c. 17. Infernus
domus mea est. Cogitabo 1mo: Infernus est
damnatorum domus. Heu domus! non ho-
spitiū, non diversorium. Hæc requies eorū in
sæculū sæculi, hic habitabunt, quoniā elegerūt
eam! cogitabo 2do: Si domus aliqua circumde-
tur ab hoste facibūs armato, claudantur ja-
nux, & omnis exitus prohibeatur; tum ex o-
mni parte accendatur lignea moles illa, con-
cipiat mox & ebulliat flammæ, ac tota in py-
ram vertatur. Quis ibi clamor? quis rugi-
tus? quis furor habitantium in illa domo?
Hoc totum fiet cum habitantibus in regione um-
bræ mortis. Ah totum hoc, & longè plus,
longè horribilius! Tum quia ignis ille, acrior
milli-*

millies, quàm hic terrenus: tum quia ignis
noster intra breve tempus omnia depascit &
consumit, nec habet amplius, quod urat. In
illo torrétur damaati, sed perire non permittun-
tur. O domus infelix! ubi nullus ordo, sed
sempiternus horror inhabitat; ubi perennis
luctus & stridor dentium; ubi omnia flamma,
& sulphureus ignis omnia: cubile, sedes, pa-
vimentum, parietes, tectum, àer ipse, quò
respiratur; nil, nisi gehenna ignis, & ardores
sempiterni. Hæc sunt, hæc, quæ animam
Christiani, usque ad divisionem animæ de-
bent pūgere, lancinare, dilaniare. Hic pu-
pugerat Bernardus tuorum corda: *Quis*
scit, utrum omnium, quos hic video, nomina scripta
sint in calis? Heu quis scit, quò tandem hoc
lignum cadet, an ad Austrum, an ad Aquilo-
nem? an in Paradisum, an in rogi?

Punctum 2dum Audiam Spiritum S. Sap. II.
Per quæ peccat quis, per hæc & torquetur. imò:
Oculi, infausti illi duces, quid videbunt? vi-
debunt in illo igneo mari fluctus sulphureos,
videbunt erebi monstra, larvas infernales, in-
strumenta cruciatuum. Videbunt varii sta-
tus, conditionis, ætatis, sexus, millionses ho-
minum. Videbunt socios, amicos, familiares,
cognatos, consodales ignium æternorum; cū
quibus velut canes rabidi, inter flammæ col-
ligati, commordebunt se se invicem; sed nun-

quam invicem consumetur. De his Isaias dicit: *Erit populus quasi esca ignis; vir fratri suo non parcat, unusquisq; carnem brachii sui vorabit.* 2do: Aures, quæ libenter vetitis mulcebantur, audient ejulatus terribiles, audient illud carmen: *Pereat dies, in qua natus sum;* audient lamentationes & vix, suspiria & rabiosos singultus, audient blasphemias, & voces desperationis. 3to: Gustus habebit suas cupedias: *Ignis sulphur, spiritus procellarum, pars calicis eorum,* fel draconum, lacrymæ damnatorum; bibent pleno haustu de calice iræ Dei, de furore omnipotentis. Hæc sunt convivium eorum, his bellariis post delicias tractat infernus, diabolus, mundus, caro. 4to: Odoratus hauriet odores sulphureos, & quidquid ei nocentiùs omnipotentia irata apparavit: opplebitur fælore ex halitibus & corporibus damnatorum, de quo S. Bonaventura ait, quòd si vel unius damnati corpus in hunc mundum exportaretur, omnes confestim domos, pagos, urbes, provincias, totum aërem & universum orbem, pestilente lue inficeret: quid facient infinita corpora à tot annis tosta ignibus post judicium extremum. 5to: Tactus perfricabitur scorpionibus, & infernalium belluarum unguibus. Ah quis vidit unquam tale, aut quis audivit huic simile? Eja sensus mei, respondete mihi: quis ex vobis habitare pote-

poterit cum igne devorante, & cum ardoribus sempiternis?

Punctum 3tium: Audiam Ezechiam Isa: 38.

Recogitabo omnes annos meos in amaritudine animæ meæ. Pænæ sensuum umbræ sunt, respectu eorum, quæ damnatus perfert in anima. *Recogitat 1mo:* quis olim fuerit? nempe amicus Dei, filius Dei, hæres calii; nunc hostis Dei, mancipium diaboli, incola Erebi, idq; non ad horam, non ad annum, non ad mille annos, sed in æternum. *2do:* Recogitat, ubi nunc est? ubi poterat esse tam facili negotiô; scilicet in deliciis, quas nec oculus vidit, nec auris audivit. *3to:* Quid amisit? Deum summum bonum, gratiam ejus, visionem beatam, amorem beatum; omnia bona supernaturalia, immo omnia, quæ possent aliquod afferre solatium. *4to:* Propter quid hæc amisit? heu illud, quàm erat modicum, quàm vanum, quàm spurcum & breve! *5to:* Quod amisit inter tot gratias, atq; eo tempore amisit, quod potuerat lucrari calum; ad quod possidendû conditus erat à Deo, redemptus à Christo, auctus auxiliis à Spiritu Sancto. *6to:* Recogitat, quod tam miser illius status nunquam deficiet; num enim aliquando deficiet Deus? nû justitia Dei? num decretum? num tortores? num tormenta? num tormentorum locus? num peccatum? num anima? nû æternitas?

Colloquium O JESU! o Salvator! o unica spes! justè monebas sequaces tuos, nè timerent eos, qui occidunt corpus, sed timerent eum, qui & corpus & animam potest mittere in gehennam. Credo immensa supplicia, & ignem æternum, qui paratus est diabolo; & Angelis ejus: cujus tamen participatio in id ipsum in illis, qui ex patre diabolo sunt. Hinc timor & tremor venerunt super me: nam scio, me peccasse, timeo æternis me addicendum pænis; nisi te placevero. At quomodo placabo? offeram merita tua, passionem & mortem tuam, offeram sanguinem pro me fustum, qui stygias extingvat flammæ. Digna hæc sunt, ut acceptes, digna tuâ misericordiâ, ut mihi parcas. Sed ex amore tui nolo, ut hic parcas; hic ure, hic seca, hic non parcas, & in æternum parcas: ut in æternum amem & laudem te.

Thomæ Kemp. L. I. c. 21. L. 3, c. 11.

In quid deserviet ignis ille, nisi in propriam voluntatem? S. Bernardus.

Non sinit in gehennam incidere, gehenna recordari. S. Chrysostomus.

Descendant in infernum viventes *Psal.* 54. Addit S. Augustinus. Nè descendant morientes.

Ut æterna futura supplicia possis evadere, mala presentia studeas libenter pro Deo tolerare. Thom. Kemp.

LECTIO PRIMA

De Meditatione.

I. Doctor mellifluus in scala claustrali, meditationem à lectione, oratione & contemplatione sic discriminat: Lectio est, inquit, sedula scripturarum cum animi intentione inspectio. Meditatio est studiosa mentis actio, occultæ veritatis notitiam ductu propriæ rationis investigans. Oratio est devota cordis intentio in Deum, pro malis amovendis, & bonis adipiscendis. Contemplatio est mentis in Deum suspensa elevatio, æternæ dulcedinis gaudia degustans. Beatæ vitæ dulcedinem lectio inquit, meditatio invenit, oratio postulat, contemplatio degustat. Unde ipse Dominus dicit: Quærite, & invenietis; pulsate, & aperietur vobis. Quærite legendo, & invenietis meditando. Pulsate orando, & aperietur vobis contemplando. Lectio quasi solitum cibum ori apponit, meditatio masticat, & frangit; oratio saporem acquirit; contemplatio est ipsa dulcedo, quæ jucundat & reficit.

Lectio quasi fundamentum occurrit primò, & datâ materiâ mittit nos ad meditationem. Meditatio verò, quid sit appetendum, diligentius inquit; & quasi effodiens thesaurum, invenit

venit & ostendit. Sed cum per se obtinere non valeat, mittit nos ad orationem. Oratio se totis viribus erigens ad Deum, impetrat thesaurum desiderabilem, contemplationis suavitatem.

II. Præscripserat S. Pater noster &c. 4. p. const. c. 4. ut Scholastici horam integram impenderent recitando Beatissimæ Virginis officio, atq; examinandis bis quotidie suis conscientiis, cum aliis orationibus, pro cuiusque devotione. Magnò nostrò bonò inspiravit illi spiritus S. quòd declaraverit, posse has preces in meditationes commutari. Instituebatur igitur meditatio à plerisq; necdum ei designatò temporis spatio. Quod dum à Congregatione Generali 2da petebatur longius, res hæc decret. 41. relicta arbitrio Præpositi Generalis, qui tunc electus fuit, S. Franciscus Borgia, mentalis Orationis perquam studiosus. Is itaq; postea sanxit, ut in tota societate integra meditationi impendatur hora, præter binum examen conscientia. Confirmavit hoc Congregatio Generalis 4ta can. 6.

III. Ad id postulandũ & decernendũ, permovit Patres nostros ipsorummet experientia, quòd vix appareat planior & expeditior ad progressũ in Spiritu via, quàm meditatio. Hæc enim ait Bern: *regit affectus, dirigit actiones nostras, corrigit excessus.* Ideo dæmon omnibũ viribũs

būs ab illa retrahit, ut testantur S. Thomas, Basilius, Cassianus, atq; tot exēpla, tū alibi, tū apud Heribertum Rosveydum in *vita & verbis Seniorum*. Climacus ait, quod sicut ad campanæ sonum fideles ad Deum precandum in Ecclesia congregantur; ita dæmones ad nos in oratione turbandos conveniunt. Quod accidit S. Marulo Abbati, ut legitur in prato spiritali. Is cum media nocte ad orandum surrexerit, audiit clangorem buccinæ militaris, responditq; illi diabolus: *Hoc classico dæmones ad turbandos in oratione servas Dei, exciri.*

Hostis hic noster, tanquam hirundo Tob. 2. oculos mentis nostræ oblinat, & claudit foribus vanitatum; nè videamus, quàm modicos & paucos ad perfectionem passus fecimus; quantum vitæ tempus miserè perdidimus, quàm parum pro felici æternitate simus lucrati, quàm indignè vinea animæ nostræ sylvestit, quantæ ascenderunt in ea vepres & spinæ vitiorum: ut Isaia 5.

IV. Qui ita clausos oculos nostros aperiat, unicus Raphaël est *Meditatio*: in ea quippe cernimus, in quo defecimus, quid nobis desit, quare desit, quomodo adesse potest; qui maxime defectus radices agunt, quomodo elevandi, quæ virtutes & quomodo plantandæ. Quod sic declarat S. Bern. Ser. 1. de S. Andr. Ascendendo non volando apprehenditur summa.

mitas. Ascendamus igitur veluti duobus pedibus, meditatione & oratione: Meditatio siquidem docet, quid desit; oratio, nè desit, obtinet. Illa viam ostendit, ista deducit. Meditatione denique agnoscimus imminetia nobis pericula, oratione evadimus.

Ceterum Gerson alph. 34. meditationem non solum præfert lectioni, & operi cuicunque; manuali, sed etiam orationi vocali. Rationem dat. Quia Oratio, ubi finita fuerit, amplius vix adfert fructum; post meditationem vero durantes reflexiones, lumina, proposita fructificent in anima. Ibidem appellat illam sororem lectionis, nutricem orationis, directricem operis, omniumque pariter perfectionem & consummatricem. Hugo Victorinus negat perfectam posse esse orationem, nisi eam, aut præcedat, aut comitetur meditatio. Quod etiam S. Bern. in scala claustr. non diffitetur.

Idem Hugo Victorinus l. 3. de anima commendat egregios meditationis effectus, quos non præstat vocalis oratio. Redi, inquit, ad cor tuum, & subtiliter discute te ipsum. Considera, unde venis, quò tendis, quomodo vivis, quid agis, quid amittis, quantum quotidie proficis, vel deficis; quibus cogitationibus magis inensaris, quibus affectibus tangeris, quibus totationibus à maligno spiritu magis impugneris? & cum totum interioris & exterioris hominis

sta-

statum cognoveris; non solum qualis sis, sed etiam qualis esse debeas: de cognitione tui poteris sublevari ad cognitionem Dei.

Cum hæc arbor vitæ regularis, ejusmodi fructus pariat, quam sapienter dicit Aug: *Intellectus cogitabundus, est principium omnis boni!* nam fundamentum omnis boni spiritualis, est cognitio æternarum veritatum: hujus autem cognitionis mater est meditatio. Hinc S. Thomas 2. 2. quæst. 180. art. 3. ad 4. dicit: *Ad veritatis cognitionem requiritur meditatio.*

V. Sicut autem omnis boni spiritualis principium est Meditatio: sic omnis mali spiritualis principium est ei, non ut par est, affici. Isaias cap. 12. unicam ruinæ spiritualis assignat causam, defectum meditationis: *Desolatione desolabitur terra, quia non est, qui recogitet corde.* Qui à Religione, vel probitate vitæ deficiunt; non negant, quod ad hanc ruinam primus fuerit passus, neglectus hujus sancti exercitii, quod neglecto, cæco impetu ruitur in peccata venialia: hæc pertrahunt ad mortalia; ista excludunt à vexillo Christi, mancipant vexillo diaboli. S. Athanasius contra gentes advertit, quod primi Parentes à Paradiso propter eandem causam exciderint. Adā, inquit, quamdiu mentem habuit ad Deum, Deiq; contemplationem intentam; aversus, alienusq; fuit à corporeis spectaculis: ubi au-

tem, svasu serpentis, abstinit à cogitando Deo, se ipsu autè considerare cepit; statim in concupiscentias corporeas delapsus est. Cajet. in 2. 2. quæst. 32. art. 3. censet Religiosum, qui saltem semel in die diligenter meditationi non vacat; nec dici, nec esse posse Religiosum; ed, quod sicut effectus sine causa, & finis absq; medio, & portus absq; navigatione haberi nequit: ita perfectio Christiana, ad quam Religiosus conniti debet, absque oratione mentali obtineri nequeat. S. Pii 5ti oraculum tuit: finè orandi & meditandi studio, neq; Pontificatus, neque privatas animæ rationes sibi cōsistere. Ideo S. Petrus Cælestinus elegit Pōtificatū potius deserere, quàm meditationem.

VI. Hæc ut instituatur fructuosè, requiritur imò: ut præmittatur exacta præparatio. Monet enim Spiritus S. Ecclī 18. Ante orationem præpara animam, & noli esse, quasi homo tentans Deum. Quod S. Thom. 2. 2. quæst. 97. art. 3. sic exponit: Ille, qui ante orationem animam suam non præparat, ad devotionem se non disponendo; non facit, quod est in se, ut exaudiat à Deo: & ideo quasi interpretativè tentat Deum. Meditatio vocatur utiq; cibus animæ; cibus autè nec sapiet, nec nutriet: nisi debite præparetur prius. Cornel. quintuplicem præparationem exigit. *imam* Locat in avocatione mentis ab omnibus curis; ut docet Chrysost. *hom. 9. de var. loc. in Math.* *adam* in lecti-

Deo, one Spirituali; ut ait Suares l. 2, de orat. mēt.
 c. 2. juxta illud S. Basilii dogma: *Lectio
 succedat oratio.* Ista lectio solet esse præpara-
 tio materiæ meditandæ. *3tia* in contritione:
 nam eò gratior Deo fit oratio, quò purior o-
 rat conscientia: inquit S. Eucher. *4tam* in
 consideratione Divinæ Majestatis, & tuæ vili-
 tatis, qui cum Deo locuturus es, dicendo cum
 S. Francisco: *Quis ego, Domine, quis tu? Tu
 abyssus essentia, sapientia, bonitatis; ego abyssus
 nihili, ignorantia, malitia.* *5tam* in intentione;
 de qua in lect. de mortif. extērn. n. 15.

Requiritur 2do: ut mens mox à somno non
 distrahatur objectis alienis, sed ad Deum con-
 vertatur, & in eo fixa maneat, saltem ad o-
 randi tempus. Cum enim juxta Cass. Coll.
 9. *Quales orantes volumus inveniri, tales nos an-
 te orationis tempus præparare debemus:* palam est,
 quòd siquidem in orando volumus immergi
 Deo; & ante orandum expediat in eo mergi:
 Proinde requiritur *3tio*; non differre medi-
 tationem; sed quàm primum instituere; donec
 animus est quiētus. Hoc enim Deus vide-
 tur exigere, dum sibi primitias offerri jubet:
 & dignus est, ut tanquam Pater à filiis quàm
 primum adoretur. Sic illum adorabat David:
*Prævenērunt oculi mei ad te diluculò, ut meditarer
 eloquia tua.* Ità præterea docent S. Ambro-
 sius in Psal. 118, S. Dionysius de Div. nom.

c. 1. Imò & Apollonii Thyanaei hoc fuisse præceptum, scribit Philostratus in ejus vita l. 1. c. 12. *Adveniente aurorâ cum Deus esse verisandum.*

VII. Requiritur 4to: ut præfigatur scopus, ad quem tendat meditatio; nempe vitii alicujus evulsio, vel radicatio virtutis. Sic liberator tormenti prius scopum prævidet, ad quem illud dirigat, & explodat. Ideo monet Asce-
ta noster, ut meditandum, non id arripiamus, quod primò nobis occurrerit; sed statim con-
jiciamus oculos in illud, quo potissimum ege-
bimus, & meditando quaremus. Ubi etiam
syadet, ut de eadem materia, & altera, ac ter-
tia instituatur meditatio. 5to: Igitur expedit
meminisse, quòd meditatio non sit finis, in
quo sistamus; sed medium ad aliquam virtu-
tem. Unde S. Ambrosius in Psal. 118. *medi-
tationis præceptorum celestium, intentio vel finis,
operatio sit.* 6to: ut meditaturus statuatur se fir-
mâ fide, & vivâ imaginatione coram Deo o-
mnia vidente & penetrante. Hoc expressè
præscribit S. Pater, & S. Basilus. Id enim
distractiones arcet, fervorem accendit.

7mo: cùm discursus tantum sit medium ad
virtutis desiderium & affectum; hoc subortò,
discursus abrumpi debet, affectus autem au-
geri, & protrahi; in eoq; sistat voluntas, tã-
quam in termino. Ità docet S. Pater. & M.

Avila

Avila c. 75. 3^{ro}: Ut porro diutius protrahatur & continuetur hic affectus: juvabit repetere cogitationem, quæ illum causavit. Poterit etiam reaccendi, si seriò perpendantur actus illius virtutis, quam per meditationem quærimus. 9^{no}: S. Nilus monet: *Si orare consideras, nihil facias eorum (inter meditandum) quæ orationi adversantur, ut tibi appropinquet Deus.* 10^{mo}: M. Avila docet: *Si mens incipit distrahi, ac evagari; abjice te magna humilitate ad pedes Dei; deprecare, si fortè id tuâ culpâ accidit.* Præter alios meditandi modos:

VIII. 1^{ma}: Usitatum est aliquibus & perutile, ita instituere meditationem; ut ejus puncta respondeant literis initialibus Sanctissimi nominis hujus: *MARIA*. Nempe, ut habens pro scopo meditandi, aliquam virtutem; 1^{mo} perpendat *M*, sive *motiva* ad eam impellentia. 2^{do} *A*, seu actus hujus virtutis. videatq; utrum; & quomodo eos exercet. 3^{to}: *R*, seu *remediet* sive media inveniat, quibûs ad eandem perveniat virtutem. 4^{to} *I*, seu *impedimenta* ipsum ab illa retrahentia; eaq; studeat amovere, ac modos amovendi provideat. 5^{to} *A*, seu affectus eliciat doloris, deprecationis, propositi ad certas circumstantias restricti, petitionis gratiæ. Et hic modus optimè servit orationi mentali, quoties à punctis præviè parandis impedimur.

Alter

Alter modus: Recogitare Christi Passionem per illa adjuncta: Quis, Iquid, ubi, per quæ, quantum, cur &c. Tertium modum affert S. Bernardus: contemplari, inquit, quid in se sit, quid intra se, quid infra, quid supra, quid contra, quid ante, quid postea sit. Hæc consideratio quadripartitum parit fructum: vilitatem sui, charitatem proximi, contemptum mundi, amorem Dei. Hactenus S. Doctor.

IX. Fervorem & fructum meditationis impedit. 1mo: Ignavia, si non adhibemus ante, & inter meditandum media numeris immediatis allata. Sed maximè, si mentem aliena præoccupent objecta: quia quales herbas in horto cordis tui plantaveris; talia semina germinabunt; inquit S. Bonaventura de Profec. Relig. L. 2. c. 8, 2do: impedit nostra infirmitas, quam deslet S. Bernardus, quod vix aliquam possimus orationem prosequi, quin importunis cogitationibus turbemur. Hoc impedimentum tollitur, tum per media supra data, tum per actus ejaculatorios. 3tio. impedit hebetudo intellectus. contra hoc impedimentum proderunt actus ejaculatorii; proderit item, eadem puncta jam decursa, iterum decurrere; tandem proderit, amplam meditandi materiam parare.

4to: maximum impedimentum venit à malo genio; quia oratio, juxta Augustinum, est Dea
sacrisi-

sacrificium, homini subsidium, 1 demoni flagellum.
 Unde 1^{mo}: vix experrectis, mox ingerit cogitationes impertinentes, aut malas; 2^o ut ait Climacus gr. 22. 2^{do}: retrahit à præpatione. 3^{to}: svadet orationem in aliud bonum opus mutari. 4^{to}: differri. 5^{to}: abrumpi. 6^{to}: injicit cogitationes pias, sed alienas à scopo meditando. 7^{mo}: interdum proponit principia, quæ videntur sancta; sed arcent ab insistendo directioni P: Spiritualis. 8^{vo}: opprimit somnolentiam, prout experiuntur multi, & constat ex vitis PP. 9^{no}: objecta phantasie præsentat, ad quæ propendet meditans; ut opes, honores, lasciviam; prout vidit S. Macarius, teste Heriberto Rosveido in vita & verb. seniorum.

MEDITATIO II.

De Judicio generali.

I. *Punctum unum*: Expendit antiprologum hujus ultimæ tragædiæ, seu præcedentia judicium extremum.

1^{mo}: Tunc erit tribulatio magna, qualis non fuit; erit commotio maris & tempestates, terræ motus, terrores de cælo, & signa magna erunt. Erunt tonitrua horrida, & fulmina, quibus Deus faciet arefcere homines præ timore; stellæ de cælo cadent, seu cometæ, prout exponunt aliqui. Ingemiscet tunc genus humanum: Iratus est

contra me furor ejus, & sic me habet, quasi hostem suum. 2do: Ignis lapsus e cælo æstuant profluvio absumet orbem terrarum, ut ipse DEUS ait Deut 32. Ignis succensus est in furore meo & ardebit usque ad inferni novissima. 3to: S. Paulus testatur, quod in media nocte tuba canet. Audietur ab omnibus nobis hæc tuba, mirum spargens sonum per sepulchra regionum. Ad ejus sonum, an non tinnient ambæ aures? 4to: Redibunt animæ ad sua corpora. Hic auscultabo, quomodo animæ damnatæ maledicēt suis corporibus; econtra quomodo animæ justæ benedicent suis; quod eis cooperata sint ad salutē 5to: Recludentur sepulchra, proripient se mortui, surgent Reges & Principes, qui sublimē putrescebant; surgent, & nudo latere palpitabūt. Surgent omnes, stupente morte & natura; prodibunt Justi benedicentes Deū, prodibunt damnati maledicētes Deū, seipsos, & omnia.

II, Punctum 2dum: Expendit initium actūs hujus tragici. 1mo: Exhibunt Angeli, & separabunt bonos à malis; sicut pastor segregat oves suas ab hædis, & ponent oves quidem à dextris, hædos autem à sinistris. Infelices sinistraments: Nos insensati vitam illorum æstimabamus insaniam; ecce computati sunt inter filios DEI! Ergo erravimus! ubi nunc nostræ superbia, voluptates, plausus, opes, honores Transiērunt sicut umbra, & nos aruimus, si-

cur

cut scœnum, in pabulum ignis æterni. 2dò: *Tunc parebit signum Filii hominis.* Quàm hilares intuebuntur illud, qui cum Paulo crucis mortificationem in suo corpore circumferebant! singuli dicent: o bona crux, redde me Magistro meo; ut per te me recipiat, qui per te me redemit! Ululabunt reprobi: *Va, va diei, quia appropinquat dies Domini, dies nubis:* id est: Appropinquat dies ultionis. 3tò: *Tunc videbunt Filium hominis venientem in nubibus cali.* Videbunt reprobi, quem confixerunt peccatis. Quo oculò videbunt? Tunc plangent se super eum omnes tribus terræ; quia nimirum sanguis ejus, qui fuit effusus in salutem, cedit malis in damnationem. Ergo dicent peccatis: Abscondite nos à facie, & ab ira agni. Apoc. 6. *Quia majus tormentum malis erit, furorem vultus Domini tolerare; quàm cruciatus infernales perpeti.* Dicit Augustinus serm 122. de temp. E contra Omnes servi crucis qui se Crucifixo confirmaverunt in vita, accedent ad Christum cum magna fiducia. Thom. Kemp 4tò: Nos, qui Christum secuti sumus, ululabunt reprobis, rapiemur in nubibus, obviam Christo in æera: 1. Thessal. 4.

III. Punctum 3tium: Expendit actum ipsum Judicii. 1mò: *Filius hominis sedebit super sedem Majestatis sue.* 2dò: *Pauperes Spiritu affidebunt ei, & judicabunt nationes.* 3tò: *Aperientur*

singulorum conscientia, uniuscujusque opus manifestum erit; quia Dominus illuminabit abscondita tenebrarum, & manifestabit consilia cordium. 1. Cor. 4. Hoc enim decrevit 2. Reg. 12. *Tu fecisti absconditè, ego autem faciam verbum istud in conspectu omnis Israël, & solis hujus.* Quæ mihi tunc facies, quòd Cor; dum manifesta erunt abscondita cordis nostri? 4to: Ostendet Christus vulnera sua, & dicet: S. Aug. serm. 130. de temp. Filii hominum, quare dilexistis vanitatem, & quæsiistis mendacium? Ecce me, ecce vulnera mea, hæcenus amore vestri hiantia! Nonne dissimulavi? nonne expectans expectavi? nonne monui? Risistis hæc omnia, ego quoque in interitu vestro ridebo. *Discedite maledicti!*

IV. *Punctum 4tum:* Expendit epilogum feralis tragædiæ. 1mo: Irrugient damnati, replebunt ærem ejulatu, gemitu, blasphemiiis. 2do: diras evoment in peccata, circumstantias, occasiones, causas, socios peccatorum. At serò nimis. 3to: Maledicentur à Deo, à Sanctis, à dæmonibus, à consortibus damnationis. 4to: *Aperiens terra os suum deglutiet eos, & descendent in infernum viventes.* Numer. 16. 5to: Serenâ facie conversus ad Electos JESUS dicet: Venite Benedicti Patris mei, venite fratres, affecle, & cohæredes mei: venite viscera mea, gaudiū meum, & corona mea: venite, possidete regnum para-

paratum vobis. Venite, torrente voluptatis potabo vos. Huc, huc ab ista lachrymarum valle venite! *Et ibunt illi in supplicium æternum, iusti autem in vitam æternam,*

Anima mea, de fide est, quòd & tu compares in theatro illo; ah quo animo? & tu ages scenam tuam; ah quo successu? & tu stabis ante Judicem; ah in qua parte? Non intres in iudicium cum servo tuo Domine, quia non iustificabitur in conspectu tuo omnis vivens. Si non iustificabitur vivens, quomodo iustificabor ego, mortuus tibi, vivens peccatis? Culpâ rubet vultus meus, supplicanti parce DEUS. Peccavi, injustè egi, iniquitatem feci; tu quia pius es, miserere mei; aut in tuo flagello vindica iniquitatem meam, & noli tradere me his, qui ignorant te; nempe inimicis tuis, & meis.

Quid faciam, cum venerit ad iudicandum Dominus; & cum interrogaverit, quid respondebo illi?
Job. 31.

Praoccupemus faciem Judicis in confessione; ut, qui tentationi parentes, manum non possumus effugere Judicis; per confessionem mundati, clementiam experiamur misericordis. S. Greg. Time o homo, quòd in terribili iudicio ei præsentandus sis, in cuius manus horrendum est incidere; ab eo examinandus, quem nihil latet. S. Bern.

REFLEXIO

Supra Orationem.

S. Augustinus epist: 121. ad Probam sic orationem Commendat: Oratio est animæ sanctæ præsidium, Angelo bono solatium, diabolo supplicium, gratum Deo obsequium, & penitentia ac religionis laus tota, perfecta gloria, spes certa, sanitas incorrupta. Et Cassiod: Oratio serenat cor, abstrahit à terrenis, mundat à vitiis, sublevat ad Cælestia, reddit cor capacius, & dignius ad accipienda bona spiritualia. De hac considera:

1mo: Quantum ei afficeris? iudicio S. Ephrē, *Quem videris incurium orandi, scito incurium esse virtutis: quia virtutum basis & mater est Oratio.*

2do: An desolatio te non dejicit? Joannes Abbas discipulo conquerenti contra desolationes in orando, respondit: desolatio te non dejiciat: donum orandi defursum est descendens à Patre luminum: insta precibus die ac nocte; & Dominus accendat in te affectum, & studium, ipsum deprecandi.

3to: An attentè oras? S. Cyprianus de oratione Dom: *Quomodo te audiri à DEO potestules, cum te ipsum non audias? Vis Deum esse memorem tui, cum rogas; quando tu ipse memor tui non sis: Et Chrysost: Deus non est vocis, sed cordis auditor.*

4to:

4^{to}: An humiliter? S. Chrysoft in illud Psal:
9. *Non est oblitus clamorem pauperum:* inquit: o-
rationis vehiculum est humilitas. Unde Eccl:
35. *oratio humiliantis se, nubes penetrat.* Judith
9. Humilium & mansuetorum semper tibi pla-
cuit oratio.

5^{to}: An ferventer? S. Aug: epist: 121. c. 10.
Hoc negotium plus gemitibus, quam sermo-
nibus agitur; plus fletu, quam affatu.

6^{to}: An cum fiducia? Ita præcipit S. Jacob:
c. 1. Quare S. Bernar: serm: 4. Quadr. Timida
oratio Cælum non pēnetrat.

7^{mo}: An in omni loco? 1. Timoth. 2. Volo
ergo viros orare in omni loco. Quod S. Ansel:
& Thom: intelligunt de privata oratione. Aug.
ep. 121. de oratione per actus ejaculatorios;
nē per productiones, inquit, horas evanescat,
aut hebetetur intentio.

8^{vo}: An in omni tempore? ut docet Paul:
ad Ephes: 6. Hoc est, quantum per negotia
licet; ut explicat S. Ansel. Item in omni tem-
pore orationi destinato, sive ab Ecclesiis, sive
à tua devotione, & consuetudine ut exponit
Aug: Non autem, sicut volunt Euchitz, apud
eundem Aug: Hæc: 57.

9^{no}: An si vacaret, orare velles assidue? si-
cut Anna Lucæ. 2. quæ non discedebat de
templo, jejuniis & obsecrationibus serviens
nocte ac die. Item sicut Lancicius, qui singu-
los

los passus offerebat Deo. Nam ut ait Aug: seliloq. c. 18. Sicut nulla est hora, vel punctum in omni vita mea, quò tuò beneficiò non utar; sic nullum debet esse momentum, quò te non habeam ante oculos in memoria mea. S. Xaver. etiam dormiens exclamabat: O Deus! o Jesu amor mi! Deus meus & omnia!

10mo: An saltem frequenter? Sic docet S. Basil: hom: in S. Julittam: Accumbens mensæ, ora, edens panem, gratias largitori rependito: tunicam induens, gratias age benigno datori: amicis palliò; fac in te augeat interior erga Deum caritas, qui integumenta largitus est. S. Chrysost: hom. 173. ad popul: Licet & forum petentem, & ambulatè, & in officina sedentem, & suentem pelles; animam Deo dedicare. Hieron. Eredientes de hospitio armet oratio, regredientibus de platea occurrat: sessione prius corpusculum nè requiescat, quàm illa animam pascat. S. Borgia centies in diem adorabat Deum.

11mo: An in spiritu? ut vult Apost: Eph: 6. Hoc est in Conscientia munda, & fide integra; prout explicat S. Ambros.

12mo: An in omni instantia? ut ibidem jubet S. Paul: Id est, ut Ambrosius, Syrus, & Græci vertunt. *In omni perseverantia.* Sic oravit Anna 1. Reg: 1. Mulier Chananæa. Matt. 15.

13to: An orationi jungis mortificationem? Cant:

Cant: 5 sponsa messuit Myrrham, id est: mortificationem, simul cum aromatibus, id est cum oratione. Ad offerendum Thymiana, seu ad orationem; ab holocaustis, seu à mortificatione (dicit Mendoza) afferebatur ignis.

14to: An contritionem? oratio cum luctu conjuncta, & ad Deum effusa in spiritu, alimonia mentis est: non secus, ac panis corpori. ait B. Antiochus hom: 10.

15to: An vitam probam? Origenes hom: 2. in Psal: 37. Quomodo nos audiet Deus, cum nos ipsum non audiamus? quomodo faciet ille, quod volumus; cum nos, quod ille vult, non faciamus?

16to: An congruum situm corporis? Flexis genibus orabat Salomon 3. Reg. 8. 2. Paral. c. 6. Magdalena Lucæ 7. Stephanus 7. act. Petrus act. 9; Discipuli act. 21; pater Lunatici Matt: 17; Leprosus Marci 1. Quin & ipse Christus Lucæ 22. super quod Cæsar. Arelat. hom. 30. Prostratus in terram orat medicus, & non inclinatur ægrotus? Tertull. 2. de oratione c. 12. dicit: Irreligiosissimum esse, sedendo orare: nisi exprobramus Deo, quod nos oratio fatigaverit.

17mo: An petis, ut Deus, qui deduxit velut ovem Joseph; te quoq; deducat illis viis, quæ non habent peccati scandalum?

18vo: An in rebus dubiis recurris ad Deum?
SAug.

S. Aug. ep. 120. ad Honoratum: Si purè Dominum, largitorem bonorum omnium deprecæris; omnia, quæ cognitione digna sunt, aut certè plurima, ipso magis inspirante, quàm hominum aliquo commovente, perdisces.

19nd: Nominatim an recurris in scientiis comparandis? Eccl: 39. Illum spiritu intelligentiæ replebit Dominus, qui aperiet os suum in Oratione.

20nd: An in omnibus omninò rebus? Ità recurrebat S. Paulus teste S. Thoma Angelico Doctore.

21nd: An non petis tibi noxia? S. Bernar. ferm. contra ingrati vitium: sæpe misericordiæ est, subtrahere misericordiam; quemadmodum iræ & indignationis, misericordiam exhibere. Et Aug. sent. 212. Fideliter supplicans Deo pro necessitatibus hujus vitæ, misericorditer non auditur.

22nd: An non petis ex ambitione? sicut Filii Zebedæi petebant primas in Regno Christi. Matt. 20.

23nd: An non petis ex indiscreto zelo? sicut iidem petebant ignem in Samaritanos è Cælo mitti. Lucæ 9.

24nd: An non petis, quod melius est differri? Joan. 11. Christus distulit sanare Lazarum, ut posset resuscitare. inquit Aug.

25^{to}: An si speras cum tentatione proven-
tum, ab illa non postulas liberari? similiter de
aliis malis. 2. Corint. 12. non exauditus Pau-
lus rogans à stimulis sa, nis liberari. Rationem
dat Aug. in Psal. 130. Sicut æger, dum illi ap-
plicatur pharmacum molestum & ardens, ro-
gat medicum, ut illud auferat: medicus autem
ægrum consolatur, & hortatur ad patientiam;
quia novit, quàm utile sit, quod appositum:
pari modo egit hic Deus cum Paulo.

26^{to}: An, tam ante, quàm post omne opus
oras? Audi S. Basil: Quodcunq; opus inchoa-
veris, primò invoca Dominum, & nè desinas
agere gratias, cùm perfeceris illud.

27^{mo}: An oras etiam pro aliis? S. Paulus
Eph. 6. exigit orationem pro omnibus San-
ctis, id est Christianis: super quod Cornel: ait:
Hinc patet, orandum esse pro propagatione
& propagatoribus Evangelii, hæresum & infi-
delitatis extirpatione: & si hoc populo, quid
Clericis faciendum est?

28^{vo}: Deniq; an omnem conatum adhibes,
ut hoc sanctum opus, sanctè peragas? Nam,
quantùm apposuerimus ad diligentiam, tantùm
Deus addet ad gratiam: Spondet S. Eucherus
hom. 3. ad religiosos.

LECTIO SECUNDA

De Oratione.

I. S. Paulus ad Philip: 4. dicens: *In omni oratione & obsecratione cū gratiarum actione petitiones vestra innotescant apud DEUM; & I. ad Tim. 2. Obsecro igitur primum omnium fieri obsecrationes, orationes, postulationes, gratiarum actiones: videtur istos actus distinguere. Itaq; apud Cassian. Coll. 9. cap. 11. 12, & præsertim 13. Oratio est, cū aliquid DEO roremus; obsecratio est, imploratio pro peccatis; postulatio, cū pro aliis petimus. Sed hunc sensum S. Thom. 2. 2. q. 83. a. 17. in c. minus probat. Juxta ipsum oratio est ascensus intellectus in Deum, seu accessus ad orandum DEUM. Obsecratio, cū obtestamur per sacra v.g. per Christi merita. Petitionem & postulationem pro eodem sumit; per quam petimus decentia à DEO; in quo consentit S. Damasceno c. 24. de Fid. Orth. Gratiarum actionem dicit esse rationem ex parte nostri impetrandi; quatenus movet DEUM ad præstandum, quod petitur. Cū ratio impetrandi ex parte DEI sit ipsa ejus sanctitas. Omnes ergo quatuor prædictos actus vult S. Doctor esse partes integrales orationis. Ibidem ad 2dum ait, quod oratio communiter sumpta, includit omnia, qua hic dicuntur: sed secundum quod contra alia dividitur, importat pro-*

prio

prie ascensum in DEUM. Ascetæ, cū de oratione agunt, agunt de communiter sumpta, sem complectente omnes istas quatuor operationes orantis; ut notat Nigronius in Comment. Reg. Comm. 1. num 13. de hōc modō sumpta oratione hic agitur.

II. Ad orandum fructuosē hęc requirit Christus Matth. 7. *Petite, & dabitur vobis: Quærite, & invenietis: Pulsate, & aperiatur vobis. Petite*, inquit Aug., significat fiduciam; *Quærite* diligentiam; *Pulsate* perseverantiam. *Fiducia* debet esse fortis & inconcussa; nam Jac. 1. dicitur: *Postulet in fide, nihil hesitans*. Juxta Cornel. à Lap., per fidem intelligitur hic, tum fides propriè dicta, tum fiducia, tum credulitas, seu firma persuasio obtinendi, quod petitur. S. Bern. in Psal. 90. *Quantum spes processerit, obtinebit; si tamen in DEUM tota figatur, ut firma sit, & non titubet*. S. Catharina Senensis sic orabat: Non dimitto te, Domine, donec hoc mihi des. Similiter Abbas Sisois in vitis PP. pro Abrâham Discipulo suo in peccatum, & tentationes lapso: *DEUS, vis, non vis; non dimitto te, nisi curaveris eum*.

Diligentia requirit tria: *Considerare debet is, qui orat*, inquit Bernard. *& quid petit, & ipsum, quem petit, & seipsum, qui petit*. Nempe imprimis, an non petit noxia salutis? nam tunc misericorditer non auditur, inquit Aug. quid enim

infr-

infirmo sit utile, magis novit medicus, quam agrotus. Imò juxta Gregor. lib, 15. Moral. c. 12. Majoris iracundiæ est, cum hoc tribuitur, quod malè desideratur. Unde Plato in 2. Alcib. sic orabat: DEUS optime maxime, optima quidem nobis videntibus tribue; mala autem poscentibus quoq; abesse jube.

Deinde considerare debet, *quem petit?* scilicet infinitam dignitatem DEI. O quantâ reverentiâ, quantâ attentione ad verba, quantâ compositione corporis legatus vel subditus Regem alloquitur? Jam oratio juxta Augusti in Psal. 85. Gregor. Nils. Chrysost in gen. hom. 30. *Est familiare cum DEO colloquium. De quo idè Chrys. l. 1. de orando DEUM, ait: Quis non obstupescat, & admiretur tantam benevolentiam DEI erga nos, ut mortalibus tantum honoris largiatur; & dignos habuerit; qui cum ipso colloquamur, nostraq; vota apud ipsum deponamus.*

Tandem considerare debet: *Quis petit?* nimirum creatura vilis, cujus, inquit Bernard: *Conceptio culpa, nasci pena, labor vita, necesse mori.* Et hæc vilitas, hoc nihilum, comparet ante DEUM, loquitur ad Dominum, cum sit pulvis & cinis! Ejus igitur præcatio, imò: sit ornata stolâ gratiæ; aliàs non audietur à DEO; qui Isaïæ 9. dicit: *Non exaudiam, quia manus vestra plene sunt sanguine. 2da: sit ornata unio-*
ne

ne cum Christi meritis; hæc enim sunt aurum purissimum Exod. 30. vestiens altare incensorum, quæ sunt orationes Sanctorum Apoc. 8. *quæ procedat ex motivo virtutum sublimium, maxime verò charitatis; ut docet S. Thom. 4to: sit humilis, ut penetret nubes; aliàs erit Pharisæica Luc. 18. quæ, ait Bern. serm. 4. Quadr: Non tantum non obtinet gratiam, sed & meretur offensam.* P. Petrus Claver capiti spineam coronam, collo funem imponebat, oraturus. P. Jacobus Miro, in angulum cubiculi, vel infra mensam se recipiebat, tanquam indignus, qui ante Majestatem DEI compareret. 5to: sit fervens, nam: *repida in ascensu languescit & deficit; eò quod non habeat vigorem; inquit ibidem S. Bern. Et alibi DEUS non remuneratur verba, sed adverbia. Imò teste S. Cypriano: Non vocis sed cordis auditor est.* Proinde Christus Matth. 6. monet. *Intra in cubiculum tuum, & clauso ostio ora.* Per cubiculum SS. Ambr. Aug. Hieron. intelligunt cor & mentem orantis. Totus in corde fuit, cum oraret, P. Stephanus Faber: hunc ut observaret precantem rogatus Dynasta Sinicus, à Christianis abhorrens: vidit sub nungente caelo inflammatum in orando; ac diluculo accurrit, baptismum petens. 6to: sit minimè distracta, minùs alioquin erit efficax; siquidem ex mente S. Greg. *Illam orationem DEUS non audit, cui, ille, qui orat, non intendit.* S. Catharina Sene-

sis, quòd leviter in orando fuerit distracta; Graviter à Christo reprehensa. Quod ipsum testatur de se S. Brigitta. P. Julius Mancinellus sic à distractionibus abhorrebat, ac ab idololatria. Carolus V. orans, Legato, magnum negotium & urgens exponere volenti, responderi iussit: *Nec ego quidem nunc leviter sum occupatus, qui cum DEO ago.*

Hactenus dicta confirmat Bern. tract. de Nat. Div. Amor. c. 2. Oratio perfecta est, in qua tanta sit fides, ut speret omnia; tanta devotio, ut DEUM videatur cogere; tantus amor, ut omnia, quæ petit, in ipsa oratione se sentiat obtinere tam benigna humilitas, ut in omnibus non suam, sed DEI voluntatem in se fieri præoptet.

Perseverantia deniq; constantiam exigit; quia Luc. 11. Propter improbitatem, seu ut Arabicus vertit, propter importunitatem datur, quod petitur. Quantò magis, inquit August., dabit DEUS bonus, qui nos hortatur, ut petamus; cui displicet, si non petamus? S. Greg. in Psal. 6. *Vult DEUS orari, vult cogi, vult quadam importunitate vinci. Esto sedulus in oratione; esto in precibus importunus, cave, ne ab oranda deficias.*

Observat P. Balthasar Alvarez de Paz tom. 3. de orat. ment. l. 2. p. 1. c. 7. quod Eccli. 39. *Iustus cor suum non commodat, sed tradit ad*

ad orandum: quo denotatur in orando fiducia, fervor, perseverantia.

Hæc omnia breviter compegit Basil. Serm. de orando DEUM: *Ideo quandoq; petis, & non accipis; quia perperam postulasti; vel leviter, vel infideliter, vel non conferentia tibi, vel destitisti.*

S. Aug. Tr. 103. S. Thom. 2. 2. q. 83. a. 15. ad 2dum, ad efficaciam orationis requirunt; ut sub prætatis conditionibus pro nobis ipsis oremus; non autem pro aliis. Verum S. Basil. Reg. brev. 161. Toletus & alii censent; quod etiam pro aliis efficax sit oratio: si tam ex parte orantis, quam ex parte illius, pro quo oratur; non adsit impedimentum. Præsertim cum oramus pro inimicis: rationem dat S. Greg. hom. 27. *Quia virtus veræ orationis est celsitudo charitatis. Et tunc quis, quoddam recte petit, adipiscitur; cum ejus animus, in petitione nec inimici odio fuscatur, sed plerumq; reluctantem animum vincimus.*

III. Orationis excellentiâ, ac utilitatē mirè commendant Sancti. S. Greg. Nissen. vocat illâ: Chori virtutū Antistitem, quæ DEO nos jungit. S. Laurent. Justin. de gradibus perfectionis c. 12. ait: Oratio placat DEUM, lætificat Angelos, recreat Sanctos, penetrat cælos, postulata reportat, terret dæmones, adversarios superat, immutat homines, vires reparat, roborat mentem. S. Aug. tract. de Miss. tom. 10. Quid est oratione præclarius? quid vitæ nostræ

utilius? quid animo dulcius? quid in tota no-
stra Religione sublimius? S. Thom. serm. in
rogat. à sex effectibus illam extollit: *1mo* inquit:
iram DEI mitigat, ei se opponens, ut scutum;
Sap. 18. v. 14. *2do*: Angeli assistunt oranti;
Dan. 9. v. 21. Orationes iidem offerunt DEO,
referuntq; exauditionem. Job. 12. v. 12. *3to*:
Oratio iusti hominem liberat à malis, & veni-
am impetrat, salutem præsentem & æternam,
corporalem & spiritualem confert. Jac. 5. v. 15.
4to: Dæmones fugat ex corde & corpore Matth.
ult. v. 17. Eisdem obediens facit, etiam ut
in mare se præcipitent. Matth. 21. v. 21. *5to*:
Omnibus elementis & creaturis dominatur:
solem sistit. Josue 10. v. 14. Ignem cælo evo-
cat. 4. Reg. 1. v. 10. Cælum claudit. v. 11.
mare & aquas dividit. Exod. 14. v. 15. Josue
3. v. 16. mortuos è purgatorio educit. Eccli.
48 v. 5. bestias ferocissimas cicurat. *6to*: Cu-
rat lepram, febrim, pestem, omnesq; morbos:
sedat tempestates, incendia, eluviones: omnes
virtutes & gratias è cælo accersit; adeoq; DE-
UM omnipotentem vincit, & quasi ligat. Hæc
S. Thom. Deniq; Origenes hom. 9. in Num.
docet: *DEUM oranti plus concedere, quam po-
stuler.*

IV. Quanta porro sit orandi necessitas? li-
quet ex dictis, & insuper declaratur *1mo*:
Quia incurius orandi non est Religiosus, nisi
nomi-

nomine ſolo; dicit enim S. Thom: *Religioſus non eſt, qui non ſemper verſatur cum DEO.* Nam, ut aiebat Palæmon Abbas: vita monaſtica eſt continuum orandi ſtudium. Status enim Religioſus conſiſtit in conatu proficiendi in virtute; hic verò perfectus ſine orando ſperari nequit. Nam rectè S. Franciſcus Seraph. dicebat: Gratia orationis Viro Religioſo maxime deſideranda eſt; nullus enim ſine ea in DEI ſervitio fructus ſperari poteſt. Id ipſum ſentit S. Thō. *Anima ſine oratione non proficit.* Idem & S. Chryſoſt. Arbitror, inquit, cunctis eſſe manifeſtum, quòd ſimpliciter impoſſibile ſit, abſq; precationis præſidio cum virtute degere. Etenim qui fiat, ut virtutem quis exerceat, niſi continenter ſupplex ad genua accidat ei, qui virtutem omnem largitur?

2da. *Non eſt homo pius:* quia idem S. Doct. in Act. Apoſt. c. 10. ait: *Non eſt vir pius, qui ſibi ſtata orandi tempora non præſigat.* 3ta: *Non eſt egregie dotis,* eſt mortuus, non eſt ſanæ mentis; prout idem S. Doctor cenſet l. 1. de orando DEUM. Cum video quempiam, inquit, non amantem orandi ſtudium, nec huius rei fervidâ, vehementiq; curâ teneri; continuo mihi palam eſt, eum nihil egregiæ dotis poſſidere: & quiſquis non orat DEUM, nec Divinò colloquiò cupit aſſiduè frui; is mortuus eſt, & vitâ carens, expreſq; ſanæ mentis. Nam hoc

ipsum est evidentissimum amentiae argumen-
tum, non intelligere magnitudinem honoris
hujus, nec amare deprecandi studium. Hac-
tenus S. Doctor. Ibidem rationem dat, cur
orare negligens sit mortuus: *Quodsi teipsum
destitueris deprecatione; perinde feceris, ac si pisces
ex aquis extraxeris: ut enim pisci vita est aqua; ita
tibi deprecatio.*

4to. Quia ut ait S. Bonav. de progressu Re-
lig. c. 17. *Sine orationis studio omnis Religio est
arida, imperfecta, & ad ruinam promptior.* 5to:
Quia neglectus orationis, in eaq; fastidium,
signum est reprobationis; qui enim respuit cū
DEO colloqui, meretur, nē loquatur DEUS
ad cor ejus per gratias efficaces. Quia 1. Reg.
2. decrevit: *Qui contemnunt me, erunt ignobiles:*
seu, ut alii legunt: contemnentur & abjicien-
tur. 6to Quia SS. Aug. Basil. Damasc. Greg.
& Angelic. Doctor docent: Statutum esse
Divinae Providentiae, ut sicut terra non nisi a-
rata & culta fructum profert; sic pleraq; gra-
tiae, & necessaria nobis subsidia, non obtineā-
tur, sine oratione; eaq; humili & perseveran-
te. 7mo: Quia cū militia, seu tentatio sit vi-
ta hominis; quamdiu diabolus vivit, ut inquit
Aug. tamdiu tentari nos oportet. Porro tē-
tationes sine oratione non vincuntur. Unde
graviter tentatus sub mortali peccato tene-
tur ad orandum, juxta Theologos apud Bo-
nac.

nac. tract. de horis Canon. d. i. q. 2. p. i. prop. 2. Maximè si desint alia remedia temptationis. At P. Thom. Sanchez dicit, quòd sine oratione sint inefficacia. Proinde S. Hieron. Salvinæ svadet: semper in manibus tuis sit Divina lectio, & tam crebræ orationes, ut omnes cogitationum sagittæ, quibus adoleſcētia percuti solet, huiusmodi clypeò repellantur. Nisi hoc armetur clypeò Religiosus, succumbet hosti. Quia, ut ait S. Thom. Religiosus sine oratione, est veluti miles nudus, qui pugnat sine armis. Et Chrysost. l. 2. de or. D. Sicuti Civitas, quæ turribus ac muris cincta non est, facile venit in potestatem hostium; sic & animam non munitam precibus, diabolus facile in suam redigit ditionem.

V. Ad orandum fructuosè, unum medium dat Spiritus S. Eccli 18. *Ante orationem prepara animam tuam.* Ista præparatio consistit imò: in impedimentorum amotione. 2do. In malacia mentis: ad quam conducit maximè tempus matutinum; quòd etiam antiqui Christiani precibus impendebant: ut testatur Plinius ad Trajanum l. 10. epist. 97. *Affirmabant, hanc fuisse summam, vel culpæ suæ, vel erroris; quòd essent soliti stato die, ante lucem convenire, carmenq; Christo, quasi DEO, dicere secum invicem.* 3to. Consistit in conveniente compositione corporis. Hæc usui fuit P. Paschasio Broetto, sumabatq; caput, dum oraret. L3 4to

4to. In pet'ione auxilii. S. Franciscus Xaverius ante singulas horas canonicas præmittēbat h. mpm: *Ve i Sancte Spiritus.* 5to: In aliqua mortificatione: Quia Tob. 12: *Bona est oratio cum ieiunio.* Idem sentit Chrylost. hom. 15. in Matth: *Ieiunium est adiutorium orationis; quia oratio sine ieiunio est gracilis & infirma.*

2dum medium addfert S. Bern. de 4. modis orandi: Omnino oportet orationis tempore curiam intrare caelestem; quanta ergo cum reverentia, quanto timore, quanta illuc humilitate à palude sua procedens & repens ranuncula vilis; quam tremebundus & supplex, quam humilis & sollicitus, & toto intentus animo, Majestati glorie in præsentia Angelorum, in concilio iustorum, & congregatione, assistere poterit miser homuncio?

3tium medium est: meminisse, quòd oranti assistunt Angeli, ut perterant Deo preces ejus, si dignæ sint. Ut cum S. Thoma communiter dicitur: de quo Bern. Ser. 17. in Cant. Vereor, nè vestram desidiā quandoq; abominantes (Angeli) cum indignatione recedant; & incipiat unus quicq; vestrum serò cum gemitu DEO dicere: *longè fecisti notos meos à me, posuerunt me abominationem sibi.* Si se à nobis boni spiritus elongaverunt, impetus malignorum quis sustinebit? 4tum: Imaginari, quòd audias Christum monentem: *Age quod agis;* Sicut monuit S. Cassium Narniensem Episcopum; ut

scribit S. Greg. l. 4. Dial. c. 16. ut item monuit S. Antonium magnum. *scilicet*: Ejaculatorios actus frequentare; qui, cum sint fervidi, fervoris inducunt habitum in orando. Præterea pluris æstimantur, quàm prolixæ preces & frigida. Hinc Christus Matth. 6. *Orantes nolite multum loqui.* & August. *Abstine ab oratione multa locutio, sed non desit multa precatio.* Platonis etiam oraculum fuit: satius est, bene agere aliquid exiguum; quàm multa perfunctoriè. Quanquam juxta Græcos: *Magnum est omne, quod bene fit.* Talis est actus ille: *amo te DEUS super omnia*; quem millies quotidie reperebat P. Didacus Martinez. Item ille usitatus B. V. *MARIÆ: Deo gratias*, quem prædictus Pater sexcenties in diem eliciebat. Hunc actum ita commendat S. Aug. Epist. 77. Quid melius & animo geramus, & ore promamus, & calamò exprimamus; quàm: *Deo gratias*? hoc nec elici brevius, nec audiri lætius, nec intelligi grandius, nec agi fructuosius quidquam potest.

Plura vide in Lect. de Medit. à num. 6. Itē de tepid. num. 12. Impedimenta fervoris in orando vide Lect. de Medit. num. 13.

VI. Religiose, perpende illud Jac. 5. *Multum valet deprecatio Justī assidue*; seu ut explicat aliqui: sperans, fervens, & perseverans. Ut ergo multum valeat, sit plena spes; nam tali promissit Christus efficaciam Marc. 11. *Sit fervens, quia*

quia juxta S. Bern. Serm. 16. in Psal. 10. Merito non exauditur, qui clamare dissimulat, aut omnino nō postulans, aut tepidē postulans, aut remissē. Sit *perseverans*, nè arguat Chrysost. hom. 25. in Evang. Pudeat nos, pudeat, & incredibilem socordiam nostram deploremus: Octo & triginta annos ad piscinam expectaverat Paralyticus: nos autem, si vel decem dies orationibus invigilantes non exaudimur; jam tepescimus. Elegit te Christus de mundo; ad quid? nisi ut per orationem conversatio tua in cælis sit? Si nec in cælo versaris mente, nec jam es in mundo; nec cælestis homo, nec mundanus es; proinde homo infernalis es. An non percipis, quàm dulce, quàm gloriosum, quàm proficuū sit, conversari cum Deo, cum Sanctis? id est profectō beatitudinem æternam aliquatenus delibare. Quanta verō dementia, per nullam vel frigidam orationem exsortem te beatitudinis hujus facere! quod quid aliud est, quàm ante mortem damnatorum aliquomodo consortem esse?

Hæc de oratione in genere. De horis canonicis solum adjicio præceptum Innocentii 3. C. Dolentes, de celebrat. Miss. *Districte præcipimus in virtute sanctæ obedientie, ut Divinum Officium, nocturnū pariter ac diurnū; quantum eis DEUS dederit, studiosè celebrent pariter ac devotè.* Exstare simile præceptum Gregorii 13. asse-

rit Arsdekin: De præcepto isto scrupulose
videant S. Thomam 2. 2. q. 33. a. 13. & Su-
arez 2. de Relig. l. 4. de horis. C. 26.

MEDITATIO III.

De Æternitate.

I. Punctum 1mum: Audiam David Psal. 76.

Annos æternos in mente habui. Cogitabo: Omnī
momentō sto ad ostium æternitatis; ut aiebat
Godefridus Herbipol. Præsul. Ah æternitatis,
aut felicis, aut infelicis! Vel in æternū salvabor,
vel in æternū damnabor! Id cōtinuā mente ver-
sandū est. Ista cogitatio monasteria fundavit:
principes, reges, cæsares è divitiis in pauper-
tatem, è deliciis in pressuras, è mundo pepulit
in canobia. Docuit austeritatem vitæ, hero-
icos actus, contemptum sui. Et me quidni
doceat? Abhinc memoriā memor ero, & tabe-
scet in me anima mea; quod vel in æternum
salvabor, vel in æternum damnabor. Utrum-
que cum Dei gratia est in manu mea. Ergo
monet S. Bernardus: *Alterutrum è duobus eli-
gamus, aut semper cruciari cum impiis; aut perpe-
tuò letari cum sanctis: bonum siquidem & malum,
vita & mors, ante nos sunt posita; ut, ad quod vo-
luerimus, manus extendamus.*

II. Punctum 2dum: Audiam Christum, qui
apparens P. Christophoro Caro, cogitare ius-
sit

fit hæc: Lohner Bibl: t. 3. §. 5. *O æternum! o momentaneū! o longum! o breve!* Cogitabo: Quid quid in orbe video, admiror, habeo, appeto, momentaneum est. Opes, honores, voluptates, regna, sæcula, mundus, brevia sunt. Hinc S. Augustinus ait: *Quidquid hic vides, breve est.* Ex altera parte horum omnium usum sequitur: *Æternum.* Malorum breves divitiæ, æterna egestas; brevis honor, æterna confusio faciei; brevis voluptas, æterni cruciatus: bonorum brevis afflictio, labor, persecutio, dolor; æterna solatia, æterna gaudia. Quare S. Franciscus monebat: *Modica hic voluptas; sed postea pæna immensa; modicus labor, sed postea gloria æterna.* Anima mea: perpende hæc, & elige, quod vis. Utinam prudenter velis! ut prudenter velis, illud recogita: *Momentaneum quod delectat, æternum quod cruciat.*

III. Punctum 3tium Audiam Danielem. c. 12. *Evigilabunt alii in vitam æternam, & alii in opprobrium; ut videant semper.* Cogitabo 1mo: mors æterna vocatur opprobrium; quia ignominiosissima erit, & molestissima; inquit Corn. à Lap. Nam, ut ait S. Chrysost: *Gravissima pænarum pudor est, impii enim resurgent in pudorem, & opprobrium æternum.* Cogitabo 2do: Si gravissima pænarum quicunque pudor est, quid erit immensus pudor? quid immensus ac æternus? quid immensus, æternus & conjunctus ineffabilibus pænis aliis;

cum

cum interim ad maxiam sufficiat solus ærum-
nam? Cogitabo 3tio: Evigilabunt damnati, ut
videant semper. Quid videant? ut videant:
quàm vili pretio vendiderunt vitam æternam!
pro quantula voluptate, aut vanitate, elege-
runt opprobrium æternum! quàm facile cæ-
lum lucrari poterant! Quamdiu id videbunt?
semper: hoc est, quamdiu durabit æternitas,
quamdiu Deus erit Deus. Hæc apprehensio, est
alter infernus damnatorum, ex sensu S. Gregorii.

IV. Punctum 4tum: Audiam Christum Matth.

25. *Discedite à me maledicti in ignem æternum.*
Cogitabo 1mo: Ex asceta nostro: Vox ad dam-
natos. *Discedite*, Respondet dimissioni; Vox
ad justos: *Venite*: Respondet vocationi Religi-
osæ. O beatum *Venite*! o infelix *Discedite*! Co-
gitabo 2do: Apud Cornelium, *Discedite*: signi-
ficat pœnam damni, *In ignem*: significat pœnâ
sœclis; æternitas utriusque pœnæ vertitur in hoc
bino cardine: *semper*, & *nunquam*: *semper* ma-
le, *nunquam* bene: *semper* mori, *nunquam*
cessare vivere: quod S. Bernardus L. 5. Con-
fid: vocat *mortem viventem*, & *vitam morientem*.
Et hæc est damnati maxima pœna, quod con-
tinuò cogitet, se infelicem *semper*, sinè inter-
vallo, sinè lenimine, sinè remedio, sinè spe. Be-
atum se crederet, si falsò imaginaretur finem
vel lenimen ærumnæ suæ futurum, saltem post
tot milliones sæculorum, quot sunt cæli stellæ,

guttæ maris, atomi aëris. O semper! ô nunquā! ô peccatum, quod æternū puniris, & necdum condignè puniris! Cogitabo 3to: Quā stultus foret, qui eligeret potius per decem vel viginti annos igne torrerī; quā abstinere à peccato! Quā insanus est, qui eligit in æternū pati diluvium ignium infernalium pro momentaneo peccato! Crematur & dolet; sed nequaquam, quod crematur, consumitur; dicit Chrysostomus.

Colloquium: Anima mea: Si mutanda esset patria, quantō studiō disponderentur ad migrādū omnia! Jā cū scias, quod hinc aliō te transferes in æternū; & nescias, quando viam hanc ingressura sis; cur ad illam te non præparas? Cur tempus perdis pænitentia? Cur accumulas peccata?

Æterne Deus, æternam meam animam fecisti propter tuam gloriam: feci ego, ut defecerit à te, propter meam malitiam. At utique major bonitas tua, quā iniquitas mea: ergo dele, quod ego feci; repara, quod tu fecisti. Quod fecisti propter te, fove propter te. Quod ego feci deficere, tu refice. Opus tuum, hoc est: animam pauperis tui nè obliviscaris in finem. Nunquid obliviscetur mater infantem suum? & si illa oblivisceretur; tu promissisti non oblivisci facturæ tuæ: quia in manibus tuis descripsisti me. Ex Isaia, & S. Aug.

DIEI QUINTÆ
MEDITATIO I.

De Nativitate Christi.

I. *Punctum unum*: Audiam Isaiam c. 9. *Parvulus natus est nobis, & Filius datus est nobis.* Spectabo *1mò*: quomodo confluunt Angeli ad speluncam hospitium Christi; ut ex Apostolo Hebr. 1. docet Chrysost: *2dò*: quantam reverentiam exhibent Virgini Beatissimæ. *3tò*: quàm ardentem flexis genibus orat Beatissima, & sic orans, parit Filium; uti revelavit S. Brigittæ L. 7. Revel. c. 22. *4tò*: quàm humiliter Natum Deum adorant Cælestes genii. *5tò*: quantâ reverentiâ deponunt illum in Matris manibus; ut docet Suar: vel certè Christus ipse penetratô Virginis uterô, quàm festinus involat in sinum ejus & manus; ut revelatum S. Brigittæ l. c. *6tò*: quibus illum affectibus Mater excipit; quàm dulciter osculatur pedes, tanquam Dei sui; manus, tanquam Domini sui; faciem tanquam Filii sui. *7mò*: quomodo viles quidem, sed mundos evolvit pannos, ut Divinum fasciet Infantem. Tandem quàm suaviter cordi apprimat, in præsepio reponit, basiat, adorat, vagientem & flentem lætat. Tam Deiparæ, quàm Angelorum affectus omnes offeram Christo: eliciam actus fidei, spei, cha-

charitatis, contritionis, admirationis, gratiarum actionis, adorationis, petitionis.

II. *Punctum 2dum*: Accedam supplex ad Infantem Deum, adorabo, quæram. 1mo: Cur è dulci sinu Patris in terram venit? Respondet Greg: *Natus est in terra, ut homo nasceretur Cælo*; ut, quæ sursum sunt, quærat; quæ sursum sunt, sapiat; non quæ super terram: Colos. 3. 2do: Cur non Angelos, sed semen Abrahamæ apprehendit, cur homo factus? Respondet Paulus: *Ut exspoliantes vos veterem hominem, induatis novum, qui secundum iustitiam est*; seu, ut ait Aug: *Factus est Filius hominis, ut nos efficeret Filios Dei*. Quanta hæc mea dignitas! vix mihi, si per gravem culpam, illam amisisset. 3tio: Cur Parvulus natus est nobis? Respondet Bern. Ser. 3. super Misellus. *Ut studeamus effici, sicut Parvulus iste: discamus ab ipso, quia mitis est, & humilis corde. nè magnus Deus, sine causa factus sit homo parvus*. 4to: Cur in præsepio ponitur? Respondet ipse; quia tu per peccata claudis cor tuum, nè illud intròeam & inhabitem. Et Ambros: *Ille in præsepibus, ut tu sis in altaribus; ille in terris, ut tu in Cælis*. 5to: cur fasciis ligatur? Respondet idem Ambr: *Ut tu mortis laqueis sis absolutus. Iterum nè me involvam eisdem laqueis?*

III. *Punctum 3tium*. Quæram adhuc: Cur iste Parvulus in his natus circumstantiis? 1mo: Cur

In domo panis? Respondet Greg Hom. 8. in E-
vang. Locus, in quo Dominus nascitur, panis an-
tea vocatus est; quia futurum erat, ut ille ibi per
materiam carnis appareret, qui electorum mentes
internâ satietate reficeret. O cœlestis esca refice
languentem animam! At cur ex illa non sumo
robur? imò cur anima nauseat super hoc man-
na? metuo non esse illam de numero electorum.

Quæram 2dò: cur nascitur in terra sancta, in
terra promissionis? Respondet ipse Matth. 19.
ut tu de novo natus in terra sancta, seu Reli-
gione; satagas, promissum à me centuplum ac-
cipere nunc, & postea terram sanctorum, ve-
ram promissionis terram; scilicet vitam æter-
nam possidere. 3tò: cur nascitur in via? Re-
spondet Cornelius: Ut doceat, nos in terra esse
peregrinos; Cives verò Cali: ut ab exilio magnis
virtutum passibus tendamus in Calum, ceu Patriam,
& Civitatem nostram. 4tò: Cur nascitur inter
bruta? Respondet: Ut animalis homo percipi-
at, & sectetur ea, quæ sunt Spiritûs Dei; nè
comparetur jumentis insipientibus. 5tò: Cur
nocte nascitur? Respondet Theoph: Ut illumi-
net hos, qui in tenebris, & in umbra mortis se-
dent. 6tò: Cur, cùm nox in suo cursu medium
iter haberet? Quia tunc regnat alta pax, quæ
Hæbreis juxta Corn: significat omne bonû; fi-
cut turbæ significat omne malû. Curabo pacē
tū internam tū externam. 7mò: Cur, dum me-
dium

dium silentium tenerent omnia? Quia silenti-
tiō delectatur. Unde illud Psal. 64. *Te decet
hymnus Deus in Sion* Hebræus vertit: *Tibi si-
lentium Deus in Sion.* 8vò: Cur nocte Domi-
nica? Respondet Rupertus L. 3. de div. offic:
c. 16. *Ut, quo die dixit: Fiat lux, & facta est
lux, ejusdem diei nocte oriretur in tenebris lumen
rectis corde.* O lux beatissima reple cordis inti-
ma. 9vò: Cur nascitur, dum describitur uni-
versus Orbis? Respondet Aretas: *Ut merearis
in libro vitæ scribi.*

O grandis Pulio! o Parvule maxime! o De-
us Infans! adoro Te, procido ante Te, infra
quidquid imum est. Affectibus Tuæ Matris,
Angelorum, omnium Sanctorum, omnium
justorum, saluto Te modicum in carne, immen-
sum in Deitate, incomprehensum cælo, com-
prehensum præsepio, summum in terris hospi-
tem. Quas gratias Tibi referam, quòd propter
me Tuam Immensitatem quasi coarctâsti, In-
finitudinem breviâsti, Omnipotentiam infirmâ-
sti, Temetipsum exinanivisti? Ità contractum,
jam Te capiet cor meum. Ergo illud incole.
Quid Tibi cum præsepio Regum Regi? quid
Deo cum stabulo? Fateor, quòd cor meum sit
præsepitiō vilius, stabulô sordidius, nîmô facti-
dus; at illud purga, purgationem faciens
peccatorum. O cor immutare! jam amplius nihil
spira, nihil respira, nisi JESUM.)

LECTIO PRIMA

De Silentio.

I. Adeo virtutem istam colebant Pythagorici, ut teste Plutarcho, ab esu piscium abstergerent; quod hi sint taciturnorum typus, cum nec vocem, nec ullum sonum edant. Censebant illi, ad perfectionem Philosophicam unicuique aditum esse silentium. Illud proinde vocabant *atrium Sapientiae*. Illud S. Climacus Gr. II. appellat *Scientiae adjectionem & speculationis opificem*. Illud Angelicus Doctor inter efficaciam ad scientias media primum locabat. Id enim in se ipso feliciter expertus fuit: nam adeo stricte silebat, ut sive per jocos, sive per scommata *Bos mutus*, vocaretur. Sed prophetice Beatus Albertus M. Magister ejus praedixit: *Bos hic tantos edet mugitus, ut eos rotas audiat mundus*. Quod evenisse, totus Christianus orbis videt. Quid plura? etiam aeterna Sapientia tunc nasci voluit, dum medium silentium tenerent omnia. Pindarus autem u silentium ipsam appellabat sapientiam: *Scire tacere, Sapientissimum est*. Consonat Ecclesiasticus c. 19. *Est tacens, & ipse est prudens*. Quod ita legit Syrus: *Est, qui tacet; & ipse est sapiens*.

II. Econtra, verè docti multiloqui inurunt notam stultitiae. S. Bern. int. Dom. c. 5. *multum*

M

loqui

loqui stultitia est. Theocritus multa loquentem Anaximenē appellavit amentem, dicens: *Verborum flumen, mentis gutta;* ait Stobæus Serm. 34. Demosthenes, teste Maximo, Serm. 47. garrulum ita perstrinxit: *Si tam multa sapuisses, nunquam tam multa locutus fuisses.* Et Spiritus S. oraculum est Eccli. 5. *In multis sermonibus invenietur stultitia.*

Quid mirum, quod isti psittaci prudenter loqui nesciant? *Tacere qui nescit, nescit & loqui;* dicit Seneca in Proverb. Cum enim, juxta Socratem, taciturnitas sit loquendi schola; exsortem ejusdem scholæ, oportet imperitum esse loquendi. Quare S. Gregorius Naz. ad Cledon; inquit Ep. 98. *Tacemus, ut, quæ loqui opus est, discamus.* S. Mechtildis tantum in hac schola profecit, ut angelicè loqui didicerit. Sic enim de illa scribit Engelhardus Vit. c. 5. *Silentium tantum indixerat sibi, ut mutam crederes: Si verò loqueretur, cum Angelo te loqui putares.*

III. Verum tam ethnici, quàm Christiani sapientes aliarum quoque virtutum radicem esse putant silentium. A S. Basilio dicitur *Schola virtutum;* à B. Antiocho hom. 105. *Mater virtutum;* à S. Ambrosio lib. 1. offic. c. 7. *virtutum fundamentum.* Quin & ipse Deus Arsenio dixit: *Fuge, tace, quiesce: hæ sunt radices non peccandi.* S. Ephrem. tr. 2. in apoph. Evagr. vit. PP. c. 18. Ideo S. Basilius 13. annis tacuit;

it; ut Basilio dignas virtutes comparâset. Ideo Joannes Moschus in prat. Spir. ad probè vivendum hoc offerebat medium: *Sit Philosophia vestra opus, semper silentio & quieti vos affe-
facere.*

Si Philosophicæ, si Christianæ virtutis funda-
mentum & radix est silentium; quanto magis
religiøsæ; quæ supponit utique Christianam,
perficit ac elevat! Unde S. Patri Ignatio signū
erat, quòd alicubi sanctitas habitaret; si loqua-
citas exularet. Idem sensit Joannes Gerson:
Tr. 2. l. 4. q. 1. *Ubi censura silentii servatur ar-
ctius; ibi religio viget laudabilius.* Et è contra:
Nam sicut apertis fenestris frigus irruit & ca-
lor aufugit; ità per os apertum in animam ir-
rumpit frigus, perit fervor, virtus moritur.
De hac morte dicit Chrysost. in Ps. 140. *Mor-
tis unicum ferè ostium, lingua est.*

Quòd loquacitas sit mōrs virtutis, liquet
ex eo: quia *Vir verbosus non justificabitur.* Job.
11. seu juxta quosdam: *Replebitur pravitate.* Id
S. Gregorius sic explicat: *In virum linguosum
cadet illa maledictio: Effusus es sicut aqua, non cre-
scas.* Ergo vir verbosus maledicetur à Deo: er-
go non crescet virtute, gratiâ, meritis: imò,
sicut terra maledicta, spinis, & tribulis; sic ille
replebitur pravitate. Idque imò: quia, ut in-
quit S. Dorotheus: *garrulitas extinguit cordi ad-
venientes cogitationes rationabiles, & calestes: hoc*

est gratias Divinas. Non rarò quoque DEUS, in pœnam liberioris linguæ, subtrahit efficaces gratias: quod juxta Augustinum est maximum supplicium hominis. His enim subtractis, quod non malum animæ timeri debet!

2do: Quia linguosum securè demon aggreditur, jaculis impetit, conficit, perimit; tanquā inermem. Assieverat enim Spiritus S. Prov. 25. Sicut urbs patens, & sine murorum ambitu: ita vir, qui non potest in loquendo cohibere spiritum suum. Rationem dat S. Greg. Past. p. 3. adm. 15. Quia enim murum silentii non habet, patet inimici jaculis civitas mentis; & cum se per verba extra semetipsam ejicit, apertam se adversario ostendit: quam tantò ille sine labore superat; quantò & ipsa, qua vincitur; contra semetipsam per multiloquium pugnât.

3tio: Quia consuetudo garriendi, necessitatem quandam inducit garriendi. Hinc autem amplo gurgite peccata fluunt. Inprimis enim garrulus effutit otiosa: tum arcana prodit, nullo habito respectu statûs, conditionis, ætatis, sexûs audientium: nullo respectu scandalî, vel damni sui, vel alieni. Nam effrænis lingua tanquam indomitus equus rupto camò, sistere nequit; donec in præceps ruat. Ubi deficiunt arcana, quæ vulgentur, delabitur ad curiosa, quæ omnibûs venatur sensibûs: quare dicta, facta, mores alienos indagat sagaciter; ut enarret.

ret. Dum vestigando nihil invenit, suspicio-
num extendit retia, & quidquid illis conclu-
sum est, spargit & vulgat. Vulgat, infamat,
aperit fontes infamandi, suspicandi perperam
opinandi de proximis. Dum & istam penum
evacuat, in mendaciorum campum excurrit,
& quidquid messuerit, mox seminat. Si for-
te suis ineptiis assensum, vel aurem facilem nō
obtinet; accendit bilem, evomit scommata,
mordet, rixas ciet, & odia.

O Religiose garrule! quæ tua Religio? *Qui
putat se esse Religiosum, non refranans linguam su-
am; hujus vana est Religio Jac. 1. Sive Religio si-
gnificet rationem vitæ religiosæ, ut cum S. Hie-
ronymo putant aliqui: tua Religio vana est:
quod quàm horribile! Sive significet Fidem
Christianam; ut cum S. Cyrillo L. 3. in Joan.
censent alii: Fides tua vana est: quo quid
horribilius? Qualis animi tui quies? quæ cum
Deo conjunctio? qualis ad perfectionem nisus?
qualis convictus cum aliis? quæ charitas?*

Tandem quis de te sensus hominum? inferes
ex eo, quod *sermo, simulacrum est operum, spe-
culum hominis; ut aiebat Solon. Talem te
monstrat, qualis intus es: quod multis veterū
effatis probat Maximus serm. 5. Socratis illud
erat: Qualis homo est, talis etiam erit ejus oratio:
Orationi autem facta simillima, factis vita. Cic. Tusc.
5. Unde naturam juvenis explorabat ex ejus*

lingua: *Loquere adolescens, ut te videam.* At sufficit doctrina S. Spiritus Eccli 27. *Ante sermonem, nē laudes virum.* Loquela docet, an quis mereatur laudem, an vituperium. S. Petrus apud S. Clementem ep. 1. *Christianis crebrò cōmendabat lingua custodiam; nam ex lingua, tanquā ex porta, conspiciamus; quis in domo habitet, an sanctitas, an vanitas; an Deus, an diabolus.* Hīs expensis, agnosce, quòd nihil equè praderit, quā quiescere; & minimum cum aliis loqui, plurimum secum. Seneca ep. 105.

V. Aliorum silentium regulat prudentia, ut docet Arist. 2. Ethic. 6. Docet & natura: nam ad linguam, unam à corde venam, alteram à cerebro protendit: ut estò cor id appetat, lingua non loquatur; nisi cerebrum, id est mens & ratio consentiat; inquit Cornelius à Lap. Religiosum silentium tam prudentia moderatur, quā Institutum. Institutum præscribit, tacendum esse semper; nisi ratio loqui svadeat.

Hoc fortè sensu D. Bern. de suis Religiosis dicit Serm. 4. advent. *Nec unum quidem verbū dicere fas est, absque licentia.* Cassianus de Monachis Tabennæ: Nullus eorum vel ad modicum subsistere, aut sermocinari audet. Palladius scribit, inter Monachos Ammonis trium millium Monachorum Patris, tam arctum viguisse silentium; ut adeuntes eorum canobium, viderentur sibi esse in solitudine.

Institutum ergo rationem linguæ præficit
ducem & magistram; Exigit autem ratio, ut
Nunquam loquaris, nisi prius, an id placeat Deo,
prosit tibi, edificationi sit proximo, cognoveris; in-
quit S. Pater Noster. Unde colligis, quòd
non sufficit, ut sermo sit de licitis, & prosit ti-
bi, vel alteri; sed requiritur, ut Deo placeat.
Vide Lect. seq. n. 9. Ideo David Psal. 38. eti-
am à proficiis & bonis siluit. super quod B. Al-
bertus M. Taciturnitas perfecta est, non so-
lùm moderari linguam à verbis illicitis; sed e-
tiam ab utilibus & licitis; juxta illud: Obmu-
tui, & humiliatus sum, & filii à bonis. Et Augu-
stinus: *Dum nimis timeo, nè loquar aliqua mala;*
timui à bonis. Idem edoctus, postea docuit
Damascenus. Damasc. vit. c. 17. Idem do-
cet Joannes Gerson tr. 3. alph. c. 6. Rationem
dat S. Clemens Alex: *Qua citò adducuntur, ut*
ea faciant, vel loquantur, qua non licet; qui faci-
unt omnia, qua licet.

VI. Nominatim verò silentium exigit ra-
tio imò in templo. Id omnes Instituteores or-
dinum, id Innocentius III. lib. 3. ep. 1. id
ipse DEUS præcipit, tum Levit. 19. sanctuari-
um meum metuite; tum in regula data S. Pa-
chomio n. 1. S. Ambros. refert. lib. 3. de Virg.
Cum plurima ranarum murmura religiosæ plebis au-
ribus obstreperent; sacerdotem Dei præcepisse, ut
quiescerent: tum subito circumfusus strepitus quie-
visse.

visse. Et-exclamat: *Silent igitur paludes, homines non silebunt?* addit ibi, quod etiam ethnicorū fana silentiō colebantur. De hoc Quintil. 365. decl. adfert monitum. Vide S. Chrysost. hom. 38. ad pop.

2dò In *sacristia*: ut decernunt Synodi Bracar. Trevir. Mediol. sub S. Carolo Borromæo statuens: *In sacristia silentium servetur accuratè.*

3tò: In *refectorio*. Quia S. Paulus 2. Thes. 1. monet: *cum silentio operantes suum panem manducant.* Supra quod S. Isidorus. Reg. c. 9. *Tempore convalescentium fratrum, omnes disciplina gerant silentium, Apostolo monente: cum silentio operantes &c.* Idem statuunt omnes Religiosi. Notant Ascetæ, servandum esse in triclinio silentium, etiam extra refectiōem; quia, inquit, locus ille non colloquio est deputatus, sed refectiōi.

4tò: Sub *Missa*. Trid. Sess. 2. c. 1. *Tempore, quo sacra peraguntur, colloctiones, & confabulationes non fiant.* S. Chrysost. hom. 40. ad pop. *Video aliquos loquentes, rectos, dum oratio celebratur: nec solum, sed etiam dum sacerdos benedicit. Orem horrendam! cum Angelis constitisti. Quo silentiō sacrificiis astabant ethnici: vide Cicer. L. 1. de div. Plin. L. 28. c. 2. Seneca de vita beata c. 26. Teste Ambros. Lib. 3 de Virg. Puerulus ignem in brachio filens tulit, donec sacrificium absolvit Alexander M.*

5^{to}: Sub Concione, exhortatione, lectione. Quia
 1. Thes. 2. non est verbum hominū, sed verbum Dei.
 Omnes ethnici tunc tenebant silentium. Plini-
 us l. de offic. audit. ait: In Concione susurro-
 num colloquium, risus, oscitationes, & si quid aliud
 est ejusmodi, in culpam cadit. Et Augustinus hom.
 26. inter 50. Qui stare non possunt; humiliter
 & cum silentio sedentes attentis auribus audiant.
 Idem respectivè puta de disputatione.

6^{to}: In plateis Conc. Nicæn. 1^{um} De Mo-
 nach c. 76. Nè eant per plateas, nisi cum mo-
 destia, nec inter se joculariter & ridiculè lo-
 quantur: sed potius silentium teneant. Abbas E-
 saias Serm. 3. Si cum fratribus iter susceperis, itè
 te conformas; ut taceas.

7^{mo}: In Culina. Innoc. III. L. 2. ep. ad frat.
 de Calatrara præcipit: In coquina silentium ju-
 giter tenebis.

8^{vo}: In dormitoriis, seu ambulacris; claustris
 cellis. Innocentius III. c. Cum ad Monastic. 9. In
 orator.

9^{no}: ad focum vel fornacem communem. P. 1.
 spec. p. 4. c. 6. Quia S. Bonav. advertit, quod
 usitatum est hosti, homines ad prunas seducere:
 Ibi Dominum sprevit Rex Joachin, negavit Pe-
 trus.

VII. Permittit autem ratio loqui 1^{mo} de re-
 bus necessariis: 2^{do} obiter, seu quā transeun-
 do: 3^{to} verbis perpaucis; 4^{to} tempore recre-
 atio-

ationis. Non prius tamen ad loquendum solvenda lingua, quam ad locum recreationis perveniatur. Congr. 6. c. 9.

VIII. Ad servandum silentium medium primum est: è cubiculo non egredi absque iusta causa, adeoque per cellas, & dormitoria non vagari: ut notat S. Basil. 2dum medium: Considerare fructus silentii, & damna loquacitatis. De his P. Claudius Instruct. c. 3. §. 9. jubet exhortationes institui. 3tium medium est: aures coërcere à curiositate. Nam rectè Joannes Abbas dicit: *Qui continere vult linguam, obstruat aures, nè multa audiat.* 4tum medium est: firmum propositum non loquendi, nisi obtenta facultate; nam Turrecremata ait: *Qui nesciente, aut nolente Prelato portam oris ad loquendum aperit, postquam clavē ei tradidit; fractor templi spiritualis esse videtur, & quasi fur faciendo clavem contra clavem.*

5tum medium: aliquo semper honesto negotio distendi. 6tum medium: a vescere non nisi ponderata verba proferre: ut docet Pius II. August. Bern: *Antequam verba proferas, bis ad limam veniant, priusquam semel ad linguam.* Idem S. August. in Psal. 51. *Sicut eligis, quod vescaris, ita elige, quod loquaris.* S. Gregor: L. 8 mor. c. 2. Qui in dictis suis reprobari metuit: ipse prius examinare debet, quod dicit. Plutarchus præcipites ad loquendum, comparat abortientibus.

bus; quæ ætæ tēpus factū emittūt. De offic. audit.

IX. Dum ad loquendū ingret ratio, 1mō: non multiplicentur verba inutilia. Nam qui sermonem illis infarciunt, à S. Gregorio Nazianz. appellantur hircines; quarum voces multæ, sed insultæ. Et signum est destructi interioris horologii, si pluribus horam sonet ictibus, quàm sit necesse. 2dō: Vitandi clamores. Quia Olympiodorus graviter eos reprehendit, dicens: *Anima, quæ stultitiâ repleta est, cum clamore & turbulentia sermones profert.* Innoc. III. L. I. ep. ad Joan. Minist. SS. Trinit. De necessariis tamen liceat loqui in aliis temporibus aptis, remissa voce, humiliter, & honestè. 3tō: Theophylactus gravi censurâ mulctat eos, qui affectatam venustatem, & lenocinia verborum curant: ac faminis dicit non ab similes. S. Hieron. invehitur in concionatores, qui ejusmodi verbis uruntur; & dicit. Quemcunque videris in Ecclesia declamatorem & cum quodam lenocinio ac venustate verborum, excitare plausus, ac risus; auditores in affectus laticitiæ concitare; scito, signum esse insipientiæ, tam ejus, qui loquitur, quàm ejus, qui audit. 4tō: Sit tamen sermo non asper: quia Spiritus S. Cant. 7. vult, ut labia sint, sicut botri vineæ: & odor oris, sicut odor malorum. 5tō: Sit sermo candidus, sincerus, ac humilis; quia Prov. 8. Arrogantiam & os bilingue, detestatur DEUS. Sed

Sed & omne genus hominum, talem veteratorem detestatur; tanquam pestem vitæ humanæ & socialis, vicarium & satellitem diaboli. Denique loquendum cum circumspectione, adificatione, modestiâ vultûs morumque omnium, sine ullo impatientiâ, aut superbiâ signo. P. 3. Const. c. 1. §. 4.

Concludit S. Bernardus tract. de Pass. Dom. c. 27. *Religa linguam tuam, si vis esse Religiosus; quia sine lingua religatione religio vana est. Sciunt homines spirituales, qui hoc experti sunt, quantum auferat devotionis, quantum afferat dissolutionis intrinsecus, frequens lingvæ resolutio. Nam sicut fornax, cujus os semper apertum est, non potest in se retinere fervorem: sic nec cor devotionis in se gratiam poterit conservare; cujus os non fuerit janua silentii reclusum. Claudamus igitur os nostrum, ut cum devotionis fervore Christum devotionis largitorem, ferventi affectu possimus conservare.*

MEDITATIO II.

De Privata Christi vita.

I. Punctum imum: Audiam Isaiam Cap. 51. *Ponet desertum ejus quasi delicias. O Judicia DEI, verè abyssus multa! Ille, cujus deliciæ sunt, esse cum filiis hominum, in deliciis habet desertum: Quis cognovit sensum Domini? Con-jicio tamen, quòd ideo: imò: Ut me doceat*

amorem solitudinis. Nam si per vicos & plateas quæram, quem diligit anima mea; non inveniam. In solitudine apparet Moyſi, in solitudine illustrat, in solitudine pascit, in solitudine loquitur ad cor; in tumultu nec audit, nec auditur. *Non in commotione Dominus*, ait Elias. In solitariam Mariam descendit Filius Dei. Joannes in deserto ita crevit, ut eo nemo surrexerit major. E contra fatetur Philosophus: *Quoties inter homines fui, toties minor homo domum redii.* Latet gemma in fundo maris, aurum in terra: ut pretium habeat. Corallium tum primum rubere, seu erubescere incipit, cum ex aquarum profundo extrahitur in lucem. 2do: Latet DEI Sapientia, imò, juxta Paulum, voluit esse gentibus stultitia; ut ego cum scientia & talentis non evolem, non dilatam phylacteria, non amem primas cathedras, & vocari ab hominibus Rabbi. Quanta aliàs fatuitas foret, ex donis DEI quærere non laudem DEI; sed vanitatem, sed offensam DEI; ex arbore vitæ decerpere fructum mortis! 3to: Ut, si ut Christus, post plausus Angelicos, adorationes magorum, responsa in templo, profectum in sapientia, & gratia apud Deum & homines; delituit libens: ita ego, si de speciosis cathedris, collegiis, officiis, detrudam ad angulum; desertum istud ponam in deliciis, & gaudeam, quod *vita mea abscondita sit cum Christo.*

II. *Punctum 2dum: Audiam Jerem. Thren.*
 3. *Sedebit solitarius, & tacebit.* Notum est axi-
 oma: *Qui intendit finem, debet intendere media ad*
finem. Finis meus est, impensè in salutem, &
 perfectionem tam propriam, quàm proximo-
 rum incumbere. Ad hunc finem unicum me-
 dium est: 1mo: Sedere, 2do: Solitarium esse,
 3to: Tacere. Olim per quinquennium in an-
 tro sedendo & tacendo formabantur Philoso-
 phi. Eliam solitudo prophetare docuit. Om-
 nium scientiarum & virtutum schola est, ta-
 cere, sedere, solitarium esse. Hæc schola,
 juxta S. Bernardum, est omnium virtutum
 mater, nutrix & custos. Hanc frequentare,
 in hac exerceri, docuit Spiritus S. Proverb. 21.
Melius est, sedere in angulo domatus; quàm in domo
communis: quòd scilicet in domo communi nec
 solitudo nec silentium locum habeat. Item
 Isaïæ 47. *sede tacens, & intra in tenebras:* Quia
 anima sedendo fit doctior, tacendo sanctior,
 latendo tutior. Idem docuit Christus, dum
 Apostolos Luc. 24. jussit sedere, donec induer-
 entur virtute ex alto, hoc est Spiritu S. qui
 illos docturus erat omnia. Idem docuit ex-
 plò, dum per annos ferè 30. domi sedebat so-
 litarius & tacebat. De quo S. Bernardus ait:
Cum tanto tempore flebat, cum se ipsum absconde-
bat; nos instruebat: tacebat ore, sed instruebat opere.
 Nonne justum est, quod DEUS dixit, credere?

Non;

Nonne iustum est facere, quod Christus fecit? Non ero Christianus, nisi credam DEO; non ero minister Christi, nisi Christum imiter. Non consequar promissa Christi, nisi Christum sequar. Non sequar Christum, nisi sequar hanc viam, quam Christus præcessit. Ergo sequendus Christus sedendo, latendo, tacendo.

III. *Punctum 3tium*: Audiam DEUM. 1. Reg. 10: *Ecce absconditus est domi.* DEUS, Incarnate, verè tu es DEUS absconditus, DEUS Israël, Salvator. Adoro te absconditum in domo Nazarethana. At scio, quod te *Pater dedit Ducem & Præceptorem gentibus*; quare elongasti fugiens mundum, & mansisti in solitudine; quando poteras operari salutem nostram in medio terræ, ac millia hominum lucrari? Dedit te in lucem gentium; & tibi latebrosa nox in deliciis? Tacet Divinum Verbum, uti silentii amans: Respondent Doctores: Quod etiam absconditus domi Christus operabatur salutem nostram. Orabat pro nobis Patrem in abscondito, erat subditus Matri Sanctissimæ & S. Josepho: Vestitus illi vilis, cibus vilis, potus vilis, mansio vilis, lectus vilis: Commoda nulla, incommoda plurima ab æstu, frigore, fame, siti, labore; ab obsequiis humilibus & molestis. Nonne hæc grande pretium sunt Redemptionis nostræ? Conferam cum vita Christi vitam meam. Heu, tantum distat vita mea à vita Christi; quan-

quantum distat homo à DEO! Hoccine est imitari Christum?

Concludit Bernardus: O anima sancta! sola esto, ut soli omnium serves te ipsam, quem ex omnibus tibi elegisti. Fuge publicum, fuge & ipsos domesticos, secede ab amicis & intimis. An nescis, te verecundum habere sponsum: & qui nequaquam velit suam tibi indulgere præsentiam præsentibus cæteris?

JESU abscondite propter me, quidni latere amem propter te? Quidni latere amem & propter me? Nam non possum sociari simul luci & tenebris, non possum adhærere tibi Regi pacifico, & simul turbæ tumultuanti. Si enim adhærebo turbæ, dices mihi, quod dixisti turbæ tumultuanti Matth. 9. *Recedite*. Si recedam à te, non ero tecum. *Si non ero tecum, contra te ero. Matth. 12.* Si contra te ero, ubi me abscondam à facie iræ tuæ? Nunc & in æternum intra vulnera tua absconde me. Hoc asylum meum contra hostes animæ: hæc requies mea, hic silebo & requiescam cum Regibus & consulibus terræ, qui ædificant sibi solitudines. Et ego ædificabo.

Lectio Thomæ Kemp. L. 1. c. 18. L. 2. c. 1.

Tessera: *Trahitur Sapientia ab occultis. Job. 28.*

Pax & cultus Justitiæ silentium. Isaïæ 32.

Oppidum mihi carcer est, & solitudo Paradisus. S. Hieron.

Facilius est omnino tacere; quam verbo non excedere. Thom. Kemp. L. 1. c. 18.

S. Philippo Nerio Christus D. dixit: Philippe; oportet te in urbe Roma, sicut in eremo vivere.

REFLEXIO

Supra habitudinem ad proximū.

1^{mo}: An suspicionibus, aut temerariis iudiciis non oneras proximum? Deus omniscius, non eget examine factorum, & tamen Gen: 18 dicit: *Descendam & videbo, utrum clamorem, qui venit ad me opere compleverint.* Rationem dat S. Greg: L. 10. mor. c. 23: *ut nobis exemplum proponat, ne mala hominum ante presumamus credere, quam probare.*

2^{do}: An aversionem, inimicitiam, odium non foves? Perpende, quem odisti: Fratrem odisti, membrum Christi odisti, homicida factus es.

1. Joan. 3. *Serve nequam, decem millia talenta dimisit tibi Dominus; & tu propter centum denarios suffocare vis conservum tuum!*

3^{to}: An non ardes vindictæ desiderio? Nobilissimum vindictæ genus est, parcere. Ultrionis momentanea delectatio est, misericordia sempiterna. Multos vindicasse panituit, neminem pepercisse. Petrarcha Dial. 101. & Plutarchus: *Vindicta debet uti, qui nec sitit eam, nec esurit.*

4^{to}: An invidiâ non roderis? Qualis est ani-

mi tinea, zelare in altero felicitatem, in malum proprium bona aliena convertere, illustrium prosperitate torqueri, aliorum gloriam facere suam panam; & velut quosdam suo pectori admoveere carnifices; qui se intestinis cruciatibus lacerent, qui cordis secreta malevolentiae unguis pulsent! S. Cyprianus Lib. de liv. & zelo.

5to: An non contemnīs? *Væ qui spernis, nonne & ipse sperneris?* Isaia 33.

6to: An detrahentes famæ non audis? *Sepi aures tuas spiritis, & linguam nequam noli audire.* Eccl. 28. Sepies aures, vel admonendo detractorem; ut monebat S. Paulus: vel somnum fingendo, ut Machetes apud Cassian. L. 5. Infit. renun. c. 29. vel aliò sermonem avertendo; ut Thomas Morus, teste Stapletono in ejus vita: vel vitium publicum detractori objiciendo: vel tristi facie ostendendo displicentiam; ut docet Hieronym.

7mo: An non das fidem detrahenti? S. Hieronymus ad Celant: Nihil tam inquinat animum, nihil, quod tam mobilem ac levem mentem facit; quàm obrectatorum verba temerario mentis assensu sequi: hinc enim dissensiones crebræ, hinc odia injusta nascuntur.

8vo: An alienos defectus excusas, tum apud te, tum apud alios? Etiam si perperam actum quid deprehendas; nec sic iudices proximum:

magis autem excusa. Excusa intentionem, si opus non potes; puta ignorantiam, puta subreptionem, puta casum. Quòd si omnem omnino dissimulationem rei certitudo recuset, dicito: Vehemens fuit tentatio, quid de me illa fecisset, si accepisset similiter in potestaté? S. Bern. ser. 40. in cant.

9^{mo}: An ipse non detrahis famæ? S. Franciscus hoc vitium vocabat inimicum fonti pietatis & gratiæ, pestem atrocissimam; pejus latrocinio. Vit. L. 1. c. 8.

10^{mo}: An etiam de publicis defectibus aliorum non colloqueris? non murmuras? Per hoc non solum Dei, & Christi, sed etiam naturæ violatur lex illa: Quod tibi non vis, alteri nè feceris. De murmuratore verò ejusmodi dicit Augustinus: Sicut lepra corpus devorat, ita & murmurator se ipsum destruit. Ser. 26. ad frat. in Erem.

11^{mo}: An non exprobras aliis defectus? Le-
viora objicis, quàm facis.

12^{mo} An non irrides? non explodis? Prov. 10. Qui annuit oculo, dabit dolorem; & stultus labiò verberabitur. hoc est, interprete V. Bedâ: Irrisor dat dolorem aliis, vicissim ipse, quasi stultus, labiis suis verberatur.

13^{to}: An non afficis contumeliâ? S. Hieron: Epist. 77. ad Marcum: Apud Christianos, non qui patitur, sed qui facit contumeliâ, miser est.

14to: An non rixaris? *Semper jurgia querit malus, Angelus autem crudelis mittetur contra eum.* Prov. 17.

15to: An non severè corripis delinquentes? An non remissè nimis? an non negligis corripere? S. Ambrosius exigit, ut sit monitio, sed sinè asperitate, exhortatio sinè aculeo.

16to: An gratus esse studes pro gratia? *Peremptoria res est ingratitude, hostis anima, inimica salutis;* inquit S. Bernar. ser. de 7. miseri.

17mo: An proximum diligis propter Deum? S. Thom. vide 2. 2. q. 4. a. 3. ad 2. An diligis sicut te ipsum? *Ea enim est regula dilectionis, ut, quæ homo vult sibi bonæ provenire, & proximo velit; & quæ sibi mala accidere non vult, & illi nolit;* ait August. de vera Rel. g. c. 46. Vide S. Thomam 2. 2. q. 17. a. 3. in Corp.

18vo: An in amando servas ordinem? nam juxta S. Thom. 2. 2. q. 26. Diligendus est primò Deus, *secundò* anima nostra, *tertiò* anima proximi, *quartò* corpus nostrum &c. *quintò* cognati juxta suos gradus, *6to* commissi nostræ curæ, *7mo* omnes autem potius probi, quàm improbi, & magis probi, præ minùs probis.

19no: An benefacere studes etiam hosti? Hoc inculcat Christus, hoc fecit Socrates, & alii Ethnici.

20mo: An saltem ordinaria signa charitatis exhibes? hoc enim est de necessitate præcepti. ait S. Thomas 2da 2dæ q. 25. 21mo:

21^{mo}: An omnibus prais' exemplō bonō?
Contingit enim, quōd in Caelo religioſo inven-
niatur draco, qui aliquam ſtellarum partem
pertrahat ad tenebras: in mari pacifico lapis
offenſionis, & petra ſcandali; in templo virtu-
tis dæmon in delubro: in paradifo ſerpens.

22^{do}: An omnibus optas bene? an gaudes de
eorum felicitate? Triftari de alieno bono dia-
bolicum eſt, non gaudere non eſt humanum,
gaudere eſt chriſtianum, gaudere & promo-
vere, Sanctum. P. Družbicki in m. s.

23^{to}: An amas in alio, quod eſt laudabile?
Nam per hoc ipſius bona, tua facis: inquit Ru-
pertus: dum *Virginitatem, vel Martyrium amas,*
tua facis.

Vide lectionem diei 9. de amore proximi, &
diei ejusdem de patientia.

LECTIO SECUNDA

De converſatione cum proximo.

Typus converſationis noſtræ ſunt aurea tin-
tinnabula, aſſuta veſti Sacerdotis Gen. 28.
Ut audiatur ſonitus, quando ingreditur & egreditur
ſanctuarium, in conſpectu Domini; & non moriatur.
Super quod Greg. Sacerdos ingrediens & egre-
diens moritur, ſi de eo ſonitus non audiatur; quia
iram contra ſe occulti Judicis exigit; ſi ſine ſoni-
tu prædicationis incedit.

I. Aug. Hieron. Isid. apud Pererium Tom. 2. Gen. l. 16. Disp. 10. censent, quod ista 72. tintinnabula significant 72. genera linguarum ad Babel nata; quæ non ad struendam superbiam vel aliis vitii turrim serviant; sed ad ædificandos proximos: hoc enim præcipuum humanæ linguæ Philosophus assignat officium: *Bonos cives facere.* Cæterum ex S. Gregorio patet, quod etiam incessus & passus ferè quilibet Sacerdotis, debet esse doctrina, prædicationis, instructio populi. Nam si veterum incessus Sacerdotum, scilicet tintinnabulorum debuerat in altissimo DEO desigere mentes hominum; ut dicit Olympiodorus; & admonere de reverentia DEI; prout inquit Rupertus: quanto magis id incumbit Sacerdoti novæ præstantiorisq; legis?

In Episcopo S. Hieron. requirit: *ut ejus & gressus, & motus, & universa vocalia sint; ut, quidquid agit, quidquid loquitur; doctrina sit populorū.* At hoc S. Greg. l. c. extendit ad omnem Sacerdotem, exigens: *ut vita viam cum lingua sonitu ipsa quoq; bona opera Sacerdotis clament.* Nam quilibet Sacerdos est veluti petra salis, ex qua lambere & meliorari habeant populi, tanquam oves: juxta eundem S. Doctorem. Est lux mundi, quæ sic luceat coram hominibus; ut videant opera ejus bona. Est Dux, qui præire debet omnibus exemplo bono; nè sit, *sicut populus, sic Sacerdos.*

II. Sed enim Chrysoſt hom. 37. in Matth. ſub eadem lege ponit quemlibet, qui zelo ſalutis alienæ vacat: ſicut, inquit, homo, ubicunq; fuerit, ceteris animantibus præſtat: ita doctorem decet, ſive loquatur, ſive ſileat, ſive in conviviis, ſive alibi ſit; ceteris hominibus præcellere: addo ut inceſſu, & aspectu, & habitu, omnibuſq; ſimpliciter alijs rebuſ, præſtantior eſſe videatur. Quia, ut inquit hom. 5. in 2. Theſſal: magis debet eſſe doctor vitæ, quàm ſermonis. Hujus ipſius dat rationem hom. 3. 1. ad Cor. Quia hæc eſt ratiocinatio, cui contradici non poteſt; quæ fit per facta. Confirmat S. Auguſt. L 4 doct. chriſt. c. 27. Ut obedienter audiat Concionator, quantacunq; granditate dictionis, majus pondus habet vitæ dicentis. S. Thom. 1. 2. q. 34. a. 1. C. In operibus & paſſionibus humanis, in quibus experientia plurimum valet; pluſ movent exempla, quàm verba.

Iſtum cum proximis agendi modum Arnol-
dus à Religioſis poſtulat, dicens: Tintinna-
bula aurea erant, hoc ſignâte Spiritu Sancto,
quòd viri contemplativi, fidei chriſtianæ do-
ctrinam, & maximè noviſſimum debent popu-
lis demonſtrare terribile judicium, totuſq; il-
lorum inceſſus & ſermo, reſonare debet divi-
na myſteria.

Verùm optimè S. Thomas docet, eâ lege
comprehendi omne genus hominum; quivis
enim,

enim, tum ex DEI, tum ex proximi charitate, tenetur, nedum non exhibere se petram scandali, sed & promovere DEI gloriam, & proximi salutem. Id etiam ethaicus docet Philosophus: *Non est magnum, sibi vivere; nisi satagas & alios tecum vivere.* Jam autem liberior conversandi ratio, neutrum hoc præstare valet.

III. Illud est extra dubium, quod prava spiritualium conversatio nocentiorum diffundit pestem. Id S. Basil. Reg. brev. 64. docet: *Ed majus est scandalum, quò is, qui illud dat, majori scientiâ aut gradu praditus est.* Addit: *DEUS de manu ejus sanguinem peccantium, qui illius malum exemplum sequuntur, requiret & reposcet.*

Docet & ratio: quia sæcularium oculi versantur in nobis, quos habent pro regula vivendi sibi proposita. Unde Nazian. Apol. 2. Neq; vel indelebilem tincturâ pannus, vel fædum aut svavem odorem res admotæ, ita contrahunt; vel exitialis quidam vapor, tam facile in aërem diffunditur, ac per aërem animantia occupat: quàm subditi, antistitis improbitate celerrimè impleri solent. Idem de quòvis spirituali.

Nostrium itaq; scandalum quantum sit nefas, declarat Gregorius Hom. 17. in Evang. Nul- lum puto, ab aliis præjudicium tolerat DEUS, quàm à Sacerdotibus; quando eos, quos ad aliorum correctionem posuit, dare de se exem-
pla

pla pravitatis cernit; quando illi peccant, qui
compescere peccata debuerant.

IV. Qualis poscat esse conversatio? colliges
ex eadem ipsius imagine. Nam illa tintinnabula
constabant ex auro purissimo; quod jux-
ta S. Greg. L. 34. Moral. c. 8. significat in scri-
pturis 1mo splendorem cæli: 2do charitatem:
3to nitorem gloriæ secularis: 4to pulchritu-
dinem sanctitatis: 5to juxta quosdam pruden-
tiam.

V. Ità conversatio, 1mo: Sit aurum purissi-
mum, hoc est: nullo temeretur defectu; quia
parum fermenti totam massam corrumpit; le-
vis atomus lædit oculum; crystallum mini-
ma deformat labes. 2do: Fulgeat splendore
cæli, quo proximos illuminet: uti fulgebat au-
rora Christi prodroma S. Baptista, de quo ca-
nit Ecclesiā, quod *illuminavit mentes hominum.*
3to: Fiat non tæli vitandi, non amicitiae, non
notitiæ parandæ, non fructus terreni, vel ali-
us commodi causā; sed ex charitate, zeloq;
sancto. 4to: Non amittat nitorem famæ; hac
enim pius conversator eget ad persuadendum
bonum: sic Hieron: *Duo tibi sunt necessaria, bona
conscientia, & bona fama: bona conscientia propter
te, bona fama propter alios.* Et Apostolus Titum
Tit. c. 2. curare jubet, ut eum nemo contemnat.
5to: Polleat pulchritudine sanctitatis: quia
conversatio sancta edificat proximum, con-
fun-

fundit inimicū, latificat Angelos, glorificat Deum. 6to: Polleat prudentia, quæ docet; quid, ubi, quando, quomodo loquendū sit, vel agendū, seu ut inquit S. Bern: *an licet, an decet, an expedit?* Itaq; conversatores Ezechielis esse cōvenit animalia, plena oculis, antè & retro.

VI. Plinius L. 33. c. 3. auri dotes recenset istas: 1mo: gravitatem, licet non in summo gradu. 2do: quod illi nihil in igne deperit. 3to: quod, quò sæpius arsit, proficit ad bonitatem. 4to: quod illud optimum, quod difficillimè accenditur. 5to: ut purgetur, cum plumbo coquitur. 6to: usu non facile deteritur. 7mo: quod omni metallo laxiùs dilatatur. 8vo: non rubigo, non ærugo ex ipso prodit. 9no: contra salis & aceti succos, domitores rerū, constantia. 10mo: Netur ac textitur lanæ modò. Potest addi 11mo: quod sit rarum, & ideo carum.

VII. Iisdē gaudet dotibus aurea conversatio. 1mo: gravitate in verbis, factis, incessu, visu, motu, gestu, compositione faciei, frontis, oris, manuum, ut præscribitur p. 3. Const. c. 1. §. 4. Eadem gravitas tendit deorsum, per veram humilitatem: non primos accubitus, non laudem propriam, non quæ speciosa sunt, quærit. 2do: Inter malos nihil amittit bonitatis. 3to: Imò defectus alienos amovendo, corrigendo, detestando, *proficit ad bonitatem.* 4to: Æstimatur optima, quæ non irâ, non invidiâ, non cupi-

cupiditate, non inordinatis affectibus accenditur; sed semper blanda, suavis, hilaris. 5^{to}: Decus & pretium acquirit, dum ad plumbum, hoc est ad pauperes & viles demittit se. 6^{to}: Licet aliorum, uibus impendat se, nihil deperdit; juxta doctrinam S. Bernardi: Serm 18. Cant. *Si fapis, concham te exhibebis, & non canalem: hic pene simul & recipit, & refundit; illa vero, donec impleatur, expectat, & quod superabundat, sine suo damno communicat.* Tanto minus sis velut aqua balnei, quæ sic alios mundat, ut eorum pædorem in se recipiat. 7^{mo}: Ad omnes ample dilatat viscera charitatis; ut omnes Christo lucretur. 8^{vo}: Non edit æruginem exempli pravi: quia neminem manent certiora supplicia, quam illum, qui multos vitiorum suorum discipulos fecit; inquit S. Hilar. 9^{no}: Non mordaces improborum sales, ac irrisiones, non torvos vultus, non acres minas metuit, in alienæ salutis causa; exemplo S. Joannis Francisci Regis. 10^{mo}: Non refugit etiam viles & molestos usus; modò profit. 11^{mo}: Tunc æstimatur, cum est rara; consuetudine vilescit: hæc enim familiaritatem generat, quæ deinde contemptum parit: quia detegit occultos defectus conversantis. Ideo suadebat S. Pater, ita conversandum esse cum hominibus; ut cum afflatis peste: nempe, nec sæpe, nec diu, nec prope. Joseph in Gessen, hoc est in

invio

inivio angulo voluit habitare fratres; nè cum Aegyptiis inirent consuetudinem. Gen. 45.

VIII. Ad sanctè conversandum, medium est: meminisse præsentiæ DEI. Nam & prædicta tintinnabula, non aliter sonabant; nisi: *In conspectu Domini.* Et Paulus Act. 23. *Omni conscientia bonâ conversatus est ante Deum.* Seneca quoq; L. 2. benef. c. 1. monet: *Sic vive coram hominibus, tanquam DEUS videat; sic loquere cum DEO, tanquam homines audiant.* 2dum: Considerare exempla sanctè conversantium. Hebr. 10. *Consideremus invicem in provocationem charitatis, & bonorum operum.* Nam ex mente Chrysostomi. Quemadmodum ferrum ferro acuitur, & lapis lapidi allisus ignem elicit: sic anima animæ commorans, ad eadem ipsam incitat: ut charitate ardeat, sicut & ipsa ardet. Proinde svadet Philosophus: *Cum cato- nibus vivere, cum socrate & Zenone versari; ut eorum discatur conversandi ratio.* Si Militiadis milites gallinaceorum pertinaciter pugnantium exemplum animavit ad confligendum acriter; quidni nos ad conversandum probe moveant aliorum exempla proba?

3tium est: Insulse conversantium vitare consortia, tanquam leproforum; quorum commertia DEUS vitari jubet Levit. 13. *Si vis vitis exui; longè à vitiorum exemplis recedendum est,* inquit Philosophus Sen. ep. 104. 4tum:

Omniem

Omnem externum habitum ad modestiæ regulas formare; nam homines *intuentur ea, quæ patent*. Exigit autem modestia, ut nihil sit torvum in oculis, nihil in verbis procax, nihil in actu inverecondum: non gestus fractior, non incessus solutior, non vox petulantior: ut ipsa corporis species simulacrum sit mentis, figura probitatis; prout in Deipara S. Ambr. observat L. 2. de Virg. *stum*: Quotidie te, quò ad hoc punctum discute. Porro noverris, quòd, ut inquit P. Caraffa, *etiam sancta conversatio, si limites excedat; perdit conversantē*. Uti, si limites excedat *1mo*: Discretionis; *2do*: obedientiæ; *3to*: Valetudinis; *4to*: aptitudinis; *5to*: Regulæ; *6to*: Zeli secundum scientiam: puta si custodiendo vineas alienas, vineam tuam non custodias: si alii tuo muneri non satisfacias; opera præscripta vel negligas, vel non suo loco, vel non suo tempore, vel non, ut par est, absolvas.

Conclusio: Hæc omnia, fac, expendas, & in omnibus teipsum præbe exemplum bonorum operum, in doctrina, in integritate, in gravitate: Verbum sanum irreprehensibile. Super quod Chrysost: Sit doctrina & exemplar virtutis tuæ, speculum vitæ; quod omnibus proponitur ad imitandum, veluti archetypus, & primitiva quædam imago, omnia in se habens, quæ bona & honesta sunt. Et Greg. ad Ep.

Fon-

Funden. In tuis actibus plebi exempla bene
vivendi existant.

MEDITATIO III.

De vita activa Christi.

Punctum unum: Audiam Ecclū c. 18. *Para
justitiam tibi, & antequam loquaris, disc.* Chri-
stus antequam prædicare cæperit, voluit im-
plere omnem justitiam. Baptizatur, licet pec-
catum non fecit: aperit sibi cælum, & videt
Spiritus Dei, sicut columbam venientem su-
per se. Deinde ab eodem Spiritu ducitur in
desertum, ibi orationi vacat, diebus 40. jeju-
nat, tentationes & tentatorem superat: nobis
relinquens exemplū, ut sequamur vestigia e-
jus. Nam qui vult erudire ad justitiam multos,
tenetur implere omnem justitiam. Ac impri-
mis mundari, debet, non in Jordane, sed in
balneo sanguinis Christi, per dignos fructus
pænitentiae; ut alios mundet: debet sibi aperi-
re cælū, ut aliis aperiat: debet in se deducere
Spiritus Dei, ut in alios deducat. Deinde
debet sequi ductum Spiritūs Sancti, non car-
nis, non sanguinis, non arbitrii proprii: debet
colere solitudinem, ac in ea discere, *antequam
loquatur*; nè cæcus cæco ducatum præster, &
sic ambo in foveam cadant: debet per oratio-
nem uniri Deo: frenare passiones, castigare
corpus,

corpus, ac in servitutem redigere; nè cum aliis prædicaverit, ipse reprobis efficiatur. Ad hæc debet accipere armaturam Dei, contra tentationes, ut possit in omnibus perfectus stare: hoc est debet induere Dominum JESUM CHRISTUM.

Punctum 2dum: Audiam S. Lucam Actor. 1. Capit Jesus facere & docere. Longum iter per præcepta, breve per exempla. Jesus, quæ docet, facit. Docet relinquere omnia: ipse in fame, in siti, in frigore, in nuditate; nec habet, ubi caput reclinet. Docet castitatem: ipsius vita hoc in puncto, etiã Pharisaico scandalo & linguæ non est obnoxia. Jubet facere omnia, quæcûque de cathedra Moyse dixerint scribæ & Pharisei: ipsius *cibus est, ut faciat voluntatem Patris.* Jubet discere comitatem & humilitatem: sed ex se ipso: *Discite à me.* Docet diligere inimicos: ipse orat pro inimicis, & benefacit his, qui oderunt eum. Dicit: *Abnega te ipsum:* ipse exinanivit semetipsum, factus opprobrium hominum & abjectio plebis. Talis doctrina, JESU, talis doctrina Pauli, qui *transfiguravit in se ea,* quæ docuit Corinthios. Talis debet esse doctrina Apostoli, & Socii JESU. Aliàs erit velut æs sonans, & cymbalum acutè tinniens, sed vacuum: erit tanquã campana, excitans ad laudem Dei, non ipsa laudans; erit vox clamantis, sed non Joannes,

non Gratia. Immo neque erit vox, sed inanis echo. Quid efficiet in proximis? Unâ manu ædificabit, alterâ dissipabit; unâ manu trahet animas ad Deum, alterâ repellet; inquit Nazianzenus: quia, quæ verbis adstruet, factis destruet. Efficaciùs svadetur operibus, quàm linguâ; quia, ut ait Philosophus: *Homines magis credunt oculis, quàm auribus.*

Punctum 3tium: Audiam S. Paulum Hebr. 8. *Vide, omnia facito secundum exemplar.* Videbo circumstantias doctrinæ Christi, ut imiter. 1mò: Libenter docet parvulos, & dicit: *Sinite parvulos venire ad me.* Hi enim tanquam cera molli, patiuntur imprimi sibi, quidquid volueris. 2dò: Docet pisces, & rudes turbas: *Cum simplicibus sermocinatio ejus.* 3tò: Non solum docet, verum & rogat pro illis Patrem; pernoctat in oratione; non ut pro se obsecret, sed ut pro me impetret; ait Ambrosius. 4tò: Docet non solum in Synagogis, sed etiam in cõpitis, in deserto, ad mare: docet non de cathedra, sed de navicula. 5tò: Docet sine spẽ mercedis, laudis, respectûs. 6tò: Docet sine requie. 7mò: Quantâ afficitur molestia in instruendo rudes? hinc dicit: *Adhuc & vos sine intellectu estis?* Item: *Non capis ea, quæ sunt Spiritûs Dei.* 8vò: Docet usque ad mortem. 9ndò: Doctrina ejus, quantas sustinet censuras? Quid mirer, quod & nostra doctrina subeat calumnias?

manias? Si Patrem familias Beelzebub vocaverunt, quanto magis domesticos ejus? quia de mundo non sumus, propterea odit nos mundus.

Proponam imitari Christum, dolebo, petam gratiā. Animæ meæ, ad quid venisti? ad quid te obligasti? quæ tuus finis? Utrique in salutem proximorum, incumbere. O quàm altus hic finis! quàm arduus! quanti periculi plenus! quantam requirit sanctitatem! quantam scientiam! Ergo indue duplicem hanc armaturam Dei, alioquin & alios perdes, & ipsa peribis. Magister meus dulcis JESU, elegisti me de mundo, sis benedictus in sæcula. Ad quid elegisti, nisi ut veniam post te, & facias me piscatorem hominum? quot tibi animas lucrifici? Ah an aliquam pravò exemplò, vel inscitiam meam non perdidisti? Elegisti me, ut sequar te, prædicantem & operantem salutem hominum: ergo vias tuas demonstra mihi, & semitas tuas edoce me. Doce me facere voluntatem tuam, quia Deus meus es tu.

Thom. à Kemp. l. 7. c. 1. & L. 3. c. 1. vel 2.

Tessera S. Patris Ignatii: Multum solā laboris pro animabus suscipiendi intentione præstabis.

Tantum Deus apponit ad adjutorium, quantum addimus ad studium. Cæsar. hom. 3. ad Monach.

Si ad Deum tendis, cave, nè ad eum solus venias.
S. Gregor. O DIEI

DIEI SEX TÆ MEDITATIO I. De Regno Christi.

I. Punctum unum: Audiam Spiritum S. Matth. 21. v. 5. *Ecce Rex tuus venit tibi mansuetus. Cogitabo imò: Quis, qualis, quantus iste Rex? Rex iste, Rex magnus, super omnem terram. Venit de Cælo, venit de Nazareth, Rex Regum, & Dominus Dominantiũ. 2do: venit non sibi, sed mihi, mihi ad commoda, sibi ad ærumnas, mihi ad salutem, sibi ad Cruciatum; mihi ad vitam, sibi ad mortem. O dignatio Majestatis! ô misericordia Omnipotentis! 3to: venit mansuetus, non regio tumens ambitu, sed mitis & humilis corde. At simul quantus! Eum adhuc in cunis vagientem adorant Magi, timent mali, horret Herodes. 4to: Hic Rex venit, committere bellum adversus alium Regem, adversus Principem tenebrarum harum, & adversus ejus ministros, mundum & carnem. Inclamat: Si quis est Domini, jungatur mihi. Ecce venio, merces mea mecum est, redam unicuiq; secundum opera ejus. Mercedem bonam, confertam, coagitatam, & superfluentem dabunt in sinum vestrum. Præstò est commeatus gratiarum auxiliantium, præstò annona suo speciebus panis & vini. Præstò*
lum

sum Ego; Ego Alpha & Omega, primus & novissimus in laboribus, oneribus, periculis: pectus hoc primus opponam hosti. Præstò est victoria, quæ quidquid fructus attulerit, vestrum est. Laureæ vestra est, quin & Regnum meum, vestrum simul est: imò & Ego vestra possessio.

II. *Punctum 2dum*: Audiam hunc Regem Joann. 12. *Qui mihi ministrat, me sequatur; & ubi Ego sum; illic & minister meus erit.* An non utile est, sequi Christum, propter tanta præmia, adeunda tam facili, tam rectâ, tam brevî, tam tutâ viâ? an non honestû, agere ut Christus; pati, ut Christus; loqui, ut Christus; cogitare, ut Christus; similè esse Christo; imaginè esse Christi? Annon delectabile, internâ pace frui, abundare solatiis, certum esse salutis? An non æquum, ut sequatur minister Herum, miles Ducem, Regem subditus, filius Patrem, Redemptorem redemptus, creatura Creatorem, homo Deum? An non necesse sequi lucem; ut non ambulem in tenebris, & umbra mortis; sed habeam lumen vitæ; sequi viam; nè ambulem vias difficiles, vias non bonas, sed post peccata? sequi veritatem; nè irretiar mendaciis sathanæ, mundi, carnis; sequi vitam, nè aberrem à viâ vitæ. Tandem quid est status Religiosus? quis Character, & immediatus finis servorum Dei? quid studium perfectionis Religiosæ?

quid summa instituti mei? utiq; sequela Christi. Quis sequetur Jesu, si non sequetur Sociu Jesu? quis Socius Jesu, si non sequitur Jesum? Protestabor: Quocunq; perrexeris, pergā; hac mihi faciat Deus, & hac addat, si non sola mors me & Te separaverit. Ruth 1. Sequar Te, quoquò iēris; cor meū cū abstuleris, mihi tolli non poteris.

III. *Punctum 3tium.* Audiam Eundem Regē: *venite post me:* Matt. 4. Cogitabo, quò me ducat Christus? non ad Canam Galileæ, non ad montem Thabor, non in medium Doctorū, verū ad Calvariā, ad crucem, ad mortem, sed omni vitā præstantiorem. *Homines mundo Crucifixos, & quibus mundus ipse sit crucifixus; vita nostra ratio nos esse postulat: homines mundo mortuos.* Tales institutum nostrum, tales Socios Christus exigit. Si quis vult post me venire, inquit: abneget semetipsum, tollat crucem suam quotidie, & sequatur me. Jam Christo me devovi, Christo adhæsi, castris Ejus nomen dedi; ergo omnino sequendus: ergo teneor imò: abnegare me, ut quæcunq; quantacunq; undecunq; pungat molestia; perinde afficiar, ac si hostis meus, ac si is, quem penitus abnegavi, eam perferat. 2dò: tollere crucem, quam dulcis ille fabri Filius JESUS fabricaverit: sive hæc sit depressio, vilipensio, sive defectus in victu, vestitu, mansionē; sive officium, vel locus humilis; sive valetudo fracta; sive

sive demū incommoda propria vitæ regulari.
 3^{to}: tollere crucem meam, non Christi; quia hæc
 longè gravior: quam tamen Ipse pro me tulit.
 4^{to}: tollere crucem; non ad horam, non ad
 annum; sed quotidie: hoc est, sicut Paulus,
 Christo configi Cruci; cum ipso vivere in
 cruce, cum ipso mori. Eja potentia meæ in-
 ternæ & externæ, venite, videte Regem ve-
 strum in diademate; sed spineo. Dicite mihi,
 decetne sub spinoso capite membrum esse de-
 licatum?

In colloquio: Erumpam in affectum David:
 Tu es Ipse Rex meus & Deus meus! Et cum
 intimo comite Christi Bernardo: *Sequar Te,*
per Te, ad Te; quia Tu es via in exemplo, veritas
in promisso, vita in premio. Item cum Ignatio
 Martyre: Ignis, Crux, bestia, confractio ossi-
 um, & tota tormenta diaboli veniant super
 me; tantum ut Christo fruor. Nolo esse A-
 quila non nisi volitans sublimè; malo esse Issa-
 char, idest: *asinus fortis, subjiciens humerum ad*
portandum; certus, quod bonum est viro, si
 portaverit pondus ab adolescentia sua. Cer-
 tus, quod jugum tuum suave, & onus leve.
 Quid enim non emolliat consuetudo? quid non
 dulcoret tua gratia?

Thomæ à Kempis l. 2. c. 11. l. 3. c. 10.

Tessera. *Noli per aliam viam ire, nisi quâ ipse*
Christus: dura videtur, sed ipsa est tuta. S. Aug.

Vile pretium queritur; pro vana re, & parva promissione, diu noctuque fatigari non timeatur. Sed pro pudor, pro bono incommutabili, pro premio inestimabili, pro summo honore & gloria interminabili, vel ad modicum fatigari pigritatur. Erubescere piget, quod illi paratiores inveniuntur ad perditionem, quàm tu ad vitam Thom. Kemp. Idem.

LECTIO PRIMA

De humilitate.

I. Tanti interest Religiosi, esse humilem, quanti interest esse Religiosum. Ex sensu enim communi, ratio Religiosi consistit in studio virtutum: porro hoc studium stare nequit, nisi humilitati innitatur, tanquam suæ basi. Nam rectè SS. Gregorius & Bernardus ajunt: *Qui sinè humilitate virtutes congregat; quasi inventum pulverem parat.* Deducit hoc P. Alphonsus Rodericius p. 2. tract. 3. At per se patet: Quia de fide est, quod Deus superbis resistit, humilibus utem dat gratiam. Nam juxta S. Isidorū Pelusiota lib. 1. epist. 164. *Superbus, est specialiter modo hostis Dei; utpote sibi arrogans & usurpans, quod Dei est: cui proinde velut aggressor suo, & novo giganti resistere cogitur, tanquam propulsator suæ contumeliæ: ut addit S. Ambrosius.* Hinc omnem superbam Chrysostomus ad pop. Ant. vocat fatuum. Quis enim
sanæ

ſanæ mentis inſurgeret contra Deum? inſurgit
verò ſuperbus. apud S. Thomam 2.2. q. 162.
ar. 6.

Iſti ergo hoſti ſuo, iſti fatuo, negat Deus a-
quam ſapientiæ ſalutaris, ſeu gratiæ effica-
ces. Non enim in elatos colles, ſed in valles humi-
les, aquæ defluunt: Sinè hiſ, autem gratiis,
non ſolum proficere in ſpiritu nemo poteſt;
ſed etiam in omne genus peccati ruit. Et ſic
principium omniſ peccati ſuperbia eſt; & principi-
um omniſ virtutiſ eſt humilitaſ.

Proinde illam S. Gregorius appellat virtu-
tum omniū magiſtram, originem, matrem,
radicem. S. Bernardus vocat illam fundamen-
tum & cuſtodem virtutum. Hieronymus pri-
mam Chriſtiani virtutem. Cyprianus ſancti-
tatiſ fundamentum. Epiphanius totam ſapi-
entiæ humanæ diſciplinam. Baſiliuſ ſagenam,
quæ omneſ virtuteſ completur. Dorothe-
uſ abſolutam perfectionem virtutum, immo
earum calcem & cæmentum. S. Ephrem prin-
cipium & finem bonorum omniū. S. Tho-
maſ fundamentū in ſpirituali ædificio. Caſſi-
anus lib. 12. c. 13. inſtit. ait: *Evidenter mon-*
ſtratur, non poſſe quenkumq; ad perfectioniſ finem at-
tingere, niſi per humilitatem veram. Pluſ aſſere-
bat S. Thomas, ut habetur in hiſtoria Prædic.
1. p. 1. 3. c. 37. *Quem videriſ, in ſui contem-*
ptu indignari, vel contriſtari; hunc tu nè dixeris
perſe-

perfectum, etiam si videris, cum miracula patrentem. Longè plus asserit pius author de imitatione Christi l. 2. c. 2. Non reputes te aliquid profecisse; nisi omnibus inferiorem te esse censeas. Sic Paulus se primum peccatorum, S. Franciscus Seraphicus maximum peccatorum, S. P. Ignatius omnibus hominibus pejorem, S. Xaverius nequissimum mortaliū, S. Tereſſa & Magdalena de Pasis omnium se pessimas appellabant. Nemo dubitat, quòd ad hunc humilitatis gradum nisi Religioſus teneatur. Solum quæritur: quomodo is, qui non est sibi culpæ conscius, possit verè iudicare, se esse inferiorem omnibus, etiam pessimis? Respondet 1mo: S. Gregorius hom. 10. in Ezech. Quia possum in alio considerare donum, quo ipse careo. 2do: S. Augustinus Serm. 2. de Apost. Quia potest in alio bonum esse occultum, quòd nobis superius sit. 3to: Sanctus Franciscus Seraphicus: Quia si quantumcunque sceleratū hominem tantā fuisset Christus misericordiā persecutus; multò magis quàm ego gratus esset. 4to: S. Thomas. 2. 2. q. 161. a. 3. Si peccata sua conferat quis, non cum peccatis, sed cum donis, quæ sunt in alio. 5to: S. Bernard. Quia nescit homo, utrum amore, an odio dignus sit; adeoq; non habet causam, cur alteri se præferat. 6to: P. Lancicius opusc. 2. c. 3. his refutatis, respondet: Quia cum quisque se

se censere debeat servum inutilem, potest se minimum aestimare, non disputans, quomodo hoc verum sit. 2nd P Löhner: Quia innocens, licet non possit verè judicare, se esse maximum peccatorem; potest tamen velle, ut eò locò habeatur, quò maximus peccator. At hic expressè quaeritur, non de humilitate voluntatis, sed de humilitate intellectûs.

Putat cum S. Thoma, Bernardo, Cassiano l. 4. instit. c. 24. quaesitum hoc procedere de illis, qui peccaverunt. Quomodo enim Christus, mater, & Praecursor ejus poterant verè judicare se inferiores omnibûs etiam pessimis? Dum ergo de Deipara dicit Bernardus: Merito supra Angelos exaltata est; quae infra viduas, & poenitentes, infra eam, de qua fuerant ejecta 7. demonia; ineffabili se mansuetudine inclinabat; loquitur de humilitate voluntatis, non autem intellectûs.

II. Hoc praemissò Respondeo: Qui peccarunt graviter, possunt aestimare se peiores aliis quibâsvis. Quia certum est, quòd tenemur de proximo semper bene supponere; adeoq; quòd potius amore, quàm odiò dignus sit, & fecerit, quod in se est, in ordine ad remissionem peccatorum; proinde illa deleverit, maximâq; gratiâ sit ornatus. Nos autem ipsi suspecti nobis esse debemus cum S. Paulo: *Nihil mihi conscius sum, sed non in hoc justificatus sum.*

Quis

Quis scit, an dolumus, prout oportet ad salutem; ut vult Tridentinum; adeoq; an immunes sumus à peccato? præsertim cum S. Ambrosius l. 2. de poenitentia c. 10. dicat: *Facilius inveni, qui innocentiam servaverint; quam, qui congruè egerint poenitentiam.* Unde Ecclesiasticus monet c. 5. *De propitiato peccato noli esse sine metu.* Arabica & Syriaca versio legit: *nè confidas de remissione.* Tigurina: *Super data venia nè sis securus.* Ecclesiastes etiam c. 1. jubet, *de pristinis deprecari, ut dimittantur.* S. Gregor. l. 6. ep. 22. *Devotæ post acrem poenitentiam rogantis: an sibi remissa sint peccata? respondit: Semper suspecta, semper trepida, matuere culpas debes. atq; eas quotidianis fletibus laxare.* Si cui revelaretur, remissa sibi esse peccata: adhuc humiliter supponere deberet, quòd alii majore polleant gratiâ sanctificatæ; pro illaque sint magis grati.

III. Tres hujus virtutis gradus assignantur à S. Bonav. 1mus est: se ipsum vilipendere, adeoq; humiliter de se sentire. 2dus: velle ab aliis vilipendi, amare nesciri, & pro nihilo reputari. 3tius: dum quis virtutibus, æstimatione, honore eminens, nihil sibi arrogat; sed ad Deum refert omnia; seq; ex se nihil posse, & nihil esse, censet.

Ad primum gradum spectat hi actus: 1mus: se ipsum vilipendere: quia juxta S. Bern: de grad:

grad: hum. *Humilitas est virtus, qua homo, ex verissima sui cognitione, sibi ipsi vilescit.* 2^{us}: Nihil proferre, quod etiam indirectè ad nostrà laudem pertineat. *Laudet te alienus, & non os tuum Prov. 27.* Arsenius, teste Surio, licet in aula Theodosii maximam æstimationem habuerat, tanquam admirandus Institutor Arcadii & Honorii, nullum verbum unquam protulit, quod ad ejus laudem vergeret. 3^{ius}: non admittere stultas imaginationes, repræsentantes speciosa officia, honores, successus. 4^{us}: culpam suam non detorquere in alium: ut detorquebat Adam in Evam, Eva in serpentem. 5^{us}: judicare, se ineptum ad omnia; agere tamen pro posse, quidquid præcipitur. *Nihil est Deo tam gratum, quàm se cum extremis numerare,* ait Chrysost. 6^{us}: non quærere exemptionem suà ab operibus communibus, exemplò S. Borgiæ, & Caraffa. 7^{mus}: omnes, tanquã superiores revereri; ut vult S. Pater 3. p. Const. c. 1. & Paulus ad Rom. 11. Philipi 2. 8^{us}: ex motivo humilitatis silentium strictè servare, & voce submissa loqui; ut præscribit S. Basilus. 9^{us}: mitem se omnibus exhibere: Nam humilitas est *mater comitatus* juxta Gregori. 10^{mus}: compellare se nominibus abjectis, ut S. Franciscus Seraph. & Borgia. 11^{mus}: Indignum se censere commodis; ut S. M. Magdalena de Pazzi & S. Cathar: Senen: 12^{mus}: Ex humilitate latere

latere in cubiculo, nec inde absq; iusta causa egredi. 13tus: Eligere sibi viliora, aliis relinquere potiora, quò ad victum, vestitum, locù. 14tus: Appetere & libenter obire officia vilia; ut munus docendi rudes, pauperes, pueros, exemplò Christi & PP. Joan: Alphonsi, qui grammaticam 22. Ildefonsi Nunnez qui 26. Hieron: de Rugoza, qui 36. annis docuerunt. 15tus: Incessum, vestitum, gestus, motus omnes ità moderari; ut in eis reluceat humilitas. *Habitus enim mentis, in corporis statu cernitur; ut ait Ambros: l. 1. offic. c. 18.* 16tus: In triclinio consuevas mortificationes usurpare, ut S. Franciscus Seraph. S. Borgias, S. Bernardus.

Ad 2dum gradum spectant hi actus: 1mò: Velle ab omnibus despici; contumelias, aduersitates, molestias æquò animò ferre. S. Franciscus Seraph aiebat: *Non sum Religiosus, nisi eadem vultus animiq; hilaritate dedecus ac decus, infamiam & famam, accipiam.* 2dò: Accusare seipsum coram Deo, superioribus, æqualibus; cum *justus sit accusator sui.* 3ià: Non murmurare, non conqueri, nec sinè urgente necessitate contradicere; tantò minùs interrumpere alienum sermonem. Sic exemplò & verbò docebat P. Balth: Alvarez & pleriq; alii. 4tò: In omnibus tractabilem se exhibere Superioribus, etiam subordinatis, tanquam cadaver, tanquam senis baculum; ut vult S. Pa-
ter.

ter. 3to: Occultare sua bona opera. *Attendite, nè iustitiam vestram faciatis coram hominibus.* Ideo S. Pachomius ad orandum secedebat ad locū remotū à monasterio. 6to: Delicta sua non excusare, imò latari, quòd aliis innotuerint. Hoc enim est, cum Paulo gaudere in infirmitatibus suis; inquit Sylvanus Abbas.

Ad 3tium gradum spectant hi actus: 1mo: Magna agendo, nihil boni sibi adscribere; sed omne bonum ad Deum referre; iudicare se nihil esse ex se, nihil posse. *Maxima ac rara virtus profectò est, cum magna opereris, magnum te nescire; cum omnibus nota sit sanctitas tua, te solum lateat; cum omnibus mirabilis appareas, tibi soli vilesas.* S. Chrysol. 2do: Omnè actum suum bonum, suspectum habere; licèt enim appareat bonus, fortè tamen videt Deus, quòd in illo reprehendat, & puniat. 3to: Laudes sui invitò, aversò, & amarò animò ferre; ut monet Aug. Bas. Hieron. S. Fran. Borgiæ nihil erat gravius, quàm cum laudaretur. 4to: Cogitare tunc, quòd ore hominis laudes nostrì dæmon occinat; ut pelliciat ad vanam gloriam. Scribit Climacus, quòd diabolus cuidam monacho aperuit imaginationes malas alterius monachi; eà intentione, ut ab isto tanquam Sanctus & Propheta iudicaretur, & sic in vanam impelleretur laudem. 5to: Reputare se indignum donis Dei, etiam naturalibus, imò indi-

indignum consortiō & conspectu Dei, ac hominum: ut de quibusdam legitur in vitis Patrū 6rō: Tristari de aestimatione suā, gaudere de contemptu & persecutionibus cum Paulo 2. Cor. 12. 7mō: Impositum falsō crimen generosa & libenti mēte ferre; nisi hāc calumnia obesse videretur profectui proximorum. Nam juxta S. Hieron. ep. 14. ad Celant: *Apostolici praecepti & exempli est; ut habeamus rationem, non tantum conscientiae, sed etiam fama.* Juxta Gregor. nonnunquam etiam sancti viri de bona sua opinione gaudent; sed cum per hanc ad meliora proficere audientes, pensant. 8vō: In nulla re fidere suis viribus, ad omnia Dei opem implorare, cum magno Suarez; qui etiā publicē disputando, non erubescibat in genua procidere. 9nō: Cum S. Angela de Fulginio, à nulla re magis timere sibi, quā à se ipso; vita c. 64.

IV. Cassianus l. 4. instit. c. 39. hos actus & signa humilitatis ponit. 1mō: Si mortificatas in se habet omnes voluntates. 2dō: Si non solum actuum suorum, sed etiam cogitationum, nihil suum celaverit superiorem. 3rō: Si nihil suae discretioni, sed iudicio ejus, universa committat; ac monita ejus silens libenter auscultet. 4tō: Si in omnibus servet obedientiam, mansuetudinem, & patientiae constantiam. 5tō: Si non solum injuriam inferat nulli; sed

sed nec ab alio quidem sibi irrogatam, doleat, atq; tristetur. 6to: Si nihil agat, nihil præsumat, ad quod non vel communis regula, vel majorum hortentur exempla. 7mo: Si omni vilitate contentus sit, & ad omnia se, quæ sibi præbentur, velut operarium malum, judicârit indignum. 8vo: Si omnibus se inferiorem, non superficie pronuntiet labiorum; sed intimô cordis credat affectu. 9no: Si linguam cohibeat, vel non sit clamorosus in voce. Hunc 9num humilitatis gradum vocat S. Benedictus. 10mo: Si non sit facilis ac promptus ad risum. Plura, si placet, vide apud Heribertum Rosveidum l. 4. fol. 549.

V. *Media ad humilitatem: 1mum est: cognitio sui: quia juxta S. Gregor: custos humilitatis est propriæ vilitatis cognitio. Idq; 1mo: cognitio sui quò ad corpus; de qua S. Bernard. Ista tria semper in mente habeas: quid fuisti? quid es? quid eris? Quid fuisti? quia sperma fetidum. Quid es? quia vis stercorum. Quid eris? quia esca vermium. 2do: quò ad animam: quot & quâ- tis peccatis hæc fedata, sauciata, perempta! Peccasse me certò scio; omnino nescio, utrum odiò an amore dignus sim. Ergo nunquam debeo esse sine metu, ut monet Spiritus S. Hic verò metus humilitatem parit: quia teste S. Greg. Nobis abscondit Deus gratiam, ut unam gratiam certâ habeamus; scilicet humilitatem. Huic sui*

fui cognitioni duas quotidie horas impendebat S. Borgias: quid mirum, quòd tam humilis evasit? *Alterum medium est, examen particulare*, assumendo ad illud in primis illos actus superbiæ, qui alios post se trahunt; vel ad extra erumpunt: aut actum humilitatis, qui maximè repugnat superbiæ. Hoc examen S. Pater noster censebat esse efficacissimum mediū ad evellenda vitia, & radicandas virtutes: illudq̃, ad ultimum diem in usu habuit. *3tium est; frequens exercitium humilitatis.* Quia, ait Bern. ep, 87. Humiliatio via est ad humilitatem; sicut patientia ad pacem, lectio ad scientiam. *Quamobrem si virtutem appeteris humilitatis, viam & exercitia non refugias humilitatis.* Nam juxta Philosophos, omnis habitus proficit exercitiō suorum actuum.

VI. *Impedimenta humilitatis generalia* duo sunt; negativum & positivum. *1um est: neglectus mediorum ad hanc virtutem; media enim sunt via ad finem, juxta Philosophum; nemo verò pertingit ad terminum, nisi arripiat & teneat viam, quæ ad illum ducit.* Alterum est: amor proprius, quò nos inordinatè amamus, sectando ea, quæ naturæ corruptæ blandiuntur. Hic amor est fons omnium malorum, ut deducit August. l. 22. de civit. c. 22. S. Pater p. 8. confit. c. 1. §. 8. appellat eum *universalis boni hostem.* Pius author de imitatione

L. 3. c. 27. ait: Scito, quòd amor tui magis nocet tibi, quàm aliqua res mundi. Idem dicebat S. Angela de Fulginio, vitæ ejus c. 64. Rationē dat S. Gregor. hom. 4. in Ezech. *Quia vehementer claudit oculum cordis amor proprius.* Con- sentit Plato l. 5. de leg. Revera usus venit, ut omnium malorum, quibûs hominum vita involvitur, nimius sui amor causa existat; is enim, qui amat inordinatè, sanè obcæcatur; ac proinde de rebus bonis, justis, honestis malè judicat. Itaq; unusquisque à cæco illo amore sui abhorreere debet, & se ipso meliores sequi. Rectè igitur S. Franc. Salesius ajebat: *Se, si vel aliquam amoris proprii festucam in suo corde residuam videret: illico eam ferrò flammâq; persecuturum.* l. 4. vitæ c. 5. Contra hunc hostem maximè militat jugis mortificatio, & humiliatio sui, juxta reg. 11. & p. 3. Constit. c. 1. §. 22.

MEDITATIO II.

De tribus classibus sequacium Christi.

I. Punctum unum. Audiam S. Paulum Philip. 3. *Omnia detrimentum feci, ut Christum lucrificarem.* 1ma classis est eorum, qui propendent quidem ad prospera, ut ad vitam longam & vegetam, honores, opes, commoda: sed ita, ut

mallent, hæc omnia detrimentum facere, quàm peccare. Hi ponunt in una lance omnia terrena; in altera fugam peccati: & hæc præponderat omnibus terrenis. Sequuntur Christum, sed tantum Bethaniam, hoc est in domum obedientiæ: quod præceptis quidem Divinis obtemperent; at ulterius in via Dei progredi, non laborant. Non sinunt pullulare culpas, sed radices earum non evellunt. Rivum exsiccare volunt, sed fontem non obstruunt. Porro radix, fons, & mater peccatorum est, amor proprius, amor opum, honorum, commodorum. Iidem ergo sunt navi similes, probè alias instructæ, sed affixæ littori, grandi catena; prout amorem proprium vocat Umbertus. Quid mihi cum terra, qui sum vocatus ad cælestia? quid mihi cum caducis, quæ eripiunt æterna?

Cur ad Sodomam respicio, unde pridem exii? Amare seipsum inordinatè: est fovere hostem. Respectibus inhiare, est fatuos ignes insequi. Laborare propter opes, est, eo pretiò finium emere, quò Cælum emi poterat. Honores prosequi, est, umbram suam persequi. Captare laudes; est fumos in aère venari. *Inanis gloria, est dulcis spiritualium operum exspoliatrix, iucundus animarum nostrarum hostis, blandissima bonorum nostrorum depradatrix.* S. Basil: const. mon.

6. 10.

II. Punctum 2dum: Audiam Christum Marci

10.

10. *Sinite parvulos venire ad me.* Altera classis sequacium Christi, est, qui, sicut parvuli, non magis propendent ad prosperas, quàm ad adverſas; licet utraq; Divinæ laudis æqualis eſſent occaſio. Hi ponunt in una lance Dei gloriam, & res prosperas; in altera, eandem Dei gloriam, & res adverſas ita, ut nec prospera, nec adverſa præponderent. Hi veniunt ad Christum, adhærent Christo, ſequuntur Christum Hierosolymam, animò æqualiter comparatò, ſive ad plauſus, palmas, & oleas; ſive ad Golgotam & Crucem. Sunt ſimiles navi, quæ ſoluta quidem, & longè recessit à littore; nondū tamen altū attigit. Sed enim hîc non ſiſtit cor flagrans amore Dei; in altū illud propellit gratia Divini ſpiritus vehementis. Conſulam conſcientiam: Quid me detinet, nè remis, veliſq; tendam in altū? fortè non aliud, quàm amoris proprii reliquiæ. De hoc Auguſtinus: *Si totum hominis bonum eſt, amare Deum; totum hominis malum eſt, amare ſeipſum.* S. Thomas vocat illum fontem omnis mali. Quid prohibet, ut iſtum fontem obſtruam? illud equidem, nec ornat, nec dîtat, nec delectat animam. Proinde ſi Jephthe unicam filiam, Abraham unicum filium non dubitarunt in victimam offerre: quidai ſpurium iſtum, ſcilicet amorem proprium, mactem in holocauſtū Deo, ut nihil ex illo non pereat?

III. *Punctum 3tium: Audiam S. Jacobū c. 4. Sitis perfecti & integri in nullo deficientes.* Tertia classis sequacium Christi est *perfecta*, quia in nullo deficit; ut deficiunt priores duæ. Constat ex illis, qui, licet tam ex prosperis, quam ex adversis par gloria Dei proveniret; ad majorem tamen imitationem Christi eligunt, potius cum eo paupere, spreto, & illulo pauperiem, contemptum, & insipientiæ titulum amplecti: quam opes, honores, & sapientiæ æstimationem. Apud hos præponderant adversa prosperis: hi sequuntur Christum in Calvariā & crucem; hi cum Paulo Christo configuntur in Cruce: hi perfectionis tenent altum. O quam læti properant in Patriam! quam animosifident pericula! quam securi propinquant termino! quam beati portum attingunt! Teneor sequi Christum: hæc est sequendus: hæc illum secuti plurimi: hæc sequuntur multi. Potuerunt hi & hæ; & ego non potero? Ah valeo perficere, valeo; sed velle mihi non adjacet! Egonē cum plebeio vulgo Christum sequar? Egonē tam me parcum præstabo erga Deum, quem tam largum experior, & experiri cupio? Mirum est, quod mei ipsius me non pudeat. Quanta pericula subit mercator, miles incommoda, venator labores; ignē, ferrum, in mediam ager, gratiā caduci boni! Cur ego non subeam, propter summum & æternū bonum?

bonum? Si cupiditas naturalis tam dura frangit; quidni frangat Divina gratia? O Domine præstò mihi sunt auxilia Tua, præstò sum & ego tuis auxiliis: en me tibi paratum ad omnia, quæ mundus horret! Deus in adjutorium meum intende.

REFLEXIO

Supra habitudinem ad Superiores.

Considera.

1^{ma}: An agnoscis, Superiorem tibi esse locò DEI; ut cum S. Thoma 2. 2. q. 63. art. 3. volunt omnes Ascetæ?

2^{da}: An Superiorem amas & revereris? *est enim Pater & Judex, ut docent S. Thomas. Quodlib. II. art. 13. & S. Bonav. in c. 17. Luc. Et S. Hieron. ep. ad Rustic. Præpositum timeas, ut dominum; diligas, ut Parentem.*

3^{ta}: An revereris tã internâ, quàm externâ reverentiâ? S. Bern. Serni. 3. de Adv. monet. *Redde reverentiam Prælato & obedientiam; quarum altera cordis, altera corporis est. Nec enim sufficit exterius obtemperare majoribus nostris; nisi ex intimo cordis affectu sublimiter sentiamus de eis.*

4^{ta}: An ideo revereris & obedis. quia DEI personam gerit? an non ob aliquem vanum finem? Aliàs rem magni momenti vill pretiò venalem portas.

5^{to}: An persuasum habes, quod quidquid à te, de te, circa te per Superiorem DEUS vult; hoc tibi gloriosius & utilius? P. Balth. Alvarez.

6^{to}: An revereris etiam perfunctum officiò? S. Franciscus Borgias *Præfectos Societatis usq; eo revereri solitus est, ut licet potestate iam abissent; eodem, quo antea habito respectu coluerit. Ribaden. lib. 4. vit. c. 3. §. 2.*

7^{mo}: An obedis tanquam Deo; ut S. Paulus præcipit ad Coloss. 3.

8^{vo}: An obedis promptè? S. Bernardus Ser. de obed. inquit: Fidelis obediens nescit moras, fugit crastinum, ignorat tarditatem, præcipit præcipientem, parat oculos visui, aures auditui, linguam voci, manus operi, itineri pedes; totum se colligit, ut imperantis impleat voluntatem.

9^{no}: An ad vocem Superioris, etiam imperfectam literam relinquis? Istam literam O inchoatam reliquit Marcus Sylvani Monachus.

10^{mo}: Nominatim; an punctualiter descendis ad trichinium; nè cocis & servitoribus molestiam inferas? S. Isidorus statuit Reg. c. 6.

Qui ad mensam tardius venerit; aut penitentiam agat, aut jejunus ad suum opus, aut cubile recurrat.

11^{mo}: An etiam sanctum opus relinquis? Monialis quædã auditò signò campanæ colloquū abruptit cum Christo; properavit ad mensam;

sed

sed Christus illam expectavit & laudavit, quòd Deum propter Deum reliquerit.

12mò: An curas nihil agere tua voluntate? Perpende S. Bonav. monitum Tract. de inter. hom. c. 21. Te Prælato dedisti propter Dominum & Regnum cælorum: & jam non es tuus, sed ejus, cui te vendidisti. Et ideo nihil tibi licet agere de te, sine ejus voluntate: ipse enim est Dominus voluntatis tuæ: & contrectatio rei alienæ invitò Dominò, furtum est: fur autem cælo non appropriat.

13mò: An non solùm vocem Prælati, sed per quidquid ille suam voluntatem significat; acceptas pro voce DEI? Sic Abbas Ammon docebat suos, sic Basil. Sic Isidor. Ratio est, quia superioris voluntas est interpret Divinæ voluntatis; ubi homo non precipit rem contrariam Deo: ut addunt SS. Benedictus & Bernardus.

14mò: An voluntatem & judicium tuum sub jicis voluntati Superioris & judicio? secus rapinam facis in holocausto, per quod testotum immolasti DEO.

15mò: An gratiùs obedis uni Prælato, quàm alteri? altiori quàm inferiori? perfectiori quàm imperfectiori? Id vetat S. Pater N. Nam obediendi votum extendisti ad omnes, qui jus habent in te. Nec considerare debes, quis ille sit, cui obedis; sed potiùs, quis ille, propter quem, & cui in omnibus obedis; qui est Christus Dominus. P. 3.
Const. c. 1.

16^{to}: An Prælato candidè conscientiam apertis, & curas esse plenè perspectam? Hoc antiquis erat præcipuum, efficax, ordinarium, & semper usitatum medium ad vincendas tentationes, & proficiendum in Spiritu; ut constat ex v^{ti} PP. & Heriberto Rosveido.

17^{mo}. An non suspicaris de Prælato? an non investigas ejus consilia? S. Basilus Reg. fus. 48. decrevit: Nè quis facillè in hujusce modi vitiū, secus de Antistite suspicandi, aut dijudicandi cū detrimento, tū suo, tum aliorū incurrat: illud in universum observari in Convēntu debet; ut nullō modo quis Antistitis consilia pervestiget; aut in ejus facta anxie inquirat.

18^{vo}: An non reprehēdis Prælati facta? Id multi Pontifices graviter damnant apud Gofridum Abbatem L. 4. Ep. 12. ad Amblard. *Hoc enim est jurisdictionem Dei propriam sibi usurpare;* inquit S. Gregorius. L. 2. c. 4. in 1^a Reg. 6. 3.

19^{no}: An Prælato non respondes durius? an cum eo non contendis? Audi S. Bonav. P. 1. Spec. c. 6. *Cum ipso Prælato contendere, nefas est; & execranda in subdito irreverentia turpitudine.* Et Senecam. L. 2. de Ira. c. 34. *Cum pare contendere; anceps est; cum superiori, furiosum; cum inferiorē, sordidum.*

20^{mo}: An Superiorem non interpellas monentem vel oburgantem? S. Benedictus Reg. c. 72.

C. 72. præscripsit, ut reprehensus primò dicat: *Mea culpa*: deinde prosternens se petat veniam: tandem iussus surgat, & interrogatus rationem humiliter reddat.

21mò: An non impatienter exequeris, si quid molestum imperetur? Hoc enim non est virtus patientiæ, sed velamentum malitiæ; inquit S. Bern. Ser. 3. de circumc.

22dò: An non quæris modos evitandi vilis officium, vel obsequium? P. Balth. Alvarez ajebat: In domo DEI nullum est officium vile. Et de se ipso scripsit: *In hoc ego felicitatem meam pono, quòd DEUS velit operâ meâ uti in vilissimis Religions meæ obsequiis.*

23tò: An voluntatem superioris non detorques ad tuam? audi S. Bernardum Ser. de trib. Ordin. Eccl. Quisquis vel apertè, vel occultè satagit; ut quod habet in voluntate, hoc ei Spiritus Pater injungat: ipse se seducit, si fortè sibi quasi de obedientia blandiatur: neq; enim in ea re ipse Prælato, sed magis ei Prælatus obedit. Et S. Xaverius iisdem ferè verbis dicebat: Magnus est eorum error, quos amor sui excæcavit; obedientes se existimare, cum Superiorem ad id, quod ipsimet volunt, aliquâ ratione pertraxerint.

24tò: An imperia non discutis? S. Basiliius Const. Mon. Cap. 22. Quemadmodum pastori suæ oves obtemperant, & viam, quam ille vult,

vult, ingrediuntur: sic, qui pietatis cultores sunt, moderatoribus suis obsequi debent, nihil omnino ipsorū iussū curiosius perscrutantes. S. Greg. in L. 5. Reg. Vera obedientia nec Præpositorum intentionem discutit, nec præcepta discernit. S. Hieron. ad Rusti: Nec de majorū sententia iudices; cuius officii est, implere, quæ iussa sunt. S. Bernardus de præcepto & dispensa *Imperfecti cordis & infirma prorsus voluntatis est, statuta seniorum discutere.* Item de Vit. solit. *Perfecta obedientia est indiscreta: hoc est: non discernit, quid vel quare præcipiatur.* Idem docent S. Joan. Climacus gr. 4. S. Casareus Arelat. Hom. 8. Cassianus, Instit: Rement. L. 4. c. 10. Plura vide apud Bellarm: respons: ad proposa 12. septem Doctorum Venetorum?

LECTIO SECUNDA

De zelo Socii JESU.

I. Benedictus Deus vocavit nos in Societatem Filii sui. S. P. Ignatius conscripsit, collegit, authoravit sub vexillum nominis JESU: Dei Filius insignivit suo nomine: Digitus Dei, qui juxta Paulum III. est in Instituto nostro, voluit nos tribus clavīs affigi nomini JESU: Ecclesia declarat, ad maiorem nominis JESU gloriam propagandam, novō per S. Ignatium subsidio se roboratam. Id quo sine factum esse censeas,

seas, nisi, ut cum S. Paulo nomen JESU portemus cor. in gentibus? Hoc autem est, inquit S. Pater, impense non solum in propriam, sed etiam in proximorum salutem incumbere; puta, verbis, exemplis, precibus ad Deum fuis. Lex ita consonat Apostoli doctrinæ 1. Timoth. 4. Attende tibi & doctrinæ; insia in illis: hoc enim faciens, & te ipsum saluum facies, & eos, qui te audiunt.

O quàm altus est finis iste! tam altus est, quàm altum est, olim assidere Christo Judici, judicare, ferre sententiam; quod Apostolicis viris promissum Matt. 19. quàm altum est, esse salvatores aliorum, ut S. Paulus pollicetur Timotheo, ac Abdias v. 21. studiosis alienæ salutis: *Et ascendent salvatores montem Sion, judicare montem Esau.* Ubi S. Hieron. *Ipse Salvator Apostolos suos mundi esse voluit salvatores.* Quàm altum est, esse adjutores Dei 1. Cor. 3. S. Dionys. hier. c. 3. Ingens hæc, Angelica, imò Divina est dignitas; Dei cooperatorem fieri, in conversione animarum; Divinamq; in se operationem palam cunctis ostendere. Quàm altum est, eos, qui erudiunt ad iustitiam multos, fulgere sicut stellas in perpetuas æternitates. Quàm altum est, esse proximis portas cæli ex singulis margaritis. Quàm altum est, esse administratorios spiritus, Angelorum officio fungi, Christi opus operari. Audi Chrysost.

soft. in c. 12. ad Hebr. Hoc est angelice functionis officium, ad salutem hominum ministerium Deo persolvere: proinde hoc est opus angelicum, omnia facere pro salute proximorum; magis autem, hoc est opus Christi.

II. Quàm verò malum, quàm nocivum, quàm infame sit; huic muneri suo non respondere! Dignumne reris, si vinitor culturam vineæ, si miles aciem, vel stationem; si legatus summi momenti negotia deserat, ac negligat; seq; nugis impendat? Porro Socius JESU vocatus est ad vineam Christi colendam Matt. 20. vocatus 1. Tim. 1 ut militet bonam militiam. Sicut S. Paulus 2. Cor. 5. legatione fungitur pro Christo. Quantas proinde meretur pœnas, si suo desit officio!

Arbitrio S. Ambrosii in Psal. 118. Angeli sinè zelo nihil sunt & substantia sua amittunt prerogativam; nisi eam zeli ardore sustentent. Quodsi Angeli sinè zelo nihil sunt; quid erit Socius JESU sinè zelo? erit Apostolus sinè Apostolatu. Zelotes sinè zelo, nomen sinè re. Olim ignavum Christianum S. Augustinus sic increpuit: Aut Christiani nomen depone, aut Christianò degna gere. Quid enim tibi prodest, vocari, quod non es; & nomen usurpare alienum? fulmen hoc mutata voce Christiani in ignavum Sociu JESU intorqueri meritò potest.

III. Imaginem Socii JESU depinxit S. Paul.

2. Cor. 6. In omnibus exhibeamus nosmet-
 ipsos, sicut Dei ministros, in multa patientia,
 in tribulationibus, in necessitatibus, in angus-
 tiis, in plagis, in carceribus, in seditionibus,
 in laboribus, in vigiliis, in jejuniis, in castitate,
 in sciētia, in longanimitate, in suavitate, in Spi-
 ritu S., in charitate non ficta, in verbo veritatis,
 in virtute Dei, per arma iustitiæ à dextris & à
 sinistris, per gloriam & ignobilitatem, per in-
 famiam & bonam famam, &c. Unde S. Hier.
 ad Nepot. inquit: *Per bonam famam & malam, à*
dextris & à sinistris Christi miles graditur; nec
laude extollitur, nec vituperatione frangitur: non
divitiis tæmet, non contrahitur paupertate: & le-
ta contemnit, & tristitia: per diem sol non urit eum,
neq; luna per noctem.

IV. At præcipuè requirit Apostolus, ut So-
 cius JESU polleat istis dotibûs: quarum 1ma est
 scientia præsertim ascetica, Moralis, Polemica:
 ut potens sit exhortari in doctrina sana; & eos,
 qui contradicunt, arguere. 2da Prudentia, ut,
 quibus verbum suadens & admonens non me-
 detur, minæ medeantur: quibus autem minæ
 non medentur, virga medeatur: quibus verò
 virga non medetur, eos ignis depascit; ait S.
 Clemens. Non enim omnes unâ viâ duci que-
 unt ad Dominum; sed, prout docet Apostol. 2.
 Tim. 4. arguendo, obsecrando, increpando.
 Quod S. Ephrem sic explicat: *Argue coaquales,*

obsecra seniores, increpa juniores: sed propterea addit: In omni patientia; quia leniter castigatus, exhibet reverentiam castiganti; asperitate autem nimia & increpatione offensus, neq; increpationem recipit, neq; salutem. Hæc prudentia stat in eo, ut ad finem intentum média solerter quarantur efficacia, seligantur idonea, fortiter adhibeantur, & sv. viter.

3tia dos est Exemplum probæ vitæ, de quo 1. Tim. 4. Exemplum esto fidelibus in verbis, in conversatione, in charitate, in fide, in castitate. De hoc Concil. Trident. Sess. 22. c. 1. Nihil est, quod alios magis ad pietatem & cultum Dei instruat; quàm eorum vita & exemplum, qui se Divino ministerio dedicarunt. Unde S. Hier. Heliodorum Ep. in epitaph. Nepot. monet: In te oculi omnium diriguntur, domus tua & conversatio tua, quasi in specula cōstituta, magistra est publicæ disciplinæ: quidquid feceris; id sibi omnes faciendum putant. Cave, ne committas, quod, aut qui reprehendere volunt, dignè lacerasse videantur; aut qui imitari; cogantur delinquere.

Exemplum probæ vitæ S. Paulus 1. c. colloca-
cat imò in verbis. Qualia debeant esse verba viri Apostolici? habetur Lect. de Silentio n. 9. Hic innuo breviter ex S. Chrysost. hom. 96. in Matt. Ea loquamur, quæ Christi verba esse confestim cognoscuntur. addo in sancta conversatione.

Con-

Conversator ritè fungetur officio, si mansuetus fuerit, si lenis, si mitis, si modestus & quietus; si non quasi servus ducatur, & trahatur ab ira, aut ab aliis affectionibus; sed ratione vincat internos illos incompósitos motus, nobilemque suam generositatem servet, nè in brutorum ferociâ negligentia degeneret. Ità S. Chrysost. hom. 34. in Gen.

3tio: Collocat in Charitate, vi cuius, Socius JESU omnibus omnia fiat, ut omnes Christo lucrificiat. Enimverò juxta eundem Chrysostomum: *Magnus doctor est charitas, satis idoneus; qui & tollat errores, & mores formet, & è lapidibus homines reddat.* Charitas, quæ Lucæ 2. Deiparam urfit, ut abiret in montana cum festinatione, causâ mundandi Joannem ab originali labe, ac Elisabetham replendi Spiritu S.; 1mo: fuit fortis in superandis incommodis arduæ, montosæ, longæque vitæ. 2do: ut observat Laur. Just. fuit prompta cum festinatione. 3tio: fuit hilaris, cum exultatione; 4to: fuit ultro-neâ sine invitatione. Iisdem perfectionibus fulgere debet charitas Apostolici viri. Cæterum plures exigit S. Paul. Rom. 12. & 1. Cor. 13.

4to: Exemplum bonum collocat Apostolus in fide tum propriè sumpta, ut omnia credenda, & firmiter credantur, & strenuè prædicentur; tum in fide sumpta pro fiducia, ut non dubitetur, affuturam laboribus Apostolicis,
tam

tam opem Dei, quàm præmium. De hac fiducia S. Pater inquebat: Tantum per nos operabitur Deus, quantum se nostra in eum fiducia extenderit.

5to: in castitate; quia non effundet odorem syavitatis zelus, nisi puritatis angelicæ liliis floreat, & rosus pucloris: nec opus bonum est aliquod sine castitate, ait Greg. & Beda: *Actio boni operis Domino acceptabilis esse non valet, si non fluxa luxuria quis prius à carne & mēte restringat.*

V. Prius igitur requisitis instructum esse doctibûs oportet JESU Socium; quàm prodeat in campum exercendi zeli. Ut Paulus Corinthios in Christo JESU per evangelium genuisset; ipse provectus vir utribûs esse debuit; non cui lacte opus esset. Apostoli cæteri actor. 2. antè repleti sunt Spiritu S.; tum deinde ceperunt loqui. Nubes sine aqua, quæ à ventis circumferuntur, non fecundant terram. At Ecclesi: 11 *Si repleta fuerint nubes; imbrem super terram effundent.* Super quod S. Ambros. epist. 19: ad Constantium: *Qui multa legit & intelligit; impletur: qui fuerit impletus; alios rigat: ideo scriptura dicit: Si impleta fuerint nubes &c.*

Itaq; meritò S. Gregor. in Pastoral. monendos esse ceaset eos, qui in arenam descendunt Apostolicam; ut considerent, quòd pulli avium, si ante pennarum perfectionem volare
appe-

si appetant; unde ire in altum cupiunt; inde in
 o. ima merguntur. Ut considerent, quod stru-
 a si cturis recentibus necdum solidatis, si tignoru
 pondus superponitur; non habitaculum, sed
 rem ruina fabricatur. Ut considerent, quod con-
 illis ceptas soboles famina, si prius, quam plene
 est formentur, proferant; nequaquam domos, sed
 Actio tumulos replent.

non VI. Nec autem sufficit, hac Apostolatus talen-
 gat. ta comparasse; requiritur insuper imo: ut eo-
 do. rum nullum fodiatur, & abscondatur in ter-
 t in ra, vel otiosum in sudario reponatur: sed, ut
 rio. quam maximum lucrum afferat animarum.
 qu. Ne talenti Dominus ad iracundiam provocetur, in-
 non quit Greg. illudq; repetat: prout Matt. 25.
 2. repetiit à servo nequam, hoc est, ab ignavo.
 cz. Prout item ad Rom. 1. recepit ab ethnicis sa-
 ren. pientibus, qui scilicet: *Evanuerunt in cogitati-*
 am. *onibus suis, & obscuratum est insipiens cor eorum;*
 im. *dicentes enim, se esse sapientes; stulti facti sunt.* Sic
 d S. & mercatores non sine bile reposcunt aurum
 vul- à famulis; dum hi redeunt è nundinis vacui
 tus; mercibus, quas còempturi fuerant.

rent Requiritur 2do: ut sic talentis nostris profi-
 en- mus proximo, quatenus ipsi non reddamur
 unt indigi, hoc est, ut ità Deo lucremur alios;
 avi. quatenus ipsi non patiamur animæ detrimē-
 tare tum. Unde (1. Timoth. 4.) Timotheum Pau-
 lus monet, ut *primum* attendat sibi, deinde do-

strina sua. Eos, qui sic aliis navant operam, ut semetipfos negligant, Seneca puteos appellat, limpida aqua dantes aliis, sibi faces & canum retinentes. Præclare S. Bernard. l. 2: confid. ad Eugen: Quatuor tibi considerata reor; te, quæ sub te, quæ circa te, quæ supra te. A te tua consideratio inchoet; nè frustra extendaris ad alia, te neglecto. Quid tibi prodest, si universum mundum lucreris, te ipsum perdens? & si sapiens es, deest tibi ad sapientiam: si tibi non fueris. Quantum verò? (ut quidē senserim ego) totum. Noveris licet omnia mysteria, noveris lata terræ, alta cæli, profunda maris; si te nescieris, eris similis ædificanti sine fundamento, ruinam non structuram faciens. Quidquid extruxeris extra te, erit instar pulveris, ventis obnoxium.

VII. Ex his collige, quod, si frigeas in zelo sancto; si dotes Apostolicas ad eum non adhibeas; vel non ut par est, adhibeas: non eris verus Jesu Socius: juxta effatum S. P. Ignatii. Quia non sequeris Jesum, quā præcessit; viā nimirum zeli. Ergo geres nomen inane & crimen inimane: nam nomen sine officio nihil est: ait Salvianus. Tanto mirus aliorum Salvator eris; prout Hieronymus, vocat viros Apostolicos. Advertunt enim interpretes, quod in scriptura, quoscunq; nomen Jesu, seu Salvatoris, insigniit; salvabant alios. Et Christ nomen vocatum est *Jesus* Matt. 2. quia ipse saluum

salvum facturus erat populum suum à peccatis eorum. Ut autem illud mereretur, 1^{mo}: Exinanivit semetipsum. 2^{do}: Formam servi accepit, in qua omnium salutis servivit. 3^{to}: Humiliavit semetipsum. 4^{to}: Factus obediens. 5^{to}: Usque ad mortem. 6^{to}: Mortem autem crucis. Propter quod & Deus exaltavit illum, & donavit illi nomen, quod est super omne nomen. Philip. 2. Igitur exinanitio sui, zelus, charitas, humilitas, obedientia, mortificatio, crucis amor, aliorum Salvatorem faciunt.

MEDITATIO III.

De duobus vexillis.

I. Punctum I. Audiam S. Joann. Apoc. 19. Vidi bestiam, & Reges terra, & exercitus eorum, congregatos in praelium cum illo, qui sedebat in equo, & cum exercitu ejus. Hoc est cum Christo & sociis ejus. Videbo 1^{mo}: veteranum illum, inveterati odii plenum Luciperum, in campo Babilonico, cum suo vexillo, in quo septē peccata capitalia depicta. Sedet in cathedra pestilentiae, in cathedra digna Luciperò, id est ignea & fumosa. Sedet vultu fædo, visu ferò ac horribili, ore sanguineo, tetrum exhalante fumum. Sedet tumens & inflatus, quasi in lateribus Aquilonis. 2^{do}: Circūstant eum teterrimi æthiopes, omnium fraudi-

am artifices? In Deum odio, in homines invidia ardent. 3to: Hos dispergit, ut sibi quam plurimos omnis ætatis, sexûs, statûs populos mactent. 4to: Armât illos triplici amore proprio: concupiscentiâ carnis, concupiscentiâ oculorum, & superbiâ vitæ. 5to: Ergo volant, alios deliciarum, alios opum, alios honorum cupis sine illaqueant. *Laqueus in auro, vicus in argento, nexus in pradio, clavus in amore;* ait S. Ambr. 6to: currunt in laqueos & castra dæmonis, Nobiles, ignobiles, senes, juvenes, sæculares, spirituales; & quòd mirum, etiam sapientes desipiunt, atq; hõc sordidò gurgite rapiuntur. Heu, complures vexillum Christi deserunt, cui Sacramentò se obstrinxerunt; & convolat ad castra diaboli.

II. Punctum 2. Audiam Christum Matt. 10: *Non veni pacem mittere, sed gladium.* Accedam ad beatum illud vexillũ JESU Christi: videbo in amænissimo campo, aliã planè militiã, id est: militiã cælestis exercitûs Angelorum, qui tanquã dulces apiculæ, sinuantur circa Ducẽ suum JESUM: quemadmodum illi in eremo ministrabant. Horum in medio JESUS, in loco humili, summè potens, sapiens, fidelis, & summè suavis; speciosus formã præ filiis hominũ, in quem Angeli desiderant insatiabiliter prospicere. Circumdant optimum Ducem & viri Apostolici: eis dicit: *Militia est vita hominis;* ergo

ergo induite vos armaturam DEI, nempe charitatem in DEUM & proximum, humilitatem, paupertatem spiritus, patientiam. Sic armati, ite contra meos & vestros hostes; sathanā, carnem, mundum. De illorum potestate eripite homines, & mihi vero Domino subigite. Ite in mundum uniuersum: ite Angeli veloces, ad gentem convulsam & dilaceratam: omnia accendite, omnia inflammate amore mei. Mox isti, sicut nubes volant, omne mundi latus circumeunt, totā contentione omnes trahunt ad castra Domini. Venite, invenimus Messiam.

III. Punctum. 3. Audiam Samuelem 1. Reg. 3. Ecce ego, quia vocasti me. Videbo, quod vocati, pauciores quidem, sed honestioris genii homines, properant ad Castra Domini, quamvis rebellante natura. Properant etiam illi, quibus altior nascendi sors concessa, quos mundus sibi natos, quos honor sibi cognatos vendicabat. Properant Caesares, Reges, Principes, apud Hieron. Platum de bono statūs Relig. L. 2. C. 26. Properant, ut crucifigant corpus cum vitiis, mirā crudelitate, sed salutari. Currunt, inclamante spiritu: Separamini a generatione hac pessima. Egredere de domo tua, & de cognatione tua; ne positus in lubrico saeculi cadas. Revocat illos mundus? reponunt: bonum est nos hic esse: mihi adhære-

re DEO bonum est: hæc requies mea, hic habitabo in æternum. O munde, scio, ubi habitas: ubi sedes est Sathanæ, ubi mare amaritudinum, ubi Babylon confusionum, ubi vita plerumq; morte amarior. Benedictus DEUS qui vocavit nos in societatem Filii sui: utinã, quem concessum est sequi, detur assequi.

IV. *Punctum 4.* Audiam Ecclum C. 2. *Non evacuabitur merces vestra.* Audite hæc, milites Christi: Ecce merces ejus cum eo, Isaia 40. Audite & vos asseclæ diabolis: Et vestra merces non evacuabitur. Referet unusquisq; prout gessit; spondet Apostolus. Videbo utriusq; Ducis stipendia: Luciper nec potest quidquam dare, nisi infernum; cum nihil habeat, nisi infernum: nec vult quidquam dare, nisi infernum; cum sit iuratus noster hostis. Christus & potest dare bona, cum in manu ejus omnia sint posita; & vult dare, cum sit infinite bonus. Luciper promittit bona fortunæ, dat infelicitatem æternam: promittit bona famæ, notat infamiã perennẽ; promittit delicias, confert tormenta; facit gustare paululum mellis, & simul facit æternum mori; offert mendaciũ fucati boni, aufert verum & immensum bonum. Imò & in hac vita aufert quietem animi: nam *Impius quasi mare fervens.* Non est pax impiis, dicit Dominus: ut quisq; peccans experitur in se ipso. Jam Christus pro svavi iugo, &

onere suo levis; dat invenire perpetuam requiem, Matt. 11. pro pugillo terræ, dat Cælum: pro gutta fellis, torrentem voluptatis: pro me neglecto à me, dat mihi se ipsum.

Colloquium. Anima mea: alteruter horum tibi Dux sequendus: utrumq; sequi neutiquā potes; nisi sociare velis luci tenebras, Dagonem Arcæ, Christum diabolo. Cujus ergo partes eligis? cujus te vexillo subdis? At jam Sacramentum dixisti Christo: ergonè ipsum deferēs? ergonè ad hostilia castra profugies? Vide, à quo profugies? quò profugies? propter quod stipendium profugies? Considera itaq; statū, quem elegisti; pactū, quod spondidisti; conditionē, quā accessisti; militiā, cui nomen dedisti; ducem, cui fidē obligasti. O dulcissime Dux! adhæsit anima mea post te, quia dextera tua suscepit me ad castra tua. Militabo, militabo bonam militiam, & subdam populos sub te. Hoc à me requirit tua gloria, requirunt tui in hac spartha labores, passio & mors: requirit tot animarum interitus, fauces impletium inferni: requirit status meus, ad quem vocasti me: requirit vita mea, nè steriliter transeat sinè merito. Manus mea erit tecum, & ducam ad te universum Israël; ducam, sive per prospera, sive per adversa; sive per infamiam, sive per bonam famam; sive per vitam, sive per mortem. Quia hæc est vita socii JESU, aliàs non est vita Socii JESU. Tho-

Thomæ à Kempis l. 3. C. 35. & 56. l. l. C. l.
 Tesseræ. S. Ignatij: Pluris tibi sit cuiusvis ho-
 minis salus, quam thesauri omnes universi mundi.

Idem: Si millies in diem mori possem, ob salutem
 hominis; millies mortem subirem. Nadañ hebdo-
 madæ S. Ignat.

Thom. Kemp. l. 3. C. 56. Fratres, perga-
 mus simul, JESUS erit nobiscum; erit adiutor no-
 ster, qui est Dux noster, & praeceptor. En Rex no-
 ster ingreditur, ante nos, qui pugnabit pro nobis.

DIEI SEPTIMÆ MEDITATIO I.

De conditionibus militis Christi.

I. *Punctum unum*: De necessitate militandi.

Audiam S. Job, c. 7. Militia est vita homi-
 nis. Cogitabo 1mo: Nasci hominem, est ad certa-
 men prodire cum hostibus. Si homo etiam
 secularis nascitur ad continuam pugnam; quid
 putem de religioso? Ego quomodo certo? quo-
 modo deinceps certabo? Heu quam segniter
 hactenus certavi! dum interim hostes vires in-
 tendunt omnes, ut eripiant mihi bona super-
 naturalia, cælum, & Deum. Cogitabo 2do: Ve-
 him, nolim, miles sum; bellare teneor: si fu-
 gero ex acie, in majores hostes incidi: Si vice-
 ro; una victoria plures hostes facit, plures pu-
 gnas aperit. S. Greg. 3. mor. C. 8. ait: diabo-
 lum.

lum, quò valentiùs vincitur, eò ardentius ad insidias instigari. Unde Cass. lib. 5. Ios. c. 19. monet Christi athletam, ut quanto magis triumphorum successibùs crevit; tanto colluctationum robustiorem ordinem successurum expectet. Itaque meum vivere militare est. Cogitabo 3^{id}: quæ præmia animosis militibus promisit Deus, quas pænas ignavis, quas defectoribus? Concipiam timorem, diffidentiam in me, spem in Deo, proponam, petam gratiã.

II. Punctũ 2dũ: De necessitate bene militandi.

Audiam S. Paulum 1. Timoth. 1. *Militas bonam militiam. Cogitabo 1^{id}*: Non sufficit quomodocunque, sed bene militandum est. Hinc S. Bern. Serm. 3. in Dedic. *Induite vos armaturam Dei non modo ad resistendum: sed ad impugnandum quoque, & ad expugnandum viriliter inimicum.* Nam non coronabitur, nisi qui legitimè certaverit: nec nisi vincenti dabitur manna absconditum, seu juxta Rupertum specialia dona, & nomen novum Filii Dei, hæredis cæli. *Cogitabo 2^{id}*: Bene militandum est; nam hostes, nimis sunt potentes, iique non solum externi, sed & interni; uti passiones indomitæ, phantasia liberè evagans, sensus corporis non cœrciti. Ideo columnæ cæli ceciderunt; egone mihi fidã? *Cogitabo 3^{id}*: Cùm ergo jam intra muros hostis sit, hoc est intra me ipsum, pugnandum igitur acriter, pugnandum incelsanter.

santer. Pugnandum, quia militia brevis est, corona autem æterna; non pugnantibus ignominia, & pœna æterna. Aggrediar itaque hostes; sed videbo, contra quem ex illis prius debeam movere arma: nimirum à quo mihi majus periculum, & hostibus subsidium. Providebo arma, & modum certandi; proponam, petam gratiam.

III. *Punctum 3tium*: proponit arma ad militandum. Audiam eundem S. Paulum: Eph. 6. *accipite armaturam Dei*: nempe, cingulum lumborum, lorica[m] justitiæ, calceos in præparationem Evangelii, scutum fidei, galeam salutis, gladium spiritûs. Explicat S. Ephrem Panopl. Spir: *Galea* est spes, balteus est charitas, calceamenta sunt humilitas, scutum est crux, arcus est oratio, gladius mortificatio, lorica opera sancta. S. Chrysostomus hic: *armis* nobis opus est validis; sobrietate scilicet, temperantiâ, precibûs, perpetuisque vigiliis. Et S. Bernardus: Gravis nobis est inimici tentatio; sed longè gravior illi oratio nostra. Lædit nos ejus iniquitas, atque versutia; sed multò amplius nostra eum simplicitas & misericordia torquet. Humilitatem nostram non sustinet, uritur charitate nostra, & obedientiâ cruciatur. Hæc arma mihi comparanda sunt. Providebo media comparandi.

IV. *Punctum 4tum* de modo militandi.

Hunc

Hunc proponit S. Basilii præf: In ascet. Ubi ergo Christus Rex? in cælo: huc tuus tibi ô Christi miles, dirigendus est cursus. Obliviscere, quidquid hic in terra est. Miles non domos ædificat, non comparat agros, mercibus, & lucro non studet, alimenta miles habet à Rege, in plateis tabernaculum sibi ponit, cibum sola necessitas metitur, potio aqua; somni, quantum natura requirit; itinera frequentia, itemque vigiliæ; acris ad frigora, caloresque tolerandos patientia; periculorum cum adversariis certaminum crebra susceptio, & in his sæpè mors; gloriosa tamen, & quæ Regiis honoribus, & muneribus decoretur. Age igitur Christi miles, subeat animum tuum sempiternorum bonorum cogitatio; solutus esto, atque ab omnibus vitæ hujus curis liber.

Colloquium: Tu es ipse Dux meus Domine! Tibi soli militabo. Sed ô quàm pudet me ignavum militem, imò desertorem, comparere ante te Ducem & Dominum! O quàm magis pudebit comparere ante judicem! Quoties hostibus cessi! quoties me subdidi! quoties deserui te legitimum Dominum meum, Deum meum, Ducem meum, spretis, ac abjectis auxiliis tuis, ac armis! O quàm rigida illorum erit reddenda ratio! Abhinc propono &c.

Tessera Delicatus es miles, si putas, te sine pugna posse vincere, sine certamine triumphare. Ex
sere

sere vires, fortiter dimica, atrociter in praelio isto
concerta. Considera pactum, Conditionem attende,
militiam nosce: pactum, quod spondidisti, conditione,
quâ accessisti, militiam, cui nomen dedisti. Chry-
sost. Tom. 3. Serm. de Martyribus.

Indicatur tibi bellum, non solum adversus sugga-
stiones diaboli; sed adversus te ipsum. Quomodo
adversus te ipsum? adversus tuam consuetudinem
malam & adversus vetustatem vite tue mala; quæ
trahit te ad solitam consuetudinem, & refranatur
à nova. S. August.

LECTIO PRIMA

De Otio.

1. Est otium honestum, quod Seneca de bre-
vit. vit. vocat: studium sapientia. De hoc Spi-
ritus S. Eccli 38. Sapientiam scribe in tempora
vacuitatis. Super quod S. Bernardus Serm. 11.
in Cant. ait: Bonum est otium, sed Sapientiam
scribe in tempore otii tui. Hugo per sapientia stu-
dium intelligit studium vite contemplativæ, si-
ve studiū vacandi Deo. Sed de hoc mellissimus
Doctor dicit: Otiosum non est, vacare Deo; imò
negotium omnium negotiorum hoc est. Quod qui-
cunq; in cella non agit fideliter & ferventer; quod-
cunq; agit, quod propter hoc non agit, scilicet, ut
Deo serviatur; in eo, quod agit, otiiatur. Ubi pro-
utendo otio, otiosa sectari ridiculum est.

II. Agitur hic de otio vitioso, quod juxta S. Thomam, est species tepiditatis; qua constricti, negligimus honesta, quæ nobis incumbant, opera. Ad ejus primam speciem spectant, qui cessant ab omni prorsus opere, ut deliciis diffuant; vel ut in sole corpus excoquant. Hos dictus Philosophus appellat, non tam otiosos, quam ægros, semivivos, mortuos; eorum autem otium, vocat mortem, & vivi hominis sepulturam; epist. 82. Sic otiosum Vatiæ epist. 55, vocat mortuum & sepultum: Nunquam ego, inquit, hanc villam Vatiæ vivam præteribam, quam ut dicerem: Vatiæ hic situs est. Similiter de Religioso S. Bernar. Nec ea die bonus cellita se vixisse, debet existimare; in qua nihil eorum, se egisse recolat; propter quæ in cella vivitur.

III. Ad 2dam otii speciem, arbitro eodem Senecâ, spectant; qui se impendant operibus, è quibus utilitas nulla provenit, nullus fructus. Tales ait esse, quorum lacunculæ aut pila (vitrea) vel operosum studium rerum inutilium vitam consumit; quale studium dicit esse, laboriosam indagationem: Quotnam militibus constabat Ulyssis navis: quinam prius alicujus artis inventor. Subdit: De illis nemo dubitabit, quam operosè nihil agant. Consentit Philosopho S. Bernardus ad FF. de monte: Otiosum est, quod nullam utilitatem habet, vel utilitatis intentionem.

IV. De hoc vitio tale judicium tulit Spiritus

S. Prov.

S. Prov. 12. *Qui sectatur otium, stultissimus est.*
 An enim non stultitia, velle seipsum perdere?
 Porro idē est, otium sectari, quod festinare ad
 perditionē. Tygurina enim versio legit ita: *Qui*
festinat post perditos, stultissimus est. Enimvero
 perdit imprimis corpus; nam sicut aquæ vitium
 capiunt, nī moveantur; ita corpus otio veter-
 nans putrescit. Id Cato senserat in disticho:

Segnitiam fugito, qua vulgo ignavia fertur;

Nā cum animus languet; consumit inertia corpus.
 Et chalybem otiosum, nec usu perpoliri soli-
 tum exedit rubigo. Perdit item otiosus bona
 corporis: Quia Dii laboribūs omnia vendunt:
 nec nisi in sudore vultūs tui vesceris pane tuo.
 Sed præcipue:

V. Perdit animam: quia meritis ponit obicē;
 nam tempore sementis nihil serit, tempore æ-
 statis nihil colligit, tempore merendi nihil lu-
 cratur, tempore laboris desidet; quæ proinde
 opera ejus sequentur illum? Profecto: pro-
 pter frigus piger arare noluit, mendicabit er-
 go æstate, & non dabitur illi. Super quod S.
 Gregorius: Propter frigus quippe piger non arat,
 dum desidiosa & torpore constrictus, agere, quæ debet,
 bona, dissimulat. Mendicabit æstate, & non dabitur
 ei: qui enim nunc in bonis operibus non exsudat, cum
 sol iudicii ferventior apparuerit, quia frustra regni
 aditum postulat, nihil accipiens, æstate mendicabit.
Non dormientibus provenit regnum calorum, inquit

S. Leo,

S. Leo, nec otio & desidia torpentibus beatitudo
caelestis ingeritur. Permagnò constat stola glo-
riæ; magno labore textitur, magnum laborem
amicit. Dormitatio verò pannis vestietur. Prov.
23. Super quod Cassianus l. 10. Inst. cap. 21.
ait: siue dubio non merebitur vestimentò in-
corruptionis ornari, quisquis somnò otii vel
acediæ superatus, non industriæ suæ labore, sed
inertiæ pannis operiri maluerit.

VI. Ponit obicem virtutibus: nam rectè di-
cit Author catenæ Græcæ: *Vir, qui voluntate &*
studio mulier est; virtutem, quæ animam nutriat,
numquam assequitur. Ratio est, quia vitium hoc
non admittit exercitium virtutum; istæ verò,
secundum naturæ vires, non aliunde nasci
queunt; quàm ex exercitio sui crebro: non
secus, ac ex semine fruges, & ex radice plātæ.

Nec solùm virtutibus ponit obicem, verùm
infinitas olim, suffocat, tollit, exterminat. Hinc
Demetriadi scripsit Hieronymus: *Nihil otio de-*
terius est, quod non solummodo non acquirit nova,
sed etiam parata consumit. Sanctæ vitæ ratio pro-
cessu gaudet & crescit; cessatione torpescit, & de-
ficit. Sit incertum, quòd Torpedo piscis, si
vel virgâ tangitur, quàmlibet robustos torpe-
scere faciat lacertos; & quòd Remora naves
validis actas ventis sistat; ut refert Plinius l.
32. c. 1. Id minimè dubium, quòd otium ani-
mi vires afficiat torpore, magnaq; molimina

men-

mentis, velut naves actas ventis, cursu prohibet. Jam autem fisti virtutis cursum, est virtutem deficere, juxta Patres.

VII. At otium nedum virtutes arcet, impedit, excludit; sed insuper peccatis pandit aditum. Imprimis enim opacat mentem, ne tum peccata, tum causas illorum videat & amoveat. 2do: Concupiscentiam sensim irritat, accendit, & roborat. Nam, sicut aqua latenter per rimam navis intrat, & excrefcit, donec navis per navitarum incuriam demergatur: ita ex otio & ignavia cogitationes pravae, & concupiscentiae multiplicantur, donec navis cordis eis succumbens, in peccato periclitetur: ait S. Bernard. Serm. de S. Andr. Consonat S. Laurentius Justin. l. de grad. perfect. c. 9. Sicut aqua, quae caret decursu, & iacet in foris, putrescit, repleturq; animalibus venenatis ac noxis; ita corpus otii tabe confectum, concupiscentiarum carnalium parit infantiam. 3to: Ad resistendum concupiscentiis vires enervat, quae non nisi virtutum usu foventur & firman-
 tur. 4to: Quia, quemadmodum ad domum vacuum spectra confluunt, & larvæ stygiæ; sic ad vacantem animā, dæmones convolant, trahūt in pericula peccandi, propellunt in omne nefas, atq; honestarum actionū præsidiō destitutam vastant. Quare Cassianus L. de Acad. c. 23. inquit: *Laborantem monachum uno demone pulsa;*

pulsari, otiosum verò innumeris spiritibus devastari.

Rectè proinde definit S. Bernardus, quòd otiositas est mors animæ, & vivi hominis sepultura; sentina omnium malorum, pulvinar diaboli, mater nugarum, noverca virtutum, summa mentis malitia.

VIII. Tandem, *sectatur otii stultissimus, rationalem animam studiosè curat brutescere, sponteq; sua rationem hebetat.* Ità sentit Plutarchus in moralibus: *Ingenium hominis ceu cariam & senium in otio contrahit propter obscuritatem; & quies vitaq; sedentaria, non modò corporibus, verum etiam animis marcorem affert.* Quod Ovidius l. 5. Tristium Eleg. 12. declarat similitudine, *primò agri; qui, si non renovetur aratrò; nisl nisi cum spinis gramen habet.* 2dò Equi; *qui si tempore longo steterit, malè curret.* 3tò Cymbæ; *quæ vertitur in teneram cariam, rimisq; dehiscit; si diu vacabit aquis.* Quamvis igitur caput esset aurum optimum, pædorem & marcorem contrahit è fimo desidix. Imò infatuatur, ait enim Cassiodorus: *Natura humana sicut duris laboribus instruitur, ità per otia torpentia infatuatur.* Notavit S. Chrysostomus hom. 5. in 1. Cor. *Signa fatuitatis in otioso: Qui est otiosus, inquit, & multa temerè loquitur, & multa agit temerè, & toto die nihil operatur, & veterno mentem repletam habet.*

Ex his omnibus sapienter concludit Beda:

R

Qui

Quis pro salute animæ suæ nunc laborare detractat,
tunc inter stultos reprobabitur. tametsi nunc vel Di-
vinâ vel humanâ sapientiâ gloriosus videatur.

IX. Otii causa præcipua sunt: *1ma*, Naturalis
ignavia, quam persæpe gignit prædominans
humor phlegmaticus; secundum Aristot: sicut,
juxta medicos, quandoq; gignit paralyfim.
Porro quod est in corpore paralyfis, hoc in a-
nima desidia. *2da* causa est: acquisita viven-
di molliter consuetudo. Ab Augustino vo-
catur: *pondus grave & moles imposita sepulchro*.
Quemadmodum igitur etiam Enceladus op-
pressus Atnâ, vix respirare valet; tanto mi-
nus operari: sic obrutus otianti, laborisq;
fugiendi consuetudine; nihil aliud po-
test, quàm otari, laboremq; fugere. Nam
consuetudo transit in naturam, juxta Hieron:;
natura necessitatem inducit; necessitas parit
impotentiam ad contrarium, ut ajunt Philoso-
phi. Assveto proin molliori vitæ, desipiunt
ea, quæ vel umbram præferunt incommodi.
Assvetus cepis & aliis Egypti, nauseat super
manna virtutum; quod inexperto non arride-
at gustui. David contra Goliath portare ne-
quirit armaturam, quod non usum ejus habuit.
1. Reg. 17. Adeo verum est, quod sicut nihil
est tam durum, quod non emolliat consvetu-
do; sic nihil tam molle, quod segnis desvetu-
do non induret.

X. 3^{ta} Causa est, *loquacitas* fallens tempus. De hac Bernardus de tripl. custod: *Libet confabulari, ajunt, donec hora praterat; O donec praterat hora! O donec pertranseat tempus! Donec praterat hora, quam tibi ad agenda penitentiam, ad obtinendam veniam, ad acquirendam gratiam, ad gloriam promerendam, miseratio. Conditoris indulget! Donec transeat tempus, quo Divinam tibi propitiare debu-eras pietatem, properare ad Angelicam societatem, suspirare ad amissam hæreditatem, aspirare ad promissam felicitatem, excitare remissam voluntatem, flere commissam iniquitatem!*

XI. 4^{ta} Causa est, *saturitas*. Hæc enim op-plet & obruit stomachum; oppletio stomachi debilitat calorem, calor imminutus malè digerit; mala digestio generat humores crudos & noxios; hi chilum vitiant & sanguinem, totumq; corpus afficiunt gravedine; quin & cerebrum obfuscant. unde juxta Bernardum: *Pinguis venter non facit subtilem sensum.* Exodi 32. Sedit populus manducare & bibere; & surrexerunt, non laborare, non subtilia cogitare; sed ludere. Et sic saturitas ineptos ad laborem efficit, proclives ad otium. 5^{ta} Causa est: *Curiositas*, quæ vel à captis bonis actibus avellit. Hæc uxorem Lothi convertit in lapidem salis, immobilem ad quodvis opus. Hæc auscultantes Syrenum cantum, sopore ligat.

gat. 6ta Causa est: *Amicitia* minus utilis; si quidem amici sunt fures temporis, quod honestis negotiis impendi posset.

XII. *Ad evitandum otium, unum medium est: amovere causas ejus. 2dum: Sic actiones ordinare, ut singulis respondeat suum tempus, & hunc ordinem exactè custodire. Ità monebat S. Bernardus: Singulis horis & diebus suis tribus exercitia, spiritualibus spiritualia, corporalibus corporalia. 3tium affert Seneca ep. 56. Ad rerum actus excitandi, ac tractatione bonarum artium occupandi sumus: quoties nos malè habet inertia sui impatiens. Nihil tam certum est, quàm otii vitia negotiis discuti. Unde si vel tempus aliquod occupatione vacaverit, vel actionum ordinem perumpi necessitas exegerit; sint ad manum interni vel externi actus, qui tempus impleant: Ut semper diabolus inveniat te occupatū: inquit Bernardus. 4tum: in discussione conscientiae solita, sagaciter inquirere; num in aliquo temporis jactura non sis passus damnum; defectum corrigere, deslere, castigare. 5tum: Frequens exercitium amoris Dei; sic enim Bernardus ait serm. 51. de modo bene vivendi: si verè Deum diligis, nullà horà otiosa eris. Si Deū in veritate amas, pro amore illius otii recusas: si ex toto corde diligis Deum, omni tempore contemnis otium.*

XIII. Religiose, credisne Christo Matth.

II. quòd regnum Cælorum vim patitur; hoc est, ut ait Bernardus l. supra c. *Regnum Dei non dabitur otiosis, sed in ſervitio Dei studiosis. Regnum Dei non dabitur vagantibus; sed pro Deo dignè laborantibus?* Si credis? cur deſides, quaſi non crederes? cur non obſervas tempus, à quo pendet æternitas? saltè abhinc redime tempus, ſive ut Græci legunt: *Eme tempus.* Quanti illud emerent beati? quanti emerent animæ purgatorii? quanti emerent damnati? ſi poſſent mereri. tu quanti velles emere, dum mors inſtabit? Pretioſum eſt, nam tantum valet, quā- tum ſalus tua. Pretioſum eſt, nam quolibet ejus momentò potes lucrari cælum. Igitur illud utcunq; perdere, quantum eſt damnum! perdere confabulando, nugando, peccando; perdere ut pereas: quanta infania! Ad hæccine illud concedit tibi Deus? Nonne rationē ejus olim exiget? O quot momenta, quot horæ, quot dies tui, ſicut umbra tranſierunt! Illos impoſſibile jam revocare; ſupplere tamen, & compensare; poſitum in manu tua.

XIV. Quare proinde ſtertis? Vide quā- paſſus accelerat viator, ut reſarciat moras, quas pigritando traxit. Eſt de fide, quòd hoc unicè ſine vivas, ut curras ad patriam: vita tua quid hæcenus, quā- inutilis mora fuit? Hoſtes tui adeo ſerventer ardent, impedire curſum tuum; tu adeo frigide lentèq; progredieris!

An pluris illorum refert perditio tua, quam interest tuâ, salus tua? Ergo svadet Augustinus hom. 10. int. 50. Tom. 10. *Perde aliqui, ut redimas tempus, quo vaces Deo.* Quid verò sit illud, quod perdas? Respondet idem S. Doctor ibidem hom. 1. *Quid est redimere tempus, nisi, dum opus est, etiam detrimento temporalium commodorum, ad æterna quarenda & capessenda, spatium temporis comparare?* Vide, quæ commoda pro Deo, pro anima, pro cælo immolare possis, vel debeas.

Coronet hanc lectionem S. Bonaventuræ monitum in Reg. Novit. c. 8. Per tria ista, tota vita tua decurrat; ut semper aut ores, aut legas, aut scribas; & factis servitiis non stes cum fratribus otiosus; sed statim vade ad cellam, & ibi, aut ores, aut legas; Addit S. Bernardus: *Aut mediteris.*

MEDITATIO II.

De triplici ordine militum Christi.

I. Punctum 1. Audiam Job c. 9. *Verebar omnia opera mea, sciens, quod non parceres delinquenti.* Imus ordo est gregariorum, qui militat ob metum pænæ. Sic militare, non est inutile: nam etiam servilis timor Dei, operatur ad evitacionem cujuslibet peccati. inquit S. Thomas.

2da 2da q. 54. a. 2. ad 4. Unde S. Basilius sva-
det: hom. 9. in ps. 12. *Cum ad peccatum aliquod
progredi voles, cogita horrendum illud, & non ferē-
dum Christi iudicium.* Fundatur hæc doctrina
in illa gnome Eccli. 1. v. 27. *Timor Domini
expellit peccatum.* Cæterum timor hic est im-
perfectus, imò: quia nascitur ex amore pro-
prio; humili motivò nititur; proinde minùs æ-
stimari dignus. Quis enim magni æstimet fi-
lium, vel servum, quòd Patri vel hero manus
non inferat, ideo tantum, quia pœnas metuit?
2do: Hinc minùs Deo placet. adeoq; minùs
meretur. 3to: Est proprius brutorum. 4to:
Dedecet verum Christi militem, sicut dedecet
terrenum militem, quòd à prodicione solo ti-
more mortis arceatur. 5to: Facile degenerat
in mundanum timorem, (2da 2da q. 19. a. 2. in
corp.) quò sic timemus aliquod malum, v. g.
infamiam; ut ad illud vitandum avertamur à
Deo; vel parati simus peccare, si periret in-
fernus.

II. Punctum 2. Audiam David Ps. 118. *Incli-
navi cor meum ad faciendas justificationes tuas in
æternum, propter retributionem.* 2dus ordo est
stipendiariorū, qui Christo militant propter mer-
cedem. Et hi non postremi quidem meren-
tur in istis castris; sed tamen minùs liberales,
& minùs ingenuos se præstant erga Deum; ut-
pote quos ad militandum illicit salutis propriæ
lucrum.

lucrum. Quærunt, magis quæ sua sunt, quàm quæ JESU Christi; sibi potius, quàm Deo serviunt; se ipsos, ut finem respiciant, ad quem Dei servitium ordinant, ut medium. Ità sentit Tho: Kemp. Imit: l. 2. c. 11. Nonne amatores sui magis, quàm Christi probantur, qui sua commoda & lucra semper meditantur? At nonne dignus est Deus, ut ei finè mercedis intuitu serviatur? Quis opere meò dignior, Deus, an ego? Nonne magis ipsi placer obsequium filii, quàm obsequium mercenarii? Nonne præmiat uberius illud opus, quod amor imperat; quàm quod extorquet spes præmii? Quanquā potestne præmium esse majus, quàm placere Deo? potestne præstantior merces appeti, quàm ipse Deus? Nimiùm avarus, cui Deus non sufficit, inquit Augustinus. Item ser. 72. de temp. Gratis amandus Deus: quod enim dulcius à Deo præmium, quàm ipse Deus?

III. Punctum 3. Audiam Deum Gen. 15. Ego merces tua magna nimis. 3tius ordo est amantium, qui strenuè bellant, non ex metu pænæ, non ex spe stipendii; sed ex amore. Hos auctorat amor, perficit amor, regit amor, & fovet amor. Hic amoris militia, leges amoris, amoris disciplina, amoris officia, exercitium amoris. Hic stipendium est Deus, gloria Deo, spes Deo, omnia Deus. Planè juxta mentē Augustini: tom. 8. in ps. 53. *Gratuitum fit, quod amatur,*

amatur, & quod laudatur. Quid est gratuitum? ipse propter se, & non propter aliud. Sic militavit David: Quid mihi est in celo; & à te quid volui super terram, Deus cordis mei, & pars mea Deus in eternum? Ps. 72. Sic militavit S. Doctor Angelicus, qui pro laboribus, Angelico Doctore dignis, noluit mercedem aliam, quam ipsum Deum. Sic militavit S. Magdalena de Pazaris, quæ dicebat: Si crederem, me uno solo verbò prolato ob alium finem, quàm ob amorem Dei, posse evadere Seraphinum: nunquam illud proferrem. Sic militabant & militant alii; eccur non ego? Non magnum mihi videri debet servire tibi gratis: sed hoc potius magnum & admirandum apparet, quoddam pauperem & indignum, dignaris in servum accipere, & dilectis servis tuis adunare. Verè Dominus meus es, & ego pauper servus tuus; qui totis viribus teneor tibi servire, nec unquam in laudibus tuis fastidire. Sic volo, sic desidero; & quidquid mihi deest, tu digneris supplere: Thom. Kemp. l. 3. c. 10.

Domine, spes Sanctorum, & turris fortitudinis eorum; Deus vita animæ meæ, per quam vivo, sine qua morior; lumen oculorū meorum, gaudium cordis mei, & lætitia spiritūs mei: Diligam te toto corde meo, & totā animā meā, & totis medullis, & visceribus meis; quia tu prior dilexisti me. S. August. soliloq. c. 2. Ex hoc amore certabo, ut dignus pugil

pugil Christi. Adjuva me Deus salutaris meus.

REFLEXIO

Supra Puritatem.

Considera.

1^{mo}: An omni custodia servas cor tuum? Prov. 4.
Quod S. Dionys. sic exponit: Id est: cum summa & jugi diligentia præserva mentem tuam ab omni cogitatione immunda; ab omni affectione iniqua; ab omni omissione culpabili: & insuper exerce eam in meditationibus & affectionibus sanctis.

2^{do}: Quales imaginationes, qualia somnia? quæ causæ, quæ remedia illorum? In his S. Theresia nec venialiter unquam deliquit. L. 3. vit. c. 4.

3^{io}: An habes in promptu, quo divertas mentem; si te fæda cogitatio invaserit? an illam non seignius extinguis, quam scintillam illapsam corpori? aliàs gliscet in magnam flammam, etiam in sanctissimo Davide, & sapientissimo Salomone. Observa sollicitè caput serpentis, hoc est principia malarum cogitationum, nè totus illabatur in animam; monet Cassianus l. 6. c. 18. S. Bern. Serm. de triplici jud. jubet poni custodiam januæ, cujus nomen est: Memoria professionis est status tui.

4^{to}: An elegisti Sanctum aliquem Tutorem virtutis?

virtutis hujus? S. Catharina Sveca elegerat S. Sebastianum.

5^{to}: Quas mortificationes adhibes, in cibo præsertim & potu? nam ex omnium sensu, sicut ignis in aqua; ita puritas in gula deficit. Oraculum est Augustini Serm. 2. de jejun. *Semper saturitati juncta lascivia.* Quia & aquæ frigida potu nimio castitatem lædi, dicunt S. Antoninus, Chæremion, Ephrem, Hieronymus, Cassianus, Nilus, Bernardus. Siquidem hæc, inquit Galenus, *in flatum mutatur*: porro flatulenta irritant libidinem: ut docent medici.

6^{to}: Qualis aurium custodia? S. Stanislaus Kostka corruerat ad verbū minūs decens. An non mulceris scavibūs alloquiis, & eorum accentu molli? Syrenū cantu sunt; sepi aures tuas spinis, nè obdormias in æternum.

7^{mo}: Quæ custodia visus, nè oculus tuus deprædetur animam tuam? Job c. 31. *pepigit fadus cum oculis*, nè inde pullularet cogitatio prava; quæ rursus esset causa ruinæ gravis. Sic enim ibi glossa differit: Visum sequitur cogitatio; cogitationem delectatio; delectationem consensus; consensum opus; opus consuetudo; consuetudinem necessitas; necessitatem desperatio; desperationem damnatio.

8^{vo}: An rectò sine etiam in sanctas, at formosas imagines, vel personas projicis oculos? S. Joannes Apostolus apparuit lucidissimis

oculis; quòd illos nunquam in Deiparam converterit.

9nd: An oblectaris odoribûs? Talem Scipio vocabat semivirum, Diogenes Cynicus mulierem, Miltiades meretricem. Illi se Sap. 2. unguentis linunt, & rosâs coronant; qui dicunt: *Nullum sit pratum, quod non pertranseat luxuria nostra. Nemo Vestrûm exors sit luxuriæ nostræ.* Adeo non bene semper olet, qui bene semper olet.

10md: Quæ linguæ custodia? Addixerat se quidam eremitis. at eorum turpiloquiis offensus, domum rediit. Quare S. Damiani l. 6. epist. 32. sic in illos invehitur: *Nomen DEI per vos blasphematur.* Subdit: *Quanti ergo sanguinis reus est, quæ sub sacri habitûs schemate talem, se per suscepta Professionis incuriam exhibet: ut quærentes accedere, perversè vivendo, detarbet!*

11md: An non libentiùs alloqueris sexum alterum? diabolicum est, potiùs cum Eva, quàm cum Adamo velle colloqui.

12md: An sonus & inflexio vocis non affectata? S. Ambrosius in Antilog. L. 2. c. 19. præcipit: *Vox sit non remissa, non fracta, nihil femineum sonans.* Quod etiam in cantu voluit observari S. Bernardus Serm. 42. in cant. *Non fractis & remissis vocibûs, muliebre quippiâ balbæde nare sonantes; sed virili, ut dignum est, sonitu & affectu, voces S. Spiritûs depromatis.*

137^{to}: Qualis usus manuum? qualis pedum?
Audi Senecam: *Impudicum & incessus ostendit,*
& manus mota, & unum interdum responsum, & re-
latus ad caput digitus, & flexus oculorum.

141^{to}: Qualis incessus? S. Basilius epist. 1. ad
Theol. præscribit: incessus esto nec segnis, nè
animum dissolutum declaret; nec rursus vehe-
mens insolenterq; incitatus; nè consternatos
animi imperus significet. S. Chrysost. hom. 30.
in epist. ad Rom. *Infractiorem & delictiorem,*
modulatumq; gressum relinque.

151^{to}: Qualis sessio? Hugo Viçt. de inst. No-
vit. c. 12. jubet sedere *sinè divaricatione crurium,*
sinè alterutra superiectione pedum, *sinè extensione*
vel agitatione tibiarum, *sinè alterutra accubatione*
laterum.

161^{to}: Quàm cautè concedis cubitum? nè ta-
le aliquid inevitabilis ille oculus deprehendat, quod
ab humanis aspectibus velis esse celatum: inquit
Chæremon Abbas apud Cassianum Coll. 12. c.
8. Proinde:

171^{to}: Dum te vestibûs exuis, habesne reve-
rentiam tui ipsius; ut monet Seneca epist. 11.

181^{to}: Quomodo decumbis? P. Balth. Alva-
rez dicebat: *Valde attendendum esse circa modum*
jacendi in lecto; ut semper compositio religiosa sit &
honestæ. S. Bonaventura vetat pedes cancellare;
S. Bernardus divaricare, attollere, inflectere
instar trianguli: P. Lancicius, supinum jacere.

De-

Deniq; ut monet Valerianum S. Eucherius: *In secretis tuis, quod velis homines nescire, nesceris; quod DEUM, nescitaveris.*

19nd: An te decenter contegis? S. Dorotheus Serm. 20. ait: *Vehementer licet astues & caleras; noli tamen aliquod membrorum tuorum denudare.* B. Clara de monte Falco, tota cecidit vitata, quod secularis & dormiens, à B. Joanna sorore, inventa fit, extremum nudasse pedem; ut refert Pergilius, Vit. 1. p. c. 7.

20md: An fugis pericula virtutis hujus? Job maluit inire frigus cum oculis, quam periculosè decertare; quod ipsam occasionem pugnae horruerit. S. Hieron. epist. 47. Quid tibi necesse habes, quotidie aut perire aut vincere? quis unquam juxta viperam securos somnos capit, quæ etsi non percuciat, certe sollicitat? securius est perire non posse; quam juxta periculum non periisse.

21md: An sollicitè fugis? Psal. 59. *A facie arcus fugiendum est; hoc est, ut explicat Mendoza in l. 1. Reg. c. 4. A primo tentationum aspectu.* Ista fuga est, quæ habet salutem; ista fuga virtutis est; ista fuga beatitudinē confert; inquit Origines hom. 8.

22dd: An fugis delicias, velut hostes castitatis? Non fide tibi; præstat à deliciis exulare, quam delicias superare. Audi Hieron L. 2. contra Jovin. *Si quis existimat, posse se versa-*
ri in

*re in deliciis. Et deliciarum vitis non tenetis se
ipsum decipit.*

23rd: An non molli nimis uteris vestitu?
Talem Augustus appellabat nidum luxuriæ,
teste Macrobio: & Deus minatur Sophon. 1.
Visitabo super omnes, qui induiti sunt veste peregrina.
Mollis nimium vestis, an non peregrina
vestis est in Religione? Væ si domestica!

24rd: An lectus non mollis? Hunc ethnici
Philosophi luxuriæ thalamum vocabant. Cant.
2. Christi Sponsa non invenit Sponsum in le-
culo suo, quod floridus fuerit, seu mollis.

25rd: An fugis otium, uti scholam luxuriæ?
Multam malitiam dedit otiositas; Eccli. 33. S.
Antonio dixit Deus: Quamdiu David exercuit
se in militia, non insultavit illi luxuria: sed
postquam otiosus in domo remansit; labora-
vit adulteriò.

LECTIO SECUNDA De Mansuetudine.

I. Juxta S. Aug. l. 1. de serm. Dom. in mon:
e. 3. Mites sunt, qui cedunt improbitatibus,
& non resistunt malo. Juxta S. Thom. 2. 2. q.
157. *Mansuetudo est virtus moderatrix iræ.* Utra-
que explicatio conformis Aristoteli 4. Eth. c. 4.
*Mansuetus ille est, qui perturbatione vacat, & ab
affectu minimè ducitur: sed quemadmodum ratio ipsa
statu-*

statuerit, ita & ob id, & tandem succenset. Hanc virtutem S. Basil. in Psal. 33. c. 14. vocat omnium veritatum maximam.

II. Triplex autem est, secundum triplicem injuriam, quam perfert; scilicet in bonis famæ, fortunæ, corporis. Fundatur hæc divisio in oraculo S. Bern. serm. 2. in Convers. S. Pauli: *Triplici velut ariete mansuetudo pulsatur, verborum injuriis, damnis rerum, corporis lesione. In his tribus omnis exhibitio patientiæ, omne exercitium mansuetudinis. Probata est illa virtus, quam nihil horum videtur concutere potuisse.*

III. Gradus Mansuetudinis quinque numerantur ab Ascetis. 1mus est: Mansveto corde, & ore conversari. 2dus: Iras aliorum mansvetò responsò frangere. 3tius: Ità mansvetè tolerare injurias, ac si non sentirentur. 4tus: In iis exultare. 5tus: Mansuetudine delinire hostes, & in amicos convertere.

IV. Proprietates huic virtuti tribuit istas Clim.gr. 24. Mansuetudo est immutabilis animi status, qui in omni fortuna honorum & contumeliarum æqualè animi habitum conservat. Mansuetudo est, pro aliis te turbantibus sine perturbatione, sincerè, & ex animo precari. Mansuetudo est prominens adversus iram maris rupes, quæ omnes illisos fluctus dissolvit, ac frangit; nec ipsa interim movetur, aut fragitur. Mansuetudo est stabilimentum paciëntiæ, charitatis janua, imò verò
 parens;

parens; prudentiæ argumentum; docebit enim Dominus vias suas; procuratrix veniæ, peccatorum fiducia in precibus, Spiritus S. Domicilium: Super quos enim respiciam, nisi super mansuetum & quietum? Isa. 66. Hactenus S. Climacus.

Ex hoc Prophetæ loco S. Ambr. in Psal. 30 docet: Mansuetos esse templum, in quo Christus, verus Salomon, pax nostra inhabitat. Ex eodem loco S. Greg. l. 5. moral. c. 30. infert: Si ergo ira quietem mentis subtrahit; suam S. Spiritui habitationem claudit.

V. Vide jam eximios ejus effectus: 1mo: facit hominem pergratum Deo. Declarat hoc exemplò Moïsis S. Dionys. ep. 8. ad Demophilum: Hebræorum, inquit, tradit historia, Moïsen eximiæ mansuetudinis meritò, divinam amicitiam & familiaritatem dignatum: ac si quando ipsum Divino aspectu excidisse, commemorat; non id ei, priusquam à mansuetudine defecerit, contigisse describit.

2do: Facit gratum hominibus: S. Chrysost. hom. de mansuet. ait: Mansuetus gratus & amabilis est videntibus, gratus est etiam illis, quibus solo nomine notus est. Neque facile ullum invenies, qui audiens laudari hominem mansuetum, illum videre, & exoculari non desideret: & non habeat in aliqua lucrisui parte, ejus amicitiam posse perfrui. Hoc
 s
 ipsum

ipsum spondet Spiritus S. Eccl. 3. *Fili in mansuetudine operatua perfice, & super gloriam hominum diligeris.*

3^{ro}: Hinc emanat alius egregius effectus comitatis, quod corda furiis agitata componat, & placet. Effatum est S. Spiritus Eccl. 14. v. 30. juxta versionē 70. *Mansuetus vir cordis est medicus.* De quo Chrysost. hom. 6. in act. Apost. Non ita statim medicus febricitantem hominem à febris liberavit sua curatione; ut longanimis vir alium iracundum, & præ ira flagrantem apprehensum refrigeravit, per spiritum priorum sermonū. Et hom. 58. in Gen: *Nihil mansuetudine est violentius: nam sicut rogam, cum valde accenditur, aqua injecta restinguit: sic & animus, tamens magis exardescens, verbum cum mansuetudine prolatum, extinguit.* Pius asserit Bern. *Quietum aspicere, quiescere est.*

4^{ro}: Comes facit prædestinari ad vitam eternam: quia ex decreto Christi Matth. 5. Beati mitres, quoniam ipsi possidebunt terram; nimirum terram viventium. Nam virtus hæc facit sanctos, & electos DEI: sic de Moyse affirmat S. Spiritus *In fide, & lenitate ipsius sanctum fecit illum, & elegit eum ex omni carne:* hoc est, ut alii legunt *Ex omnibus hominibus.* Et quidni sanctos faciat quæ, teste Cassiano, non solum iram, ac vindictam, sed & omnia vitia vincit, & excludit. *inferis virtutes?* Eundem effectum illi tribui

Mar-

Marcus Antoninus Imp., Conjugem Faustina
alloquens de hac virtute: *Hæc Casarem Deum
fecit, hæc Augustum consecravit, hæc Patrem tuum
Pii nomine ornavit.*

5to: Mansuetudo non solum ad vitam præ-
destinat æternam, sed etiam temporalem pro-
trahit. Quia sicut Eccli. 30. Zelus & ira-
cundia minuunt, ita comitas conservat des.
Zelus enim & iracundia inducunt tumultus, &
anxietates animi, quæ vitam perimunt; malū
autem hoc avertit animi tranquillitas, ac ma-
lacia. Jam verò judiciō S. Chrysost. hom. 34.
in Gen. *Mansuetudo animam nostram in perpetua
tranquillitate, & quasi in portu constituit, & o-
mnis recreationis ac quietis nobis occasio est.* Quid
beatius, quàm intestinō liberari bellō? Quam-
vis plurimā pace externā perfruamur, si intra
nos irarum nascitur tempestas, tumultus, &
seditio; nihil externa pax proderit. Igitur ab
antiquis inter proverbia rectè relatum illud:
Animalia, quæ carent bile & felle, sunt longeva.

6to: Mansuetudo facit aptos ad sapientiam
& obtinenda dona cælestia, juxta illud Psal. 24.
Diriget mansuetos in judicio, docebit mites vias suas.

Ab his insuper effectibus commendat per-
fectionem istam Climacus: Mansuetudo est
adjutrix obedientiæ, dux religiosæ societatis,
furentiū frænū, irascentiū excultrix, magistra
gaudii, imitatrix Christi, Cælitum [pr]oprietas,

vinculum, & nodus dæmonum, scutum] adversus amaritudinem animi. In cordibus mansuetorum requiescet Dominus, anima autem turbulenta nidus est diaboli.

VI. Ex hæcenus dictis liquidò cōstat, quanta sit præstantia, quanta utilitas, quanta necessitas virtutis hujus. Id verò magis perspicuè constabit, si conferas dotes illius cum effectibus oppositi vitii: ut 1mo: quòd iratus sit dominus diaboli, prout inquit Nazianz. & Clim. 2do: quòd juxta Basil. sit peior energumeno. 3to: quòd sit insanus: nam, ait Philamon: *Insanimus omnes, cum irascimur.* Cato senior dixit: *iratum ab insano non distingui, nisi morâ: irâ enim esse brevem insaniam.* 4to: quòd sit bellua; ut sentit Seneca l. 3. de ira c. 29. & Aristoteles apud Stobæum Serm. 20. 5to: Ex mente S. Laurentii Justiniani, antiqui hostis in se immisiones admittit, diaboli ministerium operatur, dirumpit pacem, rixas concitat, parit odium, furorem nutrit, denigrat honestatem, sapientiam perdit, rationem confundit, oculum mentis obnubilat, gratiæ lumen repellit, fraternam dilectionem frangit, & ipsam cælestem in se occidit charitatem. S. Basiliius irâ vocat animæ morbum, rationis tenebras, à Deo alienationem, oblivionem familiaritatis, principium bellorum; plenitudinem calamitatum, dæmonem pessimum, nostris animis innatum, inco-

incolam impudentem. Arist. apud Stobæum: Ira est perturbatio ferina, cædium causa, calamitatis focia, iacturæ dedecorisque concitatrix, pecuniarum perniciēs, & perditionis origo.

VII. *Media ad mansuetudinem:* *imum:* Meditari mansuetudinem & Passionem Christi. Elzearius Comes Arriani his armis injurias omnes superabat. *2dum* dat Seneca: Citra superbiam, *animò sis excelsiore;* quàm ut eum aspera quæcunque deprimant. Unde aiebat: Princeps superior est omni injuriâ. Quocirca Augustus Imperator obtrectantium sibi linguas spernebat dicens: *In libera civitate liberas oportet esse linguas.*

3tium: quòd Anthenodorus eidem Augusto dederat, teste Clemente Alexandr. l. 5. strò: *Iratus nihil dicas, vel facias; priusquam viginti quatuor Græcorum literas percurreris.* Plato iratus servo, abstinuit ab eo puniendos; sed Xenocrati dixit: Flagella hunc puerû, nã ego non possum; cùm sim ei iratus. Et alterû servum sic increpuit: *Gratias age Dii;* nam nisi iratus essem, loris te cederem. *4tum* Cassianus offert: *Ut primitus inquit, nobis persvadeamus; nullò modò sive ex justis, sive ex injustis causis licere irasci.*

5tum: Cogitare, quòd iratus homo, nulli magis noceat, quàm sibi. Pulchrè S. Ephrè: *Qui memoriam injuriarum abscondit in corde suo,*

*similis est ei, qui in suo sinu serpentem nutrit; uti-
que sibi magis, quàm aliis nociturum. 6tum:
Cogitare indignitatem iræ.*

*7num: Cogitare vilitatem rei, quæ iram ac-
cendit. Nam minima quandoque graviter ir-
ritant bilem. Rectè Seneca l. 3. de ira c. 10.
Ut ulcera ad levem tactum, deinde etiam ad
suspicionem tactûs condolescunt; ita animus
affectus minimis offenditur: adeo, ut episto-
la, salutatio, oratio, & interrogatio, ad litem
evocet. Et Cap. 29. Quod accidere vides in
animalibus mutis, idem in homine deprehen-
des: frivolis turbamur, & inanibus. Taurû
color rubicundus excitat, ad umbram aspis
exsurgit, ursos, leonesque mappa proritat.
Omnia, quæ naturâ fera & rabida sunt, con-
sternantur ad vana. Idem inquietis, & stoli-
dis ingeniis evenit: rerum suspitione feriun-
tur, adeò, ut injurias vocent, modica beneficia.*

*8rum: Plutarchus irato syadet, ut se, suosque
mores in speculo contempletur. Videbit se,
qualem ex S. Gregorio depingit S. Thomas 1.
2. q. 48. art. 3. & Seneca l. 1. de ira: Sicut
furentium, inquit, ita irascentium flagrant &
micant oculi; multus in ore toto rubor, æstu-
ante ab imis præcordiis sanguine; labia qua-
tiantur, dentes comprimuntur, horrent ac sub-
riguntur capilli, spiritus coactus, ac stridens,
articulorum seipsos torquentium sonus, gemitus*

us, mugitusque, & parum explanatis vocibus
 sermo abruptus, & complosæ sæpius manus,
 & pulsata humus pedibus, & totum concitum
 corpus, magnasque iræ minas agens, facta vi-
 tu & horrenda facies.

9num medium est: vera humilitas. Nam S.
 Bern. docet, quòd, sicut mater præsumptio-
 nis est elatio; sic mansuetudo vera, ex vera humili-
 tate procedit. 10num: vera paupertas; quia
 Chromaciò iudice: Homo non poterit esse mitis,
 nisi prius fuerit pauper spiritu. Non fit mare
 tranquillum, nisi cessaverint venti: non extinguitur
 ignis, nisi materiam incendi, spinarumque sar-
 menta detraxeris. Sic nec animus erit mitis, nisi
 quæ exsuscitant & inflammant, fuerint abdicata.
 Hactenus ille.

VIII. 11num: Exempla considerare mititatis:
 ut est S. Pii 5ti, qui læso rem suæ famæ, factum
 culpam, sic allocutus: *Utique non contra Ponti-
 ficem scripsisti, sed contra Michælem Gislerium:*
 & sic solum admonitum impunem dimisit.
 Item, quod Ruffinus Præf. in Vit. Anachoret.
 scribit: *Sunt ornati moribus, quieti, lenes, tran-
 quilli, & charitatis vinculo, velut quadam germani-
 tate constricti.* Tandem exemplum Philippi
 2di Hispaniæ Regis, qui, cum literas ejus ad
 Pontificem profunda nocte scriptas, aulicus
 perfuderit atramentò, sereno vultu iussit mun-
 dam offerri sibi chartam, ut aliam exararet epi-
 stolam.

Omni-

Omnibus quidem ratione præditis, incumbit virtutis hujus amor; sed maximè salutis alienæ studiosis. Inanis ille labor, & sterilis Zelus, quem blanda non facundat lenitas. Audiatur Hieron: Nihil est fædus præceptore furioso. qui, cum debeat esse mansuetus, & humilis ad omnes; ex adverso torvo vultu, rugata fronte, trementibus labiis, effratis superciliis, facie inter pallorem & ruborem variata, clamorem perstrepat, & errantes, non tam à malo retrahit, quàm ad malum suâ sævitiâ præcipitat. Hanc de comitate regulam omnî Zelotæ S. Ambros. præscripsit l. i. off. c. 22. Disceptatio sinè ira, sylvitas sinè amaritudine sit; monitio sinè asperitate, hortatio sinè offensa.

MEDITATIO III.

De negligentibus militiam Christi.

I. *Punctum 1:* ima classis illorum est, qui vocati noluerunt ad legi vexillo Christi. Audiant illi Deum Isa. 66. *Quæ timebant, adducam eis; quia locutus sum, & non audierunt: elegerunt, quæ nolui.* Timebant abjecti esse in domo Dei? adducit eis vilipensionem, contemptum, infamiam in tabernaculis peccatorum. *Qui relinquunt iter rectum, infames gressus eorû.* Prov. 2. Timebant beatam Christi pauperiè? faci;

facies eorum præcedet egestas: quia decisum
*Lev. 26. Si non audieritis me, visitabo vos velociter
 in egestate.* Timebant cum Dilecto Jesu pasci
 inter Lilia puritatis? dabit eis panem arctum &
 aquam brevem; hoc est, juxta Hebr. & 70 panem
 tribulationis, & aquam angustia: afflictiones, mor-
 bos, mortem immaturam & improvifam. Ti-
 mebant jugum Christi svave? ponit super cervi-
 cem eorum jugum ferreum, quia non audierunt vo-
 cem Domini. *Deut. 28.* Timebant in religione,
 quasi in terra deserta, abscondi talenta sua?
 recipit illa Deus, tanquam à servis nequam.
*Evannerunt in cogitationibus suis, & obscuratum
 est insipiens cor eorum: dicentes enim se sapientes,*
stulti facti sunt Rom. 1. Utique herus, à famu-
 lo pecuniam recipit, quam non expendit jux-
 ta ejus velle. Sed talium vita prosperatur?
 Respondeo imprimis: raro nimis prosperatur.
 Respondet 2dò S. Aug. *Sape Deus concedit ira-
 zus, quod non conferrer placatus.* Recipiunt hic
 mercedem suam; ducunt in bonis dies suos, &
 in puncto descendunt ad infernum. Qui à Deo
 avertitur, & prosperatur; tantò perditioni fit pro-
 ximus, quantò à Zelo disciplina invenitur alienus.
 dicit S. Gregor. Taceo vermem conscientia:
 qui nunquam morietur, & semper cruciat;
 quòd elegerunt ea, quæ Deus noluit; nempe sta-
 tum alium ab eo, in quo eos valvare decrevit.
 Audiant illi 2dò Deum Jerem 7. *Vocavi & non
 respon-*

respondistis mihi; ideo projiciam. vas à facie mea. Projectus Saul, 1. Regum 15. quia projecit Sermonem Domini Plal. 80. Non audivit populus vocem meam & Israël non intendit mihi; & dimisi eos secundum desideria Cordis eorum. Luc. 14. Nemo virorum illorum gustabit carnem Dei, qui vocat, venire noluerunt. Ideo, teste S. Antonio, quidam talium morienti apparens Christus dixit: Vocavi, & renuisti; ideo vade ad penas inferni. Deus enim cuius ad salutem certa determinavit media, v. g. certum statum; quem qui negligit, non habet aliud medium salutis. Sicut, si quis illam, quæ unica est ad terminum, viam relinquat; nullatenus ad terminum perveniet.

II. Punctum 2. Secunda classis est eorum, qui religiosum amplexi statum, ab eo deficiunt petulantè. Horum longè infelicior fors, quam priorum. Audiant Christum Math. 11. Tyro & Sidonè remissus erit, quam vobis. imò: quia gravius punitur, qui castra deseruit; quam qui iis non fuit auctoratus. 2dò: quia ex decreto Christi; Nemo mittens manum suam ad aratrum, & respiciens retro, aptus est regno Dei: quāto minùs aptus est ille, qui aratrum deseruit. 3tò: quia isti venerunt ad carnem, gustaverunt donum cælestè, gustaverunt ubertatem domûs Dei; ibi illuminati viderunt, quàm amara vita, horrenda mors, periculosa salus. in sæculos
tamen

tamen ex exanaculo fugiunt cum Juda; seu ex
portu mittunt se in mare, ex summo calore
prodeunt ad summum frigus; quare periculosi-
us frigescent, & ordinariè sunt pessimi homi-
nes. 4to: Immo perpetuò peccato sunt subjecti,
quia fregerunt fidem Christo datâ; liberè vota
violant, quibûs re ipsa ligati manet; quia injustè
dimissionem extorserunt. 5to: Jacobi 4to:
Ille, qui est extra syllabum specialium amico-
rum Dei, & vult esse amicus hujus sæculi; inimi-
cus constituitur Dei. Quanto magis ille, qui
fuit specialiter amicus Dei, talemq; se futurû
vovit? 6to: istis perfidis incumbit onus, resar-
ciendi religioni, tum famam læsam per su-
am desertionem, tum sumptum, laborem, &
curam in eos impensam. 7mo: S. Anselmo
ostensus est mundus, tanquam fluvius volvens
sordes, quibûs se homines ingurgitant. Juxta
S. S. P. P. hunc fluvium religiosi superant pon-
te, clerici navigiò, sæculares natatu. O quan-
ta stultitia, è ponte securo præcipitare se in
hunc fluviû! dignine tales misericordiâ? Isti ple-
rumq; petunt restitui religioni; sed justò Dei
judiciò, hac gratiâ privantur. O insensati
Galatæ, quis vos fascinavit? quid profuit de-
serere statum, quem rursus expeti est necesse,
dum obtineri non potest? Concludit Deus Isa.
30. *Va filii desertores, qui ambulatis, ut descenda-
tis in Ægyptum.* S. Bernardus de modo bene
viven-

vivendi: Qui congregationem & sanctam relinquunt, & ad secularem vitam descendunt; à societate Dei elongantur; atque dominio diaboli subjungantur.

III. Punctum 3. 3tia classis eorum, qui in religione non religiosè vivunt. Audiant illi Deum minantē vineæ, quòd pro uvis labruscas tulit Isa. 5. Nunc ostendam vobis, quid ego faciam vineæ meæ; mō: Diruā maceriā ejus, & erit in concalcationem. Maceria, seu septum Religiosi, sunt vota, regulæ, meditatio, examen, lectio libri spiritualis. Hæc firuant, erit religiosus in concalcationem, seu contemptum Superioribus, æqualibus, inferioribus, externis, Deo, Sanctis & dæmonibus. Qui contemnunt me, erūt ignobiles 1. Reg. 2. 2dō: Et ponam eam in desertum: Talem religiosum deserit Deus, tanquam Babilonem nolentem sanari; seu ut ait Paulus: dat in reprobum sensum, sic medicus deserit agrum, cui medicinæ non prosunt. 3tō: Non putabitur: hoc est, juxta Cornelium à Lap. Deus non ressecabit luxuriantem malitiam ejus, non tanget Cor, non excolet; sed finet illud reprobis peccatorum oppleri. 4tō: Non fodietur: juxta S. Ambrosium, non fodit Deus vineam, quando eam non exonerat terrenarum curarum mole. 5tō: Et ascendent repres & spina, id est enormia peccata & vitia. 6tō: Et nubibus mandabo, ne pluant super eā imbrem; scilicet gratiarū efficacium,

um. Inducitur autem pœna hæc interdum ob leves culpas, ut docent SS. Cyprianus, Bern. ac alii.

Confitebor tibi Domine in toto corde meo, quia transtulisti me, de mari in portum, è diluvio, in Arcam, è terra deserta & invia & inaquosa, in paradysum voluptatis. Sed & hîc quoties serpenti consensisti! quoties legem tuam violasti: quoties in terra Sanctorum iniqua gessisti! vidisti, tacuisti, tolerasti, non expulisti! Misericordias Domini in æternum cantabo. Qui vocasti me, da, ut dignè ambulem vocatione meâ; ego propono.

Tessera: In terra sanctorum iniqua gessisti; non videbit gloriâ Dei Isa. 26. Super quod Cornelius à Lap. Hæc sibi adaptent, qui in S. Societate, aut religione, dissolutè vivunt: gravis enim in illos incumbet iudicii censura.

DIEI OCTAVÆ MEDITATIO I.

De perfectione operum ordinariorum

I. Punctum unum. Audiam Spiritum S. Non invenio opera tua plena coram Deo Apoc. 3. Opera non plena coram Deo, sunt imò: juxta Aretâ, quæ videntur bona, sed non sunt: sicut ficus Luc: 13. florida; sed sterilis. 2do: Juxta quosdam: non unita meritis Christi. 3tid: Juxta

Am.

Ambros: *facti in peccato gravi.* 4^{to}: Juxta Jo-
achim: *opera non completa per perseverantiam;*
quæ est virtus omnis boni operis, ut ait S.
Gregor. hom. 25. in Evang. 5^{to}: Juxta quos-
dam, *sunt opera in se bona, sed contaminata ma-*
lis aliis operibus. 6^{to}: Juxta Haymo, *Opera*
facta ex intentione non recta. 7^{mo}: Juxta Dyo-
nys. Carthus: *Opera sancta, sed repida, & remis-*
sa; de his Cyprianus: Non est sanctum, quod ge-
ritur sanctum; nisi quod sanctum est, sanctè peraga-
tur. 8^{vo}: Juxta. V. Fedam: *Opera non extensa*
in spirituale bonum aliorum. Et talium hic ope-
rum arguitur Episcopus Sardenfis. 9^{no}: Ope-
ra bona, sed pauca; contra quàm hortatur P. u-
lus Gal. 6. *Bonum facientes, non desicamus.* Vi-
debo, an hæc venena non inficiant actiones
meas.

II. *Punctum 2^{dum}:* Audiam Ecclum c. 35.
Noli offerre munera prava; non enim suscipiet illa.
Alii legunt: *munera adempta, seu quibus aliquid*
deest, non integra, vitiosa, manca, corrupta.
Opus integrum libenter suscipit Deus; opus
vitiosum rejicit. Opus integrum meretur gra-
tiam & gloriam coram Deo: Opus corruptum
meretur pœnas, & opprobrium. *Quæ semina-*
verit homo, hæc & metet Gal. 6. Opus integrum
ædificat proximum; opus corruptum parit
scandala. Opus integrum facit nos æstimari;
Opus vitiosum pessimam de nobis opinionem
gene;

rat. Tales enim esse putamur intus, quales in operando videmur exterius. Opus integrum discriminat nos à secularibus: Opus corruptum deprimit nos infra seculares. Opus integrum inducit mentis collectionem, pacem, gaudium, habitum operandi fructuosè: Opus corruptum inducit remorsus, turbas, molestias, habitum operandi sine fructu, & cum peccato: & sic est *peccans peccatum*. Opus integrum est efficax ad perfectionem medium; ut nostris inculcari volebat P. Natalis: Opus mācum obstruit ad perfectionem viam. Operi bono assistunt Angeli; ut docet, & expertus in se suisq; S. Bernard. Chronic. Cisterciens. Operi vitioso assistunt diaboli; ut constat ex Rosveido.

III. *Punctum 3tium*. Media ad reformandas actiones. *1mum* offert S. Thomas 2. 2. q. 31. a. 8. nempe intentionem eis præfigere, ac subinde renovare. *2dum* suggerunt cum P. Alvarez Ascetæ; nimirū: invocare divinā opem. *3tium*: Cogitare, quòd in præsentia Dei operamur. Seneca Ep. 25. Luciliū monet: *Sic vivere, tanquam sub alicujus boni viri, ac semper presentis, oculis*. *4tum*: Tam in initio, quàm in progressu operis, omnes adhibere vires; ut perfectò fiat. P. Franciscus Perez Godoi Culinae vasa sollicitè mundabat; quia dicebat: soleo Deiparæ præsentare omnia diurna opera; *pu-
deret*

deret autem me graviter, aliquid ejus conspē-
ctui offerre, non usquequaque nitidum. Nadasi
in Annal. Marian, *5um*: Sic agere singula,
quasi nīl restaret aliud agendum. Magister Avi-
la monet: quando mentem rei alicujus cura
importuno tempore occupārit, dicitō: Nihil
tale mihi nunc Dominus meus imperat; ac
propterea de eo cogitare opus non habeo.
6tum S. Bernardus: In omni opere tuo dicitō: Si
modō moriturus es; m; quomodo facerem? *7mum* Py-
thagoras: persuadere sibi, quōd, si per aliquod
tempus vincatur in operando strenuē molestia;
non sentietur postea. Unde sic ait hīc Philo-
sophus: Nolite curare, quōd hac disciplina labori-
osa, salebrosa, difficilis initiō appareat; postea nam-
que consuetudine & usu ipso, facillima & svariissi-
ma fiet. Reliqua media affert P. Družbicki
scilicet, *8vum* In idēam agendi statuere sibi
sanctos, & perfectos. *9um*: Omnia suo tem-
pore agere. *10mum*: Cogitare, propter quem
agimus. S. Pater graviter reprehendit fratrem,
quōd negligenter ageret id, quod propter
Deum se dixit agere. *11mum*: sensus, & ma-
ximē linguam, in omni opere cōducere; men-
temq; piis actibus occupare. *12mum*: Cogita-
re, quōd hoc opus sit ultimum in vita; quōd
annexa sit ei gratia finalis; quōd ab illo pendeat
æternitas. *13*. Omnia sic agere: quomodo a-
genda svideremus aliis.

Heu,

Heu! non me pudet, hæcenus in operibus
 aluisse? quantum hinc damnum gloriæ Dei!
 quantum animæ meæ! quantum proximi, exē-
 plō meō depravati! Anima mea, monet Tho-
 mas Kemp. lib. 1. imit. c. 25. *Si incipis tepe-
 scere, incipies malè habere! si autem dederis te ad
 fervorem, invenies magnam pacem, & senties levio-
 rem laborem, propter Dei gratiam, & virtutis a-
 morem.* Proinde incipe jam Deum latificare,
 Dæmonem terrere, te perficere per opera ex-
 acta: desle negligentias, propone, pete gratiā.

LECTIO PRIMA

De mortificatione externa.

I. Duo sunt, inquit Augustinus, serm. 20.
 de SS. crucis genera; unum corporale, aliud spiri-
 tuale. Sequens lectio aget de spirituali, hæc
 de corporali. S. Chrysostomus hom. 55. in
 Matth. censet, quòd Christus hīs verbis: *Qui
 vult post me venire; abneget semetipsum, & tollat
 crucem suam; velit, nullò pactò nos corpori no-
 stro parcere: ut neq; si caditur, neq; si pelli-
 tur, neq; si uritur, neq; si quid aliud hujus-
 modi patitur; ei parcamus.* Alii tamen cum
 S. Thoma mitius istud Christi dictum accipi-
 unt. Unde S. Pater noster, p. 1. Const. c. 2.
 macerari quidem corpus exigit, sed moderatè.
 Nam Spiritus S. Eccli. 33. jubet asinum casti-
 gari,

gari, sed virgâ, non fulte: jubet onere premi, sed non opprimi; nec ei cibaria negari.

II. Mystycè per asinum corpus intelligunt interpretes: & S. Franciscus Seraph. vocabat illud *fratrem asinum*, tractabat, ut asinum. Est quoq; celebre, quod in vitis Patrum quidam senex dicebat: *Ego & asinus pares sumus; paleæ mihi debentur & verbera.* Item S. Bernardus serm. 1. de palmis, Religiosum appellat, asinâ, quæ Christum portabat. B. Jacoponus ingenio, genere, ac officio nobilis, perculsus morte sponsæ, sub nuptiis ruinâ tabulati oppressæ, postulans habitum S. Francisci, audiit: *Si inter nos vivere vis; asinus fias, oportet; & quasi asinus inter asinos degas.* Ergo indutus asini pelle, manibûs & pedibûs repens, *En*, inquit, *Fratres, asinus sum; asinum inter asinos admittite.* Admissus magnâ sanctitate claruit. Itaq; merito Spiritus S. corpus appellat asinum.

III. Hic asinus, si foveatur suaviter; recalcitrat petulanter: si nimis affligatur, deficit; nec, ut par est, animæ servire valet ad profectum in via DEI: ut proinde cogatur subsistere, donec jumentum hoc resumat vires: cogatur deferere mortificationes, opera spiritualia, disciplinam regularem; ac tandem in sensualitate relabi vitam cum illis, qui apud Paulum, cùm spiritu cæperint, carne consummantur. Hinc verò quantum damnum gloriæ DEI, quantum ruina

ruina perfectionis, quanta jactura temporis ad proficiendum conceſſi, quantū ſalutis periculum, quantum aliorum ſcandalum deſluentium ad ſimilem remiſſe vivendi normā, quanta dæmonum exultatio!

Nazianzenus Orat. 16. ita de ſuo diſcurrit corpore: Quod, inquit, & uti conſervum amo, & veluti inimicum odi, & averſor. Quod & uti vinculum fugio, & ut coharens vereor. Si debilitare illud, & conficere ſtudeo; jam non habeo, quo ſocio & opitulatore, ad res præclariffimas utar. Sin contra, ut cum ſocio & adjutore mitius agam; nulla jam ratio occurrat, quā rebellantis impetum fugiam; atq; a DEO non excidam, compedibus degravatus, vel in terram detrahentibus, vel in ea detinentibus. Itaq; cum juxta hunc S. Doctorem, corpus ſit hoſtis noſter, & ſimul amicus, ſocius, opitulator; juxta Gregorium magnum, hoſtis noſter & ſimul civis: ſic eſt perſequendus hoſtis; ut non perimatur. amicus, civis, ſocius.

IV. Quia tamen citati Nazianzeni judiciō, eſt amicus inſidiuſus; ac re ipſā blandus & placidus hoſtis; item judiciō Laurent. Juſt. plerumq; dum ei, quaſi concivi compatimur; ad prælium hoſtem nutrimus; judiciō P. Leſſii: Hoſti nequiſſimo conceditur: quidquid indulgetur corpori: ut ſcribit Cordara hiſt. p. 6. idcirco durè potius habendus, quàm molliter. Nam.

V. 1mo: Est rapidus nimis fluvius; cui, si vel tenuem rimam concesseris in aggere; totum franget, nec impetum eius poteris cohibere. Est equus sternax, indomitus, & ferox; cui si paulum indulgeas, habenas rumpet, & excutiet fessorem. Est servus animæ: porro Prov. 29. *Qui delicate nutrit servum suum, postea sentiet eum contumacem.* Septuaginta legunt: *Qui deliciatur puero, famulus erit; novissime autem dolebit super se.* Isaia 63. *Quia Deus, Israël puerum suum in indulgentia sua redemit, & portavit, & elevavit.* Impletum est vaticinium moysis Deuter. 22. *Incrassatus est dilectus, & recalcitravit; incrassatus, impinguatus, dilatatus, dereliquit DEUM factorem suum, & recessit à Deo salutari suo.* Sapienter docet Plato Dialog. 6. de leg. Multi stultè facientes, dum delicatius servos nutriunt; difficiliorem viam, & sibi ad imperandum, & illis ad obediendum reddunt.

Ex his liquet, quòd, ubi anima desinit adigere corpus, ut sibi serviat; ibi servire incipiat corpori, virtutem negligere. Rectè dicebat Seneca: *Magna corporis cura, magna est virtutis incuria.* Ipse, dùm blanditiis corporis impetebatur, hoc se tuebatur Clipeò: *Ad majora natus sum, quàm, ut me corporis mei mancipium efficiam.*

VI. 2do: Compositi sumus ex mutuo perpetuoq; secum luctantibus; caro enim concupiscit adversus spiritum, & spiritus adversus carnem. In hac

hac lucta, quid dignius? quid utilius? quid æquius; nobiliori meliori, rationali, Superiori, dominæ patri, opem ferre; an ignobili, rebeli, mancipio, hosti nostro?

2^{do}. Nunquid Christus otiosè, nunquid jocò monet Matth. 10. *Qui non accipit crucem suam, & sequitur me; non est me dignus?* Per crucem hòc locò Greg. Hil. Chrysost. Bed. Euthym. & alii intelligunt mortificationem. Et Glossa: *Crux duobus modis portatur, vel cum per abstinentiam corpus afficitur; vel cum per compassionem proximi, animus affligitur.* Qui ergo crucem suam, seu mortificationem, non portat; non est Christo dignus.

Non est dignus Christo, seu nomine Christiani; quia, *qui Christi sunt, carnem suam crucifixerunt.* Gal. 5. Super quod Anselmus: *Miles Christi non tantum vitia & concupiscentias, sed ipsam carnem corruptam, quasi fomitem concupiscentiarum castigat, & crucifigit per jejunia, cilicia, labores, & pœnitentias.*

Non est dignus Christo Magistrò, qui Luc. 14. ait: *Qui non bajulat crucem suam; non potest meus esse Discipulus.*

Non est dignus Christo Duce; quia fugit vexillum ejus, quod est crux: nec stigmata Christi portat in corpore suo; per quæ dignoscatur à non milite Christi. Non portat stigmata Christi; quia juxta Hieron. *Stigmata Christi*

in corpore suo portant, qui corpus macerant & affligunt amore Christi. Non dignoscitur à non milite Christi; quia juxta S. Basil. in Reg. fus. Reg. 17. Ut optimo corporis habitus, & coloris, bonitas, pugilè à cæteris distinguit: Sic Christianum à cæteris secernit macilentia corporis, pallor deflorescens, qui continentia velut adjunctus est comes. Indicio est enim Christi mandatorum pugilem esse; qui in infirmitate corporis, adversarium suum in lucta prostermit.

Non est dignus Christo Redemptore, qui pro nobis graviora passus, nobis relinquens exemplum, ut sequamur vestigia ejus. Non est dignus Christo Conservatore; quia Ezech. 9. Illi tantum conservantur, qui signum Tnu seu crucem portant: ut observat Augustinus.

Non est dignus Christo salvatore & glorificatore; quia Rom. 8. ista conditione conglorificabimur, si compatimur. Per multas tribulationes oportet nos intrare in regnum Dei. act. 14. Ex quo Hieron. infert: *Si per multas tribulationes celestis regni aditus aperitur; illis utiq; clauditur, qui nolunt sustinere vel paucas.* Quid tandem censes de iis, qui voluntarias, adeoq; leviores, non sustinent? Arcta via est, quæ ducit ad cælum, non nisi extenuatum capit corpus. Hæc ivit Christus, hæc omnes ire iussit & decrevit. Nullus ex adultis cælum rapuit, nisi violentus sibi. Unusne tu speciale

ciale privilegium accepisti, quòd non transiens per ignem & aquam mortificationis, educeris in refrigerium? Pulchrè S. Aug. in Psal. 93. inducit DEUM dicentem: *Venale habeo: quid Domine? regnum celorum. Quo emitur? Regnum paupertate, dolore gaudium, labore requies, utilitate gloria. Tunc præsumis illud alio mercari pretio?*

VII. *ad:* Quia verus Monachus, sicut res spirare sinè aëre; ita sinè corporis afflictione vivere non potest; ut agebat Palamon Abbas. Quid enim est monastica, quid religiosa vita; nisi perpetua naturæ violentia? Hæc autem iuxta Joannem Abb. in vit. BP. l. 6. libel. 1. n. 7. consistit in renuntiando omni materia corporali; & his que secundum carnem sunt; in cruciatu, in certamine, in humilitate spiritus, in jejunio, in patientia, in fletu, in fame, & siti, in frigore & nuditate, in laboribus.

Quòd ipsum inde patet; quia de ratione religiosi statùs est, ad perfectionem tendere. Ista verò tendentia, sunt jejunia, vigiliae, meditatio scripturarum, nuditas, ac privatio omnium facultatum; ut docet S. Thomas 2. 2. q. 188. a. 7. Non perficies terram; nisi sarculò scindas, vel aratrò; ita nec te ipsum. Immo mortificationis incurius, non solùm non perficitur; sed etiam labitur in innumera peccata; quia delicate fovet causam, fontem, radicem pec-

catorum, & concupiscentiarum; nempe carnem.

VIII. Igitur ubi pinguescit caro, ibi marcescit anima; ubi viget anima, marcet corpus. Basilium audi: Cùm corpus bene habitum est, & multa carne gravatur; necesse est, infirmam & imbecillam esse mentem ad proprias functiones. Contra cùm anima bene valet, & exercitatione rerum bonarum ad suam magnitudinem attollitur; consequens est, ut corporis habitus emarcescat. Sic emarcuerat in ipso Basilio; qui studio, jejuniis, orationibus attritus, nihil in corpore præter cutem & ossa habere videbatur.

Adstipulatur Paulus 2. Cor. 4. *Licet hic, qui foris est, noster homo corrumpatur; tamen is, qui intus est, renovatur.* Quod sic exponunt Ambros: Ansel. Chrysost. Licet corpus corrumpatur pressuris, plagis, fame, nuditate; tamē anima proficit, & fulgidior, quasi aurum ex igne, prodit. Idem exemplō docuit & verbō Barnabas Abbas apud Sophron: Spinam infixam pedi noluit extrahi; putruit pes: mirantibus mortificationis genus insolitum, dixit: *Quanto magis homo exterior patitur, tanto magis interior viget.*

IX. Cùm autem Religiosus continuò debet ad perfectionem progredi, continuò quoq; mortificationi studeat, oportet; quamvis perfectus

fectus videatur. Perfecti decoris est rosa; nunquam tamen deponit spinas. Id S. Pater præscribit Exam. c. 4. §. 46. Majus ac impensius studium cujusq; sit, quærere in Domino majorem sui abnegationem, & continuam in rebus omnibus, quoad poterit, mortificationem. Sic Apostolus 2. Cor. 4. In omnibus tribulationem passus, *semper mortificationem JESU in corpore suo circumtulit.* Pullulant enim vitia, nisi crebro succidatur eorum radix: nempe corpus.

Præclare Bern. serm. 58. in Cant. Credite mihi, & putata repullulant, & fugata redeunt, & reacenduntur extincta, & sopita denuo excitantur. Parum est, semel putâsse; sæpe putandum est; imò si fieri potest, semper; quia semper, quod putari oporteat, si non dissimulas, invenies. Quantumlibet enim in hoc corpore manens, profeceris; erras, si vitia putas emortua, & non potius suppressa. Velis, nolis, infra fines tuos habitat Jeshusæus: subjugari potest, sed non exterminari.

X. 510: Quia profitentes vitam activam expedit esse mortificatos carne. Ideo Paulus 1. Cor. 9. Castigat corpus suum & in servitutem redigit; nè, cum aliis predicaverit, ipse reprobus efficiatur. Super quod S. Ambrosius ad Eccl. Vercel: *Qui non castigant corpus suum, & volunt predicare aliis; ipsi reprobi habentur.*

XI. Pleni sunt libri mortificationum, quæ magis admirandæ, quàm exercendæ; ut in vita P. Družbicki c. 9. P. Roderici Deza in ann. dier. mem. Nadaii 15. Maji; P. Ludovici de Ponte, cujus plagas curabant Angeli, & aliorum plurimorum. Faciliores & communiter usitatæ Religiosis sunt: jejunare, parcò cibò, potuq; vesci, neo exquisito; abstinere à sapidiore; nunquam, nisi statis horis refici. Cilicii, flagellorum, catenulæ, genuflexionis, somni parci, lecti duri, usus creber. Ad primum ictum campanæ de lecto se proripere, literam imperfectam relinquere, ad finem recreationis verbum abrumpere, otium fugere, eligere viliora, ferre libenter molestias undecunq; venientes; ut ab officio, ab inclementia cæli, nimirum æstu, frigore, pluvia. Frænare visum, auditum, & maxime linguam; nam ut inquit P. Družbicki: Mirum est, quantum silentiò devotò carnis petulantia frangitur, sicut garrulitate ingrescit. Potiora suggeret amor Crucifixi.

XII. Impedimentum mortificationis: imum est Gula: nam Philip. 3. Quorum Deus venter est, inimici sunt Crucis Christi seu mortificationis. Gula est virtutum, consequenter & mortificationis, pestis. Audi Greg. Muros Jerusalem. Princeps coquorum (Nabuzardan) destruxit: quia virtutes animæ, dum non restringitur venter, perdit. Palladius refert, quòd Isidorus

Ab-

Abbas lacrymabatur, quoties ad mensam eundum erat. Dagon, seu Deus frumenti, nequit cum arca stare; quæ non patitur, nisi 1mo Legem Divinam, quæ nos jubet per sui custodiam servire DEO. Porro qui ventri deditus est, non potest servire Deo, sed sui ipsius ventris servus est, ideo abolēbit eum Dominus; dicit Athanasius, 2do: non lautum cibum continet, sed modicum de manna. 3tio: Virgam Moysis, flagellum Egypti, signum afflictionis.

XIII. 2dum impedimentum est amor proprius: de quo lectione de humilitate n. 6.

3tium ex priori fluens, metus molestia. At, si viator, nauta, miles, artifex, molestia viæ, navigationis, belli, laboris, deterreretur; quàm esset demens! Nec ad terræ, nec ad cæli bona, lacteā pervenitur viā.

4tum est debilitas corporis: At cur hostem debilitatum non atteris? ut atterebant Greg. M. Basil. & alij, quantum suadebat prudentia. Itane defecisti, ut nec levem tibi molestiam inferre queas? Dum caro debilis est, eam castigari vetat debilitas; dum valet, non permittit ejus petulantia. Quando tandem castigabitur? Etiam cum infirmaretur, tunc potens erat B. Theophanes Abb. qui teste Baronio ann. 816. dixit: Ego qui per humum iter facere nequeo; valetudinis infirmitate superatā, in ignem insileam.

stum impedimentum est, illud ex ethica carnis principii: *Concedendum aliquid naturæ.* At, quid hoc tuum *aliquid*, quod concedis naturæ? Nonne bonum sensuale? hocceine tuum *aliquid* concedebant sibi, Christus, Mater ejus, & sancti? Non prodest naturæ, quod nocet animæ.

XIV. *Medium ad hanc virtutem omnium.* *imū* assignant cum Cassiano Patres, frænum guæ; hæc enim, tanquam fons omnis illecebræ, debet primum obstrui: quia hæc in omne nefas solvit corpus; animam & rationem illi subdit, ac mancipat; in eoq; tanquam in carcere, victam tenet. Unde Pythagoras teste Bahl. vel Crates teste Max mor juvenem saginantem se, arguit: *Heus miser, non desinis continuè duntaxat tibi carcerem præparare!*

2dum medium est: dilatis acrioribus, leviores primum, sed constanter exercere corporis afflictiones; juxta doctrinam à Zenone datam Discipulo: Infimos prius ascende gradus, ut pertingas ad summos; S. Ambr. l. i. de Abrach. c. 4. *Si parvulum letaris imbuas. à singulis literarum elementis inchoandum est tibi; ut à singulis apicibus ad syllabas, à syllabis eum per ordinem ad nomina, orationemq; perducas.* Sic & in studio mortificationis externæ.

3tium: Qui se se periculoso committit itineri, providet modos evadendi vel superandi
peri-

pericula: ita qui austeritatis inuit viam, adversus obstacula se propositis firmis, oratione, meditationibus, & lectionibus piis armet.

4^{um}: Querat frequenter ex se ipso cum Antonio, Arsenio, Agathone: Ad quid huc, scilicet ad pœnitentiæ statum, venisti? *cur sæculum reliquisti?* misisti manum tuam ad aratrum; cur retro respicis, ac te facis ineptum Regno Dei?

5^{um}: Stringat se votò, per septimanam usurpandi quasdam leviores afflictiones sui, quarum ubi comparaverit habitum; procedat ad graviores, & rursus ad perbreve tempus votum restauret. Hòc mediò S. Bernardus, è maximis peccatis extraxit quendam ad acrem pœnitentiam.

6^{um}: Crebrò cogitet exempla Christi, sanctorumq; varii statûs, conditionis, sexûs, ætatis; qui nobis præiverunt viâ crucis, seu mortificationis.

7^{um}: Cogitet, quòd momentaneum & leve voluntariæ tribulationis, æternum gloriæ pondus operatur in cælis. S. Franciscus dicebat: *Tanta est gloria, quam expecto; ut omnis pena me delectet, omnis morbus, humiliatio omnis, persecutio omnis, mortificatio omnis.*

8^{um}: Fuga otii, & labor. Palladius refert, quòd Monachus de loco in locum continuò spartâ terræ transferēs, respondit: *Vexo vexantē*

me, & ultione de hoste meo sumo: scilicet de corpore.

XV. Profiteris te Christianū? sequere Christum. Profiteris te sequi Christum? ad Calvariam sequere. Profiteris, tanquam Religiosus, te sequi Christum ad Calvariam? assume crucem. Qui sibi non imponit ipse crucem, imponet illi Deus invito, tanquam Cyrenæo. Quid potius iudicas, an eligere crucē, quam velis; an portare, quam nolis? Interim alterutra ferenda est. Nam rectē Thomas Kemp. l. 2. c. 12. Imit: *Non est alia via ad vitam, & ad veram internam pacem; nisi via Sanctæ Crucis, & quotidiana mortificationis. Ambula, ubi vis; quare, quodcunq; volueris; & non inventes altiorē viam supra, nec securiorem viam infra, nisi viam Sanctæ Crucis. Dispone & ordina omnia secundum tuum velle; & non invenies, nisi semper aliquid pari debere, aut sponte, aut invite.*

Sic ad nostrum bonū ordinat DEI Sapientia. Quippe si non comisti, pro quo te putas; adhuc cum Præcurfore Christi, cū Aloyſio, Koſtka &c. teneris macerare carnē. ut illā cōerceas, & in servitutē redigas; ut Crucifixo conformeris; ut plus gratiæ merearis & gloriæ; ut efficacius exores necessaria; ut tentationibus fortior, dæmoni terribilior evadas; ut pro aliis tum vivis, tum defunctis satisfacias; ut Sanctos imiteris & honores; ut laboribus & negotiis tuis, & alienis succēsum impetres; ut Deum

exal-

exaltes; ut ei te gratum exhibeas pro beneficiis; ut ad ulteriora te disponas; ut subjectionem profitearis ejus Dominio. Si verò tibi conscius es culparum, ecce tibi datur optio, ut contracta per illas debita, vel spontaneis pœnis expungas, unitis Christi meritis; vel olim in igneo carcere ad novissimum quadrantem de tuo solvas. Quid horum eligis? Itaq; morem gere Augustino de salut. mon. c. 15. *Nè præbeamus vires illicitas carni & corpori nostro; nè committat bellum adversus spiritum nostrum.*

MEDITATIO II.

De Christi Crucifixione.

I. Punct. 7. Audiam Moysen: *Vadam, & vè: Debu visionem hanc magnam. Vadam cum Matre dolorosissima & S. Joanne. Vadam ad hoc spectaculum, cui simile oculus non vidit, auris non audit; id est Messiam cruci addictum, creatorem Cæli & terræ cum morte luctantem, Deum expirantem in patibulo, videbo. Postquã JESUS stetit in Golgotha, in loco supplicii; expeditur crux, clavi, mallei; accedit audacior inter carnifices, arripit forti brachiò exsanguem Christum, vestes sanguine agglutinatæ carni detrahit violenter, erumpente largo è vulneribus recrudescentibus sacro cruore. Mox instar piscis palpitantem, trudit*

dit in crucem; distendit atrociter brachia, manusq; quas Christus porrigit configendas, vultu placido. Videbo, quomodo dirissimâ laniennâ perforantur clavîs manus & pedes. Quid tibi tunc cordis, o Mater, dum hostis audires, imò spectares? Elevatur jam cum funesta cruce, & subito ac temerè in effossam scrobem dejicitur, ut cum S. Augustino censent aliqui. Hæc magis plangi, quàm cogitari possunt ab homine cordis non ab ænei. Pendet crucifixus, qui tribus digitis appendit orbem terræ. Pendet medius inter latrones, mediator Dei & hominum. Pendet ille, qui est medius inter Patrem & Spiritû Sanctum. Ah anima mea: ecce moritur justus, & non est, qui recogitet corde! Ecce fera pessima devorat tuum Joseph, amorem Cæli & Angelorum, væ tibi, si non tuum! Hæc olim meditans in vestibulo clausi jam templi S. Franciscus, dum gemit, dum irrugit clamore valido præ dolore; præteriens vir gravis, quærit: quid tibi mali accidit? quid adeo ploras? respondit: gemo, quia nebulones illi meum Dominum, mei causâ, tam dira morte occiderunt. B. Theressia mirabatur, posse aliquem sic oculis recolere Christi Passionem. Quid tibi est meum cor? &c.

II. *Punct. 2dum.* Audiam ultima jam verba Patris mei morientis: Vide homo, quæ pro te pati-

patio
quæ
debu
me n
nè in
ego?
ama
tuu
mea
ut m
mei.
Phar
ego
ad h
lud:
nath
II
quis
facis
miser
cur e
vitar
tor?
pis a
pepa
cifixu
talen
ptio
perbi

patior! & super hæc omnia magis crucior,
quòd te tam ingratum experior. Quid ultra
debui tibi facere, & non feci? 2dò. Quarit ex
me moriēs Dominus & Pater meus: habes
nè inter tuos amicos, qui te plùs diligat, quàm
ego? si hunc invenisti, obliviscere mei, & illum
ama. Quòd si non invenisti, præbe mihi cor
tuum, præbe animam tuam; ut cum anima
mea, commendem eam in manus Patris mei;
ut mecum sit in Paradiso, & in gloria Patris
mei. Quòd si hæc audiens, rides tamen cum
Pharisæis in meis hisce angustis; nihilominus
ego rogo Patrem meum, ut ignoscat tibi. Quid
ad hæc dicam? quid respondebo? nisi forte il-
lud: *si quis non amat D. Jesum Christum, sit a
nathema.*

III. *Punctum 3tium.* Audiam Spiritum S. Tu
quis es? quid dicis de te ipso? quem te ipsū
facis? Quòd si dicis è vero: sum homo & miser,
misericordis & pauper & cæcus & nudus: Apoc. 3.
cur ergo magnificas te ipsum? cur beatiorem
vitam vivere vis, quàm vixerit Christus via-
tor? cur commodiùs & plausibiliùs educari cu-
pis à Patre Cælesti, qui proprio Filio suo non
pepercit? prædicas cum Paulo Christum Cru-
cifixum, gentibus stultitiam: & ipse genus,
talenta, & scientiam jactas? quæ ista præsum-
ptio spiritus, quæ dementia? Intolerabilis su-
perbia est, ait Bernardus, ut, ubi se exinani-

vit Majestas, vermiculus intumescat. Ille vocatus est seditiosus, seductor, peccator, homo non à Deo, operans in Belzebub; qui tamen, dum hæc, imò extrema quæq; pateretur; non comminabatur, sed dicebat: *Pater ignosce.* Quid verò tu? si unò tangaris digitò; si pungaris verbò; excandescis, & ut filius tonitruui, vis, ut descendat ignis de cælo, & devoret. Quæ ratione tu felicior ac melior vis esse Christo? & quantum portentum! majestas infinita tanta patitur propter tuum nihilum, & tu vis nihil pati propter infinitam Majestatem!

Anima mea: Ad te clamant sputa, clamant clavi, irrisiones & verbera, inquit S. Lau. ent. Justin. ut ipse toto corde, totiq; viribùs diligatur, qui pro dilectione nostra talia ac tanta pati dignatus est. Augustinus addit: *clamant dolorem, clamant amorem.* An tantus amor non meretur amoré tuum? Quid rependā salvatori, tã dignato pro me mori? quid rependā? S. Bern. totū me illi debeo pro me facto, quid reddā pro me refecto, & refecto tali modò? o mi Salvator! offero tibi spiritū meum, ut illum cum Paulo affigas cruci tuæ, & cum tuo spiritu commendes in manus Patris: utiq; est opus manuum tuarum. Obsecro cum Augustino: *Opus manuum tuarum nē despicias, si vulnera manuum tuarum aspicias!* Et cum Seraphico Francisco *Moriar amore tui, qui amore mei mori digna-*

gna-

gnatus es. O mi Magister è cāthedra crucis docens crucifigere carnem cum vitiis & concupiscentiis! offero tibi & corpus meum, ut tecum in cruce moriatur sibi, vivat tibi.

Thomæ Kempensis L. 2. c. 12. L. 3. c. 19.

Tessera: O anima! formam tuam in formam tuī reduc Salvatoris. S. Chrysost.

Nolo vivere sine vulnere, quando video Dominū meum Jesum vulneratum. S. Bernard.

Tuta & firma requies est infirmis in vulneribus Salvatoris, securus ibi habito; patent mihi viscera per vulnera. Quidquid mihi ex me deest, usurpo mihi ex visceribus Domini mei, quoniam misericordiā assuunt. Per foramina corporis, patent mihi arcana cordis, patet magnum pietatis Sacramentum, patent viscera misericordiæ, in quibus visitavit nos oriens ex alto. S. August.

In omnibus adversitatibus meis non inveni tam efficax remedium; quā vulnera Christi. In his dormio securus, & requiesco intrepidus. Idem.

REFLEXIO

Supra virtutes Theologicas.

I. Vis pace cum Deo frui? harum virtutum trias illam fundat. Gen. 9. Arcum meum ponā in nubibus, & erit signum fœderis inter me & terrā. Iridis color cæruleus, est Fides; viridis est spes; ruber Charitas; ut explicant Viegas, Ribera,

Pererius in Cap. 5. Apoc, & alii. Vis diabolū, mundū, carnē vincere? in hoc arcu, & in hoc signo vinces. Nam, ut agebat S. Antonius: Fides vincit diabolū, spes mundū, charitas carnem. Typus illarum sunt S. Sophiæ Filix, Fides duodennis, spes decennis, charitas novennis; quæ tum eisdem vicerunt hostes; tum ætatem, sexum, flagella, sartagines, equuleos, gladium. Sur. 1. Jan. Considera.

II. 1mo: An tua fides non mortua sine operibus? *Et demones credunt:* Jac. 2. S. Chrysostomus & Anselmus requirunt fidem operosam, spem patientem, charitatem laboriosam in 1. Thessal 1. v. 3. juxta Syrum.

2do: An firma? Nam debilis non metetur nomen fidei. Unde Luc. 18: *Filius hominis veniens ad iudicium non inveniet fidem in terra: quia frigidam inveniet.* Quo sensu dicit August: *Perfecta fides vix invenitur in terra.* Tr. 36. de verb. Dom.

3to: An tentationum jaculis opponis scutū fidei? Idem S. Doctor ait: *In tantum tentatio proficit, in quantum fides deficit: & in tantam tentatio deficit, in quantum fides proficit.*

4to. An experiris in te fructus fidei? hoc recenset Aug: Serm. 10. de verb. Apost. Docet, inquit, paupertatē, castitatem, patientiam, humilitatem; penitentes reparat, iustos reddit, ferventiores, reformat mores.

III. 5^{to}: An bonis operibus spem fulcis? S. Chrysost. in illud Psal. 4. *Sacrificate sacrificium iustitiæ, & sperate in Domino*: inquit: *Non parva est virtus, in Deo considerare; cum iustitia tamen.*

6^{to}: An in homine spem non fundas? Jerem. 17. *Maledictus homo, qui confidit in homine.* Hic enim, ut inquit Beda, rectè denti putrido, & pedi lasso comparatur. Spes tales Plato vocabat somnia vigilantium.

7^{mo}: An non fundas in aliis creaturis? S. Aug. in illud Psal. 54. *Facti super Dominum curam tuam*, dicit: *portum quero, non saxum.* Nam anchora spei non potest in saxo figi.

8^{vo}: An non peccas in spem veniæ? S. Greg. L. 28. mor. c. 6. *Peccare, & de Dei Creatoris clementia præsumere; pelaga iustitiæ eius exponi est.*

9^{no}: An non peccas in spem penitentia? Hieron. Ep. 9. ad Salvinam: *Nec nobis penitentia subsidia blandiantur, quæ sunt infelicitum remedia.* Cavendum est vulnus, quod dolore curatur. Aliud est, integrâ nave & salvis mercibus portum salutis intrare; aliud nudum hæc tabulæ, & crebris fluctuum incursumibus ad asperrima saxa collidi.

10^{mo}: An non speras à Deo, quod scis ejus voluntati repugnare? Id S. Thomas in specie præsumptionis reponit, & inter peccata contra Spiritum S. 2. 2. q. 21. art. 6.

11^{mo}: An te non deiciunt adversa? Job. 13.

Etiam si

Etiam si occiderit me, in ipso sperabo. S. Basil. hom. de grat. act. Spes retributionis, quæ tristitia sunt in hac vita; leviora efficit. S. P. Ignatius: Ne scitis, quantas vires habeat spes in Deum.

12mò: Quantam fiduciam adhibes in orando? Cassianus Col. 9. c. 33. Pro certo non exaudientum se supplicans quisq; non dubitet; cum se dubitaverit exaudiri.

IV. 13mò: An Deum amas? Hujus primum signum est, si de illo plus cogitas, quàm de aliis rebus; inquit S. Bonav. Serm. de S. M. Magd. 2dum: Si per omnia studes ei placere. S. P. Ignatius tanto erga Deum amore flagrabat, ut toto die eum exquireret; & nihil aliud cogitaret, nihil aliud loqueretur, nihil aliud cuperet: quàm placere Deo. Card. & Rit. Congr. 3tium juxta S. Ambrosiũ est, Si Christum imitari non cessas.

14mò: An fortis est ut mors dilectio tua? S. Greg. in c. 8. Cant. Quod mors agit in sensibus corporis, hoc agit dilectio in cupiditatibus mentis. Clarius August. Ep. 39. ad Hieron. Sicut mors avellit animam à sensibus carnis; sic charitas à concupiscentiis.

15mò: An amas opere & veritate, seu an ex amore Dei servas mandata? Joan. 14. Si diligatis me, mandata mea servate.

16mò: An amas ex toto corde? Clamat etiam infidelis innatã & ignotã ratione justitia; quia ex toto corde diligere debeat, cui se totum debere non

igno-

ignorat: S. Bern. Ideo Cant. 8. Deus poni vult ut signaculum super cor tuum, ne ulli pateat, præter ipsum, vel propter ipsum. Nec Sara cum Agar, nec cum Ismaële Isaac; nec Deus cum inquilino libens habitat. Totum cor desiderat, ut totum tibi largiatur, ait S. August.

17mo: An amas ex tota anima? Homo tanto Dei amore flagrare debet, ut nihil prorsus in ullam animæ facultatem irrepere sinat; quod suam erga Deum dilectionem excludat, aut diminuât, aut alio transferat: sed in omnibus illi soli magis magisque placere assidue satagat; nec alteri personæ, aut rei creatæ, nisi propter Deum. Viç. Antich. in Marc. c. 16. Rationem dat Augustinus Tr. 7. in Joan. Non vult Christus communionem, sed solus vult possidere, quod emit. Tanti emit, ut solus possideat. Tu facis ei consortem diabolum.

18vo: An amas totis viribus? Ignis & amor Dei agunt, quantum possunt, quomodo possunt, quamdiu possunt. S. Eucher.

19no: An te plenè possidet, & regit amor? O felix hominum genus, si vestros animos Amor, quo calum regitur, regat! Exclamat Boëtius. Ità rexit Raymündum Lullum apud Lohner: Hic, si quævisisses: cuius es? respondiſſet: Amoris. Unde venis? ab amore. Quo pergis? ad amorem. Quis te huc adduxit? Amor. Unde vivis? amore. Ubi habitas? in amore. Bibliot. tit. Charitas.

20mo:

20mò: An amās gratis? Amicus gratis amandus est; propter se, non propter aliud. Si te hortatur amicitia regula, ut hominem ames gratis: quān gratis amandus est Deus! S. Aug. hom. 38. ex. 50.

21mò: An curas, ut hic amor in te crescat perpetuò? Levit. 5. *ignis in altari meo semper ardebit.* Amor ignis est, qui nunquam dicit, sufficit. Ubi desinit crescere, deficit. Judic. 5. *Qui diligunt te, sicut sol in ortu splendet: ita rutilent:* Hoc est ascendendo semper ad amoris perfecti meridiem. Id qui curat, cogitare non desinit; quomodo ardentius diligit, diligatur dulcius, fortius teneat, familiarius conversetur. S. Laur. Justin. de Cast. Connub. an. & verb.

22mò: An saltem desideras amorem? *Qui desiderat ardenter amorem, intra breve tempus ardebit ardenter.* S. Franc. Sales. L. 12. de amore. c. 2.

23mò: An nonnisi propter Deum amas proximum? S. Augustinū audi: *Nemo verā dilectione diligit proximum, nisi qui ipsum in Deo, & propter Deum diligit.* L. 8. de Trinit. c. 8.

LECTIO SECUNDA

De mortificatione Passionum.

Alterum inquit Augustinus, genus Crucis est, scilicet regere motus animi. Hi sunt: amor, odium, desiderium, seu concupiscentia; fuga seu
abomi-

abominatio; delectatio seu gaudium; dolor seu tristitia; spes, desperatio, timor, audacia, ira. Principales sunt isti: Gaudium, tristitia, spes, timor. Ad hos 4. reliquos reducit S. Thomas, 1. 2. q. 25. a. 4. Corp.

I. Illos in sapientem cadere posse negabant Stoici; quos refutat S. Augu: l. 14. Civ. c. 8. Contra, putabant à nemine domari posse, illi, qui, ut observat S. Gregor. l. 1. Moral. c. 15. *renunt bona credere, quæ nesciunt operari.* Et sic, inquit Seneca Ep. 72. Non putantes fieri, quæ facere non possunt; ex infirmitate sua de virtute ferunt sententiam. Oppositum multis ducit P. Lancicij l. de hum: Pass: dominio. c. 12. Et S. Gregor: l. 8. moral. c. 19. dicit: *Sunt nonnulli justorum, qui ad apprehendendum culmen perfectionis accincti, dum altiora interiori appetunt, exterius cuncta derelinquunt. Qui rebus se habitis privant, gloriâ honoris expolant, qui interiorum desiderio per assiduitatem se amici maroris afficiunt; habere de exterioribus consolationem nolunt, vitam in se funditus corporea consolationis necant. Talibus enim dicitur per Paulum: Mortui estis &c. De Aurelio Stoico Capitol: memoriæ tradidit, quod tantæ erat tranquillitatis; ut vultum nunquam mutaverit marore vel gaudio. At sufficit, quod veritatem hanc, enuntiet ipse Deus Gen. 4. *Sub te erit appetitus tuus, & tu dominaberis illius.**

II. Porro dominium hoc non consistit in a-
pathia, seu immunitate ab omni commotione
animi; id enim est speciale Dei privilegium in
hac vita: sed in eo, quòd inordinati motus facile
reprimuntur, vel illis etiam semiplenè, vel sal-
tem plenè non assentimur. Istius domini 1o.
gradus assignat P. Lanc. l. cit. Tres ponit S.
Bern. Serm. 7. Quadrag. 1mus est, ut Christi-
anus gerat se tanquam peregrinum, qui non
attendit ad ea, quæ ipsum tardent in cursu.
2dus: Ut se gerat, tanquam mortuum. 3tius: Ut
in super sit mundo crucifixus, & ipsi mundus;
adeoq; quæ mundus amat, crux ei sint; quæ
mundus reputat crucem, illis affigatur, adhæ-
reat. Hoc ipsum exigit S. P. N. Exam. c. 4.
S. 44. & 46.

III. Quærit S. Dorotheus: Quo pacto mundus
crucifigitur homini? Cum, inquit, homo abrenun-
tial mundo, relictis parentibus, possessionibus, agris,
negotiationibus, rerum copiâ. Quò pacto homo
crucifigitur mundo? Cum homo, postquam mundi
rebus excessit, certat adversus mundi concupiscenti-
as, adversus voluptates, adversus propriam volunta-
tem, subigitq; innatas passiones & vitia. Deinde
subdit: Nos videmur quidem nobis mundum cruci-
fixisse, quia reliquimus eum, & ad Monasterium di-
vertimus: at nolumus nos mundo crucifigere. Abhuc
enim in animo nostro vigent ejus blanditia, adhuc
in nobis ipsis affectum abscondimus, compatimur il-
lius.

lius gloria, compatimur deliciis & voluptatibus, compatimur ornamento & vestibus; & ob viles & inanes res, delabimur plerumq; in pristinas ejus passiones. Quod sanè non nisi ex amentia multa provenit: ut, qui pretiosas ac magnas res reliquimus, ob minimas plurimum perturbemur. Fitq; hoc à nobis pessime: ut enim multo & rebus ejus abrenuntiavimus; ita & pristinis ejus passionibus abrenunciare debemus.

IV. Ad idem quæsitum Pinusius Abbas apud Cassianum l. 4. Instit. renunt. c. 34. respondet: Crux nostra timor Domini est. Sicut ergo crucifixus quis jam non pro animæ suæ metu membra suæ quâquam movendi, vel convertendi habet potestatem: ita & nos voluntates nostras ac desideria, non secundum id, quod nobis frare est, ac delectat; sed secundum legem Domini, quod nos illa constrinxerit, applicare debemus. Et sicut is, quod patibulo crucis affigitur, non jam præsentia contemplatur, nec de suis affectionibus cogitat, non pro die christina solitudine curatq; distenditur, nullâ possidendi concupiscentiâ permovetur, nullâ superbiâ, nulla contentione, nulla emulatione succenditur, non de presentibus dolet injuriis, non præteritarum jam recordatur, seq; cum adhuc spirat in corpore, cunctis elementis credit esse defunctum, illuc præmittens sui cordis intuitum, quod se non dubitat illico transire. Ita nos quoq; timore Domini crucifixos, oportet his omnibus, id est non solum carnalibus vi-

tiis;

riis; sed etiam ipsis elementis mortuos esse; illuc habentes oculos anima nostra defixos, quò nos sperare debemus momentis singulis migraturos.

V. Ità S. Paulus Christo confixus fuit cruci; ità eos, qui Christi sunt, jubet esse crucifixos cum vitiis & concupiscentiis; hoc est. jubet mortificare membra, quæ sunt super terram. Juxta Chrysostom, Ambros: Ansel: *Membra vocat. Apostolus prava affectus*; hi enim, inquit Cornelius, sunt quasi membra veteris hominis. Ità crucifixos & mortificatos appellat ibidem mortuos: *Mortui estis, & vita vestra abscondita est cum Christo in Deo.* Supra quod S. August. de contin: c. 13. *Tantum mortuorum vox est: Vivo autem, jam non ego, vivit verò in me Christus.*

VI. Quoddū Christianū quēvis per cōpressiōnē passionū expedit esse crucifixum, mortuum, absconditum, seu sepultum, in Deo; si expedit non vivere, sed Christum in eo vivere: quantò magis hoc incumbit Religioso? Is enim hoc ipso, quod Religioni dedit nomen, profitetur, quòd crucifigit sibi mundum & mundo se ipsum; quòd sibi moritur, ut vivat in eo Christus exinanit⁹ usq; ad mortem.

Quocirca prædictus Pinus Abbas l. c. eum, quem adlegebat monasterio, sic monebat: *Abrenuntiatio nihil est aliud, quam crucis & mortificationis indicium. Ideoq; noveris, te hodie*
huic

huic mundo & actibus ejus ac desideriis esse defunctū,
teq; huic mundo esse crucifixum, tibiq; hunc mun-
dum. Considera igitur conditiones crucis, sub qui-
bus te deinceps sacramentō oportet in hac luce con-
versari: quia jam tu non vivis, sed ille vivit in te,
qui est crucifixus pro te. Eo ergo habitu ac figurā,
quā pro nobis in patibulo fuit ille suspensus; nos
quoq; oportet in hac vita degere: ut scilicet secun-
dum David affigentes de timore Domini carnes no-
stras, universas voluntates ac desideria, non nostra
contupiscentie servientia, sed mortificationi ejus
habeamus affixa. Sic enim præceptam Domini cō-
plebimus dicentis: Qui non accipit crucem suam &
sequitur me, non est me dignus.

VII. Hoc vult instituti nostri summa præ-
fixa summario: Homines mundo crucifixos, & qui-
bus mundus ipse sit crucifixus; vita nostra ratio nos
esse postulat. Homines inquam novos, qui suis sa-
affectibus exuerint, ut Christum induant: homines
sibi mortuos, ut iustitia vivant. Porro iustitiæ
Deoq; nemo vivit; quin sibi prius moriatur,
& mundo. Hoc est iudicium S. Gregorii in
illud 1. Reg. 2. V. 6. Dominus mortificat &
vivificat: In his, inquit, verbis, etiam ordo no-
randus est: prius quippe mortificare dicitur, deinde
vivificare; quia nisi seculo moriamur, Deo per amo-
rem vivere non valemus. Unde is, qui se mortifica-
tum & vivificatum meminerat, loquebatur dicens:
Mihi mundus crucifixus est, & ego mundo. Vive-
bat,

bat, sed non mundi vitā; qui dicebat: *Vivo ego jam non ego &c. Mortificatum ergo & vivificatum esse, est: praesentia nulla concupiscere, & aeterna desiderare. Idem iudicium S. Augustini ep. 114. Moriatur homo, nè moriatur.*

VIII. Idem iudicium Christi Matth. 16: Qui perdiderit animam suam, inveniet eam: hoc est, ut exponit Origenes: *Qui perdiderit animam, abnegando & mortificando concupiscentias; salvam inveniet in aeterna gloria. Id ipsum Dominicus illustrat Joan. 12. similitudine frumenti, quod nisi moriatur, fructum non adferet. Quod sic expendit V. Beda: Frumentum si servas, perdis: si seminas, renovas. Quis enim nesciat, quod frumentum cum in semine mittitur, perit ab oculis, in terra deficit: sed unde putrescit in pulvere, inde virescit in renovatioe.*

IX. O quàm pretiosa in conspectu Domini mors ista, quæ vitam æternam parit! quàm pretiosa crux, de qua dicitur: Tolle crucem, si vis auferre coronam! Verum & in praesenti quantam affert gloriam! Cicero pro Marcello: *Eum, qui passiones vincit, Deo simillimum esse iudicat. Saltem illud inficiari nemo potest, quod si victores urbium tam altis encomiis extollit fama, quin & in Deorum syllabum refert assentatio: nonne tantò præcellit eis eminentiùs suimet ipsius victor; quantò melior est patiens victo fortis; & qui dominatur animo suo, expugnatore urbium.*

urbium? Et ratio est, quia nullus incessanter expugnat urbes; qui verò semetipsum frangit, sibiq; subigit; continuum secum bellum ducit. Nam teste S. Ephrem: *Bellum militum breve; sed monachi pugna, quoadusq; migret ad Dominum, durat.* Alteram rationem dat S. Gregor: p. 3. Past. admon. 10: *Minor est victoria urbium, quia extra sunt, que subiguntur; valde autem majus est, quod per patientiam vincitur; quia ipse à se animus superatur, & semetipsum sibimetipsi subicit.* Id ipsum alia triplici ratione probat S. Thom: 2. 2. q. 123. a. 6. ad 1. 3tiam rationem dat Urbanus 4. Quia, qui vicit alium, pugnavit se toto: qui se ipsum vicit, tantum dimidiò sui pugnavit, scilicet solâ animâ; & tamen vicit.

X. Econtrario, quàm est vilis & miser, qui se mancipat effranibus affectibus! Miser coram Deo; nam, ut inquit Augustinus Serm: 50. ad Fr. in eremo: *Qualis est in oculis hominum, qui in versis pedibus ambulat; talis est in oculis Dei & Angelorum, cui passiones dominantur.* Nec enim aqua turbida gustum delectat, nec turbatus passionibus homo, delectat oculos Dei. Nec aqua stagnans in limo, & ad suum non currens principium, placere potest; nec homo, qui non tendit ad suum principium, nempe ad Deum, Deo placere potest. Jam indomitis gravatus affectibus, agrè valet ad Deum ferri; quia solidus vitæ spiritualis magister Abbas Isaac apud

pud Cassian. Col. 9. c. 4. conperit, quod *sicut pluma, quamlibet ex se levis, si madescat, non solum non evolat sursum, sed etiam ad terram deprimitur: sic anima gravata passionibus.*

XI. Non potest ad Deum ferri *per orationes* nam altare thymiamatis, seu orationis, exigit esse vicinum altari victimarum, in quo mactetur & immolentur brutales appetitus. Hinc S. Nilus Abbas Biblii PP. tom. 3. monet: *Moyſes ad rubum prohibet v. adire calceatus; quomodo tu non exutus passionibus accedes ad Deum orandum? Non potest ad Deum ferri per profectum in Spiritu, hic enim in passionato sperari nequit; sicut fructus in arbore stolonibus obſita. Oraculum est S. Hieronymi: Tantum proficere, quantum tibi ipſi vim intuleris. Arist: 7. Eth. c. 7. in eo reponit difficultatem virtutis acquirendæ, quod quis gaudia vel tristitias non frænet. Epictetus totam perfectionem ad hæc reducebat capita: Sustine & abstine. Quippe nullus à perfectione deviat, nisi quod vel molestiam sustinere, vel à voluptate nolit abstinere. Quod est passionibus indulgere.*

XII. Imò nec in vocatione putatur perititurus, qui motus animi non cohibet: quia sicut arbor validis agitata ventis eruitur è solo; sic turbine passionum agitatus, radicitus evellitur è terra sancta, seu Religione. Unde Cassia: instit: renūt: c. 8. ait: *Multis experimentis edocti tradunt,*

cum

eum in Canobio diutius perdurare non posse; qui prius voluntates suas non didicerit superare. Et S. Basiliius advertit, quod Christus Lucæ 9. prius exigit abnegationem nostrî, quàm sequelam suâ per statum monasticum.

XIII. Subjectus passionibus *miser est apud homines.* Nam Superiores, nec alienæ salutis curam ei committere securè queunt; nè pro zelo proferat scandala: nec arcanum aliquod concedere; nè abreptus passione prodat illud: nec seriis admoveere negotiis; nè vel negligat illa, vel non ad expectationem transigat, perturbatus affectu violento. Inter æquales & inferiores, versatur odibilis; utpote vitæ socialis expers. Versatur, vel tanquam erinaceus, qui pungit, etiam cùm pungere nō intendit; nec tãgi se permittit, si fervet motibus irascibilis potentia: vel tanquã talpa, si motibus potentia concupiscibilis urgetur, ut nonnisi terrâ rebusq; terrenis oblectetur, nec aperiat oculos ad cælestia.

XIV. Deniq; *miser est apud se ipsum;* quia velut mare procellâ concussum, vexatur fluctibus passionum. De quo S. Aug. l. i. Conf. c. 12: *Iussisti Domine, & sic est; ut pena sibi sit omnis animus inordinatus; quia internâ pace caret, nam tanquam mare ventis agitur.* Rectè proinde S. Antonius monebat discipulum: *Horre ventrem tuum, & necessitatem huius sæculi, & concupiscen-*

piscentiam malam, & honorem, tanquam absens de hoc seculo; & requiem possidebis. In vitis PP. L. 7. c. 26.

XV. Media ad mortificationem Passionum.

1um: A Deo ferventer petere virtutem hanc. Quia Christus inter viginti regulas, S. Mariæ Magdalenæ de Pazis, sic eam docet regulâ 11. *Sis dominatrix tuarum passionum, petendo talem gratiam à me, qui sum dominator omnium creaturarum.*

2dum: Exactus examinis particularis usus.

3tium: Sicut medicus imprimis amovet morbi causam; sic radix & causa passionum rebellium supprimenda. Ea verò est fomes peccati, seu juxta S. Paulum & Conc: Trid: *Lex membrorum & concupiscentia.* Supprimitur autem & enervatur, tum exercitiò virtutum heroicarum; tum ubi frequenti SS. Eucharistiæ; ut cum S. Aug: & Thoma communiter docetur. Et S. Cyrillus Alex: l. 4. in Joan. c. 17. ait: *Quòd Eucharistia sedat in nobis sàventem membrorum nostrorum legem.*

4tum: Juxta S. Basilium est: Crebra corporis mortificatio.

5tum: Non omnes simul aggrediendas esse passiones docet S. Bernardus: sed singillatim. Sicut nec omnes simul hostes adorimur. Nec Tygranis filii sagittas plures simul frangere potuerunt, quas singulas fregerunt facile.

6tum: A debilioribus & minoribus est in-

cho-

choandum. Prius enim strangulandi serpentes, postea necandæ hydræ. Non parcendum tamen majoribus: sicut Saul. 1. Reg. 15. de teriora mactavit, pepercit aliis.

7mum: Cogitare, quanta præmia sequantur mortificationem istam. Nam inquit S. Augustinus: Omne opus leve fieri solet, cum ejus pretium cogitatur; & spes præmii, solacium est laboris. Item S. Basil: Semper cor tuum promissa celestia meditetur, ut ipsa te ad virtutis viam provocent.

Reliqua media ex præcedente Lectione.

XVI. Impedimenta hujus virtutis sunt.

1mum: Neglectus mediorum. 2dum: Horror difficultatis in se ipso vincendo. Sed hunc vincet amor Dei: quia juxta S. Aug: Omnis labor non amantibus gravis est; solus amor est, qui nomen difficultatis erubescit.

3tium est superbia: contra quam hæc offert arma Thom. Kemp. Imit. l. 3. c. 23. Stude fili, alterius potius facere voluntatem, quam tuam. Elige semper minus, quam plus habere. Quare semper inferiorem locum, & omnibus subjici. Opta semper & ora, ut voluntas Dei integrè in te fiat. Et c. 24. Non sit tibi cura de magni nominis umbra, non de multorum familiaritate, nec de privata hominum dilectione.

4tum In meditando, in discutienda conscientia, in reflexione hebdomadaria, non inquirere seriò in motus animi; proposita in hoc

puncto vel negligere, vel emittere frigide, vel ad effectum non deducere.

stum: Principiis non obstare, neq; passionem, mox ut surrexerit, reprimere; donec invale-scat. Discipuli S. Dorothei, cum minores cypressos facile evellerent ipsius jussu; eam evellere nequērunt, quæ altas jam egerat ra-dices. Quò S. iste Pater docuit: Passiones ro-boratas non facile vinci posse.

Credisne de quovis anno tuæ vitæ, de quo-vis mense, die, hora, te rationem olim reddi-turum? ô quàm gravis incumbet calculus die-rum & horarum, quæ non merebuntur diei di-es vel horæ vitæ! Putasne vixisse te diem, in qua passionibus non imposuisti frænum? Audi Eusebiū Emisissenū: *Illū tantum diē vixisse te puta, in quo voluntatem propriam abnegasti, in quo pra-vis desideriis restitisti.* O quot jam periēre di-es, ad frangendam protervam voluntatem, ad te vincendum, ad cōercendos animi motus, concessi

MEDITATIO III.

De Doloribus Deiparæ.

I. *Punctum imum.* Audiam Simeonem Luc. 2. *Tuam ipsius animam pertransibit gladius. Venit, venit ille acer, & omni gladiō ancipitī acutior gladius doloris, penetrans ad divisionem ani-*
ma,

ma, Spiritus, ac medullarum; irruit in MA-
RIAM, tanquam furens hostis, innocuam ur-
bem violenter expugnans, jugulans, dilani-
ans: intendit sævitiam, nè minus Mater pate-
retur in corde, quàm Filius in corpore. Venit
hic gladius, non interficiens, sed more tyran-
ni, diu torquens innocentem animum Virgi-
nis: ut sentiret se mori, non tamen moreretur.
Miseræ hæc mater, afflicta, lacrymabilis, or-
phana petebat animæ suæ, ut moreretur cum
filio, sed fugiebat mors ab ea, & gladius non
recedebat de domo cordis ejus. Stabat ad o-
stium, perseverabat pulsans, & vehementi
pulsu cordis feriens graviter. Stabat, & no-
vo ac novo aspectu Filii, velut novis machi-
nis Virgineum pectus expugnabat. Ad extre-
mos Filii gemitus, novis vulneribus viam sibi
faciens, pertransibat omnes animæ potentias,
ac omnia penetralia. Sauciabat memoriam,
dissecabat intellectum, dilaniabat omnium a-
trocissimè innocentissimam voluntatem. Per-
transibat animam, nec tamen animam egredi
sinebat. *Stabat juxta crucem Mater JESU*, sta-
bat fulciente se omnipotentiâ Filii, nè concideret mortua, quod optâset. O Omnipotens
Bonitas, istamne fecisti potentiâ in brachio tuo,
brachio inquâ extento; ut teneres Matrê, tam
dirô gladiô laniandam! At justa sunt Domine
judicia tua; si enim, ô cælestis Pater! gladium

distinxisti adversus virum coherentem tibi, id est adversus Filium tuum; quidni distinges adversus Matrem ejus? ut, sicut ille suis doloribus nos tibi, cæloq; genuit; sic illa in doloribus fieret Mater nostra.

II. *Punctum 2dum.* Audiam Jerem. Thren. i. *Videte, si est dolor, sicut dolor meus.* Major erat Deiparæ dolor doloribus aliorum hominum: imò: quia illa fuit immunis à peccato originali; quod efficit cor durum & sine affectione. Sicut itaq; frigus homini durato modicam creat molestiam; delicatam verò carnem acutè permeat & constringit: ita dolor tenerrimum illud pectus pupugit acerrimè. Quòd si reliquæ mulieres lamentabantur, si Centurio compunctus, si milites, leopardis non ab similes, revertebantur commoti, & percutientes pectora sua; quid fecit Mater? 2dò: Quò clariùs quis cognoscit personæ afflictæ excellentiam, eò magis compatitur. Et quisnam inter filios & filias hominum, adeo nôsse poterat hunc filium; ut sua Mater? Ritè illud audiit, ritè retinuit: Hic erit magnus, Filius Altissimi vocabitur, & regnabit in domo Jacob in æternum. Et dicebat fortè: O Gabriel! videsne? ecce ille magnus, nunc inter latrones pendet medius, & inter iniquos reputatus! Ecce sedes David Patris ejus, ecce regnat, ecce posuerunt ei & titulum: *Hic est Rex Judæorum!* 3tiò: Quò major est

est amor, eò major de dilecti tormentis dolor. Hæc autẽ diligebat eũ, sicut mater diligit unicũ filiũ suum. Diligebat eũ locò Patris & Matris; quia solã matrẽ in terris habuit. Diligebat ardentẽ, & sicut filiũ, & sicut Deũ. Diligebat & recogitabat: Nonne cor nostrũ ardens erat in nobis, quando loquebatur nobis per annos triginta in Nazareth? Unde S. Bonav. *Nul-
us dolor amarior, quia nulla proles charior.* 4to: Quia quidquid Filius passus in anima & corpore, id totum, velut in crysalli centro colligebatur in corde Matris. 5to: Quia dolor ejus, à conceptione Filii totã durabat vitã; ut revelavit S. Birgittæ L. 6. Revel. c. 57. 6to: Quia nunquam intermittebat: sed urebat continuò. Sic sub cruce lancinabat adeo, ut iudiciò S. Bernardini, apud Miech. in Litan. disc. 386. *Si dolor ejus in singulos divisus esset homines, ruiſſent omnes exanimẽs.* O Vesuvie amoris! ô igneum mare doloris! ô Mater dolorosissima, instilla mihi amorem & compassionem!

III. Punctum 3tium. Audiam Beatissimam Cant. 4. *Vadam ad montem myrrha.* Vadam ad Golgotham montem doloris amarissimi. At permittetne filius ut videas morientem? permittetne mater, ut te filius videat dolentem? permittetne filius dulcissimam parentem repleri amaritudine? inebriari absynthio? permittetne mater, ut dolores filii tuis acuantur dolori-

loribus? Mariæ verba dolor eripit, respondet
 Jesus: Ego ex amore tui patior in corpore,
 patiatur mater in anima; morior ego pro te,
 commoriatur corde mater. Cor meum divi-
 det lancea, cor matris pertranseat gladius. Stet
 juxta crucem. Quid ita optime Jesu? 1^{mo}:
 inquit, ut tibi mereatur constantiam in meo
 obsequio. 2^{do}: Ut exemplum det fortiter pa-
 tiendi. 3^{to}: Ut te in Joanne accipiat in fili-
 um. 4^{to}: Ut plùs doloris accedat mihi ex aspe-
 ctu dolorum ejus. 5^{to}: Ut mereatur esse Re-
 gina Martyrum. 6^{to}: Ut operetur mecum re-
 demptionem mundi. Quare S. Damianus ait:
Sicut sinè Christo nihil factum est; ita sinè illa nihil
refectum: omnium salus per ipsam facta. 7^{mo}
 tandem, inquit Jesus, ut meam passionem,
 mortem, omnia merita, gratias à me prome-
 ritas in ejus consignem manu. Unde juxta
 Patres, est *thesauraria gratiarum Dei*. Totum
 nos Deus habere voluit per Mariam. O dul-
 cis Nòemi, quam amaritudine replevit Omni-
 potens! Profiteor cum S. Germano: Nullus
 est, qui salvus fiat, nisi per te, ô Sanctissima!
 nullus est, qui liberetur à malis, nisi per te, ô
 purissima! nullus est, cui donum, concedatur
 nisi per te, ô castissima! nemo est, cujus mise-
 reatur gratia, nisi per te ô honestissima! Ergo
 cum Anselmo clamo: O Tu illa, piè potens, &
 potenter pia, MARIA; de qua fons est ortus mi-
 feri-

fericordiæ! Nè contineas, precor, tam veram
misericordiam; ubi tam veram agnoscis miseri-
am. Si enim ego confiteor nequitiam meam;
Tune abnegabis benignitatem tuam? Major
est miseria mea, quàm mihi expediat; eritne
minor misericordia tua, quàm te deceat?

Tessera. *Tu es spes unica peccatorum, quia per
te speramus veniam delictorum. & in te nostrorum
est expectatio premiorum.* S. August.

DIEI NONÆ MEDITATIO I. De amore DEI & Christi.

I. Punct. 1. Audiam Jerem: cap. 31: *In chari-
tate perpetua dilexi te.* Cogitabo imò: Amor di-
vinus est ipse Deus. Deus abæternus, immensus,
infinite; igitur amat me ab æterno, immensè,
infinite. Amat me eodem amore, quo se ipsum.
O dignatio! *Quid est homo, quia magnificas eum;
aut quid apponis erga eum cor tuum?* 2dò: Amat
me gratis, sine suo fructu, sine meis meritis;
imò cum demeritis: nec tamen, aquæ multæ
meorum demeritorum possunt extinguere cha-
ritatem ejus. Quis similis amicus? 3tò: Amat
me super omnia, quia omnia condidit pro-
pter me, *omnia subjecit sub pedibus meis.* 4tò:
Amat me plùs, quàm Angelos; *neque enim An-
gelos, sed semen Abraha apprehendit.* 5tò: Amat

me plùs, quàm amicū, imò quàm filium: nā quis pro amico vel filio vilē assumeret naturā, v. g. bovis vel asini? quis vellet eīse opprobriū hominū & abjectio plebis? tanta pati? mori? Quis amicū vel filiū, ferreō stylō scribit in manibus suis, & lanceā in corde? quis sustinet ab amico sapius offendi? *6to*: Amat me plùs quàm se; ut ait August: Dilexisti me Domine plùs quàm te, quia dignatus es mori propter me. *7mo*: Potuit me salvere sinè passione, maluit pati; potuit redimere unā guttā sanguinis, effudit totum. Parum est: Tanta passus, plura pati paratus esset, si foret opus; ut revelavit S Birgittæ L. 1. Revel. c. 1. Possetne me amare magis ille, cuius omne bonum penderet ab amore meī? Obstupescite cæli super hoc, quòd Deus amet aliquid extra se! Magis obstupescite, quòd amet hominem, tam vilem, tam ingratam, tam indignam amore suo creaturam; ac tam ardentem amet! Maximè obtupescite, quòd homo non redamet Deum! Ergone tanto amore non potest mereri amorem meum? Quid amplius exigam ab illo, in pretium amoris meī?

II. *Punct. 2.* Audiam Deum Can. 8. *Pone me ut signaculum super cor tuum.* O beatum signaculum, quod prohibet, nè cor meum pateat ulli, præter Deum, aut propter Deum. *Amor Dei nihil præter Deum cogitare finit, fastidit cetera:* ait Bernardus. Hinc plùs illum teneor ama-

amare; quàm amicos, fratres, sorores, parentes; uti præcipit Evangelium. Præsertim quia hi non amant, nisi amentur: Christus verò pro inimicis mortuus. Illorum amor fallax, inconstans, quærens quæ sua sunt; amor Dei solidus, constans, sincerus, quærens meum bonum. Illorum amor, etsi vellet, non potest præstare tantum, quantum Deus? 2dò: Teneor illum amare super formam, vires, delicias, commoda, & reliqua bona corporis; quia juxta S. Chrysostomum: *Amor Dei, que svavia sunt, ridet, & non sentit; sicut corpora mortuorum.* Et juxta S. Birgittam: *Omnia terrena sunt ei amara, & omnis voluptas venenum.* Item teneor amare plùs, quàm bona fortunæ, quàm bona famæ; ut itidem de fide est ex Evangelio. T. q. juxta eundem Chrysostomum: *Probrum & dedecus quid sit, ignorat charitas: ut patet in charitate Christi.* Præterea, quia bonis omnibùs, non aliter nobis uti licet, nisi ad laudem & amorem Dei. 3tò: Immo teneor ex amore Dei me ipsum abnegare, tollere crucem quotidie, & sequi Christum ad Calvariam. 4tò: Teneor amare Deum, plùs quàm Angelis; quia non Angelum assumpsit, justificat, pascit se ipso; sed me. O Deus, qui totus charitas es, si mihi forent infinita corda, totis & omnibùs in te deberem ferri: cùm autem unicum mihi sit, & arctum nimis; justumne putem, ut illud

par-

partiar in aliquid, quod non es tu, vel non propter te? Totum tibi dedico, qui totum te dedisti mihi.

III. *Punct. 3.* Non cessat clamare Christus: Proverb. 23. *Fili prave mihi cor tuum.* Clamat vulneribûs, clamat beneficiis, clamat minis, clamat instinctibûs, clamat per lumen rationis; quod solus velit esse Dominus cordis mei: sed clamat surdo. *Dilexerunt homines magis tenebras, quàm lucem.* Ecce imò: Magis amo tenebras & nihilum, hoc est me ipsum; quàm Deum: Nam tantòne studiò promoveo cultum Dei, quantò bona corporis, famæ, fortunæ meæ? An aliquando propter illa non offendi Deum? 2dò: Magis amo homines, quàm Deum: amico non infero injurias, immo nihil nego; compatiar in adversis, continuò vellem colloqui, omnimodè placere studeo; etiam cum incommodo servio, monentem audio, cōsulenti obedio. Hæc à me Deus obtinere nequit: imò nè offendam hominem, offendo Deum. 3tid: Potiore apud me loco hostis, quàm Deus. Hostis, si pro me vitam, famam, vel aurum profunderet, utique obtineret meum cor. Plura fecit JESUS, & non obtinet. Parco hosti mortuo; non parco occiso pro me JESU. Si cui offerretur regnum, ut hostem recipiat in amicum: utique reciperet: mihi offertur Regnum Cælorum, ut optimum Deum recipi-

am in amicum; & adhuc in ejus amore frigeo! 410: Quantum amantur etiam nonnulla bruta! quam sollicitè curantur! quam commodè foveantur! Infelicioꝝ quoad nos honor Dei.

Anima mea, vide, quàm caro mercatur Deus amorem tuum. Quem tandem illo digniorè censes, cui cor offeras? cui dones honestius? cui æquius? cui utiliùs? Vide, quòd vel amore Dei arendum est; vel æternùm arendum in gehenna. Quid horum eligis?

Colloquium ex S. Augustino. Quis mihi dabit, quiescere in te? quis mihi dabit, ut venias in cor meum, & inebries illud; ut obliviscar mala mea, & unum bonum meum amplectar te? Quid mihi es? miserere, ut loquar; Quid tibi sum ipse, ut amari te jubeas à me; & nisi faciam, irascaris mihi, & mineris ingentes misérias? Parvane ista miseria est, si non amē te? In fine affectus S. Xaverii: O Deus ego amo te.

Thom. à Kempis L. 3. c. 5. 6. 59.

Minus te Domine amat, qui præter te aliquid amat, quod non propter te amat. S. Augustinus.

O quàm velim tanto amore flagrare, quanto tanta majestas digna est! S. Aloysius.

Societas JESU est Xenodochium vulneratorum amore Dei. V. P. Balthazar Alvarez.

LECTIO PRIMA

De Charitate proximi.

I. Caritas præcepta erga proximum est virtus, quâ proximo bene volumus propter DEUM. Unde ex eodem habitu, & ex eodē motivo procedunt actus amoris erga Deū, & actus amoris erga proximū. Ex quo S. Thō. 2.2.q.25.a.1. infert, utrosq; actus esse ejusdem speciei. Legē de illa imprimis sanxit DEUS, tū alibi, tū Exod. 23. Levit. 19. Deut. 5. Deinde Salvator noster pluries in Evangelio. Tandē Apostoli continuō illam inculcant. At non solum est lex DEI, Christi, Ecclesiæ; sed etiam est lex naturæ. Illam enim imō Christus explicat per legem naturæ affirmativam Matth. 6. *Quacunq; vultis, ut faciant vobis homines: & vos facite illis.* 2dō Spiritus S. Tob. 4. per legem naturæ negativam: *Quod ab alio oderis fieri tibi; vide, nè tu aliquando alteri facias.* Hōc ergo titulō, quod sit lex naturæ; in nullo casu licitē frangi potest; quia quoties contra lumen rationis agitur, toties agitur contra dictamen cōscientiæ practicum; adeoq; peccatur.

II. Istud præceptum esse totam legem & Prophetas, dicit Christus. l.c. Et Paulus Rom. 13. *Omne mandatum in hoc verbo instauratur: Diliges proximum, sicut teipsum.* Super quod Ter-
tulli-

tullianus l. 5. contra Martion. c. 4. de S. Paulo ait: Merito totam Creatoris disciplinam principali præcepto eius concludit: Diliges proximum tanquam te. Ex quo S. Augustinus infert, quòd, qui contra proximum delinquit; contra omnē delinquit legem. Et ratio est: quia Matth. 22. non solum à præcepto de dilectione DEI, sed etiam à præcepto de dilectione proximi, universa lex pender; adeoq; universam legem titubare necesse est, si vacillat præceptum de charitate proximi. Sicut econtra ad Rom. 13. Qui diligit proximum, legem implevit. Complet Aug: l. 8. de Trinit. c. 8. Qui diligit proximum, legem implevit, tam una quam 2da tabula. Affirmat utrumq; Corn. à Lap: Sicut odium, & defectus charitatis, totius legis est dissolutio; ita charitas est causa imperans, ut cæteræ omnes leges impleantur.

III. Proprietates principis hujus virtutis colliguntur ex epist. ad Rom. c. 12. 1ma: Quòd debeat esse sine simulatione; hoc est: sincera & candida; uti præcipitur 1. Joan. 3. Non diligamus verbò, neq; linguâ; sed opere & veritate. 2da: Quòd diligendo proximum, debeamus odisse peccata ejus, & amplecti virtutes: Odientes malum, adherentes bono. 3tra: Quòd charitas debeat esse fraterna, seu prout exponit August: Qualis debet esse inter fratres; seu intensu; ut explicat Theophylact. 4ta: Quòd debeat esse sine fastidio.

ftu: *Honore invicem praevenientes; five, ut ait ad Philip. 2: Superiores sibi invicem arbitantes. 5ta: Quod debeat esse prompta, & sollicita in juvando proximo: Sollicitudine non pigri. 6ta: Fervens: Spiritu ferventes, seu impetu quodam animi successa ad praestandum officium proximo; inquit Theodoretus. 7ma: Quod debeat esse propter Deum: Domino servientes. S. Aug. l. 8. de Trinit. c. 8. Nemo verà dilectione diligit proximum; nisi qui ipsum in DEO, & propter DEUM diligit. S. Gregor. hom. 38. in Evang. Si quis quemlibet amat, sed propter DEUM non amat; charitatem non habet, sed habere se putat. S. Bern. de dilect. DEI: Qui diligit proximum, prius diligere debet DEUM. Ut perfecta iustitia sit, diligere proximum; DEUM habere in causa necesse est: alioquin proximum purè diligere, quomodo potest, qui DEUM non diligit? Hinc fluit 8va proprietas: Charitas debet esse universalis, quia idem motivum nempe DEUS, quod compellit ad amandum unum proximum, urget ad amandos omnes. Item universalis, ut se ad omnia officia praestanda aliis extendat. Id exigit S. Basil. in Reg. brev. 9na fluit: Debet esse constans juxta illud: Charitas, qua deseri potest, nunquam vera fuit. Ratio est: quia & DEUS semper & in omnibus circumstantiis, dignus est; ut propter ipsum ametur proximus, & proximus nunquam & in nulla circumstantia desinit*

nit eſſe proximus. 1ma: Debet eſſe gratuita: Si enim quæret bonum aliquod non propter DEUM; jam non erit motivum ejus DEUS. Hinc item fluit 1ma: Quod debeat eſſe ex corde puro & conſcientia bona: hoc eſt: non munda- na, non carnalis: ſed primariò DEUM, reſpici- ens, tanquam ſuum finem. S. Auguſtinus per cor purum, intelligit: cor vacuum ab omni cupidi- tate.

IV. S. Paulus 1. ad Cor: 13. ad charitatem proximi ſic incitat: Si charitatem non habuero, ni- hil ſum: quatenus non ſum id, quod eſſe tene- or. Nā 1mò: non ſum ſocius JESU; quia jux- ta S. Xaverium: Societas JESU eſt ſocietas a- moris atq; concordia. 2dò: non ſum di- ſcipulus Chriſti, qui dixit: In hoc cognoscet, quia diſcipuli mei eſtis, ſi dilectionem habueritis ad invicem. 3tiò: non ſum juſtus juſtitia, quæ eſt conditio, ut intrem in regnum cælorum; de qua Chriſtus Matth. 5. Nisi abundaverit juſtitia veſtra plus, quàm ſcribarum & Phariſæorum, non intrabitis in regnum cælorum: ſeu juſtitia ſumpta pro complexo virtutum. Nam Colof. 3. Cha- ritas eſt vinculum perfectionis. Quia unit omnes virtutes, completq; totum corpus perfectionis; in- quit Theophylaſt.

V. Si dixero, quoniam diligo DEUM, & odi fratrem; mendax ſum: quia ex ſupradictis, amor DEI ſtare non poteſt, ſine amore proximi.

Proinde S. Doroth. Tom. 3. Bibl. Doctr. 6. ait:
Quantum proximo, tantum & DEO coniungimur.
 S. Aug. initiol. 1. de civit: *Qui proximum o-*
dit, & contemnit; mox etiam DEUM odio habe-
bit & contemnet. 5to: Non potiar misericordiâ
 quia, quâ mensurâ metior, eâdem remetiatur
 mihi; non dimitto debita, non dimittentur mi-
 hi: nec, ut dimittantur, quisquam orabit pro
 me, tanquam os ore aliorum. Et fortè decre-
 vit DEUS, me non liberandum è carcere pur-
 gatorio; donec oret pro me is, quem odi-
 bit: Non sum Christianus: quia sum homicida
 Christi in ejus membris; quia juxta S. Joannē:
Qui odit fratrem suum, homicida est. 7mo: Sum
 peior, quàm crucifixores Christi: quia illi non
 ausi scindere vestem ejus; ego verò scindo ve-
 stem ejus inconfutilem, quæ juxta S. Aug. est
 charitas. 8vo: Non sum homo, quia non sum
 animal sociale; vel sum homo homini lupus. 9no:
 Sum dæmō: quia iudiciō SS. Doroth. Bern. &c.
Sine charitate religiosa claustra sunt tartara, & ha-
bitantes in eis sunt demones. 10mo: Nomen habeo,
 quod vivam; & mortuus sum: quia recisum ab
 aliis membrum mortuum est. Porro Rom. 12:
Unum corpus sumus in Christo, singuli autem alter
alterius membra.

VI. Idem Apostolus ibidem proponit officii
 charitatis. 1mo: *Charitas patiens est; hoc est*
patitur mores alienos, & injurias sibi illatas.
 S. Chry-

S. Chrysoſt. ait, quòd hìc Apoſtolus notat *contentioſos*: unde charitas non contendit, non contradicit, non eſt pertinax. 2dò: *Benigna eſt*: non inſultat, non exprobrat, orat pro proximis etiam inimicis, omnibus ſe præbet affabilem, omnes verbò, exemplò, oratione ad DEUM trahit. S. Chryſoſt. cenſet, quòd hìc Apoſtolus perſtringat factioſos, & clauſtrinos. S. Greg. ait: *Benigna eſt, quia pro malis bona miſtrat.* 3tò: *Non emulatur*, ſeu non inuidet bona, ſed optat aliis, adeoq; non fert ægrè aliorum ſucceſſus. S. Chryſoſt. putat hìc notari eos, qui ægrè ſuperiores ſe ferunt. 4tò: *Non agit perperam*, ſeu non eſt procax. Juxta S. Chryſoſt. hìc perſtringuntur diſſoluti. S. Greg. ait: *Non agit perperam, quia ſe in ſolum DEI & proximi amorem dilatat.* 5tò: *Non inflatur: hoc eſt*: non ſolum nulli ſe præfert; ſed etiam omnes tanquam ſuperiores colit; ut monet Paulus. 6tò: *Non eſt ambitioſa*: hoc eſt: non appetit nobiliora, eligit viliora. Juxta S. Chryſoſt. Apoſtolus notat eos, qui ſe & demittere, & proximo inſervire nolunt. 7mò: *Non querit, quæ ſua ſunt*: hoc eſt: non querit, quod ſoli ſibi, ſed quod aliis, quod communitati proſit. S. Chryſoſtomus putat notari eos; qui cæteros deſpiciunt. 8vò: *Non irritatur*: hoc eſt: iram non fovet, vindictam non expetit, bonum pro malo reddit. S. Greg. ait: *Non irritatur, quia &*

injuriis laceſſita, ad nullos ſe ultionis motus excitat. S. Chryſoſt. dicit: notari hîc cõtumelioſos. 9nd: Non cogitat malum: hoc eſt: neminem cenſurat, de nemine malè ſuſpicatur, neminem judicat. S. Dorothe. ait: Nihil adeo provocat. DEUM ad iram, nihil ita hominem ſpoliat, & omni virtute & preſidiò denudat, nec ad ſummum diſcrimen adducit; ut proximum dijudicare ac condemnare. Certè anti-chriſt⁹ eſt, qui judiciariam Chriſti poteſtatem ſibi vendicat. Item: non cogitat malum, quia nec memoriâ, nec imaginatione volvit deſectus proximi; tantò min⁹ inquiri aliena vitia. 10mò: Non gaudet ſuper iniquitate: quia, ait Greg. Sola dilectione erga omnes inhiat, nec de perditione adverſantium inſultat. 11mò: Congaudet autem veritat⁹ quia gaudet, ſi innocentia proximi pateat. Congaudet item ſanctitati proximi; quia S. Greg. per veritatem hîc intelligit probitatem, oppoſitam iniquitati, ſuper qua non gaudet charitas. Verba ejus ſunt: Congaudet veritat⁹ quia ut ſe, ceteros diligens, per hoc quod rectum in aliis conſpicit, quaſi de augmento proprii proſect⁹ hilareſcit. 12mò: Omnia ſuffert: hoc eſt: non irridet, imò irriſiones avertit; tantò min⁹ detrahit. In vitis PP. lib. 5. Paſtor Abbas aſebat: Quacunq; horâ prodiderimus culpas fratrum; & DEUS noſtras proder. S. Cyprian. legit: omnia diligit: hoc eſt: libenter perfert adverſa. 13tid: Omnia credit: id eſt: be-

ne supponit de omnibus; ut explicat Chrysost.
 14to: *Omnia sperat*: Græci exponunt: *Omnia
 sperat bona de proximo*. 15to: *Omnia sustinet*: hoc
 est: omnia bona, quæ sperat, patienter
 expectat. Ità S. Anselm. & S. Thom. 16to:
Charitas nunquam excidit: hoc est: charitas pro-
 ximi, si vera est, constans est. ut supra n. 3.

VII. Ubi perpensa præcepta, proprietates,
 motiva, officia charitatis proximi; quærit Spi-
 ritus S. I. Reg. 6: *Quare aggravatis corda ve-*
stra? Quare aggravas cor tuum contra proxi-
 mum? Quia te læsit? ô quoties tu læsisti alios,
 & vis ignosci tibi! At sæpius me læsit? nunquid
 per hoc desit esse proximus? At non offendi
 illum, non prior ad amicitiam invitabo! Utique;
 DEUS te non offendit, sed tu toties illum of-
 fendisti: ipse tamen prior ad amicitiam te vo-
 cat. At jam toties illi pepercit! Christus jussit
 non septies, sed septuagies septies parci. At
 præterea vilis homo est! cum sit homo, jam nō
 est vilis, sed frater tuus. Et nunquid ille vi-
 lior est respectu tui, quàm tu respectu DEI?
 & tamen DEUS toties pepercit tibi. At con-
 temnit alios! Christus factus est pro nobis op-
 probrium hominum, abjectio plebis, maledi-
 ctum, Judæis scandalum, gentibus stultitia:
 tunc melior Christo? Ad hæc: si tantum æsti-
 mantes te amabis; nonne & ethnici hoc faci-
 unt? At si parcam, ille non corriget vitia sua!

Quis te constituit iudicem fratris tui? Tune transgredieris mandatum DEI de charitate, ut alius vitia sua corrigan? Tune eris nequam, ut ipse sit bonus? At antipathia me non permittit, ut ipsum amem! Ergo nec in cælo ipsum amare permittet antipathia. Ergo cælum conditum est propter solos sympathicos! Ergo præceptū DEI & Christi solos sympathicos obligat. Quæ ejus erat necessitas? Jam tandē parca ipsi sed eum non alloquar! Quid, si Deus etiā parcat tibi; sed amplius non loquatur ad cor tuū per gratias? Deinde hocine est amare proximum sicut teipsum? an non hoc est, ipsum contristare, & affligere an non est firmare in illo aversionem à te, & odiū tuū? conse quenter, an non est causam esse alieni peccati? At vitii laborat; metuo, nè cum perverso pervertar! Utique; **DEUS** solem suum oriri facit super bonos & malos. Utique; idem sol non contrahit maculā à sordibus. Tandem itā cum perverso loquendum, ut ex perverso convertatur.

At constanter se inimicum exhibet! Nunquid Christus non mortuus pro inimicis? Cum inimici essemus, reconciliati sumus *DEO per mortem Filii ejus.* ad Rom. 5. Præterea cur non vincis in bono malum? Ad hæc, si amabis, ex inimico facies amicum. Tandem vide, nè surgant in iudicio, & condemnent te; qui amore in hostes caluerunt, tot sancti, tot fideles, imò

& in;

& infideles. Scis ex Plutarcho, quod Lycurgus juvenem, à quo fuit orbatus oculo, eripuit populo, quasi pro libitu puniturus: sed illum optimè instituit, & bonis moribus instructum produxit in theatrum: En, inquit, quem à vobis injuriam & violentum accepi; jam frugè & popularem vobis restituo. Apud Sveton: Augustus Cæsar Cinnam suum in caput hostis ad consulatum extulit. Vide, ne condemnet DEUS, qui Exod. 23. Levit. 19. & per lumè rationis, jubet amare inimicos. Nè condemnet Christus, qui eos diligere præcipit *imò corde: Diligite inimicos: 2do ore: dum mandata: Benedicite maledicentibus, tem jubet orare pro persequentibus, salutare, dñs* (sicut addunt Græci) in osculo & complexu; uti & Paulus docet 2. ad Cor. 12. In osculo sancto: 3tid opere: *Benefacite iis, qui odierunt vos.* Nè multa: de præcepto est, ut nos præstemus tales inimicis, quales nos præstamus amicis *ordinariè.* Quamvis specialis, & extraordinaria affectio, ac beneficentia, sit solum de consilio. Vide S. Thom. 2. 2. q. 25. a. 8. & 9.

At dictum est antiquis: *Diliges proximum tuum, & odio habebis inimicum tuum!* Noveris: nulli in scriptura reperiri figmentum hoc: *odio habebis inimicum tuum:* imò in proximè citata oppositum reperiri. Verum, juxta Hieronymum, Augustinum, Theophylactum, Scribæ & Pha-

Pharisæi stultè putantes, solos Judæos sibi esse proximos, ex hoc: *Diliges proximum*: Item ex hoc, quod Deuter. 25. DEUS jussit Chanaanæos deleri sub cælo, tanquam pessimos homines: ineptè inferebant, odiò habendos esse omnes, qui suæ non essent gentis. Ità Theophil. Quasi verò judex, cum reum occidi jubet, hoc ipso velit odiò haberi.

Ex his collige: Illa, quibûs arceri te dicis ab amore proximi; nonne sunt frivola? Num excusabunt coram DEO? Certum habe, aliam esse causam, quòd frigeas in amore proximi; quòd violes tam sanctam, & grandem charitatis legem: nempe, passionem indomitam, teporem, qui intellectum excæcat; superbiam, ejusq; filias, amorem proprium, invidiam, peritiam.

VIII. Gradus amoris in inimicum hos assignat S. Chrysost. hom. 18. in Matth. *1mus*, inquit, est: nè prior injuriam ordiaris. *2dus*: ubi est injuria capta, nè tu eandem eodem patetò propellas. *3tius*: nè par pari referas; sed quiescas. *4tus*: ut quis etiam præbeat se ipsū ad injuriam sustinendam. *5tus*: ut etiam ad majorem se præbeat; quàm vult ille, qui fecit. *6tus*: non odisse, à quo ista perpetitur. *7mus*: etiam diligere lædentē. *8vus*: beneficiis quoq; eum libenter afficere. *9nus*; etiam DEUM pro adversariis deprecari.

Me:

Media conservandæ charitatis apud Roderic. p. I. tract. 4. c. 7. fol. 142.

Anima mea! DEUS præcipit amare proximum: utiq; non jocatur; quia damnat non amantes. Nè damneris, non sufficit non odisse; sed amandum est. 2do: Non sufficit, utrunq; amare; sed sicut me ipsum, hoc est: id præstare alteri; quod vellem præstari mihi, si forem in tali circumstantia. 3to: Non sufficit ergo, amare solum affectivè: sed opere & veritate. Quia probatio charitatis est exhibitio operis: ait Ambr. Unde Christus damnabit illos, qui ipsum in ejus minis non paverunt, non potârunt, non collegerunt, non coopernerunt. Hunc amorem testamento nobis reliquit idem Amator pacis, exemplar amoris, & Magister; cum hoc, & ex hoc amore expiravit. Hic amor est tessera Christianorum, est signaculum filiorum DEI, est primum alphabetum discendum in schola Magistri hujus.

MEDITATIO II.

De amore Beatissimæ.

I. Punct. 1. Audiam Isaiam c. 2. Mons domûs Domini in vertice montium. Juxta S. Aug. Montes vocantur Patriarchæ, Propheta, Apostoli, & alii Sancti illustres. Hos montes, ita superat mons domûs Domini, in qua habitavit tota plenitudo

tudo Divinitatis corporaliter; ut ibi incipiat
 ejus gratia & gloria, ubi aliorum sanctorum
 desinit. Unde *fundamenta ejus in montibus san-*
ctis. 1^{mo}: Præ omnibus ab æterno electa, omnē
electa creature altitudinem electionis sua dignitate
transcendit; inquit S. Gregor. 2^{do}: Sinē labe
 concepta, in primo conceptu rationis usum
 habuit: *Perfectius contemplabatur in utero Matris,*
quàm ullus in sua vita, & magis etiam dormiendo;
quàm ullus Sanctorum vigilando; ait S. Bernardi-
 nus. 3^{to}: In primo conceptu majore pollebat
 gratiâ, quàm omnes collectivè homines & An-
 geli; & hæc singulis momentis duplicabatur;
 ut deduxit M. Suarez. Mensuræ autem gra-
 tiæ, respondet mensura gloriæ. 4^{to}: Titulô
 filiæ DEI Patris, omnia *charismata intrât in eâ;*
 dicit S. Bernardinus. Damascenus addit: *Omnes*
res creatas superat, omnibus dominatur. Titulô
 Maternitatis Divinæ, quid illâ dignius? *Majo-*
rem mundum facere potest Deus, majus celum facere
potest; majorem Matrem non potest; ex sensu S.
 Bonaven. Ratio est ex S. Thom. 1. p. q. 25. a.
 8. ad 4^{um}: Quia ex hoc, quod sit Mater Dei; ha-
 bet quandam dignitatem infinitam. Titulô spon-
 sæ Spiritûs S. donorum antenuptialium nomine,
Spiritum S. accepit; ut docet S. Epiphani.

II. Punct. 2. Audiam Christum Joan. 19.
 Ecce Mater tua. Tanta Dei Mater, non de-
 dignatur, imò cupit esse mater mea; me adoptat
 sibi

sibi in
 ciura
 Omni
 qua no
 omnes
 thana
 in illa
 minit
 Victo
 no acc
 mnes e
 niam,
 Mater
 Bern
 nuit
 tiam
 bert
 nima
 decre
 nisi p
 Berna
 mera
 te eff
 tam e
 III
 tuus.
 in fili
 Imple
 ego n

sibi in filium. Implevit illa omne Matris officium: 1mo: Genuit me Ecclesiæ, teste August: Omnium fuit planè Mater membrorum Christi, quæ nos sumus; quia cooperata est charitate suâ, ut omnes fideles in Ecclesiâ nascerentur. Hinc & Athanas: Baptismalem omnium regenerationem in illam refundit. Genuit me cælo, quia omnium salus per ipsam facta est; ait Hugo de S. Victore. Et S. Bernardinus: Ab ipso Patreaterno accepit fontalem fecunditatem, ad generandos omnes electos. 2do: Munus Matris quoad alimentum, implet in Eucharistia; nè non perfecta sit Mater, cujus sit, nutrire & gignere; inquit idem Bernardinus. 3to: Non solum spiritualiter genuit omnes sanctos, etiam veteris testamenti; sed etiam omnium gerit curam maternam: dicit B. Albertus M. Ipsa enim cuiusvis providet bonam animæ, corporis, famæ, fortunæ. Nam Deus decrevit, non aliter nobis quidquam conferre, nisi per preces & manus Mariæ, ut cum S. Bernardo censent Patres. Anima mea: numerosa, si potes, particularia beneficia, quæ in te effudit Mater ista; quantum pro eis te gratam exhibes?

III. Punct: 3. Audiam Christum: Ecce filius tuus. Mibi Mariam in Matrem, Mariæ me in filium testamentò legavit JESUS in Joanne. Implevit illa per omnia Matris officium; cur ego non impleo officium filii? Teneor amare Ma-

Matrem, quæ me in mundi huius ærumnas edidit: & non amo Matrem, quæ me ad æternas genuit delicias! Amo res vanas, fluxas, noxias: amo illos, qui me non amant; vel amando, sua quærunt commoda. Mater pulchræ dilectionis me ardentè amat, amando, non suum, sed meum bonum quærît: nec hoc amore mereri sibi potest amorem meum! In annis teneris aliquæ eius scintillæ fuerant: nunc refrixit, postquam pluribus ab hæc Matre beneficiis æctus sum. O mare gratiarum emolli cor meum ad tui cultum. Cultus autem hic consistit, juxta Lohner, 1mò: In grandi æstimatione Deiparæ. Anselmus sic illam æstimabat: Nihil tibi æquale; quod supra te est, solus Deus est; quod infra te est, omne quod Deus non est. Ex hac æstimatione cavebo, nè quid committam, quod dedeceat filium tantæ matris. 2dò: Consistit in filiali fiducia: Bernard. monet: In periculis, in angustiis, in rebus dubiis MARIAM cogita, MARIAM invoca; non recedat ab ore, non recedat à corde. 3tò: In constanti veneratione: Totis medullis cordium, totis præcordiorum affectibus MARIAM veneremur; quia sic est voluntas ejus, qui totum nos habere voluit per MARIAM: idem hortatur. 4tò: Consistit in studiosa imitatione, de qua S. Hieron. ait: Amate MARIAM, quam colitis; colite, quam amatis; tunc verè colitis & amatis, si imitari velitis

ex toto corde, quam amatis. Hanc imitationem in tribus præcipue collocat Bernardus: Tu virtutum omnium speciosis vernas floribus, inter quos, pulcherrimas tres miramur in te: hi sunt, quorum odore totam domum Dei reple, ó MARIA: Viola humilitatis, Liliū castitatis, & Rosa charitatis. In his imitari studebo Deiparam.

O Mater, ecce filius tuus: quàm dissimilis tibi, quàm ingratus, quàm refractarius! Planè non sum dignus vocari filius tuus. Tu me ab initio vitæ meæ custodivisti, ex tot laqueis diaboli, ex tot periculis animæ, famæ, corporis eruisti; ab ira Dei justè impendente mihi, protexisti: Tu me ad statum religiosum promovisti: Tu me in eodem statu maternè foves. O Mater misericordiæ, non desine fovere. Peccator sum, indignus sum; sed totus tuus sū. Tuus totus ex asse esse volo. Tibi servire, usque ad mortem, imò in æternum volo, volo, volo.

In fine Formula Sodalitatis.

REFLEXIO

Supra refectionem corporis per esum, potum, recreationem.

Considera imò: An punctualiter descendis ad triclinium? contrarium defectum privatione refectionis puniri jubet S. Isid. Reg. c. 6.

2dd.

2^{da}: An in descensu strictè silentium obser-
vas? Id omnes Ascetæ præcipiunt. Proinde
svadent, aliquas orationes illi tempori desi-
gnandas.

3^{ta}: An intentionem refectioni præfigis, &
quàm sublimem? S. Gertrudem docuit Deus,
ut omnem cibi potusq; sumptionem unitam
actionibus Christi, offerret ipsi. Scribit Ludo-
vicus de Ponte Duc. Spir. tr. 4. c. 11. §. 6.

4^{ta}: An imploras Divinam opem? Quando
quid facturi sumus, offeramus Domino sacri-
ficium precum, & ejus adjutorium invocemus:
S. Chrysost: hom: 65. in Gen.

5^{ta}: An præmittis benedictionem? Præmit-
tebat Christus Matth. 26. Marci 5. Luca 9.
Apostoli teste Hilario in c. 14. Marci. Christi-
ani omnes teste Tertuliano Apolog: contra
Gentes: *Non prius discubatur, quàm oratio ad Deum
prægustetur.* Præmittunt Judæi teste Josepho
L. 2. belli c. 7. Hæretici, Turcæ, quin & Ethni-
ci apud Plutarchum in symposiacis. Apud S.
Greg. L. 1. Dial. c. 4. Monialem possedit dæ-
mon, quod non præmissâ benedictione lactu-
cam sumpserit.

6^{ta}: An post mensam gratias agis Deo? Deut.
8. v. 10. *Cum comederis, & satiatus fueris, bene-
dices Domino Deo tuo.* Tertullianus inquit: *Cō-
vivium oratio dirimit.*

7^{ma}: An post singulas comestiones agis gra-
tias?

tias? S. Ephrem tom. 2. adhort. 1. monet:
semper cibum cum gratiarum actione sumito.

8^{vo}: Quanta religione benedicis, & agis gratias? Utraq; hæc oratio est collaudatio Dei. Act. 2. v. 47. Jam si non attentè fiat, si frigide, si præcipitanter: mereturne dici collaudatio Dei? Imò juxta Cyprianum, est *irreverentia Dei.*

9^{no}: An actus comparâsti, quos elicias assidendo mensæ? S. Fran. Seraph. Borgias, Caraffa, Joan: Abbas, & pleriq; continuis animam reficiebant suspiriis, dum reficiebant corpus. Act. 2. Christiani collaudabant Deum inter edendum.

10^{mo}: An consvetas usurpas pænitentias? S. Franciscus in Gener. Capitulo prandebat humi sedens.

11^{mo}: An aliis melius ferculum non invides? Antiqui Patres vitium istud canibus dicebant esse proprium.

12^{mo}: An impatientiæ signa non prodis? Id foret contra fratrum, loci, statuq; tui reverentiam: ait S. Isidorus.

13^{to}: An libenter acceptas, deteriores cibum? Deteriorem eligeant P. Balthasar Alvarez, Lancicius, Chanovius, & alii plurimi.

14^{to}: An non appetis altiores locum in triclinio? Luc. 22. Christus in cœnaculo in medio discipulorum fuit, sicut qui ministrat.

15tò: An non appetis specialia fercula? Illa pleriq; senes etiam ac debiles, non admittunt salvâ obedientiâ.

16tò: An cibô vel potu stomachum non oneras? aliàs tibi sponte mortem accersis; ut ajebat Xenophon.

17mò: An avidè nimis non voras, instar animalium non ruminantium?

18vò: An ut indulgeas gustui, non edis noxia valetudini? *Ad servandam, non ad perimendâ vitam, alimenta nobis provisa sunt;* dicit Philosophus.

19nd: An in æstu violenter sitim non extinguis, præsertim lymphâ, vel cerevisiâ frigidâ?

20mò: An in collatione strictè jejunium observas?

21mò: An abstines ab esca sapidiore, vel saltem illius bolô? Portiones, à quibus continebant se nostri sub P. Sylveira; Angeli deferebant Deiparæ.

22dò: An interdum indicis tibi jejunium? Ut stygios Amalecitas vincas Exodi 17. jejuna cum Josue: hic enim, ut inquit Hieron. *jejunio dimicavit.* Juxta eundem Hieron. contra Jovinianum L. 2. & juxta Tertullianum contra Psychicos c. 7. *Potius jejunio, quàm holocausto, triumphavit Israël in Masphar.*

23tò: An extra tempora refectionis non sumis cibum vel potum? Tales S. Isid. Regulæ

c. 17. puniri jubet *excommunicatione*: Cassian. 9
 L. 4. c. 16. *flagellis & expulsiōe ex monasterio*:
 S. Benedictus *Regulæ* c. 30. *jejuniō & flagellis*.
 S. Bonav. p. 1. spec. p. 3. c. 4. dicit: *Fructus*
vel aliud quidcunq; extraordinariè, sæculari-
um more comedere; patens est gulositatis in-
dicium. Vide P. Claud. industr. c. 8. n. 3.

24^{to}. An sollicitè curas mundam relinque-
 re mappam, & mappulam?

25^{to}. An quæ superaverunt fragmenta, col-
 ligis & detergis; ut mandat Christus Joan. 6?

26^{to}. An in tempore cessas à bibendo, map-
 pulamq; componis?

27^{mo}: An pectore vel cubitis non incum-
 bis mensæ? an scapulas non distendis in parie-
 te? an pedes non divaricas? an crus cruri non
 supponis? an dentes non purgas, præsertim
 fusciculâ, vel mappulâ? an manus tenes quie-
 tē? an more Turcico digitis non uteris pro
 fuscinula? an ossa non rodīs? Vide Lanc. tom.
 1. op. 2. c. 9.

28^{vo}. An quantum potes, à tussiendo, nasō
 emungendo, sonō naribūs vel labiis edendo,
 fricando corpore, sternutando, spuendo te co-
 hibes?

29^{no}. An modestiam exactè servas? S. Aloy-
 sius nescivit, quot habuerit triclinium fene-
 stras.

30^{mo}. An silentium? S. Pachomii regula n.

11. præscribit ita: *Quod si quis vel locutus fuerit, vel referit in vescendi tempore; aget penitentiam; & in eodem loco mox increpabitur; vel stabit, donec surgant alii de vescendo. S. Benedictus regulæ c. 38. summum silentium fiet ad mensam, ut nullius missitatio vel vox, nisi solius legentis audiatur.*

31mo: An non rides ob levem causam? Hunc defectum S. Isidorus plecti vult excommunicatione ad triduum Reg. c. 17. Ejusmodi risû S. Chrysost. indicium esse dicit levis animi. Homil. 6. in Matth. observat, quod Christus Dominus non semel flevisse legitur, risisse nunquam.

32do. An attendis lectioni sacræ? quem ex illa fructum percipis? Joan. 6. *Qui ex Deo est, verba Dei audit; propterea vos non auditis, quia ex Deo non estis.*

33tio. An discedas è triclinio linquam non solvis?

Supra recreationem ordinariam.

1mo. An à Deo petis auxilium, ut religiosè transigas colloquiorum tempus? *Ad quodvis opus sicut respirare jugiter indigemus; ita etiam eò, quod à Deo præstatur, auxiliò. S. Chrysost. hom. 23. in c. 8. Matth.*

2do. An recreationi præmittis intentionem rectam? Nam intentio juxta August. est lumē, juxta alios est oculus, quò dirigimur ad agendum honestè, v.g. ad colloquendum.

3tio.

3^{to}. An rigide silentium observas, donec venias ad colloquendi locum? Hoc exigit Cōgreg. General. 6. Quia Prov. 25. v. 4. Mala aurea verbum dictum in tempore suo. Id est ut explicat Cornel. Sicut malum aureum anulo argenteo insertū, eum decorat: sic oportunitas ornat verbum, si debito locō & tempore proferatur.

4^{to}. An in loco debito recreationem peragis? ut statuitur p. 4. Const. c. 5. § 5.

5^{to}. An dignioribus concedis primas in loquendo? Secus imprudentis iudicii notam incurres apud Catonem, quin & apud scripturam sacram.

6^{to}. An non libentius cum uno colloqueris, quam cum altero? Charitas exigit esse universalis ad omnes: aliās non habet pro motivo Deum.

7^{mo}. An non interrūpis alienum sermonē? Eccl. 11. v. 8. *In medio sermonum non adjicias loquē.* Alioquin, inquit Rabanus: Magis importunum, quam prudentem, te esse probas. Talem inter temerarios locat Philolophus.

8^{vo}. An te non ingeris in discursum, donec illum bene percipias & perpendas? Aliās dicetur tibi: *Sicut prave intellexisti, sic prave respondes.* De Consecrat. dist. 2. c. 1.

9^{vo}. An alienos defectus non profers in medium? Ejusmodi sermonem Chrysost. hom. 32.

ad populum, *cano* comparat. Quid enim, inquit, fœtidius, verbis, quæ contumeliosi loquuntur?

10mò: An non contendis? 2. ad Timoth. 2. *Noli contendere verbis, ad nihil enim utile est, nisi ad subversionem audientium.* S. Ephrem in suo testamento testatur: se nunquam cum ullo Christiano contendisse. Plato in Protagora dicit: *Vilium hominum est altercari.*

11mò: An non contradicis absq; iustâ causâ? Audi Cajet. 2. 2. q. 38. art. 1: *Cum quis veritatem cognitam oppugnat; tunc doctrinâ S. Thomæ procedit, ut peccet mortaliter: nisi excusetur ex levitate materia.*

12mò: An non ægrè fers, si tibi quis contradicat? S. Cypr. epist. ad Quintum: Nec Petrus, quem primum Dominus elegit, & super quem ædificavit Ecclesiam suam, cum secum Paulus de circumcisione disceptaret: vendicavit sibi aliquid insolenter, aut arroganter assumpsit, ut diceret, se primatum tenere; & obtemperari sibi à novellis & posteris oportere. Nec despexit Paulum, qui Ecclesiæ prius persecutor fuisset: sed consilium veritatis admisit: documentum nobis & concordæ, & patientiæ tribuens, ut non pertinaciter nostra amemus &c. Idem dicit S. Greg. L. 28. Moral. c. 6. aliàs 12.

13mò: An non adhæres tenaciter sensui proprio? S. Ambros. L. 1. offic. c. 22. *Absit pertinax in familiari sermone contentio.*

14mò:

14^{to}: An non clamas? S. Basil ep. ad Canonicam docet: *Christianum non debere clamorem attollere. Et ep. i. ad Greg. Vocis intentio mediocritate temperanda est; ut nec exilior fallat aures, nec contentior odiosâ radat offensio. Seneca monet: Vox sit sinè clamore. Idem refert, quòd puer ex schola Platonis domum rediens, Patrisq; elatam vocem audiens, dixit: Nunquam hoc apud Platonem vidi.*

15^{to}: An non loqueris scurrilia, vel immunda? Talem Patres flagellis, carcere, expulsiōne de monasterio puniri jubent.

16^{to}: An vana? Qui vana loquitur, vanus est. Vanus sermo, vanæ conscientiae index est; ait S. Bernardus.

17^{mo}: An ludicra? Const. p. 3. c. 1. §. 4. Amandari jubentur rerum ludicarum narratiunculae.

18^{vo}: An tædio non afficis audientes? Ex Ansthenis mente, similis es illi, qui fercula multa, sed nauseosa hospitibus apponit.

19^{no}: An das aliis loquendi campum? Alioquin inter apes cephē es; id est: apis non ad mellificandum, sed ad sonum edendum nata.

20^{mo}: An voce submissa loqueris? an humiliter, an modestè? Ità loqui præcipitur Const. p. 3. c. 1. §. 4. B. Esaias Orat. 27. n. 16. inquit: *Si tempus inciderit, ut necessariò loquendum sit: tunc os tuum aperiens, cum timore Dei, atq;*

tremore, & capite demisso, modestè & submissa voce, verba facito.

21mò: An cum circumspectione? parte 3. Const. ut supra.

22dò: An spiritualia loqueris? Sic decernitur p. 1. Const. c. 1. S. 6. §. 4.

23tò: An aptè ad ædificandos proximos? Quod fiet, si rationem spectes, primò tui gradus, ut vult S. Pater p. 7. Const. c. 4. Hoc est ætatem tuam, scientiam, officium, conditionem seu statum; inquit Hugo Vict. L. Inst. Novit. c. 13.

24dò: Si spectes rati nem audientium; ut monet S. Ambros. in c. 4. Collos. 3tò: Si modum loquendi; nempe, si demissè, humiliter, modestè, circumspectè loquaris. Tertull. L. 2. contra Marcion. ait, quòd diabolus Lucæ 4. exinde cognovit Christum esse Sanctum Dei; quia hæc in loquendo observavit.

24tò: An caves multiloquium? multiloquis interdici debet recreatio p. 4. Const. c. 5. §. 4. Quia Eccl. 21. Scientia insensati inenarrabilia verba.

25tò: An cachinnos frænas? Eccl. 23. Fatuus in risu exultat vocem suam: vir autem Sapiens vix tacitè ridebit. Dacrianus in Speculo Monach. Cachinnum, tanquam altum animæ præcipitium, fuge; sciens, quia risus excussus indisciplinatusq; claustra pudoris violat. Et Seneca: Rident prudentes, cachinnos edunt stulti, arrident adulator-

latores, irrident scurræ, subrident callidi & doloſi.

26to. An caves ab his abesse colloquiis absq; licentia?

27mo. An datô signô statim conticescis? p. 4.
Const. c. 5. n. 5.

LECTIO SECUNDA

De Patientia.

I. Patientia, juxta S. Thomam, 2da 2dæ q¹ 136. ar. 1. est virtus, *qua bonum rationis conservatur contra tristitiam; nè ratio ipsa ei succumbat.* Juxta Ciceronem, l. 2. de invent. est voluntaria ac diuturna perpeſſio causâ honestatis, rerum arduarum ac difficilium. Quod S. Thomas ar. 5. sic explicat: Quod dicit: *arduarum*: pertinet ad constantiam in bono. Quod dicit: *Difficilium*: pertinet ad gravitatem mali, quam propriè respicit patientia. Quod verò addit: *Diuturna*: pertinet ad longanimitatem.

II. Patientiam Hieronymus in Epit. Paulæ, Climacus gradu 4. vocant *martyrium*: Gregorius hom. 35. in Evang: *Martyrium*, ac omnium virtutum radicem & custodem. Bernardus in Octava Paschæ, *Martyriū & baptismum*: Chrysostomus hom. 67. ad pop. *Remissionem peccatorū*: Tertullianus L. de Pat. c. 11. *comitem, ducem, & complexionem omnium virtutum.*

III.

III. Est comes virtutum: cum enim hæ, juxta Aristot: versantur circa ardua; & juxta Epictetum, consistant in sustinendo & abstinendo; exercitium illarum nequit non molestum esse. Porro molestiam non aliud frangit, quàm patientia. Hinc Seneca dicit: *Ubi patientia, ibi est individuus comitatus virtutum.* Est dux virtutum, quia præit illas, & trahit. Unde S. P. Ignatius rogatus: Quæ via esset ad virtutem? respondit: *Si multa & magna pro Christo patiamini.* Est complexio omnium virtutum: quia in ipsa totam illarum rationem locabat Antisthenes. Nam cum dixit: *Virtutem sibi sufficere ad felicitatem,* mox subdit: *Nec ulla re opus habere, nisi robore Socratico:* qui nempe Socrates ad omnium rerum patientiam obduruerat: teste Lærtio L. 6. c. 1.

Totum id de moralibus virtutibus per se clarum; nec non de charitate Theologica, quæ 1. Cor. 13. *debet esse patiens.* Sed etiam fidem & spem minùs frugiferas esse dicit S. Cyprianus; nisi fecundentur à patientia. *Quod Christiani sumus,* inquit, *fidei & spei res est: ut autem fides & spes ad fructum possint pervenire, patientiâ opus est.*

IV. S. Paulus Rom. 8. istos ei tribuit effectus: quod nos facit hæredes Dei, cohæredes Christi, conformes imagini filii Dei, vocari, prædestinari, justificari, conglorificari, conregna-

gnare. S. Cyprianus de bono patient. Serm. 3. adſcribit iſtos: Patientia eſt, quæ nos Deo cõ- mendat, & ſervat. Iſta eſt, quæ iram tempe- rat, linguam frænâ, mentem gubernat, pa- cem cuſtodit, diſciplinam regit, libidinis im- petum frangit, tumoris violentiam comprimit, incendium multatis extinguit, cõercet poten- tiam divitum, inopiam pauperum reſovet, fa- cit humiles in proſperis, in adverſis fortes, cõ- tra contumelias & injurias mites; docet de- linquentibus citò ignoſcere; ſi ipſe delinquat, diu & multum rogare; tentationes expugnat, perſecutiones tolerat, paſſiones & martyria consummat. Tertullianus l. c. c. 15. addit: effectus omnes, quos Paulus aſſignat charitati 1ma Cor. 13.

V. Effectus iſtos compara cum effectibus impatientiæ. 1mo: Impatiens omnium incurrit odia, tanquam moroſus, tanquam ulcus non ferens tangi, tanquam vitæ ſocialis peſtis. Hinc, nec internâ, nec externâ quiete frui- tur adeoq; vivens, infernum patitur; ut in- quît S. Gregorius. 2do: Nec creditur piè vi- vere: nam idem S. Doctor L. 6. epiſt. 191. ait: *Fidenter dico: minùs piè vivis, ſi minùs perſecuti- onem pateris.* Veritas hæc fundatur in 2. ad Timoth. 3. Ibi per *perſecutionem* S. Chryſo- ſtomus intelligit etiam labores, angores, dolo- res, curas. 3to: Graviùs patitur: impatien- tia

tia enim acuit & auget tristitiam ex adversis pungentibus enatam: sicut patientia lenit eam & levat. 4to: Impatiens patitur velut dæmō: quia quidquid molesti accidit, inevitabiliter debet ferre; at sinè fructu: immo cum peccato. O miserum! & pati cogitur, & quia malè patitur, meretur, ut patiatur ampliùs. 5to: Sanè miserum! Quia per quod evadere pœnas debuerat, per hoc incurrit pœnas. Quo quid infelicius? 6to: Impatientia ducit in periculum salutis. Quia Christus vult nos in patientia possidere animas. Deus decrevit, ut non aliâ ducat ad cælum viâ; quàm viâ arctâ, viâ crucis, viâ Christi; quem oportuit pati, & ità intrare in gloriam. Impatiens aliâ sibi viam eligit: fierine potest, ut non exeret? Ah quis festinans domum, jucundius iter præeligit tutiori & breviori? Quis nauta leniorem exoptat ventum pot' us, quàm acrem, sed qui feliciùs illum ad portum pellat? 7mo: Impatiens non est discipulus Christi, imò nec Christianus: quia S. Theressia Itin. perfect. c. 16. ait: *Eos, qui pati nolunt, nec Christianos esse. Simile dictum in vitis Patrum: Qui non bajulat crucem suam, non potest esse Christi discipulus, sed neq; Christianus.*

VI. Asce:æ cum Alphonso Roderic. p. 1. tract. 7 c. 5. tres patientiæ gradus assignant, unus est: adversa ferre patienter. 2dus: ferre liben-

libenter. 3tius: ferre gaudenter. Sumitur hæc doctrina ex S. Bernardo, [qui Ser. 1. de S. Andr. dicit: Incipientium esse, crucem sustinere patienter; proficientium portare libenter; perfectorum verò, amplecti eam ardentem.

VII. Ad unum gradum spectant actus isti: 1mus: Non prorumpere in verba aspera, non conqueri, nullo signo exteriori dolorem prodere. Amanguzii P. Joan. Fernandez socius S. Xaverii, sputum in suam ejectum faciem modestè deterfit, & minimè turbatus sermonē captum prosecutus; hōc modò, conspuentem primò, deinde alios pertraxit ad fidem. Hist. Soc. p. 1. L. 11. Zenonis discipulus cæsus à patre, quòd non responderit, quidnam in schola didicerit? hoc solùm dixit: *Hoc fructus ex Philosophia retuli, ut patris iram commodè possim ferre.* 2dus: Affligenti non exprobare, non exposulare, suam innocentiam ei non remonstrare. De Socrate scribit Seneca, L. 3. de ira c. 11. quòd colaphum à sua Xantippe passus, hoc tantum protulit: *Molestum esse, quòd homines nesciant, quando cum galea debeant prodire.* Hic actus usitatus erat S. Petro Martyri Ordinis S. Dominici. 3tius actus: non inquirere, non suspicari, nolle scire, quis sit author afflictionis; sed in ea ità esse constitutū, quasi ad se minimè pertineat. Ità Zeno quærenti: Quò pacto ferret convitia? respondit: *Perinde, atq; Legatus,*

rus, qui sine responso dimittitur. 4^{us} actus: Nol-
le ulcisci: hoc enim esset, involare in jus Dei
dicentis: *Mihi vindicta, ego retribuam.* S. Gre-
gorius Nanzianzenus Catholicos volentes vi-
cem reddere hæreticis, sic hortatus: *Hac sit*
ultio, ut, qui nos affecerunt injuriis, salutem con-
sequantur. S. Augustinus: vindicari vis Chri-
stiane? nondum vindicatus est Christus. Non
potes magis nocere hosti, quam tolerando. Sic
scopuli à fluctibus cæsi, illos dissolvunt, inquit
Chrysostomus.

5^{us} actus: Non ostendere, quòd sciatur fabrica-
tor crucis; id enim esset, ulcisci aliquomodo,
& reddere malum pro malo. 6^{us} actus: stri-
ctò silentiò se tueri. *Christus contra celos* (Ju-
dæorum) *silentiò dimicavit;* ait Augustinus in
psal. 7. & Ambrosius L. 1. offic. c. 5. Quando
aliquis nobis convitiatur, laceffit, ad jurgium
vocat; tunc silentium exerceamus, tunc muti
fieri non erubescamus: hæc sunt arma justì, ut
cedendo vincat. 7^{mus} actus: pænas, etiam
sinè culpa inflictas, æquanimiter sustinere.
Audi Senecam: affecti sumus pænâ? succur-
rat, non tantum quid patiamur; sed quid fece-
rimus: si volumus æqui omnes rerum judices
esse, hoc primum nobis svadeamus: *Neminem*
nostrum esse sinè culpa.

8^{us} actus: Eodem animo tentationi resistere.
Hanc enim ad persecutionem refert S. Augu-
stinus

tinus in psal. 125. dicens: si mortuus est diabolus, mortuæ sunt persecutiones: si autem ille vivit, unde non tentationes suggerit? unde non sævit? unde non minas & scandala procurat? *gnus*: Idem S. Doctor in psal. 118. cruciatum vocat, *peccata videre aliena* Loth. (2. Pet. 2.) *persecutionem patiebatur, non vapulando, sed malos videndo*; ait S. Leo. *Magnus bonorum labor est, mores tolerare contrarios*: dicit S. Prosper.

omus: Contemnere injurias. Aristoteles 4. Eth. c. 3. ait: *Magnanimus ignominiam hominum contemnit*. Vel christianè loquendo, injurias ferre imprimis humiliter: S. Franciscus Borgias à tussiente Bustamantio sputis per noctem fædatus, veniam petenti dixit: *Non est, quòd ea re labores, non enim in hoc cubiculo locus quiescam dignior me est, in quem conjiciantur sputa*. Schottus l. 4. Vit. c. 4. Deinde ferre generosè; ut propositò Christi exemplò svadet Chrysostomus hom. 69. ad pop. svadent & ethnicorum exempla: Scævola ignem, Empedocles Ætnæ incendia, Regulus toto corpore cruce tulit; nè unus pro tot hostibus viveret; inquit Tertullianus.

imus: Oblivisci injuriæ. Cicerode Julio: *Cæsar nihil oblivisci solet, nisi injurias*. Phocion in theatrum productus ad necem, rogatus: quid filio nuntiari vellet? respondit: *Volo, ut illata mihi ab Atheniensibus injuria obliviscatur*. Immo

Immo injurias non agnoscere. Cato in facie percussus, negavit sibi mali aliquid accidisse. De quo Seneca: *Animo majore injuriam non agnovit, quam ignorasset.*

12mus: Nec lacrymis egeratur dolor. B. Henrico Susoni, Ordinis Prædicatorum, oranti, ut saltem lacrymis solari se se posset in afflictione; dixit Christus: Proh pudor! *Visne in femina morem lacrymari? certe tibi apud omnes cæli cives, ignominia notam inures. Sur. 25. Januar.*

Ad secundum gradum spectant actus hi: 1mus: Cum S. Paulo Rom. 5. Placere sibi in infirmitatibus, in contumeliis, in necessitatibus, in persecutionibus, in angustiis. Quia S. Catharinæ Senensi revelavit Deus, quod tribulatio est signum apertè demonstrativum, quod in anima sit charitas omnino perfecta; si cum dulci patientia toleretur. *Dial. 10.*

2dus: Non querere, immo nec admittere compassionem, consolationes, defensiones; ac ità affici, ac si alius, & quem penitus abnegavimus, patiatur; ut docet Chrysostomus. Anaxarchus, dum pilò gravissimè concuteretur, dixit: Tunde, tunde Anaxarichi follem; Anaxarchum enim non tundis.

3tius: Culpas falsò impositas non elidere, ut S. Laurentius Justinianus. S. Macarius Aegyptius, S. Marinus seu Marina. Eulalius Monachus omnium delicta in se mendaciter cō-

jecta,

secta, nunquam excusavit; sed Deus miraculô excusavit eum: ut testatur Roiveidus ex Rufino. 4tus: Libenter pati personas, loca, officia, quæ horrentur. Palladio teste: S. Isidora Virgo tamdiu commansit suis sodalibus, quamdiu ab illis continuô contemptu, verberibus, inediâ, contumeliis, detrusione ad vilissima obsequia, ejectione extra domum vexabatur; ad ubi, Deo sanctitatem ejus revelante, honorari cæpit; profugit inde. S. Philippus Neri 33. annos maluit incolere domum S. Hieronymi, ubi incommodis & crucibus onerabatur; quàm ad suas commodiores ædes descendere. S. Dominicus libens concionatus ibi; ubi opplebatur contemptu; ut scribit Ferdin. de Castill.

5tus Actus: Gratias agere ei, qui se tentari permittit; ut iisdem verbis monet Chrysostomus. 6tus: Non solum non querere famam, plausus, favores, ex dictis & factis suis; sed etiam contentum esse, si ea in sinistram trahantur partem, censuris & reprehensionibus subjiçiantur. In hoc excelluerunt S. Joannes Franciscus Regis, P. Gaspar Druzbicki, P. Nicolaus Lancicius. 7mus: Libenter gloriari in infirmitatibus, cum S. Paulo. 8vus: Detractores & detractiones magni facere: nam inquit S. Gertrudis: *Singula detrahentium verba tibi corona sint locô.* De S. Stephano Abbate testatur S. Gre-

S. Gregorius, quòd reddebat contumeliis gratias, damnum putabat lucrum, adversarios æstimabat adjutores. 9nus: Orare Deum, nè de cruce deponat. Sic orabat S. Xaverius: *Domine ne hanc crucem mihi auferas; nisi majorem immittas.*

Ad 3tium gradum spectant actus isti: 1mus: *Communicando Christi passionibus, gaudere.* 1. Pet. 2. Rectè enim ait S. Laurentius Justinianus Fasc. Am. c. 4. *Utriusq; latitia ingens est causa; & persecutionem pati pro Christo, & conformari Christo. De persecutione quidem merces, & de conformitate honor.* SS. Marcus & Marcellianus clavibus ferreis affixi palo, dixerunt: *Nunquam sic jucundè epulati sumus.* 2das: Trilitari in prosperis, exemplò Sanctorum Ignatii & Xaverii; ut refert historia nostra p. 1. Item exemplò P. Balth. Alvarez, qui post secundos successus, gravi oppressus cruce, quasi respirans, amæno vultu dixit: *Nunc video, Deum mihi bene velle; quem per suorum amicorum viam deducit: Nam diu fui sollicitus, quòd videretur mei Dominus oblitus.* 3tius: Diligere inimicos, & orare pro persequentibus. Hunc enim esse amicum, & filium Dei declaratum S. Angelæ de Fulgin: Et Augustinus Serm. 5. de S. Steph. spondet, quòd sic efficeris Dei non solum amicus, sed etiam filius. Enimverò si es terra bona, fructum debes afferre illis, qui te fulcāt, & aratro

tro scindunt: si spinas & tribulos germinabis
eis, tris terra maledicta.

4tus: Benefacere his, qui oderunt nos; amicos eis conciliare, honorificè meminisse, excusare, iuvare, defendere. Eluxit hoc, tum in aliis Sanctis, tum in S. Ludvina; ut legitur in ejus vita. Paphnucius, eum, qui se furti insinulavit, à dæmone liberavit. Vide Cassianum Coll: 18. c. 15. Teste S. Basilio Pericles illum, qui sibi per diem conviciatus est; vespere cum face domum reduci iussit. 5tus: Dolere de illorum malis: prout hom. 2. de Davide scribit S. Chrysostomus: Postquam audiverat Regem Saul in acie cecidisse; & discidit vestimenta sua, & cinere conspersus est, & eo luctu luxit, quò quis lugeret amissò primogenitò, germanòq; filiò.

6tus: Christus Matth. 5. Non solum gaudere, sed etiam exultare jubet in maledictionibus, odiis, persecutionibus. De S. Paulo Chrysostomus Hom. 1. in 2. Cor: Cum videret, quasi nivis cumulos, tentationes quotidie ingruentes; non aliter, quàm si in Paradiso vixisset, ita gessabat. S. Vincencius torquenti se Daciano exultans dixit: Has epulas ego semper desideravi: nunquam aliquis adeò bene servivit mihi, sicut tu. Hom. 15. in Evang. 7mum Actum offert S. Gregorius: Contra eum, qui mala irrogat, nullo dolore morderi: Nam qui sic proximi mala portat, ut

tamen tacitus doleat; patientiam non exhibet; sed ostendit.

Media ad patientiam. 1. mum est: Humilitas vera. *2. dum:* Abnegatio amoris proprii. De his Lect de humilitate. *3. tium:* Cogitare, quæ passus Christus; nam experimur, quòd: si passio Redemptoris ad memoriam reducitur, nihil est tam durum, quod non aequò animò toleretur. *4. tum:* Recogitare præmia patientibus promissa. Cyprianus ait: Nullus hic dolor est de incurfione malorum presentium; quibus fiducia est futurorum bonorum. *5. tum:* Quoties bilis accenditur, nè ebulliat; cohibenda lingua, exemplò Augusti Cæsaris, qui in ejusmodi casu, non prius verbum protulit, quàm alphabetum integrum recitaverit; prout exinde laudatur ab Ambrosio. *6. tum:* Ad unicum horam votum emitte-re, per illam perferendi tranquillè, quidquid acciderit molesti: ubi hæc transierit, votum extendi poterit ad horam alteram. Ad hoc exercitium assumendi essent imprimis actus 1. mi gradus patientiæ. *7. mum:* Deprehensæ culpæ contrariæ non abeant impunè; sed voluntariis pænis, vindicentur.

8. tum: Meminisse, quòd sumus filii Excelfi & sæculò majores. Hoc medio ad apicem patientiæ Philosophi eluctabantur, hoc adversus quibusvis opponebant scutum cum Seneca de Provid. c. 1. Prospera in plebem, & in vili-

exhibet, cingentia deveniunt; at calamitates, terroresq; mor-
 talium sub jugum mittere; proprium viri est. Ibi.
 Humilis idem. c. 5. Militares viri gloriantur vulneri-
 prii. Debûs; calamitas virtutis occasio est. Dux lectis-
 tare, cæsimos mittit, qui nocturnis hostes aggredian-
 d: si p'stur insidiis. Præceptores plus laboris ab his
 nihil exigunt, in quibus certior est spes. Nun-
 quam virtutis molle documentum est. Ver-
 nissa. Cyberat nos & lacerat fortuna? Patiamur: non
 ystone est sævitia, certamen est. Et c. 6. Labor opti-
 morum omos citat, ignis aurum probat, miseria viros fortes.
 ur, ne Hæc autem excelsitas animi si titubat, tribula-
 Angustione firmatur: nam iudiciò Gersonis Serm: de
 rius OO. SS. Ut arca Nòe, quò magis abundàrunt a-
 egrum equa diluvii, tantò altius ferebatur; sic mansuetus
 b Ambroianus, quò majores erunt tribulationis aque; tan-
 n emetò erit excelsior.
 quidei gnun: Cogita omnem procellam desursum
 t, vundabi, crucem omnem de manu Dei. Hæc non
 Adconerat; sed ornat, benedicit, armat, sancti-
 imis etificat.
 henfa al Anima mea: velis, nolis, calamitatem patieris.
 sed volu Quòd si gràtè; maxime lucraberis. Si verò agrè &
 impatienter feras; non minorem facies illam, sed
 ii Excelsiorem reddes procellam. Ergo quod necessitatis
 ad ap' est; hoc nostræ voluntatis esse faciamus. S. Chryso-
 hoc ad c'tomus hom: 66. ad pop. Nonne honestius,
 um See flagellari cum hominibus, quàm olim cum dæ-
 & in monibus; ut impatientibus minatur S. Ambro-
 sius?

lius? Nonne dignius, cum Sancta Catharina Senensi coronam à Christo spineam acceptare; quàm non acceptando, non desponsari Christo? Nonne utiliùs, tollere onus leve, quod æternum gloriæ pondus operatur in Cælis, & sicut Paulus Christo configi cruci; quàm latroni? Nonne delectabiliùs Christum & Matrem ejus sequi ad Calvariam; quàm desertorem Judam ad laqueum? Ergo monet Jeremias c. 31. *Pone tibi amaritudines, & dirige cor tuum in viam rectam; hoc est: in viam crucis. Quia juxta Bernardum: Hec est via vite, tribulatio præfens, via gloriæ, via Regni.*

MEDITATIO III.

De Filia amoris, seu conformitate cum voluntate DEI.

I. *Punctum unum: Audiam Ecclesiasticum: Cap. 11. Bona & mala, vita & mors, paupertas & honestas à DEO sunt. Cogitabo imò: Est de fide, quidquid accidit, accidere volente Deo. Nec capillus de capite, nec passer super terram cadet, sinè Patre cælesti Matth. 10. Sorres mittuntur in sinum, sed à Domino temperantur. Prov. 16. S. Augustinus: Ad DEUM tuum refer flagellum tuum, quia nec diabolus tibi aliquid facit, nisi ille permittat, qui desuper habet potestatem. Quantum proinde nefas, nolle*

gustare, si quid amarum propinat DEUS! Quàm
 insolens audacia, ejus resistere voluntati? Ego-
 ne impediam DEUM, nè faciat, quod ipsi li-
 bet? & postquam iam fecit, egone meis que-
 relis efficiam, nè fecerit? Cogitabo 2dò: Quid-
 quid immittit DEUS, ad nostrum immittit bo-
 num. Nam, ut dixit S. Catharinæ Senensi in
 Dial. cum sit omnipotens, potest avertere ma-
 la, conferre bona; cum sit Omniscius, novit,
 quæ nobis obstant, quæ prosint; cum sit opti-
 mus, non intert, nisi quæ prosunt; licet mole-
 sta videantur. Cogitabo 3tiò: Hinc sequitur,
 quòd, quidquid evenit acerbi, bonum est,
 DEI beneficium est, ut inquit Aug. Et Hieron.
 Epist. ad Paulam. Bonus est DEUS, & omnia;
 quæ bonus facit, bona sint, necesse est. Igitur ad-
 versa non sunt mala, sed nostra de illis judicia
 mala sunt. Non adversa nos affligunt, sed
 nostræ de illis opiniones. Sic Epictetus: Ho-
 mines non perturbantur rebus, sed iis, quales de
 rebus habent, opinionibûs.

II. Punctum 2dum: Audiā DEUM apud Thō.
 Kemp. l. 3. Cap. 11. Desiderium tuum ponas tota-
 liter secundum beneplacitum meum; & tui ipsius a-
 mator non sis; sed meæ voluntatis cupidus æmulator.
 Cogitabo: Stare secundum beneplacitum DEI,
 & ejus æmulari voluntatē, est, velle, quod DE-
 US vult & quia DEUS vult; ac nolle, quod
 DEUS non vult, & quia DEUS non vult: nec

in prosperis extolli, nec in adversis dejici, sed
semper sibi similem esse. Quod *1mo*: tam est
gloriosum, quam gloriosum est, similem esse
Christo. ut rev. latum S. Catharinæ Senensis.
2do similem esse DEO, quem Plato In Ty-
mao sic definit: *Est unum, & idem, semper sibi*
simile. *3do*: Est necessariam: nam ad perfectio-
nem tendere nequimus, nisi nos voluntati
DEI conformemur: ut DEUS ipse docuit præ-
dictam S. Catharinam. Et ratio est: quia, jux-
ta S. Thomam, perfectio consistit in amore
DEI: porro S. Prosper ait: *Illi diligunt DEUM,*
qui volendo, quod vult DEUS, & nolendo, quod
non vult, acquiescunt. S. item Hieron. ex Cicer.
Eadem velle, & eadem nolle, ea demum firma ami-
citia est, seu amor mutuus. *3tid*: S. Paulus ad
Rom. 14. beatitudinem terrestrem reponit in
pace & gaudio. Quanta verò pax tum in-
terna, tum externa, quantum exinde gaudi-
um; dum se quis plenè subjicit voluntati DEI!
velut olympus nullo turbine, nullâ procellâ,
nulla sorte percutitur. Patet hoc in discursu
pii mendici cum Theologo apud Blossum In
append. ad Instit. Spirit. Cap. 1. *4to*: Com-
mitto me totum arbitrio medici: cur non cõ-
mitto arbitrio DEI? voluntas mea ducit me in
interitum; voluntas DEI ducit me in patriam:
cur priorem pessimum ducem non rejicio? cur
alteri fidissimo non adhæreo?

III. *Punctum 3tium* Media ad hanc virtutem sunt: *1um*: ad illa verba: *Fiat voluntas tua*, orandus ardentem DEUS, ut disponat de nobis, prout ipsi placet. Sic orabat P. Joannes Alvarez eximius Apostolus. *2dum*: Etiam extra orationem Dominicam actum istum usurpare cum S. Gertrude, quæ subinde 365. vicibus illum repetiit: per quod ita profecit, ut eligere iussa sanitatem vel morbum, responderit: *vehementissimè desidero, ut non facias voluntatem meam.* *3tium*: in orando præsertim ad præcipua Mistræ mysteria; offerre se ad subeūda quævis adversa, exemplò P. Druzbicki. *4tum*: plenè subijcere se menti Superioris, ex hoc motivo, quòd exponat mentem DEI. *5tum*: interdum cogitare: si contingeret hæc vel illa molestia; quomodo me gererem? & statim congruis armari propositis. *6tum*: teste Lohner; multi verba hæc: *Ecce ancilla Domini, fiat mihi secundum verbum tuum*; seu ut explicat Theophylactus: *Tabula sum, pingat pictor, quod voluerit, faciat Deus, quod voluerit*; hæc, inquā, verba usurpando ferventer & crebrò, virtutis hujus apicem attigerunt. Si enim actus hic deduxit Divinum Verbum ad unionem hypostaticam cum homine; quidnā humanam adducat animam, ad unionem cum Divino velle? *4tum*: Anima mea: resipisce tandem, subijce te manui DEI: *ad omnia tibi occurrat DEUS,*
idem

idem percutiens; sed & sanans; mortificans, sed & vivificans; humilians, sed & sublimans. Tertull. contra Marcion. cap. 14. infert molesta? Pater est, castigat filium, quem recipit; imaginem tuam à pulvere purgat, aurum à scoria. Dominus est, nunquid non licet ipsi, quod vult facere? DEUS est, illine rebellabis? illine præscribes, quomodo disponat de te? Tantumne sustines, quantum Job? & si tantum perferres, id cederet in bonum tuum; tanquam immissum ab optimi DEI manu; deberesque dicere cum Nazianzeno: Epist. 63. *Gratias ago, et in latis rebus, ita etiam in acerbis; quia exploratum habeo, nihil rerum nostrarum apud summam rationem, expers esse rationis.* At tu si verbulo tangaris, Acheronta moves contra tangentem. Credisne, quod Semei tuo præcepit Dominus, ut malediceret tibi? Dicesne DEO: quare sic fecerit? Ah in jaculum sævis; & jaculantem non attendis! Audi S. Dorotheum Doctr. 7. Nos verò, cum verbum ullum in nos dictum audimus, canes imitatur; hi enim, cum quis in eos lapidem jecerit, jaciente dimisso, lapidem remordent. Ità nos, Deo dimisso, qui nobis tribulationes, ad peccatorum nostrorum purgationem, procurat; ad lapidē, hoc est, ad proximum currimus.

O DEUS Crucifixe! quid fugiam pati propter te, qui tanta pertulisti propter me? imò qui

qui tan
plenè
tyrium
bo! &
bo me
tanqua
ille, sal
cur pec

M

I. Pa
Tunc v
or tuu
a super
ere DI
nem: vi
Deitate:
t Sapien
incac
ari vol
erenni
ertitud
muntur
andus
propter
on: M

qui tanta pertulisti etiam à me? Subdo me
plene voluntati tuæ. Quomodo pro te mar-
tyrium subirem, si detrecto subire levia? Sub-
ibo! & aliqua portione martyrii potiar. Ama-
bo meum Semei, & tanquam proximum, &
tanquam coronæ cælestis fabrum. Si peccat
ille, saltem ego non peccem; & sic minuen-
tur peccata.

DIEI DECIMÆ MEDITATIO I.

De Gloria Cælesti.

I. Punctum unum. Audiam Isaiam c. 60.
*Tunc videbis, & afflues; mirabitur, & dilatabitur
cor tuum.* Quis intellectus capere sufficit, il-
la supernæ civitatis quanta sint gaudia? Vi-
dere DEI essentiam, sicuti est; idq; facie ad fa-
ciem: videre summam Trinitatem in unica
Deitate: immergi Oceano perfectionum Dei
ut Sapientiæ, Bonitatis, Pulchritudinis &c.
hinc autem, non jam torrente, sed pelago po-
tari voluptatis! Videre Divinum Cor amore
perenni flagrans erga Sanctos; unde sequitur
certitudo de perpetuitate honorum, quibus
fruuntur. Ex visione Dei manat amor; ut
Sanctus nihil amet, nihil velit; nisi Deum, vel
propter Deum. De quo Bern: ad frat: de
mon: Illic sit homo cum Deo unus Spiritus, non
tantum

tantum unitate volendi idem; sed expressiore quadam unitate virtutis, aliud velle non valendi. Ex amore Dei sequitur mutuus, ardens, constans Beatorum amor: & actus, quos amor imperat: ut delectatio, gaudium, gratulatio de felicitate singulorum. Inardescis ad hæc; sed novetis, quod illi Deum videbunt, imò: Qui mundo sunt corde Math. 5. hoc est, ut explicat Aug. qui habent mundum cordis oculum. 2dò: Qui avertunt oculos, ne videant vanitatem sæculi. 3tò: Qui nec despiciunt, nec despici fugiunt. 4tò: Qui non ad oculum serviunt, quasi hominibus placentes; sed ut servi Christi, facientes voluntatem Dei ex animo. 5tò: Qui crebro mentis, & corporis oculos in Cælo figunt. quo fit, ut eis terra sordeat; sicut S. P. Ignatio iordebat, dum Cælum aspiceret. O quam magna multitudo dulcedinis tuæ Domine, quam abscondisti timentibus te! Ps. 30. O quando introibo ad templum sanctū tuū, & confitebor nomini tuo Domine! Educ. de custodia animam meam ad confitendum nomini tuo Ps. 141.

II. Punctum 2dum. Audiam David Ps. 20. Magna est gloria ejus in salutari tuo, gloriam & magnum decorem impones super eum. Magna est etiā Accidentalī gloria Sanctorum: uti virtutes supernaturales, & naturales illi statui congruæ; dulcis conversatio cum Christo, Deipara, Sanctis, decus mansionis ex c. 21 Apoc. dotes similes dotibus Christi gloriosi, juxta cujusque me-

rita,

rita, ut docet S. Paulus 1. Cor. 15. Nimirum in anima summa pax & harmonia potentiarnm; scientia decretorum, & vi rum, quibus eam Deus duxit ad se; mysteriorum fidei, & omnium ad illam spectantium. In corpore, impassibilitas, agilitas, claritas, pulchritudo; sensuum omnium voluptas; ut cum S. Thoma docet Henriquez de fin. ult. Denique sequitur omne bonum, quod nec oculus vidit, nec auris audivit: quia mensuram bonam Dominus dat in sinus nostros, confertam in interiore homine, cogitatam in exteriori, supereffluentem in Deo: ibi cumulus felicitatis est, ibi supereminens gloria, ibi supereffluens beatitudo; dicit Hugo Vict. tom. 3. inter oper. S. Aug. Et Aug. spondet: Ibi erit, quidquid voles; & non erit, quidquid noles. Anima mea; Incipe gustare hanc beati tudinem; Suge, suges, & bibe dominica dulcedinis inenarrabilem suavitatem, immergere & replere, adhære, & inbare. Aug. de subst. dilect.

III. Punctum 3tium. Audiam Jerem: c. 31. Dirige cor tuum in viam rectam. Anima mea, stas in bivio; una via ducit ad cælum, altera ducit ad gehennam. Quam eliges? Ah jam elegisti! Dereliquisti vias rectas, & divertisti in vias pravas! Eccli 2. Nonne tempus est, ut dirigas cor tuum in viam rectam, quâ scilicet itur ad astra? Id tam necessarium est, quàm necessarium est, te non esse miseram in æternum.

num. At parum est, arripuisse viam rectam: Apostolus audi: 1. Cor. 9. *Sic currite, ut apprehendatis.* Vide, quòd omnes exerantur vires, ut præcurratur ad coronam corruptibilem: quanto conatu contendendum est, ut coronam accipias incorruptam? Iste conatus, juxta eundem S. Paulum, stat in hoc: *ut omnis, qui in agone contendit, ab omnibus se abstineat.* Nèpe, 1^{mo}: à concupiscentia carnis; & deliciis; quia stadii nostri via, est via difficilis & ardua; via crucis, mortificationis, laboris; & *mala bestia*, seu bestialis homo, non ascendet per eā. 2^{do}: à concupiscentia oculorum, & divitiis; nam arcta nimis est eadem via, non capit onustum rerum copiā: *calcabunt eam pedes pauperū, gressus egenorum.* 3^{to}: à superbia vitæ, honoribus, gloriā: quia stadiodromi non ventis superbiæ vecti pervolant ad metam; sed humiles, pedites, calcantes omnia terrena, rapiunt coronam.

O quàm dilecta tabernacula tua, Domine virtutum! Concupiscit & deficit anima mea in atriis Domini. Hei mihi, quia incolatus meus prolongatus est! Educ Domine de custodia animam meam ad consistendum nomini tuo. Tunc satiabor, cùm apparuerit gloria tua, fons vitæ, vena aquarum viventium. Quando veniam ad aquas dulcedinis tuæ de terra deserta, & invia, & inaquosa? Desidero Domine videre te:

re te: ô quando apparebo ante faciem tuam,
ut videam virtutem tuam, & gloriam tuam? S.
August.

LECTIO PRIMA

De Modestia.

I. Modestia juxta S. Thomam 2da 2da q. 160. dicitur à modo & moderatione, quia omnibus actibus, & gestibus modum ponit, eosque moderatur. In re est virtus humilitati infundata, moderativa actionum & passionum. Unde S. Bernardus vocat eam sororem collataneam humilitatis.

S. Thomas 2da 2da q. 160. a. 2. species modestiæ ponit quatuor. 1ma, inquit, est, quæ moderatur appetitum excellentiæ. 2da, quæ moderatur curiositatem sciendi. 3ta, quæ moderatur sensus, & actus hominis. 4ta est modestia vestitus.

II. Virtus hæc imò mirè commendat quemvis, oculis, & cordibus hominum. Ità commendabat Salvatorem nostrum, ut populi cohortarentur se se: venite, videamus Filium Mariæ. Ità commendabat Monachos S. Bernardi teste Surio in ejus vita l. 2. c. 1.; ut visis illis Innocentius II. & Cardinales, nec oculos à Lacrymis præ gaudio, nec cor ab eorum amore potuerint cohibere. Corporis e-

nim

nim compositio indicat, qualis in eo latet anima: sicut index edocet, quale sit intus horologium. Quare S. Ambrosius dicit: *Facies index plerumque est conscientie, & tacitus sermo mentis.* Et S. Hieronymus: Speculum mentis est facies, & taciti oculi, tam modesti, quàm vagabundi; mentis farentur arcana.

III. S. Gregorius Nazianzenus internam impietatem Iuliani ex externo cognovit habitu: Neque enim, inquit, mihi boni quidquam significare videbantur: Cervix non firma, humeri subsultantes, & ad æquilibrium subinde agitati, oculus insolens, & oberrans, furioseque intuens; pedes instabiles, & titubantes; nasus contumeliam, & contemptum spirans; risus petulantes, & effrenati; nutus & renutus ratione carentes; sermo hærens, Spirituque intercisus; interrogationes præcipientes, & imperitæ, responsiones his nihilò meliores. &c. ut hæc conspexi, statim prolocutus sum: *Quale malum Romanorum terra nutrit!*

Talem descripsit Spiritus S. Prov. 6. *Homo apostata, vir inutilis, graditur ore perverso, an-quit oculis, terit pede, digito loquitur.*

IV. 2dò: Virtus hæc summè ædificat proximos. Illà concionabatur S. Franciscus Seraph. nempe tacitus ac compositus obibat plateas; & sic exemplò sanctò spectantes ad virtutis amorem pertrahebat. Enimverò efficacius

exem;

exempla svadent, quàm verba; quia ut ait Seneca: Homines magis oculis credunt, quàm auribus. S. Lucianus Martyr, teste Metaphraste, solâ modestiâ quosdam ethnicos ad Christiana convertit sacra. Quod impiè sibi metuens Maximianus Imperator, cominus eum intueri noluit. Id à nobis exigit S. Pater 3. p. Const. c. 1. §. 4. ut nos mutuò considerantes in devotione crescamus.

V. 3^{to}: Virtus hæc spiritû foyet. Unde Evangelius ait: *Armatura tutissima animi, modestia est.* Sicut enim spiritus Apothecæ, si claudantur, nō evanescūt; ita spiritus Religiosus nō evanescit, si modestia claudat sensus. Meritò itaque ab Ambrosio dicitur: Custos & purpura virtutū: à Platone: salus mentis & sapientia; ab Aristotele 6. Eth. Conservans mentem & sapientiā.

VI. Ad 1^{am} modestiæ speciem spectant humilitatis actus. Affirmat hoc & S. Ephrē. l. de virt. & vit. *In gloria modestia cernitur, quando quis ita mentē moderatur, ut nec honoribus, nec dignitatibus, nec laudibus aucupandis vincatur.* Vid. Lect. 1. diei 6.

Ad 2^dam speciem spectat 1^{mo}: non inquirere, quid de me statuet superior, ut præcipitur Instr. 13. n. 2. Patribus 3^{tiæ} Probationis: Caveant, nè ulla ratione scire satagent, aut inquirant, qua in re superiores occupare illos statuunt; sed cum indifferentia obedientiæ
nutum

nutum præstolentur. 2dò: Non inquirere, quid circa alios statuendum est: de quo S. Basilus: Nullò modò quis Antistitis consilia curiosè peruestiget. Hinc enim pullulant impedimenta in gubernando, suspiciones, inquietudo interna & externa, querimonie, neglectus eorum, quæ ad nos pertinent. Verè enim dixit pius Author: non aliunde nostra negliguntur, quàm quod circa aliena satagimus: contra quam monet Apostolus 1. ad Timoth. 4. Attende tibi, & doctrinæ. Item S. Dorotheus: *Tuam ipsius rem agito.*

3tò: Non scrutari aliena dicta & facta. *Vitium hoc*, inquit Augustinus, *inemendabilem reddit: Curiosus enim, quàm intentus est ad cognoscendam vitam alienam, tam deses ad corrigendam suam.* 4tò: Non auscultare sæculi rumores. S. Basilus monet: Aures ab audiendis mundanis narrationibus abducito, quantum potes; nè aliquando cæni resperione animam oblinas tuam. S. Bonaventura: Rumores nescias, quia inquietant cor, & mentem distrahunt, & devotionem exhauriunt, & tempus siæ utilitate consumunt.

VII. Ad 3tiam speciem spectant, quæ S. Pater p. 3. Const. c. 1. præscribit: 1mò: Caput huc illuc leviter non movere, sed rectum tenere, cum modica in partem anteriorem inflexione. Quia contrarium vitium Nanzian-
zenus

zenus damnat in Juliano. 2dò: Oculos demittere, nam Aristoteles in Physiognomiis c. 6. dicit: *Signum modesti est, oculus neque valde apertus, neque omnino clausus.* Tantò magis per fenestras in plateas non prospicere; hoc enim nemo non graviter damnat, tanquam summè scandalosum Religioni infame, castitati exitiale, indicium lasciviæ, ut aiebat P. Fabricius Bamfus. S. Carolus Borromæus in hortum proprium contiguum palatio nunquam prospexit.

3tò: In loquendo cum hominibus præsertim alicujus authoritatis non defigere aspectû in vultus eorum. Non defigere item in res vanas. Hoc enim, inquit S. Dorotheus: *Labores monasticos deperire facit.* 4tò: Rugas vitare in fronte, & naso. Quia Aristoteles in Physiogn. c. 9. docet: Complexionem & affectiones animi cognosci ex facie, naso, oculis, fronte. 5tò: Labia nec nimis comprimere, nec nimis diducere. 6tò: Tota facie hilaritatem potius præ se ferre, quàm tristitiam, aut alium inordinatum affectum. Id & Christus commendat Matth. 6. & S. Pater inquebat: *Religiosus duas tantum habet tristitia causas; dum aut ipse, aut proximus offendit Deum.*

7mò: Manus quietè tenere, nec illas incendendo agitare, instar seminantis; nec pendulas demittere, instar languentis. 8vò: Risum

moderari, quia S. Augustinus contra Academ. docet: *Ratio praeveniat risum tuum; nihil enim fadius risu irratione dignissimo.* Et serm. 7. de temp. *Risus frequens corrumpit mores.* 9nd: *Incessus sit moderatus; quia S. Bernardus monet: sit in ingressu tuo simplicitas, in incessu honestas.* Et Beda: *Gressu corporis, habitus demonstratur mentis.*

10md: *Omnes denique gestus, ac motus adificationem pariant; nam juxta Bernardum: animus in gestu corporis apparet: gestus signum est mentis.* Et S. Augustinus in Regul. *In omnibus motibus vestris nihil fiat, quod cujusquam offendant aspectum; sed quod vestram deceat sanctitatem.* 11md. His addit S. Ephrem: *Molestia cernitur in cibo, quando nec delicatioribus quis delectatur; nec extra praefinitum edendi tempus cibum appetit; nec dapum varietatem & pulchritudinem avidè requirit. In potu, quando non solum vini, sed nec aqua quidem parum immodicè fruitur.* Huc spectant instructiones de accumbendo mensæ.

VIII. Ad 4tam speciem spectat 1md: *Cura re vestium munditiem, ut præcipit S. Pater Const. p. 3. c. 1. Et S. Basilii in Reg. 2do: Cavere vestitum mollem; nam Augustus Cæsar, teste Macrobio; aiebat: Vestitus mollis superbia vexillum est, nidusq; luxuria.* 3tio: *Semper decenter vestitum esse; quia S. Isidorus*
Reg.

Reg. c. 12. præscribit: *Monachi in monasterio palliis semper operiantur, ut pro honestate tecti incendant.* 4to: Etiam in cubiculo solum versantē decorē vestitum esse. De hoc tale præceptū dat S. Ambrosius Episcopo Constantio: *Et si quis solus est, se ipsum præ ceteris erubescat; quem maximè debet vereri.* Et Cato apud Plutarchū: unumquemque se ipsum maximè revereri debere; nunquam enim esse sinē se ipso.

5to: Non egredi ē cubiculo, nisi decenter vestitum; quia S. Bonaventura putat: *Sinē tunica talari prodire æquē indecorum esse Religioso, ac sacularem nudum egredi.*

6to: Decenter cingi: quia contrarium in Julio C. Vitium subiacebat scommati Syllanorum: *Cavete puerum malè pracinctum.* Sveton. 7mo: Non discingi in publico: hoc enim, ait Nigronius, foret contra scripturam, Concilia, reverentiā aliorū; contra castitatem, & modestiam.

IX. *Remedia modestiæ.* 1mum est amor disciplinæ; nā, ut inquit S. Bern. Epist. 113. *Disciplina mentē, & corpus componit, cervicē submittit, ponit supercilia, componit vultum, ligat oculos, cachinnos cohibet, moderatur linguā, gulam frænāt, iram sedat, format incessum.*

2dum medium: Meminisse, spectaculum se factum esse mundo, Angelis, & hominibus. P. Edmundus Campianus ajebat: *Ubique fuero, meminero me in orbis theatro versari.* 3tium

est: interna compositio; ex hac enim procedere debet externa. Sicut tranquillitas maris externa inde provenit, quod intus non turbetur. Maxime verò cohibendæ sunt passionnes iræ, tristitiæ, ambitionis. *4tum* est: Habere fidos amicos, qui moneant, quoties difforme aliquid modestiæ adverterint. S. Carolus Borromæus duos Sacerdotes instituerat, ut mores ejus observassent, & monuissent: Oculatiùs enim nos intuentur alii, quàm nos ipsi.

5tum: Crebra reflexio in suos mores; sine hac enim homo cæcus est, veluti anus illa apud Senecam l. 6. epist. 51., quæ cæcam se esse, nesciebat, sed in tenebroso loco inclusam dicebat. *6tum* medium dat idem Seneca: *Versare cum Catonibus, & Scipionibus.* Ut enim ex plerisque herbis emanant odores, & virtutes sanativæ; ita ex consortio gravium, & modestorum emanat gravitas & modestia.

X. Anima mea, compone sensus ad leges modestiæ: etiam à licitis coërce, nè defluant ad illicita. Eva licitè convertit in pomum oculos; at per hoc ad illicitum ipsius esum delapsa. Non nimium culpanda Dinæ curiositas, quantam ei labem inspersit! Vix aperuntur istæ fenestræ, quin per illas vel mors intret: vel virus, quod postea mortem inferat. Id S. Crystostomus hom. 3. de verb. Isa. illu-

strat

strat exemplô cervæ; quæ, licet venatores ef-
fugit; quia tamen venenatû excepit jaculum,
perit miserè. Nec tibi fide: nam quantalibet
gravitate mens vigeat, carnales tamen sensus pueri-
liter exterius perstrepunt: & nisi refrænentur, ad
fluxa quæque & levia mentem enervem trahunt. S.
Hieron. in Thren. c. 3.

MEDITATIO II.

De triplici ad Cælum via.

I. *Punctum unum.* Audiam Jerem c. 6. *Vide-
te, & interrogate de semitis antiquis, quæ sit via
bona; & ambulate in ea.* S. Thomas sic explicat:
*Speculamini, quæ sit optima vivendi ratio. Consi-
derate majorum vestrorum exitus bonos & malos: &
videte, an bonos sequi cum bono exitu, an malos,
cum malo, velitis.* 1mâ viâ tendunt, qui à mor-
talibus peccatis abstinēt; sed de venialibus
minùs solliciti. O præclaros Dei filios; qui,
citra mortem, omnes injurias audent inferre
Patri! Hi, quia modica spernunt, paulatim de-
cident in maxima. 2dâ tendunt, qui venialia
vitant, non tamen imperfectiones. At, sicut
venialia sunt gradus ad mortalia, sic imperfe-
ctiones sunt gradus ad venialia. Scintillæ ge-
nerant magnos ignes; rursus ignes modici de-
pascunt maxima: *Quantulus ignis quantam in-
cendit sylvam* Jac 3. 3tiâ tendunt, qui fugiūt
etiam defectus leves.

II. *Punctum 2dum.* Quam ex his mihi viam eligam? Iſtas eligendi regulas proponit S. Pa-
ter: *1ma:* Quam viam eligendam ſuaderem illi,
cui vellem optimè? hac igitur ipſe gradiar.
2da: Si nunc mors ingrueret; qualem me vi-
am arripuiſſe vellem? *3tia:* Si jam ante Judi-
cem Deum ſtarem; an non præferrem *3tiam*
viam duabus prioribus? *4ta:* Si huc redire
concederetur è purgatorio, quam viam ſeque-
rer? utique tertiam? hanc igitur tenebo. Id
exigunt à me dignitas, bonitas, beneficia Dei.
Exigit tanta Cæleſtis gloria bene currentibus
præparata. O quàm difficiles vias init mer-
cator, propter lucrum; urinator propter gem-
mas, venator propter feram, auceps propter
aviculam! Exigit ſalus mea: qui ſcilicet relin-
quo viam planam, amœnam, ſvavem; ſi hæc à
latronibus obſidetur: & arripio minùs com-
modam, ſed periculùs immunem. Exigit ſta-
tus meus; nam ad quid veni? cur ſæculum re-
liqui? ad quid me tam graviter obligavi? uti-
que ad ſectandam altiorem, & altiorem per-
fectionem. Imperfectiones autem non vitare,
& eſſe perfectum velle; eſt ablui ſepiâ & can-
didum eſſe velle.

III. *Punctum 3tium.* Audiam Spiritum S.
Prov, 26. v. 13. *Piger dicit: Leo eſt in via, &
leona in itineribus.* O mirificam Circen, Pigriti-
am; quæ leonem format ex formica! Via
Dei

Dei non caret obicibus, sed qui superari possunt ab omnibus, & superantur à plurimis. *imus* obex, humani sunt respectus. At nonne potior respectus Dei? *Qui hominibus placent, confusi sunt.* Si hominibus placere vellem, Christi servus non essem. Tandem, quid magis humanos conciliat respectus, quàm sanctitas? *Alter* obex est, ætas, aut valetudo gravitas. At maximè Senibus & infirmis, incumbit vitæ perfectæ studium; ob vicinæ mortis periculū. Gregorii, Basilii, semper debiles corpore; semper affligunt corpus. *3tus* obex est horror difficultatis: At cur illam perfringunt alii? egone primus, egone ultimus in hoc stadio? Nonne difficiliora pro me superavit Christus, & pertulit? *4tus* obex, habitus pravi sunt, & passiones indomitæ: At prius erant evellendi pravi habitus, & subigendæ passiones; quàm cogitandum de hac ad Cælum via tertia. Hæc & ejusmodi alia obstacula prætensa in via perfectionis, juvabuntne coram Deo Judice? Aliter tunc sentiam, sed serò.

Quando veniam ante faciem tuam? quamdiu miser jactabor in fluctibus mortalitatis meæ? Audi clamantem Domine! de hoc mari magno, & adduc me ad portum felicitatis æternæ! Aug. soliloq. c. 35. Assumat spiritus meus pennas, ut Aquilæ; & non deficiat: volet, & perveniat usque ad decorem domus tuæ,

tuæ, & thronum gloriæ tuæ; & ibi super mensam refectionis Civium Supernorum pascatur in loco pascuæ, juxta fluenta plenissima. Manual. c. 3.

REFLEXIO

Supra somnum, & supra manè.

1^{mo}: an intentione recta concedis cubitum? an elevata? an extensa ad omnes offeribiles, etiam alienas motiones & mutationes? volendo etiam per singula respiria laudare DEUM; quod ipse docuit S. Mechtildem teste Blos. Mon. Sp. c. 9: & S. Gertrudem apud Ludov. Ponte Duc. Spir. trac. 4, c. 11. §. 6.

2^{do}: An bene digessimus cibum & potum; nè causet altum & gravem somnum? Nam Religiosus debet esse canis in dormitorio; juxta Ascetas. S. Hieronym. de se scribit: *Consuetudinem meam nōsti: brevissimō somnō utor, & quasi intervigiliō. Aliquando me dormivisse sentio, aliquādo suspicor.*

3^{to}: An ad lectum accedis tanquam ad lethum? an in illo te ponis, tanquam in sarcophago? Somnus enim juxta Philosophum: *est mors brevis.*

4^{to}: Proinde, an moribundo proprios actus elicis? nimirum: fidei, spei, charitatis, contritionis, propositi, deprecationis, subjectio-
nis

nis dominio & voluntati Dei, gratiarum actionis pro beneficiis, tibi & aliis collatis, præsertim hac die; amoris inimicorum? An spiritualiter communicas? An vota renovas? Hæc omnia svadent Alceatæ cum P. Druzbicki.

5to: Cum ipse te disponis ad requiem, an defunctis imploras requiem æternam? An oras pro peccatoribus; maximè nè hac nocte Deum offendant? Hæc utraq; pietas delectat Christum, qui S. Gertrudi l. 4. c. 18. Insin: dixit: *Qui pro animabus purgandis, & pro peccatoribus devotè oraverit; hoc tam dignanter acceptabo, ac si ad me incarceratum crebrius veniendo, blandis consolationibus suis desolationem meam sublevasset.*

6to: Expetisne tibi ipsi gratias, ut sanctè noctem transigas? commendasne te Beatissimæ, S. Angelo tuo, sanctis? quàm ardentè? quàm humiliter? quàm fiducialiter?

7mo: Protestarisne, quòd nullatenus DEUM offendere velis; Unde si quid in somno minus decens contigerit, id fore contra tuam voluntatem? Sic enim non nocebit, quidquid per somnia pravè affecto corpore patiaris, ut revelatum. S. Mechtildi apud Blos l. c.

8vo: An etiam dormiens usque ad sanguinem resistis phantasmati, exemplo S. Xaverii?

9no: An Obdormire curas in affectu amoris Dei, sub pedibus Crucifixi & Desparæ? Christus Dominus S. Mechtildi apud Blosium Mon;

Spir;

Spir: c. 9. dixit: Cum somni capiendi tempus appetit, & jam quispiam incubiturus est; is primum de me primum aliquid animò volvens, & amoris plenos mecum tacitus sermones miscens, venientem somnum excipiat.

10mò: Comparâstine actus pro intervigiis: ut svadet S. Theod Studita?

11mò: Usurpâne mortificationes? S. Paula, Elisabeth, Hedvigis, humi cubabant. Alii disciplinis in se deserviunt; alii stâdo, alii genuflexi, alii cum P. Gonsalvo Sylveira in cilicio ferreo, Christo passò noctem consecrant: aliqui per aliquot ejus horas meditationi vacant præsertim Passionis Christi, cum S. Francisco Xaverio; vit: l. 6. c. 5. S. Rosa Peruana 16. annis, ligna septem imponebat lectulo, quibus testarum fragmina sic inferebat, ut pars mucronata obverteretur corpori: pro cervicali petram polygonam, & scabram adhibebat; felle fauces & os amaricabat. Hinc accedens ad stratum tota tremebat. Sed audiit à Christo: Memento filia, longè duriores fuisse lectulû, in quo somnum mortis cepi. Leonard Hansen: vit: c. 9.

12mò: Aspergisne tam te, quàm lectum aquâ benedictâ ad abigendos dæmones? Vide Gretser: l. 2. de Bened: aquæ. c. 10. ad 20.

13mò: Qua devotione signum crucis supra te formas, & super lectum? dæmones enim

cha-

characterem hunc supremi Regis observantes,
territi fugiunt: inquit S. Cyrill. Catech. 4.

14to: Curasne decenter ad quietem te componere? decumbere dextro latere?

15to: An in formam crucis componis manus? Crux enim est lorica, qua Christi miles pectus muniat: agebat S. Ephr.

16to: An, ut decet, te contegis? Nosti, quod Deipara visitans Religiosorum cubicula, prateribat non bene tectos.

17mo: Assuevistine spirare JESU & MARIAE nomina?

18vo: Perfersne patienter morsus vermium? S. Ludvina & P. Lancicius tarmites vulneribus reponabant.

19no: An oras, ut tranquille dormias? Sic orare Christus docuit S. Gertrudem Insn. L. 1. c. 52. Per tranquillissimam ivavitatem, qua ab aeterno in sinu Patris accubuisti; & per amantissimam pausationem in utero Virginali, qua novem mensibus quievisti; & per jucundissimam delectationem, qua unquam in aliqua amante anima dignatus es delectari: rogo misericordissime Deus, ut non ad meum commodum, sed ad aeternam laudem tuam, mihi concedere digneris aliquantam requiem, qua lassata membra corporis, usui exercitationis restituantur.

20mo: An somno longiore non torpes? Gra

ve est: si te otiosum in stratis solis orientis radiis inuerecundo pudore conveniat; & lux clara feriat oculos, somnolento adhuc corpore depressos. S. Ambros. in psal. 118. ser. 19.

Supra manè.

Tota ferè humana dies pendet à manè. Si bonis illam actibùs initiaveris, in talibus decurret. Sicut, quod primùm seminaveris in agro, hoc deinceps crescet, & augefcet. Id sciens diabolus, inquit Cornelius à Lapide, evigilanti conatur objicere cogitationes fædas, mundanas, & vanas. Confirmat S. Climacus: *Est e spiritibus malis unus, qui præcursor dicitur; qui nos è somno surgentes protinus excipit, primùmque nostrum cogitarum inquinare nititur.* Ergo vide

1mò: An expectatus mox animum ad Deum elevas? per quos actus? quàm ferventer? Nam congruùm est, ut filius somnò solutus, Patrem salutet. Catena Græca testatur, quòd lege cautum apud Judæos erat; ut à strato surgentes, Divina eloquia animò pertractarent.

2dò: An signo crucis te munis? Religionis hujus incurius, apud Cantipr: à Christo reprehensus; alter à dæmone vexatus. Thō. Kemp. L. 2. c. 12. ait: In cruce salus, in Cruce vita, in cruce protectio ab hostibus, in cruce infusio

sio supernæ svavitatis, in cruce robur mentis,
in cruce gaudium spiritûs, in cruce summa
virtutis.

3^{id}: An veneraris Deiparam? an affectu S.
Aloysii, Ven: Berchmans & aliorum? Infantes
quoties experguntur, Matrem invocant.

4^{id}: An, etiam ante surgendi tempus, dum
te plenè somnus deseruit, ideo non decumbis;
ut indulgeas corporis lenocinio? tunc enim
prava phantasmata dæmon ingerit: uti S.
Macario sui discipuli sunt facti.

5^{id}: An etiam de necessario somno detrahis?
Arist: in æconom. monet: Opus est prænatu-
rè surgere, quod & ad sanitatem, & ad curam
rei familiaris, & ad studium Philosophiæ pro-
dest plurimum. Hoc implevit abundè S. Bor-
gias, qui à media nocte meditationi vacabat,
totûsque inflammatus extra se videbatur: vi-
tæ l. 4. c. 4.

6^{id}: An ad primum ictum excitantis campa-
næ te proripis è lecto? *Horâ surgendi non te tri-
ces*: Eccli 32. Quæsiêrat B. Bertrandus ex
Deipara: quid à se, propter eam, vellet fieri?
& audiit: *Surge ad primum ictum signi dati.*

7^{id}: Consecrâne linguam JESU & MA-
RIÆ nominibus, exemplò plurimorum?

8^{id}: An eadem sacra nomina crucisque ti-
tulum figuras in fronte, ore, corde? Isto cly-
peo P. Młodzianowski, tutabatur se contra
casus corporis & animæ.

9^{id}:

9nd: An exoscularis vestē Religiosā, dum induis, vel exuis? osculo huic annexā indulgentiā vide apud Lezana. t. 3. v. Habitus n. 12.

10md: An in ornando te, decentiam omnem adhibes? An te sic vestis in conspectu S. Angeli Custodis, ac in conspectu viri gravis? Itā semper versari Lucilio svadet Seneca. Socrates & Cato dicebant: velle se cujusvis actūs habere spectatores omnes homines.

11md: Quos actus elicis, dum vestes induis?

12md: An anili more non interpretaris somnia? quod omnes prudentes, etiam ethnici detestantur; uti Cicero de Divin. Quia multos errare fecerunt somnia, & exciderunt sperantes in illis: Eccli 34. v. 7.

13td: An detestaris minūs honestum somniū?

14td: Cū somnus frater sit mortis, juxta Homerum, aliqui postquam surrexerint, imaginantur se tanquam à morte redivivos; adeoque redivivis proprios actus eliciunt; prævident modos piē transigendi diem, & se propositis muniunt contra defectus.

15td. Perseverāsne in actibus piis, & mente collecta saltē ad meditationem? quia verē dixit Palamon Abbas: *Qui ante orandum dissipat animam, ex oratione nihil colligit.*

16td: Quos exerces actus lavando faciem & manus? aliqui tunc animæ suæ maculas, alii conspuitam Christi faciem, & manus perforatas,

tās; alii mortem cogitant. Teste P. Petro Cottono: Persona quædam vix hanc acceptavit pænitentiam, ut abluendo manus cogitaret: *heu carnem istam vermes exedent?* hōc modō vitam, & mortem sanctam est adepta.

17mō: An à surgendo rigidè silentium observas usque ad Missam?

18vō: An è cubiculo nonnisi decenter ornatus prodis? S. Ephrem Tr. 2. in doctr. var. c. 88. *Cum solo colobio incedere, monacho turpe est, & indecorum.*

19nō: An festinas quantocyus ad visitandum Deum Eucharisticum? P. Theophilus Raynaudus sapientiā clarus, illuc à nemine se præcurri passus.

20mō: An diurnis actionibus præfigis intentionem? Hæc est basis meritorum, amissis operum, pharos prælucens ad Cælum. Eam nō de consilio, sed de præcepto præfigendam probat S. Thom. 2. 2. q. 69. a. 1.

21mō: Illam, quàm crebrò renovas? P. Lanciaus ad singulos passus renovabat. Saltèm ad horologii sonum, & notabiliore actiones est renovanda.

LECTIO SECUNDA

De perseverantia in bene cæptis.

Perseverantia, juxta S. Thomam, 2. 2. q.

128.

128. Corp. est in ratione bene considerata stabilis
 & perpetua permanſio. Triplex est: 1^{ma} vincit
 adverſa. 2^{da} proponit perſeverare in bono.
 3^{tia} continuat cæptum bonum uſque ad finem
 1. 2. q. 109. 2. 1. De hac 3^{tia} nunc agitur.

I. Sublimibûs eam laudibûs efferunt SS. PP.
 Auguſtinuſ Ser. 8. ad fr. erẽ. Perſeverantia infor-
 mat meritũ, colorat boni propoſitũ, remunerat
 currentẽ, coronat pugnantem, ducit ad braviũ,
 conducit cunctos ad portũ. Hæc eſt tunica ta-
 laris S. Joſeph, uſque ad finẽ contingens; hæc
 eſt tunica Sacerdotalis, uſque ad pedes perve-
 niens; hæc eſt cauſa hoſtiæ, quã tenemur red-
 dere Deo, & offerre; hæc eſt calcaneũ bonæ o-
 perationis, quod cõtra morſũ ſerpentis debem⁹
 obſervare; hæc eſt virtus, quæ Deum ligat; hæc
 eſt, quæ omne bonum informat; hæc eſt per-
 ſeverantia, qua laureantur Martyres, qua Vir-
 gines coronantur; qua Sacerdotes ſublimantur,
 & Cõfeſſores. Haçtenus S. Doçtor.

S. Laurenti⁹ Juſtin: *Perſeverantia eſt ſingularis
 filia ſummi Regis; quam, qui duxerit, dotis no-
 mine cælum accipit, Deo colligatur, & fit un⁹
 Spiritus cum eo: quo quid nobiliuſ? quid utili-
 uſ? quid ſuav⁹ uſ? Eſt virtutum conſummatio: finẽ
 qua virtutes aliæ ſunt velut palatium abſque
 tecto, indignum à Deo incolì. Meritò ride-
 tur Lucæ 14, qui cæpit ædificare, & non po-
 tuit conſummare. Sinẽ qua, neque, qui pugnât;
 victo-*

victoriam; nec palmam victor consequitur. Ad auro-
 ram usque luctatus Jacob, ut vicisset Ange-
 lum Gen. 32. Tu quomodo vinces tentationē,
 carnem, diabolū; nisi perseveraveris in pu-
 gna? Succumbes hosti, palmam amittes. *Est*
nutrix ad meritum. Sinē hujus nutricis cibo, ad
 montem Dei Horeb, hoc est ad cælum, non
 pervenies. Si enim, Lucæ 9. Non est aptus
 regno Dei, qui mittit manum suam ad aratrū,
 & solum respicit retro: quantò minùs est ap-
 tus, qui capit excolere agrum animæ, & ne-
 dum retro respicit; verū & laborem captum
 deserit?

Est mediatrix ad præmium. Sicut ad terminū
 non pertingitur, nisi per medium; ita non nisi
 per perseverantiam devenitur ad præmium.
 Rectè S. Isidorus Lib. 2. Sent. c. 7. Non in-
 choantibus præmium promittitur, sed perse-
 verantibus; tunc enim placet Deo nostra con-
 versatio, quando bonum, quod inchoamus,
 perseveranti fine complemus. *Est soror pati-*
entiae. Igitur, sicut patientia necessaria no-
 bis est, ut reportemus promissiones; ita perse-
 verantia. In cassum quippe bonum agitur, si ante
 vite terminum deseritur; quia & frustra velociter
 turrat, qui priusquam ad metas venerit, deficit: in-
 quit S. Gregor.

Est vinculum charitatis. Cū & perfectio no-
 stra, juxta S. Thomam, & juxta multos, ami-

citia Dei consistat in charitate: Si desit hoc vinculum charitatis, solvitur amicitia cum Deo, multò minùs ad perfectionem tenditur. Est propugnaculum sanctitatis: quò dirutò, ruit sanctitas. Tum pleriquè, tum juxta Cæsar: Arelat. & alios, Heli diu sanctè vixit: at ubi propugnaculù hoc corrui, damnatus est. Non queruntur in christianis initia, sed finis. Paulus malè capit, sed bene finivit: Jude laudantur exordia, sed exitus prodicione damnatur: ait S. Hieronymus Ep. 10. ad Fursum. Item contra Jovin. Incipere, plurimorum est; perseverare, paucorum: Unde & grande pramium eorum, qui perseveraverunt.

Pergit ulteriùs S. Laurent. in laudibus virtutis hujus: Tolle hanc; nec obsequium mercedem habet, nec beneficium gratiam, nec laudem fortitudo. Sola est, cui aternitas redditur; vel potiùs, qua aternitati hominem reddit; dicente Domino: Qui perseveraverit usque in finem, hic salvus erit. Solum non perseverasse, est amisisse coronam.

Itaque, va his, qui perdiderunt sustinentiam; & qui dereliquerunt vias rectas, & diverterunt in pravas Eccli 2. Super quod S. Gregorius lib. 5. in 1. Reg. cap. 13. Sustinentiam perdunt, qui bona inchoant; non consummant. Sanè vix! impesse laborare, enixè currere, festinare totis viribus ad orientè; & infelicitè in occidente perenni sistere; ob abruptum, vel retroactum cursum.

Obe-

O beata Ezechielis animalia, quæ non revertebatur, cum incederent!

Peculiariter, ſacris perfunctos exercitiis, ad conſtantiam in bono ſtimulare debet, 1mo: quia, cum ex ſummo calore prodeant in frigus, periculoſius frigefcent; niſi calorem ſollicitè tueantur, ſervando ſpiritum recens hauſtum. 2do: quia virtutes, quas parârunt; necdum adeptæ robur; ſunt quaſi tenellæ plantæ: niſi magnò ſtudiò foveantur, aſcent. Sunt, velut ſemina nuper ſata; niſi naviter protegantur contra volucres, ſeu dæmones, & contra ſpinas, ſeu paſſiones; actum de illis eſt. 3tio: Dona, quæ nunc deſcenderunt de ſurſum à patre luminum; ſunt arma, quibûs militemus: ſunt eſca, quâ nutriamur; ſunt talenta, quibûs negotiemur. Si negligantur; hoſtis potietur palmâ, fame conſicietur anima, talentorum Dominus ad iracundiam provocabitur, dona repetet; ut à ſervis nequam. Quô quid infelicius?

II. Media ad hanc virtutem.

Primum eſt Amor Dei: cum enim omnia vincat amor, facile vincet moleſtiam, ortam ex perfeſverantia in bono. 2dum eſt, deſiderium proficiendi: quô deficiente, frigefcimus, & in vitia labimur. Ita Nanſian: Cave, nè unquam in via virtutis ſubiſtiſas; tibi enim, qui à vir-

osa vita excessisti, perinde puto esse, sistere; ac si in inum vitii gurgitem labereris. *Iustorum semita, quasi lux splendens, procedit, & crescit, usque ad perfectum diem Prov. 4. v. 18.* *3tium:* allivescere primò in levioribus perseverare, & sensim ad graviora progredi. S. Dominicus Loricatus, rogatus, quomodo tantas austeritates ferre posset, respondit: à parvis capi, & constanter gradatim ad maiora perrexi; quæ mihi jam tam facilia sunt, quam olim erant parva. Labor enim laborem adescat, vigilias vigilia pariunt; & corpus, in quo sensim nutritur, in eo & roboratur. Milo prius vitulos portando, didicit portare boves.

4tum Dat Celantiæ S. Hieronym. nempe: Oblivisci præterita opera bona. Totum, inquit, spatium vitæ tuæ sit, ut peragere possis iustitiã; nè, de præterita iustitia confidens, remissior efficiaris. Sed, sicut ait Apostolus: *Posteriora obliviscens, ad ea, quæ sunt anteriora, me extendens, ad destinatum persequor bravium.* S. Antonius inculcabat suis: *Hodie vos religiosum stadium arripuisse arbitramini.* *5tum:* Considerare exempla perseverantium. S. Petrus Dam. Lib. 7. Ep. 19. ad Blancham: *Nequaquam Loth sequeris uxorem, sed potius Anna imitaberis stabilitæ virtutem; cuius vultus non sunt amplius in diversa mutati.* Quia, ut explicat Gilbertus Abbas: *Nihil imminutum est desiderii semel concepti.* *6tium:* Considerare brevitatem laboris, æternitatem præ-

præmii; ut suum Josaphatum docebat Barlaam, teste Damasceno. 7mum est, humilitas; quia Deus humilibus dat gratiam perseverandi. Unde Rupertus illud Apocalypsis 3. *Tene, quod habes* (seu persevera in bono) *ut nemo accipiat coronam tuam*: Sic exponit: *Tu in humilitate firmo pede consistes, ne moto pede corruas: Et corruendo, coronam tibi præparatam amittas.*

III. Impedimenta Perseverantiæ.

Currebas bene, quis te impedivit? 1mò: *Amor caducorum bonorum?* vide, quàm vilis pretiò vendis cælum, animam, Deum. 2dò: *Pusillanimitas?* Dic: omnia possum in eo, qui me confortat. Potuerunt hi & hæ, & ego non potero? Qui dedit velle, dabit perficere. 3tò: *Mutabilitas animi?* audi Hieronymum: Joseph unum habuit propositum placere Deo, hoc nulla varietate temporis immutatum est, nec fratrum invidiâ, nec conditione servitutis, nec ætatis illecebris, nec Dñæ promissis nec squallore carceris, nec tumore Egyptiacæ potestatis: *sed semper unus fuit.* Non sequêris Joseph? sequêris eos, qui sicut luna mutantur. 4tò: *Ignavia?* Hæc quò, te deducet? quomodo, qui adverso flumine lembum trahit, si remiserit manus, statim retro labitur, & fluentibus aquis, quò non vult, ducitur: Sic humana conditio, si paululum se remiserit, discet fragilitatem

tatem suam: ait idem S. Doctor Lib. 3. contra Pelag. 5to: *Passiones indomitas*: de his lectio 2da diei 8væ. 6to: *Socii retrahentes, irridentes, murmurantes?* tales vicit Moysis constantia Exodi 5. Super quod Aug. Cùm quisque Christianus exeperit bene vivere, fervere bonis operibus, mundumq; contemnere; in ipsa novitate operum suorum patitur reprehensores, & contradictores, frigidos christianos: si autem perseveraverit, & eos superaverit perdurando, & non defecerit à bonis operibus: iidem nobis obsequentur, qui antè prohibebant.

His perpensis: In bene captis nè deficias, in via salutis nè sistas; sic currito, ut cõprehendas. Ibi tu Christiane, tui cursûs profectûsq; fige metam, ubi Christus posuit illam. Factus est obediens usque ad mortem. Quantumlibet ergo cucurreris, si usque ad mortem non cucurreris; bravium non apprehendes. Bravium Christus est, quod si illo corrente, tu gradum sistis; nõ Christo appropias, sed te magis elõgas; timendumq; est tibi, quod ait David. *Ecce qui elongant se à Te Domine, peribunt.* Itaque si proficere currere est; ubi proficere, ibi currere desinis; ubi verò non currere, ibi & non proficere incipis. Hæc S. Bernard: epist. 253.

Desiderium in terram voluntatis meae perducere
via salutis in terram voluntatis meae perducere
perducere **ME-**

MEDITATIO III.

Concludens Exercitia.

I. *Punctum unum*: Audiam S. Paulum Hebr.
6. *Terra bibens imbrem, proferens autem spinas
& tribulos; reprobata est, & maledictio proxima: cu-
jus consummatio in combustionem.* Non possum
negare, quod per hos dies fecerit Dominus
descendere ad me imbrem matutinum & sero-
tinum, hoc est: gratias prævenientes, conco-
mitantes, & subsequentes. Descenderunt
sanctæ illustrationes sicut stillicidia stillantia
super terram intellectûs mei. Vidi enim, non
esse finem meum, ut fruor deliciis, prout erra-
bant ethnici Philosophi; ut vivam populari au-
râ, velut Chamæleon; ut serviam Deo hujus
mundi, id est ventri; aut illi diabolicæ trinita-
ti: concupiscentiæ carnis, concupiscentiæ o-
culorum, & superbiæ vitæ: sed ut ad Deum
trinum & unum contendam triplici viâ: 1^{mo}:
servitiô, 2^{do}: reverentiâ & timore, 3^{tiô}: laude
& amore. Vidi pœnas aberrantium ab hoc
fine, mortem pessimam peccatorum, iudicium
sinè misericordia, supplicium æternum. Vi-
di, quid à me exigit Deus, Religio, conscien-
tia. Descendit in terram voluntatis meæ plu-
via *voluntaria* inspirationum, quâ humectetur,
mollitur, frugifiat. Putemne hæc dona te-
mere

merè & nullo collata fine? Væ mihi non minùs quàm Corozain & Bethsaidæ; si hæc cælestia femina ceciderunt inter spinas, vel in petram, vel secus viam!

II. *Punctum 2dum*: Ejusmodi terra 1mò: reproba est: quia Deus mandavit nubibus, nè pluant super illam imbrem auxiliorum efficacium. Nam ex mente S. Cypriani: Deus deserit, à quo deseritur; spernit, à quo spernitur; non loquitur, à quo non auditur; excæcat, qui cæcutit ad eius lumina. 2dò: Inquit Apostolus: talis terra *maledicetur* à Deo, tanquàm montes Gelboe, quia ibi frustra ceciderunt tot fortes instinctus, lumina, piæ affectiones. *Maledicetur* à S. Patre, quia in ea laborem perdit. *Maledicetur* à plerisq; qui per hæc exercitia ex Babylone accesserunt ad civitatem Dei viventis, Jerusalem cælestem. *Maledicetur* à Religione, quam in re gravi decipit & ludit. 3tò: *Consummatio ejus in combustionem: dabitur in escam igni*, utinam non æterno. Si enim servus nequam, cujus Dominus ventrem pascit, vapulabit multis: quantò magis servus nequâ, cujus animam pascit Deus innumeris gratis!

III. *Punctum tertium*: Audiam Christum Matth. 9. Surge, tolle lectum tuum, & vade in domum tuam. Jamne sanus factus sum? jamne sinè metu irem nunc in domum meam? in domum æternitatis? sin minùs, timendum illud

diversis decre-

decretum: *Curavimus Babylonem, & non est nata, derelinquamus eam.* Si jam sanus sum, hujus tria dat signa. S. Bern. de 4. mod. orationum: *inquit, si jam surgis desiderio supernorum; 2dum: Si grabatum tollis; corpus scilicet à terrenis elevans voluptatibus, ut jam non feratur anima concupiscentiis ejus, sed magis ipsa, ut dignum est, regat illud, & ferat, quod non vult. 3rium: Si demum ambulas, quæ retro sunt, obliviscens, & ad ea, quæ ante te sunt, te extendens desiderio & proposito proficiendi; curatum te esse non dubita. Non ergo sufficit sanari, sed imò: Surgendum est de pravis habitibus. 2da: Tollendæ occasiones morbi. 3tia: Vadendum de virtute in virtutem; donec videatur Deus Deorum in Sion, ubi nostra domus est. Aliàs recidetur in morbum, quod plerumq; fatale est. Quia per relapsus Deus avertitur, impediuntur & infirmantur gratiæ; invalescunt vitia, homo fit pronior ad ruinam, debilior ad resistendum tentationi, dæmon potentior & audacior, passiones vehementiores, remedia lentiora. Vera conversio exigit, ut non eatur in antiquam sylvam defectuum. Sic Matthæus ad telonium, Magdalena ad vanitates, Zachæus ad fraudes non rediit. At uxor Lothi in lapidem salis versa, quod respexerit illuc, unde exivit. Nec Christus legitur, quempiam bis vel ter resuscitasse, sanasse, absolvisse.*

IV. *Pundum 4tum*: Audiam Prophetam: 3. Reg. 18. *Ufquequo claudicatis in duas partes? si Dominus est Deus, sequimini eum; si Baal est Deus, sequimini illum.* Anima mea! quæ hactenus es secuta? quem tibi deinceps sequendū eligis? Via Baal est via iniquitatis, via polluta, via Jeroboam, via inferi, via lata, quæ ducit ad perditionem. Via Christi est via recta, via mandatorum Dei, Ecclesiæ, Religionis; via crucis, via arcta, quæ ducit ad cælum. Perge ergo, perge, quā viā vis, & quò vis. At nisi sequaris Christum, qui est via vitæ; vide imò: quò pervenies? 2do: quàm rigidam olim rationem reddes singularum meditationum, reflexionū, luminum, instructuum? *Remissus erit Tyro & Sidon in die iudicii.* 3to: quàm abuteris patientiā Dei, qui te sterilē sicū non succedit, non arefacit, non privat gratiis, sed tolerat & expectat. 4to: quod operæ pretiū erit, vacasse te exercitiis per hos dies? an non hoc, ut illos frustra perderes? ut districtiūs judiceris, & gravius puniaris? ut illuderet S. Patri, Religioni, quin & ipsi Deo? sed Deus non irridetur. Melius erat non cognoscere viam iustitiæ, quàm post agnitionem retrorsum converti 2. Perr. 2.

In Colloquio agam gratias, erubescam de negligentis, dolebo, deprecabor, petam veniam & auxilia. Deinde: Dominus Deus auxiliator meus! Deus salus animæ meæ! Iste De-

us me-

us meus, & exaltabo eum; Deus Patris mei Ignatii, & glorificabo eum; vitāq; meam disponam dehinc ad maiorem ejus gloriam. Dixi, nunc cæpi vivere tibi; custodi in aeternum hanc voluntatem cordis mei, & semper in veneratione tui mens ista permaneat 1. Paral. 29. Confirma hoc, quod operatus es in me, & qui dedisti velle, da perficere. Inspira in me opus sanctum, ut te cogitem: compelle, ut faciam: suade, ut te diligam: conserva, ut te teneam: custodi, ne te perdam. S. Augustinus.

Suscipe Domine universam libertatem &c. vel: Anima Christi &c.

Te Deum laudamus.

Thomæ Kemp. L. 1. c. 25, L. 3. c. 35,

Si non locutus fuisset eis, peccatum non haberet: nunc autem excusationem non habent de peccato suo. Joan. 15.

Sanitate indignus, qui seipsum, postquam sanatus est, vulnerat, nec mundare meretur, qui seipsum post gratiam coinquinat. S. Chrysost.

Audi Patrem erudientem, ne sentias judicem punientem. S. Augustinus.

Ad Majorem DEI Gloriam.



PRO RENOVATIONE I.

*Nuptiæ factæ. Joan. 2.*Renovatio nostra est renovatio
Sponsaliorum cum Christo.

MEDITATIO I.

Anima tenetur implere, quod
sponspondit Sponso Christo.

I. *Punctum unum: Audiam Ecclesiasticum c. 14. v. 11. DEO dignas oblationes offer. Quid offeram dignum dignitati DEI? Vota mea Domino reddam, his dignius nihil habeo. Nam uno: sunt hostia placationis, hostia laudis, holocausta præstantissima. 2do: sunt odor suavitatis, hostia accepta, placens DEO. Quare Psal. 75. dicitur: Vovete & reddite Domino Deo vestro. Super quod Augustinus: Quisq; quod potest, voveat, & reddat. Non sitis pigri ad vovendum, non enim viribus vestris implebitis: sed DEUS ad implendum pergratum sibi promissum, vires cõferet. 3to: Sunt martirium tantò nobilius, quantò longius. S. Bern. S. 30. Cant. 4to. vota fecerunt Apostoli, ut docet S. Thomas 2da 2da quæst. 88. a. 4. ad 3. fecit Deipara, fecit Christus; ut probat Suarez 3. p. q.*

40. dist. 20. sect. 2. & Salmeron tom. 5. tract. 4. Non enim votendi hæc est sola causa, ut firmetur fragilitas voventis; sed etiam ratio maioris meriti. O quàm pulchrum, quàm utile, quàm suave hos Duces sequi: *1^{da}*: Vota sunt initium vitæ cælestis: nam in cælo terrenum nihil appetetur: erunt omnes, sicut Angeli DEI; obediunt perfectè DEO. *6^{da}*: Voventi & reddenti nunc indulgentiæ plenariæ, posthac æternæ vitæ sunt causa.

II. *Punctū 2dū*. Præstantiæ votorū tres alias causas affert S. Thomas l. c. a. 6. *1^{ma} est*: quia opus ex voto factū, v. g. jejunium, dignius est, & plus meretur: quia est actus non solum temperantiæ, sed etiā Religionis, quæ princeps est moralium virtutum. Consonat Salvianus l. 2. ad Eccles. Cathol. *Sicut Religio melior est irreligiositate; sic melius est jejunium votum, quàm non votum*. Et Augustinus l. de Virg. c. 8. Honoratius in animi bonis illa cōtinentia numeranda est, quā integritas carnis ipsi Creatori animæ & carnis cōsecratur, votetur, fovetur. *2^{da} ratio*: quia qui vovet aliquid & facit; & opus offert, quod vovit; & voluntatem; adeoq; plus offert. Sicut plus daret homini, qui daret ei arborem cum fructibus; quàm, qui daret ei fructus tantum; inquit S. Anselmus. c. 84. *3^{ta} ratio*: quia per votum immobiliter voluntas firmatur in bonum. *Facere autem aliquid ex voluntate firmata in bonum;*

bonum; pertinet ad perfectionem virtutis; ut patet 2. Ethic. c. 4. Sicut etiam peccare mente obstinatâ, aggravat peccatum, & dicitur peccatum in Spiritum Sanctum. Hæc S. Doctor.

III. Punctum 3tium. Audiam Eccles. c. 5. v. 3. Quodcunq; voveris, redde; multoq; melius est, non vovere; quam post votum promissa non reddere. Cogitabo 1mo: Non reddere votum, non est mentiri hominibus, sed DEO. Non est quodcunq; peccatum, sed sacrilegium. Non est quodcunq; sacrilegium; sed quo nullum est deterius. Itâ S. Bernar: ep. 353. Nullum sacrilegium reperitur deterius, quam in voluntate semel oblata DEO, recuperare potestatem. Non est sacrilegium inter deterrima quodcunq; sed infame nimis: quia est furtum rei dicatæ DEO: quia contrectatio rei aliena invito Domino, furtum est: Religiosus autem quidquid est, & habet, non ejus est, sed DEI, inquit Basilii in Reg. fus. & Bernardus ser. 19. in Cant. & Pinusius, teste Cassiano inst. renunt. l. 4. c. 36. tyronem sic monebat: Cave, nè quid eorum amplius resummas, qua renuntians abjecisti. Cogitabo 2do: Cui vovi? vovi DEO meo maximo: ipsine illudâ? Ah! DEUS non irridetur. Cogitabo 3tio: Coram quo vovi? vovi coram Sacratissima Virgine MARIA, & curia caelesti universa. Heu, quot olim stabunt testes, accusabunt, convincent, arguent, damnabunt!

IV. *Punctum 4^{um}*: Audiam DEUM Isaia 61.
v. 8. Ego Dominus odio habens rapinam in holocausto. Vota & reddenda, & fideliter reddenda: quia displicet DEO infidelis & stulta promissio. Unde S. Fulgentius de deb. conjug. c. 8. Quàm sit malum, quàm sollicitè fugiendum; si quis de hoc, quod DEO voverit, retinere, aut rapere, mortifera pravaricatione pertentet; exemplo sit Ananias & Sapphira; qui tertiam rapuerant partem de rebus votis. Rapina verò est, imò: aliquid habere proprium. Tales etiam exhumandos, & sepeliendos ut asinos, statuit Clemens III. c. super quodam. & Innocentius III. in Conc. Later. cap. Monachi. Sic à Sanctis Macario & Isidoro sepultus Monachus, penes quem inventi 5. solidi; clamantibus omnibus: *Pecunia tua tecum sit in perditionem*; ut scribit S. Hieronymus Epist. 22. ad Eustoch. Sic Januarius Monachus, ut scribit S. Augustinus. Sic alius apud S. Gregorium l. 4. dial. c. 9. Sic item alius apud Cæsarium hist. l. 9. c. 64. 2dò: rapina est, disponere de aliqua re cum licentia interpretativa; dum expressa potest obtineri. 3tò: rapina est habere superflua, quàmvis cum licentia. S. Bernardus ait: *Si quid habes ultra victum & vestitum simplicem, non tuum est, rapina est, sacrilegium est.* Licet enim talis non peccat contra obedientiam; peccat tamē contra paupertatem, nam superior non potest

finc

siue gravi causa, rescindere subditi contractū,
v.g. paupertatis, legitimè cum DEO factum.
Trident. Sess. 25. c. 2. de regular. 4to: ex
hoc ipso: Rapina est, modis indebitis consequi
dimissionem, vel relaxationem voti: & talem
velut apostatam obligat votum coram DEO;
coram quo nulla succedit fraus

Anima mea, vide, num tuæ paupertatis mu-
rus non hiat per rimas; num castitas imitetur
Angelicam; num obedienciæ cadaver non re-
vixit nequiter? Erubescere, dole, deprecare,
propone, pete gratiam; & fideliter redde Al-
tissimo vota tua.

MEDITATIO II.

De renovando amore erga Sponsum Christum.

I. *Punctum unum*: Audiam S. Paulum 1. Cor.
16. *Qui non amat Dominum nostrum Christum,
sit anathema.* Amorem Christi svadet, imò ju-
stus metus, nè simus anathema: hoc est, nè
Christus nos excretur, & separet à se: ut
explicat Justinus q. 122. Svadet 2do præstā-
tia virtutis hujus, quæ scilicet nos facit Sera-
phinos; ut fecit S. Franciscum. Facit filios
DEI; quia: *Omnis, qui diligit, ex DEO natus est.*
Joan. 4. Facit similes DEO; quia juxta Cli-
macum grad. 30. *est similitudo DEI.* Ipsum DE-

UM triumphat; inquit S. Bern. Serm. 64. Est regina virtutum; juxta Basilium. Est mater virtutum, illas generans, fovens, & alens; juxta Laurent. Justin. l. de ligno vitæ c. 4. Est anima virtutum; juxta Augustinum. 3to: svadet ejus utilitas & necessitas: nam idem Augustinus in Psal. 121. ait: Nos quasi duabus aliis: *charitas ad cælum extollit; amore DEI, & proximi.* Audet item dicere: *Sola charitas est, qua nos perducit ad DEUM.* Puta in sententia Bullæ: *Unigenitus.* 4to: svadet æquitas: quid enim iustus, quàm redamare Christum sic amantem? Recolam ejus beneficia generalia & particularia. Hæc si non merentur, ut amem ipsum; quid illi præscribam amplius, quo meretur amorem sui? 5to: svadet facilitas: Non enim diligendo manus lassantur, vel brachia luxantur, vel pedes laborant; inquit Hieronymus. Non dicitur mihi: *perfer tormenta, sis ex eis, qui Hebr. 1. lapidati sunt, secti sunt, in occisione gladii mortui sunt, circumferant in melotis, in pellibus caprinis, egentes, angustati, afflicti.* Sed mihi dicitur: *Fac hoc, quod facit DEUS; quod faciunt Beati, quod te beatum faciet; finè quo beatus esse vix potes.* Dilige Dominum DEUM tuum. O verè, Ephraim sum delicatus DEO, dū à me tam parum exigit.

II. *Punctum 2dum:* Audiam à matre mea Religionem

Cc

ligione

ligione dici mihi 2. Mach. 7. *Peto nate, ut a-*
colum aspicias. Vide, quæ præparavit DEUS
 tuis, qui diligunt illum: vide, quod oculus non
 vidit, nec auris audivit. Vide jucunditatem
 & exultationem, quam thesaurizat super fide-
 les in dilectione Dominus. Ibi te tuus ex-
 pectat Magister Christus discipulum, promo-
 vendum ad gradum & lauream. Beatorum: si
 præbens ei cor tuum. Expectat Mater Socie-
 tatis Mariæ; si filius sapiens latissimas Matrem
 tuam amando JESUM. Expectat triumphan-
 tium Sociorum exercitus, de sua felici-
 tate jam securus; adhuc de tua sollicitus. Incla-
 mat: Eja miles Christi, vince, non carnifices
 non viros, non equuleos, non ignes: sed tui
 frigus in amando Christo. Excus amore
 in acie, dimica fortiter. Labora, sicut bo-
 nus miles Christi sede, tace, deinde, sustine
 id vigila! Vide, quæ te manent requies, quæ
 merces, quæ corona! Expectat te tuus Pat.
 Ignatius. & ex. Am. t. Fili si dederis omnem
 substantiam pro dilectione Christi, quasi mihi
 despicias eam. Da tua, da te, da omnia; ut
 in hac perfectionis margaritam compares. Cali-
 ut aspice, regnum amoris, fontem amoris, præ-
 mium amoris. & ordebit tibi terras; sicut for-
 debat mihi. Christus erit tuum gaudium
 & tuum desiderium, tuus amor, tua omnia.

III. *Punctum 3^{ium}: Quærit ex me Christus*

Joan.

Joan. 16. *Amas me? respondebo: Tu scis Domine, quia amo te.* At Christus exigit amarum, 1mo: ex toto corde, seu juxta Chaldaum: *Ex toto v. lde: hoc est, omni conatu & intentione.* Hanc S. Bernardus ait: *Modus diligendi Deum, est, diligere sine modo.* 2do: exigit Christus amari ex tota anima, seu ex tota mente, hoc est, ut intellectus ingiter Christum cogitet; quia S. Bernardus ait: *Omne tempus, quo de ipso non cogitas; perdidisse te putes.* Voluntas, ut nihil amet, nisi Christum, vel propter Christum; inquit Hugo Antiochenus. Ut Christus à memoria non recedat: Cave, ne quando obliviscaris Dominum; Deut. 8. 31do: exigit Christus amari ex tota fortitudine, seu totis viribus: ut nec mori pro amore ejus pertimescas; dicit S. Bernardus Serm. 29. in Cant. Nascitur hic amor ex appreciatione Christi super omnia. Unde monet Thomas Kempensis de imit. l. 2. c. 5. Nihil magnum, nihil altum, nihil gratum, nihil acceptum tibi sit: nisi parè DEUS, aut de DEO sit. Quia: *Amans DEUM anima, sub DEO despicit universa.*

Anima mea, si non posses aliter amare Christum. (inquit Asceta noster) deberes omni felicitate privare te, ut illum ames. At tu privas te felicitate perenni, ut ipsum non ames. Quanta fatuitas! O JESU serò te amavi, pulchritudo tam antiqua, & tam nova; serò

te amavi: tu intus eras, & ego foris; tu mecum eras, & ego tecum non eram. Vix tempori, quo te non amavi, Aug. meta cordium, voluptas animæ, nectar intellectus, voluntatis & memoriæ calica dulcedo, centrum amoris. JESU summa benignitas, mira cordis jucunditas, incomprehensa bonitas, grua me stringit charitas. Bern.: Divine Spiritus, amor æterne, infunde amorem cordi meo, in flammâ pectus gelidum. O cælum, ô amoris patris, quando me recipies; tu ardeam in amore JESU!

In fine Affectus S. Xaverij: O DEUS ego, amo te, nec amo te, ut salves me. &c. loq. non

MEDITATIO III.

De renovanda imitatione.

Sponsi Christi.

I. Punctum inquit. Audiam S. Paulum: Quos præcipit & prædestinavit, conformes fieri imaginæ Filii sui: Conformem fieri imaginæ Christi, est depingere in se Christum: depingere in se Christum, est imitari Christum. Hanc imitationem exigit, undè ipse Christus; quia: Propter hoc naturam nostram suscepit; ut in se velut in tabula quadam, veram veritatem & virtutem depingeret, exim; nobis omnibus, tanquam Archetypum imitandum proponeret; inquit S. Basilus. Serm.

de

de renun. Hinc S. Gregorius ait: *Quod quisq;*
vita sua est pictor; & artifex huius operis est vo-
 luntas; colores autem sunt virtutes; exemplar Chri-
 stus esse debet. 2do: exigit salus nostras non enim
 possumus aliâ viâ Cælum ingredi, nisi quâ
 Christus ingressus est; nam non aliâ viâ pos-
 sunt ingredi membra, nisi quâ intravit caput.
 3tio: exigit aliena salus: cum enim matrisent
 filioli, quos iterum parturimus, donec forme-
 tur Christus in eis; clarè sequitur, quod prius
 in nobis Christus efformari debeat, ut forme-
 tur in illis: nam oportet, ut prius in nobis ex-
 primamus factis; quod svademus verbis; quia
 non prosunt Apostolica verba, si desint exem-
 pla. Tale iudicium est S. Gregorii. Præf. ad
 lib. dial. *Ad amorem Patriæ Celestis plus exem-*
pla, quam predicamenta succendant. 4to: exigit
 status Religiosus, seu tendentia ad perfectio-
 nem; nam ad perfectionem tendere, non est
 aliud; quàm sequi Christum. Unde Cassianus
 Instit. abré. c. 32. ait: quod abrenuntiatio
 seculi, est imago Christi. 5to: exigit ratio
 Christiani: nam S. Cyprianus de hab. Virg.
 ait: *Qui esse cupimus Christiani, debemus, quod*
Christus fecit, imitari. *Qui dicit se in Christo*
manere, debet, quomodo ille ambulavit, & ipse am-
bulare. *Ambulandum est igitur vestigiis paribus,*
& emulâ ingressione nitendum est. 6to: exigit
 ratio hominis: quia juxta S. Leonem Serm. de

jejun. 10. Mens. Homo deo creatus est, ad imaginem Dei, ut sit imitator sui authoris.

II. Punctum 2dum. Audiam Ecclesiasticum: e. 23. Gloria magna est, sequi Dominum. Cogit b. 1mo: si Armiger Jonathæ. 1. Reg. 12, magnam promeruit gloriam: quod in ardua rupem est secutus herum; quantam Christianus merebitur, si sequetur Christum, ac etiam ad rupem Calvarie? 2do. Tertullianus censet, nihil esse dignius nomine Christiano porro juxta S. Clem. Alex. Strom. Ille tantum Christianus est, qui Christum sequitur; sicut Cicero anus, qui Ciceronem sequitur. 3to: illa est matura imago praestantissima, quæ genuinè rem exprimit, cujus est imago. Jam ex mente Cassiani L. c. tota vita Religiosa nil est aliud, quam effigies Christi. Christum itaq; quanto perfectius in se depinget, tanto magis æstimari merebitur. 4to: si filii hujus sæculi honori sibi ducunt, quod ad exempla Regum componant mores; quantus honor erit, componere mores ad exemplum Regum Regis Christi? 5to. Si ad humanam pertinet laudem ut Patrum deus in prole resplendeat; quanto magis gloriosum est, ex Deo natos, in Authoris sui imagine fulgere! inquit S. Leo.

III. Punctum 3r. um. Quod nos arcet, ab imitando Christo: imum est: Horror difficultatis; quia recte Thom. Kemp. Imit. c. 25. l. 1. ait: Unū est, quod multos à profectu, & ferventi emendatione

retrahit, horror difficultatis. enimverò illi maxime
 in virtutibus proficiunt, qui ea, quæ sibi magis gra-
 via sunt, viriliter vincere nituntur. E. Hierony:
 Tantum proficere, quantum tibi vinum intuleris. Quod
 ut prestes, cogita frequenter, inquit idem
 Thom. Kemp. ibidem: Ad quid venisti, & cur
 sæculum reliquisti? Ità se animabat Arsenius & alii.
 2^{um} est: neglectus gratiarum urgentium nos,
 ad imitandum Christum. At Chrysos. monet:
 Jus Dei iudiciò sit, ut qui gratiam vel ne-
 glexerit, vel depulerit, abutens donis Dei, &
 talentis summi Patris familias, dum fas erat;
 postmodum ad eam veniendi, nequaquam
 recursus habeatur. 3^{um} est: passionēs indo-
 mitæ, quæ nos impellunt ad lectanda sensualia.
 Ità sentit Thom. Kemp. Totum & maximum
 impedimentum est, quia non sumus à passionibus liberi.
 Contra hoc impedimentum militat lectio de
 mortificatione passionum. Tandem omnia,
 quæ nos ab imitatione Christi retrahunt, faci-
 le franget; qui æstimationem eius conceperit.
 Nam tantò viriliter nitimur ad aliquid, quanto
 magis illud æstimamus.
 Anima mea, placet consequi Christum? se-
 quendus est. Placet sequi? sectandæ virtutes
 ejus. Nam: In cassum laborat in acquisitione
 virtutum, qui eas alibi, quàm in Christo querit, in-
 quit S. Bernar. Placet sublimis virtutum perfe-
 ctio? nulla est certior tutiorq; ratio ad perfectio-
 nis

nis apicem perveniendi; quam peritum. Time-
 ris sequi ducem ait S. Xaverius. Quis autem
 peritior dux, quam Christus; qui sic est Dux
 ad apicem perfectionis, ut simul etiam sit via? de
 qua S. Aug. In Psal. 109. Parum erat Deo, ut fi-
 lium suum daret demonstrationem vite, cum ipse
 viam fecit regentem te. Placet corona virtutum
 non vulgaris, hoc est magna Cælestis gloria?
 Quanto se quisq; Christo in virtutis imitatione
 hic conformare studuerit, tanto ei in prima gloria
 & claritate appropinquabit, & similior erit; dicit
 S. Bonav. In quo vero maxime Christum imi-
 tati debeas: ipse docet Lucæ 9. Si quis vult
 post me venire, abneget semetipsum, tollat crucem
 suam, & sequatur me.

MEDITATIO IV.

De non deferendo sponso, seu de
 renovanda ætimatione Vo-
 cationis Religiosæ.

I. Punctū 1. Audiam David. Psal. 123. Ani-
 ma nostra erepta est de laqueo venantium. Unde me
 Deus vocavit? vocavit me ex presenti sæculo
 nequam, ubi, ut ait Origenes; Omnia rebus
 plena sunt, diabolus laqueis cuncta implevit. O! mi-
 se am sæcularium sortem! imò in vita quantus
 labor circa bona Corporis, fame, fortunæ!
 quan-

quantus metus, ne pereant! quantus dolor, si
pereant! quanta illorum pericula ab elemen-
tis, hostibus, amulis, domesticis, falsis fratri-
bus! & ecce in his omnibus laqueus dicit S.
Ambrosius l. b. de bono morali c. 5. Laqueus
in auro, viscus in argento, nexus in pradio, ha-
mus in oratione, clavus in amore. 1. Timoth.
9. Qui divites fieri volunt, incidunt in laqueum
diaboli. Porro per divitias, hoc loco, apud
Cornel: à Lap. intelligitur: mens vana, cu-
pida, delitiosa, superba. Rationem dat S. Tho-
mas. Quia divitiæ sunt medium ad delicias &
superbiam. Heu quàm paucos inveniemus, inquit
Bernardus, qui ab hoc liberati laqueo, exultent?
quàm multos, qui dolent, quod parum sibi videntur
irretrici; & adhuc, quantum possunt ipsi se involvere
ac intricare laborant! 2do in morte. Quem cu-
ræ mundi absorbtuerant, ac miserant in desi-
deriis vanis; dum eum occupant laquei mor-
tis, vix emergit ad cælestia. Adstant domesti-
ci, lugent; sed de studio salutis ægro mentio-
nem non ingerunt; sua Commoda promovent,
dolore inutili moribundum laniant. Con-
scientia clamat: Et hæc, quæ parasti, cuius erunt?
justi ne parasti? laborasti, quid comparasti pro
æternitate? O! si tantum laborasses pro cælo?
quantum pro inferno. Hinc timor, mæror,
angor, desperatio. Tunc experitur, quod di-
cit Ambros. In medio laqueorum ambulat, quæ

vitia, tot retia; quot peccata, tot laquei. *gr̃o*
post mortem. Ratio exigitur de domesticis, cli-
 entibus, subditis, amicis, inimicis, de minimo
 nummo acquisito, & expenso: itur in interi-
 tum laquei. Merito S. Antonius, teste Atha-
 nasio, vidit totum mundum laqueis obtensum,
 in quos incidebant animæ; & exclamavit: *Do-*
mine quis evadet hos laqueos? ac audivit. *Ha-*
milis: quæ virtus, quia in mundo vix locum
 habet, quis est modus evadendi laqueos.

II. Punctum 2. Audiam David psal. 83, *Quam*
delecta tabernacula tua Domine? concubescit, & de-
scendit anima mea in atria Domini. Quo me Deus
 vocavit? vocavit me de tenebris in admirabi-
 le lumen suum; ex tabernaculis peccatorum,
 in tabernacula sua; è Babylone, ad Hierusalem
 caelestem, ad visionem pacis internæ, ac ex-
 ternæ; scilicet ad Religionem; ubi non est pec-
 candi materia, non est *Meum ac Tuum* frigidū
 illud verbum, & quidquid est malorum, in
 vitam nostram invehens, inquit Chrysostomus.
 Ubi DEI laudes cuncta personant; ubi singu-
 lis in sodalibus videtur DEUS; ubi Christi vo-
 ces audiuntur: *Qui vos audit, me audit:* ubi vi-
 vetur vitâ Christi, qui se in instanti unionis
 hypostatice votis obstrinxit religiosi; ut pro-
 bat Suarez in 3. p. tom. 2. disp. 28. sect. 1ma:
 Tandem ubi juxta Bernardum, *Homo vivit*
purior, cadit citius, surgit velocius, incedit cau-
tius,

ritus, rigatur frequentius, fructificat uberius, mritur securius, purgatur citius, premiatur copiosius. Vocavit me Deus ad eum statum, qui juxta Hieronymum, est pretiosissimus lapis inter decora Ecclesiae; juxta Nazianzenum primitiae Religionis Christianae, & corona fidei; juxta Bernardum, margarita evangelica, pro qua danda omnia; vita beata; paradiesus terrestris. Vocavit me ad eum statum, in quo centuplum accipitur in hac vita, & vita aeterna possidebatur: in cuius susceptione omnis deletur poena, sicut per Baptismum; ut docent SS. Hieronymus Bernardus, Thomas, Antonius: in quo omnes sunt ministri Christi Regum Regis, honorificandi olim à Patre; genus electum, gens sancta, populus acquisitionis.

At aestimatio Vocationis est vana, nisi praestem id, ad quod vocatus sum. Unde.

III. Punctum 3. Audiam Christum Math. 5to: *Estote perfecti.* Ad quid me vocavit DEUS? ad parandam utique perfectionem. Quia juxta S. Thom. 2. 2. q. 186. Status Religionis, est quadam disciplina vel exercitium ad perfectionem perveniendi: hoc est, ad perfectam charitatem; quia inquit, *Ipsa perfectio Charitatis est finis status religionis.* Religiosus ergo non tendens ad perfectionem, mortaliter peccat. imò: quia ut probat S. Thom. tum alibi; tum praesertim in 2. ad Corinth. 13. S. Hieronymus ad Heliodor,

dor. Euseb. Emis. Azor, Pelliz. tr. 5. quia, inquam, talis votum violat tendendi ad perfectionem; quod em sit per ingressum religionis: Sicut per ipsam susceptionem Sacerdotii vovetur castitas. 2do: quia talis non potest excusari à contemptu, saltem virtuali, perfectionis. 3to: quia talis graviter peccat contra iustitiam; tum quia contravenit contractui inito cum Religione; quæ ipsum eatenus alit, instruit, fovet, curat; quatenus promissit se curaturum perfectionem. Tum quia iniuste fruitur privilegiis, exemptione ab oneribus; foundationibus, eleemosynis, quas fideles hoc titulo conferunt Religiosis, quod fiat Religiosi, seu quod tendant ad perfectionem. 4to: quia juxta S. Thom. 2. 2. q. 184. a. 4. talis peccat hypocrisis & mendatio in re gravi, dū se simulat Religiosum, & non est. Plures ibi rationes affert S. Doctor. Concludit Petrus Cluniacensis lib. 1mo collect. *Istos devorat infernus, qui sub vestitu Religioso negligenter vivunt.*

Expergiscere anima mea, expergiscere! quid sopore opprimeris, dum salus tuæ navis periclitatur conteri? Voca ad calculum omnes à novitiatu Annos, menses, dies; expende, quantum in singulis perfectionis accesserit! O Deus! ultionum Domine! pones aliquando mecum rationem vitæ meæ, occasionum proficiendi, auxiliorum, temporis nequiter transacti. Heu

quò à facie tua fugiam? Videbo tunc, ut serò,
me nec Religiosum, nec secularem vixisse: sed
monstrum quoddam, ex utroque compositum.
Periit miserè tantū tempus: illud jam revocare
non possum, verū deinceps recogitabo tibi
omnes annos meos in amaritudine animæ
meæ, & ultiores ad tuam quàm maximā glo-
riam disponam. Adjuva me Deus salutaris
meus.

MEDITATIO V.

De renovāda observatione legū
Sponsū Christi obligantium.

1. *Punctum unum.* Audiam Moysen Deuter.
5. *Non declinabitis neque ad dexteram, neque ad
sinistram, sed per viam, quam præcepit Dominus,
ambulabitis; ut vivatis.* Ambulandum est in le-
ge Domini, seu per viam regularum. Imò, quia
id est honestum coram Deo, & hominibus: si-
cutè contra, declinare ab hac via, est incur-
rere apud Deum, & homines infamiam; quia
est, Deo, & Religioni turpiter fidem frangere.
Idò quia nihil magis delectat animam Religio-
si, quàm hac viâ progredi: nam sic potitur pa-
ce tam internâ, quàm externâ in vita; iudiciò
Thomæ Kemp. & Pauli. *Quicumque hanc regu-
lam secuti fuerint, pax super illos.* & misericordia
Dei. Quippe sic Religiosus sistit in suo cen-

tro, hoc est: assiquitur finem suum, nempe perfectionem Religioſam; quæ, juxta Ascetas, consistit in exacta regularum observatione. Potitur pace & in morte; quia securè cum Augustino dicit: *Feci Domine, quod jussisti, da, quod promissisti.* 3tio quia nihil utilius, quàm ista gradi vâ. Hæc enim arcta est, sed recta ad Cælum ducit. Immo: qui ab illa non declinant, in vita beati sunt: *Beati, qui ambulant in lege Domini Ps. 118.* Leges enim nostræ continent omnes beatitudines Evangelicas. Hinc Vicarius Christi declaravit: vivum se canonizaturum, qui eas impleverit. Econtra maledictus, qui non permanserit in omnibus, quæ in libro legis scripta sunt; nec salutis certus est: Religiosis enim non aliam ad salutem Deus determinavit viam ex sensu Ascetarum, quàm executionem legum suarum: quæ derelicta, indignos se reddunt gratis efficacibus; & sic exerrant à semita justitiæ, & via salutis: ideo additum Ambuletis per viam hanc, ut vivatis.

II. Punctum 2dum. Cogit bo: quid me impedit, nè currim vâ mandatorum S. Patris, seu regularum? Fortè imò: quia non tanti illas æstimò, ut par est. Sed quanta stultitia, minus æstimare regulas, quas Deus revelavit S. Patri; quarum aliquas Deperdidit; in quibus est digitus Dei, juxta effatum Pauli III; quas tota laudat Ecclesia Tridenti coacta; quæ sunt.

sunt efficacissimum medium ad perfectionem! 2dò: impedit illa persuasio: Prator minima non curat. At imprimis regulæ non sunt quid minimum, ut constat ex dictis modò. Deinde, sunt quid minimum: at obligavi me ad illas implendas. & hoc p. & d. promissa mihi vita æterna: At sæpe illarum observationi alligatur finalis gratia: at, qui in modico iniquus est, & in maiori iniquus erit: quia in panam violationis regularum permittetur labi in peccata gravia. At servus maxime fidelem se ostendit in minimis; & quia super p. uca fidelis est, super multa constituitur. At Christus minimum apicem legis implevit pro salute mea! 3tò: impediunt re p. & t. humani. Sed hi juv. bunt nò me in mortem. An non perident? Nonne pluri faciendus Dei respectus? 4to: impedit persuasio hæc: Regula non obligant sub peccato: De hoc sit.

III. *Punctum 3ium.* Est peccatum, maius vel minus, pro circumstantiis; regulam violare 1mò: iuxta S. Thomam 2. 2. q. 186. a. 9. *Ex negligentia:* hoc est, ut explicat P. H. rmanni, *ex modica perfectionis cura.* 2dò: Violare v.g. silentium, *ex libidine:* seu, ut explicat Cajetanus: *Ex inordinato motu.* Quia quicquid fit ex inordinato motu, peccatum est; licet ex se sit indifferens; ait Valentia 3tò: *Ex contemptu regulæ vel superioris; ut superior est.*

4^{to}: Si regula respicit voti materiam: quia tunc etiam vetum violatur. Vide Molina Tom. 3. Instit. 5^{to}: Si respicit materiam præcepti: quia tunc violatur præceptum. 6^{to}: Si respicit spiritualia, ut meditationes, orationes, ex omnia: quia tunc peccatur per acediam. 7^{mo}: Si respicit ædificationem proximi, ad quam tenentur lege naturæ, quibus incumbit alienæ salutis cura; inquit Gaudier Introd: c. 23. §. 3. Tales, præter regulas modestiæ, sunt multæ. 8^{vo}: Si violatio regulæ disciplinæ in laudis exemplò pravò. 9^{no}: Si externis præbet scandalum; ut docet S. Thomas 2. 2. q. 186. a. 9. in Corp. Vide plura apud Gaudier l. c.

IV. Punctum 4^{um}. Multi docent: Ex consuetudine regulas violare, esse mortale. Ita S. Thomas in 2. ad Cor. 12. Suarez Tom. 4. Relig. c. 4. Sanchez l. 6. sum. c. 4. Et apud ipsum alii. Azor & apud ipsum alii. Vasquez l. 2. q. 96. op. 158. a. 6. Pelliz: tract. 5. c. 1. Tabiena v. Relig. Carthus. de Reform. claustr: a. 6. Elizal. in Doctr. mor. l. 8. q. 14. Rationes illorum sunt: 1^{ma}: Quia hoc est interpretativè regulas contemnere. 2^{da}. Est contemnere perfectionem. 3^{ia} Quia est graviter turbare domum. Vide Sanchez l. c. 4^{ta}. Est conjicere se in periculum violandi vota; ut fusè probat Elizalde q. 15. §. 3. 5^{ta}: Est conjicere se in periculum committendi

quæ:

quæcunq; mortalia; ex rationibus, quibus probavi, quod venialia peccata disponunt ad mortalia. medit: 2. diei 2. 6ta: Est intolerabilem esse Religionem, & expelli dignum Sanch. L. 6. Decal. c. 4. n. 18. 7ma: Est infirmare finem Legislatoris. Vide Vasquez l. c. 8va: Est in eo statu se locare, ut Religiosus non censeatur esse Religiosus; quod est graviter difforme rationi; ut deducit Elizalde l. c. 9na: Quia, si superior graviter peccat permittendo violari regulas, (ut docetur cum Lugo de just. disp. 9. à n. 21.) tanto magis graviter peccat, illas libere violans.

Huc spectant rationes allatæ puncto 3tio medit. præced.

MEDITATIO VI.

De renovandis ornamentis

Sponsæ Christi.

I. Punctum unum. Audiam Christum Matth: 22. Quomodo hic intrasti; non habens vestem nuptialem? Cogitabo imò: Quomodo studio filii huius sæculi componunt, ac ornant se; ut oculis humanis placeant! nec labori, nec sumptui, nec molestiis, imò nec dolori parcunt. Quin & nonnulli, quasi lucis filii, seu Religiosi varii, quomodo seta capillorum torquent in cincinnos, gestus, vocem, faciem, vestes comunt!

cur non tantū Deo, quantū mundo; non tantū salutī, quantū vanitatī; non tantū animæ, quantū carni? Cogitabo 2dō: Si ē nuptiis ejectus in tenebras ille, qui non habuit vestē nuptialē; quomodo admittetur sponsa squallida, ceu tene tecta, non vestita veste nuptiali? porro per vestem nuptialē Chrysostom⁹ intelligit charitatē, Gregorius Opera charitatis, Hieronym⁹ morū sanctitatē; Hilari⁹ gratiā Spiritūs Sanctī; Augustinus contra Faustū per carentē vestē nuptiali, intelligit quarentē suam, non Domini sui gloriā. Cogitabo 3tō: Si ad nuptias agni non admittitur sponsa, nisi præparata, hoc est ornata; quomodo admittetur ad thronum ejus? imō, cum juxta Gregorium, ipsa sit thronus DEI; expedit magis ornatam esse, quā thronum Salomonis, vel Assyeri.

II. Punctū 2dum: Audiā S. Paulum Rom. 13. *Induamur Arma lucis.* Arma lucis, juxta interpretes, sunt solidæ virtutes; quæ mirē nos ornant corā Deo. consistunt illæ imō in quattuor E. nepe: Fugere vel minimā labē animæ: Ferri semper in Deū, præsertim per charitatem & orationem: Feruenter omnia agere, hoc est accurate, ac ex motivo sublimi: Ferre molesta fortiter. 2dō: in usu bono triplici: scilicet in usu temporis, in usu gratiarum, in usu talentorum & potentiarum internarum, & externarum, præsertim gustūs. 3tō in 3plici sicut

ideſt,

ideſt, ſicut vult Deus, ſic agere, pati, vivere; ſicut Sancti & perfecti viri: ſicut Deo, ſuperiori obedire. Hæc ſunt arma lucis, quibus animam ornari Sponſus exigit.

III. *Punctum 3^{ium}*: Audiam eundem S. Paulum 2. ad Cor. 8. *Providemus bona, non ſolum coram Deo, ſed etiam coram hominibus.* Axioma fert: *Conſcientiam Deo, famam proximo debemus.* Unde judicio S. Anſelmi: *Qui ſuam famam negligit, in proximi ſalutem crudelis eſt.* Ornamenta quoad homines exprimunt gemmæ Rationalis Exodi 28. Quatuor ordines gemmarum, ſunt quatuor virtutes Cardinales, ait S. Hieron. Tres lapides in ſingulis ordinibus, ſunt tres virtutes Theologicæ, inquit Beda. Lapis *Sardius*, quia generatur intra ſaxum, ſignificat mortificationem externam, juxta Mendocza. *Topaſius*, juxta Ambroſium, Toſtatum, Alcazar, reprimit animi paſſiones! *Smaragdus* ſignificat Virginitatem; ait Pierius; horret venerem, ut docet Albertus magnus. *Carbunculus* ſignificat ardentem zelum, juxta Pineda: *Si perfundatur aqua, (tribulationis) magis lucet;* ait Plinius. *Sapphirus* dicitur à gemmariis, *gemma Cæleſtis*, de qua Niſſenus: Orat. 14. *Sapphirus eſt, cujus cor, ea, qua ſuſum ſunt, vult, & reſpicit. Sapphirus eſt, cujus converſatio in Cælis, ſeu Cæleſtis eſt; non terrena ſapiens, non ſuperba, non faſtidioſa, non ſecularis, non mul-*

tiloqua, non vaniloqua: sed modesta, humilis, exemplaris. *Jaspis* juxta Galenum, Stomachū roborat; scilicet ad amara quævis concoquenda. Locò *Jaspidis* Hebræi ponunt hic adamantem; qui significat infractum robur in tolerandis laboribus & adversis. *Lygurius*, seu juxta Hiero. *Hiatynthus*, significat obedientiā, & conformitatem cum voluntate DEI: nam de illo Solinus ait: *Cum Cælo colorem mutat.* *Athates* significat amorem solitudinis, & fugam solis publici; quia teste Plinio, pulchrius luceat nocte, quàm die. *Amerthystus*, juxta Ruëum, facit sobrios, & vigiles; quod à nobis exigitur 1. Petr. 1. *Chrysolitus*, inquit Ansel: Boëtius: *Est natura solis, cujus speciem aureo suo colore refert.* Significat, quòd lucere tantum, sit vanum; ardere, parum; lucere, & ardere perfectum. Nam hæc est natura solis. *Onyx* Significat candorem, & innocentiam, juxta Alcazar. Juxta Ruëum, reprimit animi tumorem, & fastum. *Beryllus*, contra naturam aliarum gemmarum, pulchrior est, non insertus auro; dicit Plinius: quare significat paupertatem.

Hæ virtutes nos etiam hominibus commendant. Illas igitur studebo renovare, providebo media, petam gratiam.

Te Deum laudamus.

PRO

PRO RENOVATIONE II.

Renovationis nostræ Typus est
Conversio Filii prodigi.

MEDITATIO I.

De Filii Prodigii Conversione.

I. *Punctum imum* Cogitabo imò: Adoptavit me Deus in filium, dedit amplam substantiæ portionem; nimirum tot naturalia bona, corporis, animæ, famæ, fortunæ. Nam juxta Hieron: *Substantia Dei est omne, quod vivimus, sapimus, cogitamus, in verba prorumpimus.* An putem, quod hæc in me temerè nullove sine projecerit? Ideo contulit, ut eis non aliter utar, quam ad ipsius gloriam, olim illorum rationem rigidam redditurus. Contulit & tot bona supernaturalia, quia juxta Cornelium: *Substantia Dei sunt omnia bona natura & gratia.* Quid ego? deserui Patrem, in regionem longinquam abiit; hoc est, in oblivionem Dei, ut explicat Augustinus: *Oblitus sum Domini factoris mei!* Toties autem sum oblitus, quoties illum offendi. Dissipavi substantiam, nam, ut ait Theophilactus: *Qui egreditur domo à Deo, & se à timore Dei elongat, omnia Divina bona expendit, prodigit, dissipat.* Quod ipsum dedu-

cit Cornelius etiam de bonis naturalibus. Cogitabo 2dò: Quibus me vits elongaverim à Patre meo: Imprimis deserui viam mandatorum, seu regularum; quam ab initio arripueram; in ista viam Jeroboam, quâ currere videbam imperfectos. Hâc deveni ad teporem in adhibendis mediis ad perfectionem. Indè pullulavit frigus in rebus spiritualibus; deinde nausea, tandem & earum neglectus, ut meditationis, examinis &c. Exinde velut ex equo Trojano prodire mille mala. Et jam nihil erat, quod me penes Patrem meum, hoc est in fervore curaq; debita salutis detineret. Cogitabo 3rdò: Per hæc in quantam egestatem me conieci! Deficit familiaritas & conjunctio cum Deo, horror peccatorum venialium; refrigit amor Dei, radices egit amor proprius; terrenorum imò desiderium, deinde sollicita succrevit cura. Tandem placuit pasci siliquis, & pascere porcos; seu brutales appetitus & passionem.

II. Punctum 2dum. In se tandem reversus prodigus; hoc est, agnovit miseriam suam; ingemit, ad Patrem redire statuit. Illum ego secutus sum errantem, quidnâ sequar penitentem? Redeundum ad Patrem est, eadem viâ, quâ ille rediit. Nimirum Imò Reversus in se, hoc est, perpendit miserum statum suum. 2dò: Recogitavit delicias Paternæ Domûs, quibus

Itultè privavit se se, propter unas nugas. 3rd:
 Concepit spem in bonitate Patris. 4^{to}: Abru-
 pit in redeundo moram, deseruit filiquas, &
 porcos, id est animalem vitam. 5^{to}: Depre-
 catus Patrem, submisit se pateri: *Fac me sicut*
unum de mercenariis. 6^{to}: Humiliavit se: *Non*
sunt dignus vocari Filius. 7^{mo}: Doluit, detesta-
 tus peccata, confessus est: *Peccavi in celum &*
coram Te. Anima mea, vade & tu ad Patrem,
 & fac similiter.

III. Punctum 3^{ti}um Placatum reperit Patrem
 filius prodigus, comiter acceptus, ornatus in
 stola. Non minus misericordem ego reperiam,
 quia Ezech. 33. *Impietas impii non nocebit ei,*
in quacunq; die conversus fuerit, ab impietate sua.
Quod ut assequar: anima mea, non tardes con-
verti ad Dominum, & ne differas de die in diem:
subito enim veniet ira illius, & in tempore vindicte
disperdet te. Eccli 5. *Non tardes,* 1^{mo}: Quia
 sicut morbus, ita inveteratum peccatum, diffi-
 cilè sanatur. Arborem annosam non ever-
 tes. Deut. 9. *Non nisi in brachio extento*
populus reduci potuit ex Agypto, quod ibi
diu manserit. Lex peccati est violentia con-
 suetudinis, quâ trahitur & tenetur, etiam in-
 virtus animus; eo meritò, quo in eam volens il-
 labitur, nec seriò de emergendo cogitat, sed
 de die in diè saniora consilia differt, inquit S.
 Hieron: *Ponit tales Deus in possessionem ericii*

Isaie

Isaia 14. qui, dum horret partus aculeos, illum detinet, quantum potest: at hic grandior factus, magis pungit in egressu. 2do: Per hanc dilationem penitentia, insuper crescunt scelera, & in augmenta facinorum profilitur, quoties securâ impunitate peccatur, ait Chrysost. hom: de Absalon. 3tid: Quia ineptiores reddimur ad bonum. Asperam & insuavē virtutum viam, facit consuetudo vitiorum; ut mirum non sit, nullum boni operis esse principium, in foribus vitiorum subsistere: Principium vitæ melioris est, illa deseruisse. S. Hieronym.

Pater, peccavi in Cælum & coram te. In-
gemisco tanquam reus &c.

MEDITATIO II.

De misero statu Filii prodigi
deferentis

Domum Patris: seu Religionem.

I. *Punctum unum*: Desertoris ejusmodi miser status *anime*: Quia petulanter deserere Religionem, est mortaliter peccare. Rationem *imam* dat S. Basil: In reg. fus c. 14. Quia talis, sacrilegii scelere se obstrinxit, quippe qui seipsum Deo, cui se consecraverat, subterfuratus sit. 2dam *Consi*: Mon: c. 22. Quia magnam scandalorum

segerem multis praebeat, perversosq; exemplo alios ad sui imitationem instiget. Per quod & Religionem infamat, dum facit, ut eam imperiti intolerabilem esse censeant. 3tia: quia tanquam recium à corpore membrum debet mori, nempe Deo. 4ta: Quia, qui semel in defectionem hanc se praecipitavit, omni vitiorum genere cumulatur, intemperantiâ, avaritiâ, edacitate, falsitate, omniq; morum perversitate; & denique extremis malis infixus, in profundum nequitiae princeps abit. Nam tanquam Lucifer profundius mergitur; quia de Caelo, quod est Religio, cecidit: intensius frigescit, quia de loco summi fervoris exiit in acre frigus: gravius colliditur, qui se dedit ex alto, praecipitem. Id adeo verum est, ut juret S. August. ep. 137. quod I, quomodo difficile sit expertus meliores, quam, qui in Monasteriis profecerunt: ita non sit expertus peiores, quam quidem monasteriis exciderunt. Si enim in calore frixerunt, qui fieri potest, ut in frigore non congelentur?

II. Punctum 2dum. Miser status corporis: Quia imò: paucitas dierum, ejus finitur brevi. Nam ex decreto Dei, qui sprevit, ac dishonoravit Matrem suam, nempe Religionem; non potest esse longævus super terram, Exod. 20. Præterea nonne breviatur, & consumit vitam, Conscientia perpetuo rodens, & clamans Bernardi verbis: Attende cor tuum, discute intentionem,

consule veritatem: cur abieris? cur ordinem tuum,
 cur fratres, cur locum deserueris? 2do: Quanta
 miseria, tot immergi curis, requiem non ha-
 bere ab ærumnis, angore, labore, periculis!
 illa servitute stringi, quâ, ut se liberaret, ethni-
 cus Philosophus, aurum, iniecit mari. Rectè
 S. Augustinus Serm. 28. de verbis Apost. Au-
 rum, quod arumna perquerat, quod avaritia cupit,
 quod sollicitudo custodit, aurum materiam laborum,
 periculosa res possidentium, aurum malus dominus,
 proditor servus. 3tio: Quia desertor ejusmodi
 cum filio prodigo serijs aut citius incipit egere,
 premitur pauperie. Nam statutum est: Ege-
 stus & ignominia ei, qui deserit disciplinam. Pro-
 verb. 13.

III. Punctum 3tium. Miser status fame. Quis
 enim æstimet salem infatuatum, & foras mis-
 sum? quis non censeat conculcandum? Id e-
 nim verò prædixit Jeremias c. 17. Recedentes à
 Te, in terra scribentur, nimirum, ut calcantur,
 deleantur, obliterentur. Idem declarat S.
 Spiritus Eccli 3. Quam malè fama est, qui de-
 relinquit Patrem, seu Patriarcham Ordinis; &
 est maledictus à Deo, qui exasperat Matrem, seu Or-
 dinem. Alii legunt: Quam execrabilis, infu-
 mis; qui derelinquit Patrem! nam quis non e-
 xecretur eos, qui deserunt Patrem, ut pascant
 porcos seu brutas cupiditates? quis absque
 stomacho cernat, eos pro modica lente, pro-
 digere

digerē primogenita? quis non damnet, videns eos, ut inquit Bernardus; ep. III. rursus in naufragium, unde nudi evaserant, revocari: rursus in ignem, unde vix semiusti exierant, relabi: rursus in latrones, à quibus sem vivi relictī fuerant, recidere: & militem Christi prope jam raptō Cælō triumphantem, ab ipso jam introitu gloriæ, tanquam canem ad vomitum, tanquam suem ad lutum redire? S. Ephrem postquam afferuit, tales etiā ab amicis, affinis, à Parentibus despici: subdit: *Quis enim non irrideat, aspiciens eum, qui heri in Monasterio se ipsum ad ministerium Fratrum precinxerat; hodie famulorum comitatu stipatum?* Videmus, desertores istos in altum niti; sed ut Syssyphi lapides; imò, sicut lapides contaminatos, projici in locum immundum: I. Machab. 4.

O beata Mater Religio! ô dulcis domus Patris mei! ô terrestre Cælum! non te deferam. Ut jumentum fiam apud te, utere me tanquā jumento, pascere tanquam jumentum, tracta velut jumentum. Meum erit, agere, quod jubas; terre, quod imponas; pati, quod infligas. O S. Pater quā dilecta tabernacula tua! melior est una dies in atris tuis, super millia. Hic vivam, hic moriar. Utinam vivam, ut filius tuus; utinam moriar, ut filius Tuus! Tibi gratia, quod me adoptaveris in filium; mihi confusio faciei, quod me non exhibuerim fili-
um

um tuum. Protege me, fove me, affige tibi me; ut non des eram Te, ut non separer in æternum à Te.

Filius Prodigus mortuus erat, & revixit. Luc. 15.

MEDITATIO III.

Derenovandis primitiis spiritûs.

I. Punctum 1^{mu} m: Cogitabo 1^{mo}: Vera mors est, sejungi à Patre, hoc est à Deo. Ità Cyril. Alex. Orat. de exit. animæ. *Mors proprie est, non quæ animam dimit à corpore, sed quæ animam à DEO separat.* Rationem dat Iudorus lib. de sum. bono. Vita corporis anima, vita animæ DEUS; & sicut corpus mortuum est sine anima, ità anima mortua est sine DEO. Confirmat Gregorius lib. 4. moral. c. 17. In scriptura mors carnis dicitur umbra mortis; quia sicut vera mors est, quâ anima separatur à DEO; ità umbra mortis est, quâ anima separatur à corpore. (Consulâ conscientiam, an animæ morte aliquando non interi, præsertim in Religione? O quantum monstrum, Religiosus, & peccatum mortale! exclamavit moriens P. Antonius Padillius. Cogitabo, 2^{do}: An saltem non refrixit ille spiritus, qui fervebat in Religionis ingressu? Tunc non commoda quærebam,

rebam, non officia splendida, non plausus, non gloriam inanem, non conversiones vanas. Viguit horror peccati vel minimi, legum vel minimarum, ordinis domestici, consuetudinis exacta custodia. Viguit studium mortificationis, orationis fervidæ, ædificationis, externæ pacis, & internæ, patientiæ, humilitatis. Vivitne nunc iste spiritus? ah evanuit! Ergo vivo sine spiritu: ergo nomen habeo, quod vivam, & mortuus sum. Igitur sicut prodigus in se reversus, hoc est (ut legit Syrus) rediit ad animam suam & DEUM: ita mihi mortuo, redeundum est ad animam, & ad Deum fontem vitæ. Redeo ad te Pater misericordiarum, in misericordia tua vivisti tu me. Nunc capi vivere tibi: o dextera Excelsi muta me!

II. *Punctum 2^{um}*: Filius prodigus in se reversus, seu ad priorem vitam à sua divagatione rediit; ut Theophylactus explicat. Quid illum movit ad reditum? respondet Nissenus Tract. de orat. quod movit opprimens ærumna. Quam lugubris ærumna, fame perire vagum filium; dum in domo Patris alii vitæ panibus abundant; gaudiis, pace, sancti delictis affluunt in domo fervoris! Quam lugubris ærumna ab exprobrante argui conscientia: Charitatem tuam primam reliquisti: ad perfectionem non progredieris, imò regrederis! quia navigas adverso flumine, dum remigare cessas, hoc ipso

retro

retro raperis. Confer primitias religiosa vitæ cum vita præsentis. Quam lugubris ærumna, minantem audire DEUM Apoc. 2. *Prima opera fac; sin autem, venio tibi, & movebo candelabrum tuum de loco suo.* O pœnam tepidi! recedit ab illo Dominus, tanquam à Saule; dicit enim *venio tibi; adeoq; cum illo non est per speciales gratias.* Plus est. movetur candelabrum ejus de loco suo, removeretur ab altari propitiationis, exturbatur è societate ferventium, mancipat se cum frigidis societati diaboli. Sic enim Bernardus De mod. bene viv. c. 20. *Qui congregationem sanctam relinquunt, & ad secularem vitam descendunt; à societate DEI elongantur, atq; dominio diaboli subjugantur.* Anima mea, vide, quantis in periculis versaris! *prima opera fac, redi ad fervorem pristinum.*

III. Punctum 3^{tiu}. Ut reviviscat spiritus, medium unum est: Non servire porcis, seu animalibus affectibus. 2^{dum}: In se reverti crebro, inquirere sollicitè vel minimam in DEI servitio negligentiam, & punire; exemplo S. Patris, qui singulis horis discutiebat se, ut scribit Maffæus Lib. 3. Vit. c. 1. Item S. Xavierii, ut scribit Turfelinus Lib. 6. Vit. c. 6. Item S. Borgiæ lib. 4. Vit. c. 4. Meditari de teporis damnis, de necessitate, utilitate, excellentia fervoris. 3^{tium} medium est: Animosè de veterne turgere, contra illum firma proposita statu.

statuere. Surgam, & ibo ad Patrem. 4^{um}: frequenter & exactè confiteri: Pater peccavi. Quod primam confessionem vocat Ambrosius. 5^{um}: In omni opere meminisse præsentis DEI. Peccavi coram te. 6^{um}: est vera humilitas. Non sum dignus vocari filius tuus. Quia DEUS, sicut superbis resistit, sic humilibus dat gratiam efficacem ad excitandum fervorem. 7^{um}: sunt generosæ resolutiones, ad ardua quævis in obsequio DEI subeunda: Fac me, sicut unum de mercenariis. 8^{um}: est ardens charitas, seu stella prima, juxta Hieron. 9^{um}: Dignè pasci virulò saginatò, qui juxta Glossam August. Chrysost. est Christus Eucharisticus, fons fervoris. 10^{um}: est annulus, qui juxta Gloss, significat fidelitatem in exequendis bonis propositis. 11^{um}: sunt calceamenta, quæ ex mente Hieron. Aug. Ambros. significant imitationem exemplorum rectorum.

O! prime & novissime, Spiritum primum
 innova in visceribus meis! ô ignis
 consumens, consume frigus
 meum! Qui ignem venisti
 mittere in terram, ac-
 cende illum in ani-
 ma mea! Qui no-
 va facis omnia,
 renova me!

*Filius prodigus abiit plenus amplâ
substantiâ, rediit vacuus & egenus.*

MEDITATIO IV.

De renovanda paupertate.

I. *Punctum 1^{um}*: Audiam S. Jacobum c. 2.
v. 5. *Nonne Deus elegit pauperes, divites in fide,
heredes regni? Lubet esse electum Dei? Lubeat
esse pauperem; hoc est conformem imaginis
filii Dei, qui cibi, potus, amictus egenus vi-
xit; imò lubeat esse similem Deo, qui ab æterno
se solo contentus erat. Socrates similem Diis
dixit, qui paucis eget. Lubet esse certum ele-
ctionis ad vitam æternam. Math. 19 v. 21. Lu-
beat relinquere omnia, & sequi Christum. Lubet
habere signum electionis hujus, quod juxta Pa-
tres est pax animi? si vis vacare animo, aut pau-
per sis oportet, aut pauperi similis: inquit Se-
neca. Lubet habere electionis causas, seu virtu-
tes? arcta via virtutum est, non capit magna onera
portantes; dicit Lactantius. Hæc omnia cōfirmat
S. Climac9: Paupertas est abdicatio sollicitudinis sa-
culi, iter ad DEUM sine impedimento, expulsio tri-
stitia, fundamentum pacis, mundicia vitæ; facit, ut
Dei mandata perfecte exequamur.*

II. *Punctum 2^{um}*: Deus elegit divites in fide,
seu generalius loquendo, divites virtutibus. So-

lum

lum illam Deus divitem novit, qui sit dives eternitati dicit S. Ambrosius. Et Gregorius veras divitias virtutes vocat; has autem paupertas attribuit. Quia: Sicut rerum facultates instrumenta sunt omnium vitiorum, sic rerum abnegatio generatrix, nutrixq; est omnium virtutum; inquit S. Doctor. Quam ergo verè dixit Paulus 2. Cor. 8. Altissima paupertas abundavit in divitiis! non igitur honores, aut divitiæ quærædæ sunt, quæ dimittuntur: sed si bona quærimus, illa diligamus, quæ sinè fine habebimus; monet S. Gregorius. Et August: Non tibi displiceat paupertas tua; nihil eâ citius invenies. Serm. 28. de verb. Apost.

III. Punctum 3tium. Pauperes elegit Deus heredes regni. Mater nostra (ut eam vocat S. Pater) paupertas, non solum centuplum in hac vita providet suis filiis; immo, juxta Bern. ut eò magis sint domini, quò minus cupidi, sed etiam heredes instituit regni celestis. Ô quanta beatitudo, pro parvis magna recipere, aeterna pro brevibus; & habere DEUM debitorem! exclamat S. Hieronymus. 2dò: Non solum facit heredes cæli, sed & citò illud possideri facit: Magna quadam penna paupertatis est, qua tam citò volatur in regnum celorum; ait S. Bern. Utque sarcinâs abjectis, citius viator ad terminum festinet; adeoque citius illum attingat. 3tîd: juxta eundem Bern., in cælo pramiatur copiosius.

offiū. 4to: faciet assidere Christo iudici, & iudicare, non tantum secularia, sed & Angelos; hanc enim potestatem proprię iudicialiam solis veris pauperibus promissam esse, docet Nazianz. & S. Thomas probat in suppl. 3. ptis q. 89. a. 2. Quid eligis anima mea, iudicarene; an iudicari?

IV. *Punctum 4tum*: Paupertatis obices sunt: concupiscentia carnis, concupiscentia oculorum, & superbia vitę. His tribus demon tentavit Christum, ut observat Chrysost. *Rupris ventris, & avaritia retibus, retia ponit vana gloria.* At quomodo à Christo victus? 1mo: inediā. 2do: Oratione. 3to: humilitate, quā permisit se tentari. Eadē media remonent paupertatis obices. 1mo: Mortificatio, quę, si, iuxta regulam, in omnibus quæretur; negligentur ea, quę carni sapiunt. 2do: Oratio, per quam hæc virtus à Deo postuletur: item frequens meditatio, & lectio de ejus fructibus, & præmiis; de oppositi vitii malitia, & pœnis. 3to: Exercitium humilitatis internę, & externę. *verus enim humilis nihil querit extra DEUM.*

Anima mea, placet hostes vincere? nudi ergo cum nudis luctari debemus; quia, si vestitus quisque cum nudo luctatur, citius ad terram dejicitur; quia habet, unde teneatur: monet S. Gregor: Placet dignam esse Deo? Incipe cum paupertate habere commercium, aude contemnere opes,

& te

Et te dignam finge Deo: nemo alius est Deo dignus, nisi qui opes contempsit; ait Seneca. Nimiùm avara es, ex sensu August. Si tibi DEUS non sufficit. Quid gloriosius, quàm tua vendere, & Christum emere; inquit idem S. Doctor.

Filius prodigus abiit vivendo luxuriose, rediit carne mortificatus, abjectis brutis, quos antè pascebat, affectibus.

MEDITATIO V.

De renovanda Castitate.

I. Punctum unum: Audiam Christum Luc. 12. Sint lumbi vestri præcincti. SS. August. Basil. Hieron. &c. sic exponunt: Studete castitati: Cogitabo imò: Sinè hoc studio non habetur sapientia: Quia, qua desursum est sapientia, pudica est: Jac. 3. Super quod Clemens Alex. ait: Domi, foris, semper est sapientis comes pudicitia. Et Cornel. à Lap. Disce, comitem individuum, & quasi sororem sapientie pudicitiam. Sinè hoc studio nō habentur virtutes, nec earū radix gratia, nec dona Spiritūs S. Gen. 6. Non requiescet spiritus meus in homine, quia caro est. Mallet certè requiescere in cane putrido, quàm in cloaca luxuriæ. Confirmat hæc Tertull. Pu-

dicitia est fundamentum sanctitatis, & prejudicium omnis bona mentis. Sinè hoc studio non habetur calum; quia decretum est: *Foris canes im- pudici.* Apoc. 22. Neq; molles possidebunt regnum DEI. I. Cor. 6.

Cogitabo 2dò: Hæc virtus omnem æstimati-
onem superat: *Acquiri potest, æstimari non potest;* inquit Augustinus. Eccli 26. *Non est digna pon- deratio continentis anime.* Hinc continentibûs, quasi gemmis pulcherrimis Ecclesiæ monile decoratur, teste Hieronymo. Hæc virtus est *Margarita pretiosa juxta Athan., mortis & in- ferni profligatrix, Angelorum vita, corona Sancto- rum: facit nos templum DEI, domicilium Spiritûs S.* Juxta Ambrosi: facit Martyres; juxta Pau- lum hostiam sanctam, DEO placentem; juxta Hieron. holocausta; juxta Paulum & August. sponsas Christi; juxta Basil. facit Angelos & si- millimos DEO; imò juxta Hieron. Divinæ con- fortes naturæ; quinimò proximas DEO. Nam Sap. 6. *Incorruptio facit proximum esse DEO.* His expensis libebitne cum porcis Epicuri volutari in cloaca?

II. Punctum 2dum. Cogitabo, quid sit non præcingere lumbos, seu non studere castitati? Et imò, *Peccata contra hanc virtutem, non sunt delicta, sed monstra delictorum,* inquit Tertullia- nus: Si in sæcularibus monstra sunt, quid erunt in Religiosis? erunt monstra sacrilegiorum. Si

P. Padillius dixit: O quantum monstrum, Religiosus & peccatum mortale! quantum erit monstrum: Religiosus & monstra sacrilegiorū! 2do: Hoc vitium est inextirpabile, iudiciō Hieronymi; quia, ut ait Cornel. à Lap. unum ejusmodi peccatum relinquit stimulos ad alia. Plus dicit P. Tylkowski Soliloq. 43. Revelatum est: qui etatem Christi in his sordibus harena adaequat, eum amplius non surrecturum. Liqueat id ex eo, quod etiam octogenarii senes agere se ab hoc coercent malo; si ei assueverant. 3to: Chrysost. hom. 13. in Act. Apost. Impura voluptas similis est voluptati, qua afficiuntur scabiosi, qui se scalpunt. Huic enim voluptati, qua brevis est, succedit longior dolor & molestia. Richard. à S. Vict. dicit: Omnia flumina intrant in mare: id est omnes delectationes terminantur amaritudine. 4to: Templum DEI sumus. Si quis autem templum DEI violaverit, disperdet illum DEUS, 1. Cor. 3. Quare praeponet Cyprian. Deinus operam, ne quid immundum templo DEI inferatur, ne offensus, sedem, quam inhabitat, relinquat. Sumus imago Dei, 1. Cor. 6. illam conspurcare, quantum nefas! Induimus Christum per baptismum, juxta Apostolum; per sacras Communiones, juxta Chrysost. Non fide tantū, sed etiam re ipsa Christus efficit nos suum corpus; imo ut dixerat August. in se ipsum nos convertit. Siccine Christum? siccine corpus ejus fœdabimus?

III. *Punctum 3tium*: Audiam S. August. in ps. 92. *Succingi, est iter aggressuri: cingi, operis quippiam facturi: accingi, est praeliaturi: praecegi, ministraturi.* Hæc sunt media ad studium castitatis. *1mum*: *Succingi* ad iter; hoc est fugere occasionem oppositi vitii: nam qui amat periculum in illo peribit. Imò qui se tantum ingerit in periculum peccati, hoc ipso peccat, adeoq; perit. Quanto certius in ipsa impunitate perit, tibi nec materiæ datur parvitas, quæ minoret culpam! Ergo tanquam à facie colubri fugiendū, nedū peccatum lædū, sed & ejus periculum. Præsertim cū puritas pulcherrima sit crystallus, sed nimis fragilis; pretiosus thesaurus, sed in vasis fictilibus; formosum lilium sed inter inimicas spinas, à quibus infestatur acerrimè. Itaq; monet Augustinus: Contra libidinis impetum apprehende fugam, si vis obtinere victoriam. Neq; tibi sit verecundia fugere, si castitatis palmam desideras obtinere. *2dum* medium est: *Cingi*, seu opere aliquo occupari. Quia classicum est illud Cassiani de accl. c. 23. *Labrantem Monachum uno demone pulsari, otiosum innumeris Spiritibus devastari.* *3tium* est: *Accingi* ad continuum prælium cum demone & carne; orando, sacramenta ardentè frequentando, carnem castigando, & in servitutem redigendo; hic enim asinus inter commoda recalcitrat. Huc maxime

ximè confert imprimis potûs, cibiq; parcitas:
Nam S. Thom. Opusc. 64. ait: *Panis etiam &
aqua satietas est timenda, ut possit in nobis acqui-
sita puritas permanere.* Confirmat Hieronymus:
Ubi satietas, ibi luxuria. Item: Nemo semper
castus, qui non semper abstemius. Deinde
confert & aliorum sensuum mortificatio. Nam
ex mente Jeremiæ: *Mors intrat per fenestras
istas.* Quæ enim sensibus percipimus, ea ef-
fingunt imagines in sensu communi, seu phā-
tasia; unde penetrant ad intellectum, & incli-
nant ad cogitationem illicitam; cogitatio autē
prava delectationem parit, delectatio consen-
sum, consensus actionem, actio consuetudinē,
consuetudo necessitatem, necessitas mortem:
inquit S. Bernard ex Glossa. *Arum* medium
est: *Præcingi ad ministrandum,* seu exercitium
obedientiæ & humilitatis. Ratio 1mi ex S.
August: *Expedi inferius subjici Superiori; ut ille,
qui sibi vult subjici, quod est inferius, se subiciat
Superiori: agnosce ordinem, quare pacem; tu DEO,
tibi caro, tu majori, tibi minor.* Ratio 2di: quia
juxta Ludovicum de Ponte: verè superbus,
nunquam est verè castus; nam ex sensu SS. PP:
in pœnam superbiæ permittitur labi in pecca-
ta, quæ maximè rubore afficiunt; qualia sunt
peccata luxuriæ.

Divine Spiritus fons puritatis, Tu solus po-
tes facere mundum de immundo conceptum
semine.

femine: Tum duntaxat est donum castitas: confer illud, custodi, serva, nec adaugere cessa. Mihi constitutum ac fixum est, potius in infernum, quam in obscenitatem labi.

De incontinentia ait Job c. 31. Hoc nefas est, & iniquitas maxima, ignis est usq; ad perditionem devorans, & omnia eradicans genitalia (puta) virtutum.

Corporis & Spiritus sanctitas, definitio Virginitatis est. S. Chrysostomus.

Filius prodigus abiit protervus, rediit submissus ad omnes nutus Patris.

MEDITATIO VI.

De renovanda obedientia.

I. Punctum unum. Audiam S. Paulum Hebr. 13. Obedite Præpositis vestris. Rationem datam: Quia ipsi rationem reddiderunt sunt pro animabus vestris. idem: Ut gaudeant, scilicet profectu vestro; prout exponit S. Ephrem. etiam Ne gemant; nempe vigilantiam tuam irritam in vobis esse, sicut exponit Corn. à Lap. Hoc enim non expedit vobis, inquit Apostolus: quia teste Chrysostomo, gemitus Prælati ob inobedientiam subdit, invocatur DEUS; ut ipse eam graviter ulciscatur. E contra obedientiam quanti æstimat DEUS? liquet ex benedictione Abraham. Quanti

æstimat Christus? vitam perdidit, nè perderet obedientiam. Quæ domi privatus egit, taceri voluit in Evangelio: illud solum reticere notuit: Erat subditus illis Luc. 2. Quanti Dei-para? Obedientiâ concepit ait Aug. & Epiph. Quanti S. Pater? constat ex ejus epistola; & quod in hac maximè virtute nos velit excellere. Et meritò; nam obedientia, juxta Augustinum, est maxima virtutum, est principium & mater illarum. Juxta Gregorium, sola est, quæ virtutes ceteras menti inserit, insertasq; custodit. Hinc Joannes XXII. præfert illam paupertati & castitati, dicens: Paupertas magnum donum est, majus integritas; sed maximum obedientia: quia 1^a rebus, 2^a carni, 3^a menti dominatur & spiritali. Idem docet S. Augustinus, & Angelicus 2. 2. q. 186. a. 8. c. triplici ratione probat.

II. Punctum 2^{um}: expedit fructus obedientiæ. Quid est obedire Præpositis? Imò: juxta Climacum: Vivere in obedientia, nihil aliud est; quam suum onus aliorum humeris imponere, & nare super aliorum ulnas; & quasi dormiendo, iter ad Cælum facere. Quare obedientiam vocat: Rectum & ratum ad Cælum iter. 2^{do}: est vivere tranquille: Unde S. Borgias dicebat: Obedientiam esse navim securam; in qua Religiosus ridet ventos, & turbines maris. 3^{to}: est in Christo manere, & Christum in se; quia: Qui servat mandata ejus, in illo manet, & ipse in eo: I.

Joan.

Joan. 3. manet, inquam, dicit Corn. à Lap., per amorem, per directionem, per patrocini-um. 4to: est unire suam voluntatem volun-tati Dei, juxta Gregorium. 5to: vir obediens loquetur victoriam de diabolo; inquit Gregor. L. 4. in 1. Reg. cap. 5. de mundo; inquit S. E-phrem; de carne; inquit S. Bernar. Serm. in fe-sto omnium SS. 6to: obediens nihil temporis sine luoro transit; dicit S. Franciscus; quia omni actione meretur; quia Dei placitum implet. Jam, juxta S. Thomam 2. 2. q. 154. a. 2. om-nis actio nostra desumit meritum ex eo, quod fiat ad implendum placitum Dei. Hinc se-quitur, quod licet Superior peccaret, impe-rando; subditus meretur obediendo; quia o-bedit Deo. Nam, ut S. Benedictus ait: *Obedi-entra, quæ majoribus exhibetur; Deo exhibetur.* Itaq; monet Bernardus: Illum, quem pro Deo ha-bemus, tanquam Deum, in his, quæ non sunt aperte contraria Deo; audire debemus.

III. *Punctum 3^{ium}:* expendit damna inobe-dientæ. Quid est non obedire? est in medio populi Dei, esse Dathan, Core, Abyronem: Est inter filios Dei esse filium Belial: est esse a-riolum: *Quasi peccatum ariolandi est, repugnare.* Est esse idololatram. *Quasi scelus idololatriæ est, nolle acquiescere.* 1. Reg. 15. Est Christum sper-nere: *Qui vos spernit, me spernit* Luc. 10. *Qui Regis Legatum, aut Vicarium spernit, Regem spernit.*

spernit. Est, non tendere ad perfectionem; quæ tendentia consistit in implenda voluntate Dei, juxta S. Thomam supra citatum. Voluntatem autem Dei, dicit esse voluntatem Superioris. Est, vacuum esse charitate Dei; quæ, juxta eundem S. Thomam, non potest stare sine obedientia; sicut nec obedientia sine charitate. Immo est, vacuum esse omnibus virtutibus; quia harum fundamentum est obedientia; inquit S. Basilus. Est, esse abjectum à Deo: Pro eo, quod abjecisti sermonem Domini; abiecit te Dominus I. Reg. 15. Est, non habere partem cum Christo: quia Petrus, alias beatificatus à Christo; quod ex humilitate nollet sibi ab illo pedes ablu; audivit: *Non habebis partem mecum.* Ex quo S. Basilus infert 1mo: nullam sine obedientia virtutem placere Deo. 2do: nullum crimen ita puniri, ac Inobedientiam.

IV. *Punctum 4tum.* expendit media ad obedientiam. Hæc S. Pater suggerit. 1mum est: humilitas & mansuetudo; quia, ut ait S. Leo: *Nihil arduum est humilibus, & nihil asperum mitibus.* Et S. Laurent Just. Tanto quisque in obedientia erit perfectior; quanto apud se fuerit v. hor. 2dum est: In persona Superioris non hominem intueri, sed imaginari Christum. Sic & Apostolus Colossenses hortatur, ut præpositis obediant, sicut Deo, & non hominibus. 3tum est: habere pro certo, quod, quidquid

Supe-

Superior vult & jubet; hoc DEUS vult & jubet. *atum:* nunquam improbare in animo, semper autem magnificere, & amare; quod præcipitur. Nam, juxta prædictum S. Leonem: Non durâ ibi necessitate servitur; ubi diligitur, quod jubetur.


Anima mea: utique Superior, cui te per votum subjecisti, est Vicarius Christi; est imago Christi; siue interim aurea, siue argentea, siue testacea sit: nihil refert. Ergo obedi sicut Christo, obedi promptè; obedi simpliciter, & humiliter; obedi constanter & in omnibus; obedi cæcò modò; monet Asceta noster. Tunc primum proficies, quia tunc primum imitaberis Christum; tunc primum fundamentum virtutum pones.

Te Deum laudamus.

Ad Majorem DEI Gloriam

Omnia subjicio judicio Sanctæ
Romanae Ecclesiæ.





RERUM INDEX

Adversitates. p. 41. n. 7. p. 359. p. 372. & sqq.

Æternitas. p. 169.

Amor Christi & Dei erga nos. p. 36. & sqq.
p. 329.

Amor noster erga Deum & Christum p. 332.
p. 416. Quantus esse debet. p. 330. &
sqq. p. 310, n. 4. p. 419. n. 3.

Amor proprius. p. 224. n. 6. p. 227. n. 2.

Amor proximi. p. 193. p. 197.

Angelus Custos. p. 38. n. 3.

Beatitudo. p. 377.

Cælum Empyreum distat à terra plus quàm
ducentis millionibus miliarium. p. 96.
n. 1. Ad illud triplex via p. 389. Vide
Beatitudo.

Castitas. p. 266. p. 451.

Christus medium salutis nostræ. p. 35. & sqq.

Ejus crucifixio p. 303. Natiuitas. p. 173.

Vita privata norma solitudinis & silentii
p. 188. vita activa norma vitæ Apostolicæ
p. 206. Regnum p. 210. Ejus sequacium tres

classes. p. 225. Vexillum p. 243. Vide
Militia.

Collectionum necessitas, utilitas, impedimen-
ta, modus. p. 1.

Colloquia. p. 354. n. 1. Vide Recreatio.

Com:

Communio Sacramentalis. p. 39. n. 4. p. 110.
Confessio Sacramentalis. p. 69.
Conformitas cum Dei voluntate. p. 372.
Consuetudo. p. 258 n. 9.
Conversatio. p. 197. Vide Christi activa vita.
Recreatio.
Creationis beneficium. p. 14. p. 17. Finis. p. 26.
ad illum media p. 35. p. 44.
Creaturarum usus. p. 30. Vide Paupertas.
Dictamina seu principia proborum. p. 34. n. 4.
Dolores MARIE Deiparæ. p. 324.
Eucharistia. Vide Communio.
Examen conscientie. p. 116.
Exemplum. Vide Conversatio.
Familiaritas nimia p. 202. n. 7.
Gloria celestis. Vide Beatitudo. Cælum.
Gratiarum Dei effectus & usus p. 40. n. 5.
Gula. p. 259. n. 11. p. 298. n. 12. p. 300. n. 14.
p. 267. n. 5.
Humilitas. p. 214.
Imitatio Christi. p. 420.
Impatientia & ira. Vide Patientia. p. 361. n. 5.
Item Mansuetudo p. 276. n. 6.
Inferni pænæ. p. 130.
Intentio. p. 61. n. 12. p. 302. in fine.
Iudicium generale. p. 145.
Iudicium particulare. p. 105.
Iudicium temerarium. p. 193. p. 340. n. 6.
Lapides Rationalis significant virtutes. p. 435.
Lectio spiritualis. p. 5.

Ma-

Mane observanda. p. 396.
Mansuetudo. p. 271.
MARIA Deipara medium salutis nostræ p. 37.
n. 2. Ejus dolores. Vide Dolores. Ex-
cellentia, Patrocinium, cultus p. 345. &
fqq.
Meditatio. p. 135.
Militia Christi. p. 243. Eam negligentes. p.
280. Vide Vocatio. Militum Christi con-
ditiones, arma, triplex ordo. p. 248.
Modestia. p. 381.
Mors. p. 91. Ad eam Preparatio. p. 96.
Mortificatio externa. p. 289. Interna. p. 312.
Mundo crucifigi & sibi mundum. p. 314. n. 3.
Mundi laquei p. 424.
Obedientia. p. 229. p. 319. p. 456.
Operum ordinariorum perfectio. p. 285.
p. 63. n. 14.
Oratio. p. 150. p. 156.
Ornamenta animæ. p. 433.
Otium. p. 252.
Patientia. p. 359. Vide Adversitates.
Paupertas. p. 22. n. 3. & fqq. p. 415. p. 448.
Peccatum mortale. p. 48. Veniale. p. 64. spi-
ritualis. p. 87.
Perseverantia in bono. p. 400.
Penitentia. p. 75.
Ad proximum habitudo. p. 193.
Purgatorium. p. 124.
Recreatio. p. 354.

Re-

Refectio. p. 349.

Regularum præstantia p. 429. Violatio quā-
doq; peccaminosa leviter, quandoq;
graviter. p. 431.

Religiosi statūs præstantia. p. 426. n. 2.

Renovationis Spiritūs typus conversio filiū
prodigi. p. 437.

Risus. p. 358. n. 25. p. 385. n. 7.

Sequi Christum. p. 211. p. 420.

Sequacium Christi tres classes. p. 225.

Serviendum Deo. p. 17. Serviendum gratis.
Vide Militum Christi triplex ordo.

Silentium. p. 177.

Somnus. p. 392.

Superbia. p. 214.

Ad Superiores habitudo. p. 229. Vide, Obedi-
entia.

Tepiditas. p. 53.

Virtutes Theologicæ. p. 307.

Vocatio Religiosa. p. 210. p. 280. p. 424.
p. 440.

Voluntas Dei. p. 372.

Vota in communi. p. 412. Vota in particula-
ri p. 448.

Zelus. p. 234. Vide Conversatio. Christi vita
activa.



Religio. p. 229.
Regulam christianam p. 229. Nihilis
god. perennialis. Iohannes. quando
Gruener p. 229.
Regio. hinc christianus. p. 229. n. 2.
Renovatio. spiritus typus conversio
proph. p. 229.
Ritus. p. 228. n. 2. p. 229. n. 2.
Secum Christum. p. 229. p. 229.
Secundum Christi tres classes. p. 229.
Servandum Dec. p. 27. Servandum
Vide Milium Christi triplex ordo.
Silentium. p. 229.
Societas. p. 229.
Superior. p. 229.
Ad superiores habund. p. 229. Vide. Obad.
Trepidat. p. 229.
Virtutes. p. 229.
Vocare. p. 229. p. 229. p. 229.
Voluntas. p. 229.
Vota in commun. p. 229. Vota in particul.
Zelus. p. 229. Vide. Conversatio. Christi vi
activa.



Biblioteka Jagiellońska



stdr0006653

